



মূলক রাজ আনন্দ

বুধি

অনুবাদ করেছেন  
শ্রীমৎস্যকৃষ্ণ চট্টোপাধ্যায়



রুম্যাডিক্যাল বুক হাভ  
বঙ্কিম চট্টোপাধ্যায় স্ট্রীট, কলিকাতা

# বাংলা অনুবাদের সর্বমুখ্য প্রকাশক কর্তৃক সংরক্ষিত

প্রথম সংস্করণ ১৭ই নভেম্বর—১৯৪৬

দাম সাড়ে চার টাকা

প্রকাশক : অখিল দাশগুপ্ত, স্নাত্তিক্যাল বুক স্ট্রাং, ছত্র, কলেজ কোয়ার্টার, কলিকাতা  
সুসংস্কৃত : • প্রবোধ ঘোষ, পোরাটার প্রেস, চৌধুরী, নবন বিহার সেন, কলিকাতা

## অনুবাদের নিবেদন

কিছুদিন আগে পর্যন্ত আমাদের সাহিত্যে অনুবাদের বিশেষ কোন স্থান ছিল না, যদিও কাগজে-পত্রে 'ছায়া-অবলম্বনে'র ছড়াছড়ি ছিল। প্রকাশকেরা অনুবাদের গ্রন্থ ছাপতে চাইতেন না, সাধারণ পাঠক-পাঠিকা গ্রন্থে অপরিচিত বিদেশী নামের নায়ক-নায়িকা দেখলেই সে বই সরিয়ে রাখতেন, সাহিত্যিকরাও অনুবাদককে স্থূল-মাঠারের মতন সাহিত্য-সমাজের পংক্তি-ভোজনে বিশেষ কোন স্থানের আসন দিতেন না। সাহিত্যিক হলো স্রষ্টা...সেইজন্য অনুবাদকরা সাহিত্যিক নগ্ন। এই রকম একটা ধারণা এখনও পর্যন্ত আছে।

অবশ্য এর ক্ষেত্রে গভ-বুগের অনুবাদকেরাও অনেকটা দ্বারী ছিলেন। অনুবাদ-কার্যের মধ্যে কোন গুরুত্ব বা দায়িত্ব বোধ দেখা যেতো না। স্রষ্টা হবার লোভ লম্বরণ করতে না পেরে, তাঁরা অধিকাংশ ক্ষেত্রে অনুবাদ করতে গিয়ে মাত্র তাঁর ছায়াটুকু নিতেন এবং রাসকলনিকঙ্কর জায়গায় রমেশের নাম বসিয়ে দিয়ে সাধারণ পাঠক-পাঠিকাদের মন ধরবার চেষ্টা করতেন। অনেকক্ষেত্রে নিজের জ্ঞান-বুদ্ধি ও বিবেচনা মত, যেখানটা অনুবিধাজনক বোধ হতো, সেখানটা রক্ষা দিতেন, মূলের কাঁধ থেকে মাথাটা কেটে ফেলে সেখানে, নিজের দুইটা হস্ত বসিয়ে দিতেন। এই ভাবে বে জিনিসটা চলে আসছে, তাকে আর বাই বর্জা বাক, অনুবাদ বলা চলে না।



অবশ্য, সেই এলোমেলো অনুবাদ-কার্যের-যুগে, এমন ছ'একজন ছিলেন যারা একান্ত নিষ্ঠার সঙ্গে বৈজ্ঞানিক পন্থায় অনুবাদ-কার্য করে গিয়েছেন। কিন্তু তাঁদের সেই স্বল্প চেষ্টা সাধারণ ভাবে সাহিত্যে কোন প্রভাব বিস্তার করতে পারে নি।

এখানে অবশ্য আঁধার বাংলা-সাহিত্যে অনুবাদ-কার্যের ইতিহাস লিখতে চাই না, তবে এ-কথা ভাবতে আজ আনন্দ লাগে যে, আজ বাংলা-সাহিত্যে অনুবাদ তার স্থান খুঁজে পেয়েছে। প্রকাশক এবং সাধারণ পাঠক, উভয় শ্রেণীরই কৃপা-দৃষ্টি অনুবাদের উপর পড়েছে এবং বিদেশী নাম আজ আর অন্তঃপুরচারিণীদের কাছে তত বিদেশী বলে মনে হয় না।

এই স্বীকৃতির সঙ্গে সঙ্গে আজ অনুবাদকের দায়িত্ব শতগুণে বেড়ে গিয়েছে এবং আজ সাহিত্যিকরা উপলব্ধি করেছেন, সাহিত্যের যে কোন অঙ্গের মত অনুবাদও এক অতি মহৎ আনন্দদায়ক সৃজন কার্য। এক ভাষার সুন্দরীকে অপর ভাষার অন্তঃপুরে বরণ করে নিয়ে আসার মধ্যে সাহিত্যিকের প্রধান দায়িত্ব, যাতে সেই নতুন অন্তঃপুরে সে তার জন্ম-সৌরভ বিন্দুমাত্র হারিয়ে না ফেলে অথচ নতুন পারিপার্শ্বিকে তাকে যেন এতটুকু বেমানান না দেখায়! রূপকের মধ্যে যে কণিকা সহজে বলা হলো, বাস্তবক্ষেত্রে অনুবাদ-কার্যে তার অর্থ হলো, অনুবাদের একটা নিজস্ব ধর্ম আছে এবং সে-ধর্ম পালন করার মধ্যে এতটুকু বিচ্যুতি কমা করা চলে না!

ইরোপীয় ভাষায় আজ যে কোন বই লেখা হোক না কেন, তার পরের দিন ইংরেজী ভাষায় আমরা তা পড়তে পাই। এই কারণেই আজ ইংরেজী সাহিত্যে যে বিশালতা অর্জন করেছে এবং যে সর্বব্যাপিত্ব লাভ করেছে, ইংরেজী সাহিত্য ছাড়া ইংলণ্ডেরও তা পরম গৌরবের বস্তু হয়ে আছে। অনুবাদ সাহিত্যকে ব্যাপকতা এবং বিশালতা এনে দেয়।

এবং এই অনুবাদের মধ্যে দিয়েই আজ বিশ্বের চিন্তাধারা প্রাদেশিক সীমা উলঙ্ঘন করে বিশ্বজনীন হতে পেরেছে।

রবীন্দ্র-পরবর্তী বাংলা সাহিত্য স্বাভাবিক নিঞ্জের সৃষ্টির স্বল্প পরিসরের মধ্যে আবদ্ধ হয়ে আছে। সাহিত্যের স্তম্ভ-গত উৎকর্ষের সঙ্গে সঙ্গে তার দেহ-গত বিস্তারেরও প্রয়োজন আছে। এই বিস্তার কার্যে অনুবাদ সব চেয়ে বড় সহায়। সেইজন্য আজ প্রত্যেক প্রতিভাশালী লেখকের, বিশেষ করে উদীয়মান সাহিত্যিকদের, অনুবাদ কার্যকে একান্ত নিষ্ঠার সঙ্গে গ্রহণ করা উচিত।

যুরোপীয় এবং আমেরিকান অনুবাদকরা, পরস্পরের সাহিত্য থেকে যখন অনুবাদ করেন, যেমন ধরুন নরওয়ের সাহিত্য থেকে ইংরাজী ভাষায় কিম্বা ইংরাজী সাহিত্য থেকে নরওয়ের ভাষায়, তখন তাঁদের অভিধান-গত বিশেষ কোন সমস্যার সম্মুখীন হতে হয় না। কারণ, আজ সেখানকার প্রত্যেক জাতিই, একই ঘটনা-প্রবাহে এবং একই ধর্ম বা বৈজ্ঞানিক সভ্যতার আবেষ্টনীর মধ্যে অভিজ্ঞতার একই স্তরে রয়েছে... তার ফলে, তাদের মানসিক প্রতিক্রিয়া অল্প বিস্তর পরস্পরের অজ্ঞাত নয়। ভাষাতত্ত্বের দিক থেকে, কথটা এই দাঁড়ায় যে, একই মানসিক অভিজ্ঞতার দরুণ তাদের অভিধানগত শব্দ ঐক্যও এক। নূতন নূতন ঘটনা বা ভাব-বস্তুর ফলে যখন সেখানকার সমাজে নতুন শব্দের সৃষ্টি হয়, সেটা শুধু এক প্রদেশেরই সম্পত্তি হয়ে থাকে না। সকলের অভিধানে একই সময় অল্প-বিস্তর একটু চেহারা বদলে, কখনও বা চেহারা একদম না বদলে, স্থান পায়। তাই সেখানকার অনুবাদক অভিধান-গত কোন কূট সমস্যার সম্মুখীন হন না।

কিন্তু ভারতবর্ষের সাহিত্যিকদের যুরোপীয় বা আমেরিকান সাহিত্য-অনুবাদকার্যে পদে পদে সেই সমস্যার সম্মুখীন হতে হয়। এই ছই ভূখণ্ডের মানসিক অভিজ্ঞতার মধ্যে কতখানি যে পার্থক্য বিদ্যমান তা

যুরোপীয় যে কোন ভাষা থেকে ভারতীয় ভাষার অনুবাদ করতে গেলেই  
 বুঝতে পারা যায়। অধিকাংশ অতি-প্রয়োজনীয় শব্দের অনুরূপ  
 প্রতিশব্দ পাওয়া যায় না কারণ শব্দ মূলত মানসিক অভিজ্ঞতারই  
 বাইরের প্রতীক। শুধু শব্দ নয়, শব্দ-বিন্যাসের মূলেও এই মানসিক  
 অভিজ্ঞতার প্রভাব আছে। এইখানেই অনুবাদের দ্বিতীয় সমস্যার  
 কথা আছে। প্রত্যেক প্রতিভাবান সাহিত্যিকের একটা নিজস্ব বচন-  
 বিন্যাসের ভঙ্গী আছে, যে-ভঙ্গীটুকু হলো তাঁর সাহিত্য সৃষ্টির প্রাণ। যদি  
 অনুবাদ করতে গিয়ে সেই ভঙ্গীটুকু ফেলে দিই, তাহলে তার প্রাণই  
 ফলে দিয়ে, শুধু তার মৃতদেহটাকেই আমরা ঘাড় করে আমাদের ভাষার  
 অন্তঃপুরে বসে আনি। এই ছুটি ব্যাপার থেকে বোঝা যায় অনুবাদের  
 গায়িত্ব কি গুরুত্বপূর্ণ। পারস্যের সুলতান দূত পাঠিয়েছিলেন, চীনের রাজ-  
 কুমারীকে পারস্যে নিয়ে আসবার জন্তে, সুলতানের জীবন-সহচরী করবার  
 বাসনায়। দূত সাতলীগর পেরিয়ে চীনে গিয়ে চীন রাজকুমারীকে নিয়ে  
 এলো। কিন্তু পথের পরিশ্রমে, দূতের অবহেলায় চীন রাজকুমারী মৃত  
 দেহ এসে পারস্যে পৌঁছিল। ইতিহাসে বলে, সুলতান দূতের ফাঁসির  
 হুকুম দিয়েছিলেন। ইতিহাসের সত্য-মিথ্যা জানিনা, কিন্তু অনুবাদক  
 হলো এই দূত।

এই কথা স্মরণ রেখে, মুল্ক রাজ আনন্দের 'কুলি' অনুবাদ করেছি।  
 আশা করি পাঠকেরা এর মধ্যে মুল্ক রাজ আনন্দকেই দেখতে পাবেন।  
 যদি তা দেখতে পান, তাহলেই আমার পরিশ্রম সার্থক হয়েছে মনে  
 করবো।

আজ থেকে প্রায় চল্লিশ বছর আগে, মুল্ক রাজ আনন্দ পেশোয়ারে  
 জন্মগ্রহণ করেন। জীবনের অতি নিম্নস্তর থেকে তাঁকে ধাপে ধাপে  
 উঠতে হয়েছে। তাই এই বহুধা-বিভক্ত যুগের প্রত্যেক বৈশিষ্ট্যের  
 সঙ্গেই তিনি অন্তরঙ্গ ভাবে পরিচিত। তাঁর মা ছিলেন পাঞ্জাবের কৃষান

পরিবারের দুহিতা, পিতা রোপ্যকার—কিন্তু পরে রূপোর গয়না ছেড়ে ইস্পাতের তলোয়ার ধরেন। তাই সৈনিক পিতার সঙ্গে সঙ্গে শৈশবে তিনি এক তাঁবু থেকে আর এক তাঁবু, এক শহর থেকে আর এক শহরে ঘুরে বেড়িয়েছেন। এবং তাঁর ফলে এক সম্পূর্ণ নতুন দিক থেকে তিনি পরিবর্তনশীল এই ইঙ্গ-ভারত সমাজকে ছেলেবেলা থেকেই দেখতে শিখেছেন। উনিশ শো' উনিশে যে নব-জাগরণ-বজ্রায় তরুণ ভারত জেগে ওঠে, মুল্ক-রাজ তাতে যোগদান করেন এবং সেইদিন থেকে তাঁর চেতনায় এই হতভাগ্য দেশ চির-বিজড়িত হয়ে যায়। এবং সেই চেতনাকেই রূপ দেবার জন্তে তিনি লেখনী ধরেন।

পাঞ্জাব বিশ্ববিদ্যালয় থেকে উপাধি অর্জন করে তিনি ইংলণ্ডে চলে যান এবং সেখানে লণ্ডন বিশ্ববিদ্যালয় থেকে ডক্টর অফ ফিলশফী উপাধি অর্জন করেন। উনত্রিশ সালে ভারতবর্ষে ফিরে এসে তিনি জাতীয়তা আন্দোলনে পুনরায় যোগদান করেন। এবং স্থির করেন, ইংরেজী ভাষার মারফতে তিনি এই হতভাগ্য দেশের স্বতন্ত্রের কথা জগৎকে জানাবেন। সেই উদ্দেশ্যে তিনি ইংলণ্ডে গিয়ে সাহিত্য-সেবাস্থ জীবন উৎসর্গ করেন এবং দেখতে দেখতে ভারতবর্ষ সংক্রান্ত তাঁর নভেলগুলি ইংলণ্ডে সকলের দৃষ্টি আকর্ষণ করলো এবং আজ তিনি ইংলণ্ডের প্রথমশ্রেণীর লেখকদের মধ্যে একজন। তাঁর ইংরেজী পড়তে পড়তে মনে হয়, ডিকেন্স মেরিডিথ-হাক্‌সলের লেখাই পড়ছি।

ইদানিং ইংরেজী-সাহিত্যে ভারতবর্ষকে এবং ভারতীয় সমাজকে নিয়ে অনেকগুলি উল্লেখযোগ্য নভেল লেখা হয়েছে। কিন্তু মুল্ক রাজ আনন্দের নভেলগুলি (প্রত্যেকটা ইংলণ্ডের লোকদের জন্তেই বিশেষ ভাবে লেখা) একটা স্বতন্ত্র স্থান অধিকার করেছে। 'কুলি' বখন ইংলণ্ডে প্রথম প্রকাশিত হয়, তখন ইংলণ্ডের শাসক সমাজ এই দুর্বিনীত লেখকের উপর রীতিমত খড়াহস্ত হয়ে ওঠে এবং এই বইটির প্রকাশ

বন্ধ ক'রে দেওয়া হয়। কিন্তু কব ভাষায় মুখের এই বইখানা অনুদিত হলো, তখন রাশিয়ার পাঠক-সমাজ মহানন্দে তাকে গ্রহণ করলো এবং আজ পর্যন্ত সেখানে এই বইখানি ত্রিশ লক্ষের উপর বিক্রী হয়েছে। ইংরেজী সংস্করণ আজ পুনরায় প্রকাশিত হয়েছে এবং কয়েকমাসের মধ্যেই বহুলক বই বিক্রী হয়েছে।

বুটশ-শালনের কলে আজ ভারতীয় সমাজ কি ভাবে ভেতর থেকে ভেঙ্গে পড়েছে, আর সেই ভাঙ্গা সমাজের বৃকের ওপর বসে, যুরোপীয় সমাজ এ্যাংলো ইণ্ডিয়ান সমাজ, দেশী ও বিদেশী অফিসর-সমাজ এবং মুসলিমসম্প্রদায় কিভাবে তার অস্তিম সংকারের আয়োজনে ব্যস্ত এবং সেই ঘাত-পতিঘাতে অন্নহীন, বস্ত্রহীন কোটা কোটা মানুষ কি ভাবে কলের পুতুলের মত অদৃশ্য ভাগ্যবিধাতাদের পরিকল্পনা-কৌশলে নিজেদের চিতা নিজেরাই সাজিয়ে তুলছে, তারি ভয়াবহ চিত্র এক কিশোরের দৃষ্টি-ভঙ্গীর মধ্যে দিয়ে মুল্ক-রাজ ফুটিয়ে তুলেছেন।

মুল্ক-রাজ-রিমালিষ্ট...এবং প্রত্যেক সত্যকারের রিমালিষ্টের মতন মনে করেন, সাহিত্য পরিণত-মস্তিষ্ক সবল সুস্থ মানুষের সর্ব-প্রধান এবং সর্ব-প্রথম আলোচনার বিষয় সুতরাং তার মধ্যে ঘোমটা-দেওয়ার ব্যাপার কিছু নেই।

শ্রীনৃপেন্দ্রকৃষ্ণ চট্টোপাধ্যায়

পার্বত্য উপত্যকায় ছোট্ট একটা গ্রাম।

সেই প্রাম থেকে অল্পমান একশো গজ দূরে, পাহাড়ের গা ঘেঁসে একলা একটা মাটির ঘর...খড়ের ছাউনী...ছমড়ি খেয়ে যেন মাটির দিকে পড়ছে।

তার রোগ্যকে দাঁড়িয়ে তারস্বরে চীৎকার ক'রে গুজরী ডেকে ওঠে,  
—মুন্...ও মুন্...মুন্ডু রে....

ক্যাংডার নির্মেষ আকাশে তখন মধ্যদিনের নিষ্করণ সূর্য্য বুনে চলেছে আলোর ঝালর....

সাদা না পেয়ে গুজরী চারদিকে চোখ ঘুরিয়ে ঘুরিয়ে চায়...পাহাড়ী গায়ের ছোট্ট বাড়ীর চৌকস ছাদের ওপর দিয়ে, বুনো ঝোপের কোল ঘেঁসে, আঁকা-বাকা সরু পথ পেরিয়ে, তার শ্বেন-দৃষ্টি চণে বসে, যেখানে দূরে কুণ্ডলী পাকিয়ে উঠতে থাকে সোণালী ধূলা...

কিস্ত কোথায় মুন্ ?

চিলের মত ঝাঁঝালো গলায় সে আবার চীৎকার ক'রে ওঠে,

—মুন্, ওরে মুন্...কোথায় মরতে গিয়েছিস রে ? ওরে পোড়া কপালে হাড়-হাবাতে, চাচা যে তোর এখনি চলে যাবে রে...শহরে যেতে হবে না তোকে ? ওরে:..

রোগ্যক থেকে একটু এগিয়ে এসে সে মুখ ঘুরিয়ে ঘুরিয়ে চারদিকে দেখে...আম বাগান পেরিয়ে দূরে চলে যায় তার দৃষ্টি যেখানে মধ্যদিনের সূর্য্যের আলোকে রূপালী পাতের মত ঝিক্‌ঝিক্ করতে থাকে বিয়াস্ নদ...ঘুরে বেড়ায় তার তীরে তীরে, সবুজ সব বুনো ঝোপের আশে পাশে....

কিস্ত কোথায় মুন্ ?

এবার রাগে অতিষ্ঠ হ'য়ে, বত উচু পর্দায় গলা তোলা সম্ভব, সে

চীংকার ক'রে ওঠে আকাশ-ফাটা গলায়, ঝোঁথায় পড়ে আছিস, ওরে  
মড়া....হাড়-হাবাতে মা-বাপ-খেকো....বিদেয় হবি আয় রে....

এবার সেই শব্দ-বাণ সারা উপত্যকায় ঝংকার তুলে বিষের জ্বালায়  
মুন্নুর কানে গিয়ে বিঁধলো ।

শুনলো কিন্তু সাড়া দিল না মুন্নু । যে-গাছের তলায় গা ঢাকা  
দিয়ে চুপটা ক'রে বসেছিল, সেখান থেকে নড়ে আর একজায়গায় গিয়ে  
বসলো...গাছের ফাঁক দিয়ে একবার শুধু দেখতে পেলো, গুজরীর লাল  
জ্বাচলের খানিকটা হাওয়ায় উড়ে ঘরের মধ্যে অদৃশ্য হয়ে গেল ।

সেই সকালে সে গরুর পাল নিয়ে বেরিয়েছিল । বিয়াস নদীর  
ধারে গরুগুলো তখন আপনার মনে হাঁটু জলে নেমে মনের আনন্দে  
জাবর কাটছিল....সেই অবসরে সে নিজের খেলা নিয়ে সঙ্গীদের সঙ্গে  
মেতে ওঠে ।

হঠাৎ তারক-নিম্পূহ-দেখে, তার খেলার সঙ্গী জয়সিং তাকে কনুই-  
এর ধাক্কায় একবার সজাগ ক'রে দিল । জয়সিং-এর পোষাক-পরিচ্ছদ  
থেকে সহজেই বোঝা যায় যে, সে মুন্নুর খেলার সাথী হলেও, সে তার  
সম-শ্রেণীর নয় । গাঁয়ের তালুকদারের ছেলে সে ।

মুন্নুর ব্যবহার দেখে সে বিরক্ত হয়ে বলে উঠলো, কেমন ছেলে রে  
তুই ? ভারি তো অসভ্য ! তোর চাটী টেঁচিয়ে গলা ফাটিয়ে ফেলো,  
আর তুই হতভাগা একটা সাড়াও দিলি না ?

জয়সিং-এর এই আক্রমণের একটা বিশেষ হেতু ছিল । গাঁয়ের  
তালুকদারের ছেলে সে, কিন্তু বিবাণ, বিখণ্ডর...গাঁয়ের সব ছেলেরা  
মুন্নুকেই তাদের দলের সর্দার বলে মানে । মুন্নু থাকতে সে-সম্মান সে  
কিছুতেই পেতে পারে না । তাই আজ সকালে সে যখন শুনলো যে  
মুন্নু গাঁ ছেড়ে শহরে চলে যাচ্ছে, তখন থেকে তার একমাত্র চিন্তা, কত  
ক্ষণে মুন্নু গাঁ ছেড়ে চলে যাবে...

মুন্সুর হয়ে উত্তর দিল বিষণ,

—তুই যাস্ নে রে মুন্সু...তোর চাচী নিশ্চয়ই তোকে কোন কাজে পাঠাবার জন্তে ডাকছে।...তারপর জয়সিং-এর দিকে ফিরে বলে,

—চাচীর ডাকে সাড়া না দেওয়ার জন্তে তুই তো ওকে খুব নিলি একহাত! কিন্তু তোর নিজের বেলায় কি? তোর মা যখন তোকে ছুপুরের রোদে বাড়ী থেকে বেরুতে বারণ করে, তুই তো মার মুখের ওপর গালাগাল দিচ্...তোর বাবা জলখাবারের জন্তে তোর পকেটে রোজ ছ-আনা করে দেন, তবুও তুই স্কুলে যাস্ না...স্কুল পালিয়ে বেড়াস্...আমরা তো তবু রোজ স্কুলে যাই, ছুটির দিন গরু চরাই...আড্ডা মারা ছাড়া তুই করিস্ কি? ছুটো আম চুরি করবি, সে সাহস পর্যন্ত তোর নেই, ভাগ্যিস্ মুন্সু জোগাড় করেছে তাই...তা ও-বে জোগাড় কবলো, ও-কে ছুটো খেয়ে যেতে দে...

জয়সিং গম্ভীর হয়ে বলে, আম খাবার দরকার হলে, আমি তোদের মত চুরি করি না, পয়সা দিয়ে কিনি! আর ওকে যে সাড়া দিতে বলেছিলাম, তা ওর জন্তে নয়...ওর চাচীর যা মুখ, ও না গেলে, অবধা আমাদের যা-তা গালাগাল দেবে...যেন আমরাই ওকে আটকে রেখেছি...আর তা ছাড়া, ওর চাচার সঙ্গে আজ ওকে শহরে যেতে হবে—

বিগম্বর সে-কথায় সোজা দাঁড়িয়ে উঠে জিজ্ঞাসা করে, হাঁরে মুন্সু, সত্যি তুই শহরে যাচ্ছিস্?

মুন্সু বিষণ্ণ মুখে বলে, হ্যাঁ ভাই!

—তোর তো মাত্র চোদ্দ বছর বয়েস...মাত্র ফিফ্ ক্লাসে পড়ছিস্...এর মধ্যে শহরে গিয়ে কি করবি?

দীর্ঘশ্বাস ফেলে মুন্সু বলে, আমার চাচী চায় না যে আমি আর স্কুলে পড়ি। চাচাকে বলে তিনি ঠিক করেছেন যে শহরে গিয়ে আমাকে রোজ <sup>এক</sup>র করতে হবে এখন থেকে...তাই শ্রামপুরে চাচা যেখানে কাজ



করে সেখানে কে এক বাবু আছে...ব্যাক্ত কাজ করে...তারি বাড়ীতে  
নাকি আমার কাজ ঠিক করে দেবে...

জয়সিং বলে ওঠে, শহরে থাকবি...কি মজা!

মুন্সু বোঝে জয়সিং-এর এত আনন্দ কেন। কিন্তু মুখ ফুটে কোন  
কথা সে বলে না। শুধু একটু হাসে। সে-হাসির অর্থ, আজ যদি  
আমাকে না চলে যেতে হতো, তাহলে একটা ঘুমিতে তোমাকে জানিয়ে  
দিতাম, সর্দারী করবার লোভের কি ফল!

জয়সিং-এর প্রতি তার এই আক্রোশের পেছনে, মুন্সুর মনের কোণে  
কেমন একটা অস্পষ্ট ধারণা ছিল যে, আজ তার এই গাঁ ছেড়ে চলে  
যাওয়ার মধ্যে জয়সিং-এর বাবার চক্রান্ত আছে...

সে শুনেছিল, একদিন কিভাবে জয়সিং-এর বাবা তাদের সব জমি-  
জমা ধীরে ধীরে দখল করে নিয়েছিল...অজন্মার দিন তার বাবা এই  
তালুকদার-মহাজনের সুদ ঠিকমত দিতে পারেন নি, তার ফলে  
তালুকদার সমস্ত জমি ডিক্রী করে দখল করে নেয়...সে দেখেছিল,  
তারপর থেকে তার বাবা কি ভাবে দিন দিন একটু একটু করে গুঁকিয়ে  
মরে গিয়েছিলেন...তখন সে সবে মাত্র জন্মেছে আর তার চাচা নাবালক  
...বিধবা মা এক হাতে চোখের জল মুছেছেন আর এক হাতে জঁতা  
চালিয়েছেন...এক হাত যখন ধরে গিয়েছে, আর এক হাত দিয়ে তখন  
চালিয়েছেন...সারাদিন, সারারাত...আজও যেন খেঁচু বঁজলে সে  
দেখতে পায়, তার মার সেই শীর্ণ হাত জঁতার ডাঙা ধরে অনবরত  
ঘুরিয়ে চলেছে...দেখতে পায়, যেদিন তার মা মারা গেল...মাটীতে  
শুয়ে...সে কি ভয়ঙ্কর স্নান বিবর্ণ সে মুখ...তার অন্তরের অন্তরতম স্থলে,  
অবচেতনার গভীর গহ্বরে মার সেই স্নান মুখ অসহায় বেদনার সক্রম  
স্নানিময় চিরকালের মত মুদ্রিত হয়ে আছে।

নিজের অন্তরকে আশ্বস্ত করবার জেগেই যেন জয়সিং অববেগভরে  
জিজ্ঞাসা করে, তা'হলে জ্ঞার ফিরে আসছিস্ না বল্ ?

মুন্ দুরের দিকে চেয়ে স্থিরকণ্ঠে বলে, না...আর কখনো না...  
কখনো না...

কিন্তু নিজের অন্তরে সে জানতো, সে যা বল্লো, তা সম্পূর্ণ মিথ্যা।  
কিন্তু জয়সিং-এর কথার উত্তর দিতে গিয়ে, ইচ্ছা করেই সে মিথ্যা  
বল্লো। যদিও তখন মনের আর এক দিকে তার নিদারুণ বাসনা  
হচ্ছিল, সত্যি কথটা বলে জয়সিংকে ক্ষেপিয়ে তুলতে। যতই কেন  
তার চাচী তাকে গালাগাল দিক, যতই কেন সে-দজ্জাল মাগী তাকে  
কাজে-অকাজে খাটিয়ে মারুক, লোকে গল্প-ছাগলকে যে ভাবে মারে,  
যতই কেন তার চাচী সে ভাবে ছ'বেলা তাকে করুক প্রহার...তবু তার  
মন কোন দিন চায় নি সেই গা ছেড়ে চলে যেতে...

অন্তত এখন তো চায় নি, পরে কোন দিন চাইবে কি না কে  
জ্ঞানে ?

শহর ঘুরে এসে গাঁয়ের লোকেরা যখন শহরের সব গল্প বলতো...  
সেখানকার আশ্চর্য্য সব ব্যাপার...বড় বড় সব সাহেব, বড় বড় সব  
বাণী...আগা-গোড়া সিক্ আর পশমে-মোড়া, লালাদের সব অদ্ভুত অদ্ভুত  
কাণ্ড, কত তাদের আসবাব...আর কি তাদের খাওয়া-দাওয়া...অবাক্  
হয়ে সে শুনতো...মনে মনে কত না স্বপ্ন গড়ে উঠতো। বিশেষ করে  
তার মনকে দোলা দিত, শহরের সব কলকজ্জা যন্ত্রপাতির কথা...তার  
বিজ্ঞান-প্রাইমারে কিছু কিছু সে-সব যন্ত্রের কথা সে শুড়েছে। তাই সে  
মনে মনে ঠিক করে রেখেছিল, এখনকার স্কুলের সব পড়া শেষ করে,  
একদিন সে শহরে যাবে...নিজের হাতে শিখবে, কি করে সে সব যন্ত্র  
চালানো যায়, কি করেই বা সে-সব যন্ত্র তৈরী করা যায়।

ইতিমধ্যে, এই গায়ের আছিল বাতাসে, তার কলাবাগানের ছায়ায় ছায়ায়, মেঠো ফুলের গন্ধেভরা খোলা মাঠে, সমবয়সীদের সঙ্গে একজোটে গল্প চরানোর অবকাশে, যদি এ-বাগান সে-বাগান থেকে ফল জুটিয়ে জড় করে, সকলে মিলে এক সঙ্গে হৈ হৈ করে খেয়ে দেবে, গাছে গাছে লুকোচুরি খেলে দিন কাটিয়ে দেওয়া যায়, মন্দ কি !

সারাদিনের খাটুনির পর সন্ধ্যা এসে যখন অঙ্গ দেয় জুড়িয়ে...শাল-সেগুণ-দেওদারের অঙ্গে জাগিয়ে শিহরণ যখন আসে দূর পাহাড়ের চূড়া থেকে বরফ-ছোয়া বাউরী বাতাস...এই মুহূর্তে এখনও যা নিঃশ্বাসে নিঃশ্বাসে সে ক'রছে অল্পভব...বুনো ঝোপ থেকে ওঠে বুনো ফুলের ঝাপসা গন্ধ...কাছে ভিতে কোথা থেকে ডেকে ওঠে ব্যাঙের দল...পাখীরা উড়ে যায় মাথার ওপর দিয়ে গান গেয়ে...প্রজাপতি ঘুরে মরে বুদ হয়ে রূপোলী রৌদে...ভ্রমর আসে গুণগুণিয়ে সর্ব অঙ্গে মেখে ফুলের পরাগ...তখন কেমন করে সে ভাবতে পারে, এ-সব ছেড়ে চিরকালের মত চলে যেতে হবে তাকে !

তার নিজের অজ্ঞাতে, তার রক্তের সঙ্গে মিশে গিয়েছে ক্যাংড়ার সেই বুনো রূপ... জগতের সব বিচিত্র যন্ত্র যদি এখানে এসে তার সামনে দিয়ে সার বর্ধে একে একে চলে যায় তাকে ডেকে, তবুও সে পারবে না, এই শাস্ত-স্রোত বিয়াস্ নদের বালুচর থেকে নিজেকে ছাড়িয়ে সরিয়ে নিতে ।

কিন্তু...

—মুন্সুরে...ওরে মুন্সুরে...ও কালামুখো—

চিলের সঙ্গে পাল্লা দিয়ে জেগে ওঠে আবার তার চাচীর স্মধুর আহ্বান ।

এবার সে উঠে দাঁড়ালো ।

সঙ্গে সঙ্গে তাঁর সঙ্গীরাও সব উঠে দাঁড়ালো ।

এমন কি জয়সিংও...

মুন্সু...গরুগুলোকে হাঁক দিল...সঙ্গীরাও যে-বার গরু-মোষ ডাকতে  
স্বক করলো।

দেখতে দেখতে সেই আছানে বিয়াসের বিশ্রাম-সলিল থেকে দলে  
দলে কর্দমাক্ত শৃঙ্গীর দল বিরাট সব দেহ মন্দ-গতিতে আন্দোলিত  
করে উঠতে লাগলো ; পথের দুধারে কাদাজলের ছিটে ছড়াতে ছড়াতে,  
প্রহার এবং গালাগাল, দুই-ই সমান উপেক্ষা করে অভ্যাস-নির্দিষ্ট পথে  
নতমস্তকে তারা অগ্রসর হয়ে চলো...

২

—আরে পা চালিয়ে নে শাংগাবের বাচ্চা...পেছন ফিরে মুন্সুর দিকে  
চেয়ে গর্জন করে ওঠে তার চাচা দয়ারাম।

দয়ারামের অঙ্গে ঝলমল করছে লাল কোর্তার ওপর ঝকঝকে  
সোণালী তুক্মা। মাথায় অতি সযত্নে বাঁধা শাদা কাপড়ের পাগড়ী।  
মিলিটারী কায়দায় কদম ফেলে সে চলেছে—আংরেজী সরকারের তৈরী  
পাহাড়ী-সড়ক দিয়ে, খোদ ইমপীরিয়াল ব্যান্ডের চাপরাশী সে দেখলে মনে  
হয়, আংরেজী সরকারের বিরাট দায়িত্বের বোঝা যেন তারই মাথায়...

মুন্সু পথের ধারে বসে পড়েছিল। দশ মাইল একাদিক্রমে হেঁটে  
আসার ফলে তার খালি পা কেটে গিয়ে রক্ত পড়ছিল...সে আর চলতে  
পারছিল না। তার চাচার পরিত্যক্ত একটা ছেঁড়া গরম-কোর্তা তার  
গায়ে কোন রকমে জড়ানো ছিল...যেন একটা বস্তা...

মাথার ওপর নির্মেঘ আকাশের খর সূর্য্য, গায়ে সেই গরম বস্তা...  
ঘামে, গরমে সর্ব-অঙ্গ তার অবশ হয়ে আসছিল...মনে হচ্ছিল যেন গায়ের  
সব রক্ত ঘেমে জল হয়ে বেরিয়ে যাচ্ছে...

ভ্রাতৃপুত্রের সেই শৌচনীয় অবস্থার দিকে ক্রক্ষেপ নী করেই দয়ারাম  
আবার চোঁচিয়ে বলে উঠলো,

—আরে, আফিসে যে দেৱী হয়ে যাবে....কি সৰ্বনাশ....

আফিসে দেৱী হবার বা আগে যাবাৰ কোন প্ৰশ্নই ওঠে না, কাৰণ, দয়্যারাম জানতো, সেদিন ছুটি, অফিল বন্ধ। তবু ও যে বারবার তাৱস্বৰে সে-কথা মুন্নুকে জানাতে হছিল, মুন্নুকে তাগাদা দেবাৰ জন্তেও নয়... তাৱ আসল উদ্দেশ্য ছিল, পথচাৰী অথ পথিকদেৱ এবং তাৱ গোঁয়ো ভাইপোটাৱ কাছ জাহিৰ কৰা, সে যে-সে লোক নয়....খোদ আংৱেজ সৱকাৱেৱ তক্মাধাৰী চাপৱাশী!

পথৱে ধাৰে বসে মুন্নু তখন অসহায়ভাবে নিজেৱ আহত পায়েৱ দিকে চেয়েছিল। তাৱ ছ' চোথ ভৱে এসেছে জলে।

চাচাৰ কপাৱ উত্তৰে ৰুদ্ধ-কণ্ঠে সে জানায়, পায়ে লাগছে বড়!

দয়্যারাম বোঝে, কড়া হলে চলবে না এখন। যথাসম্ভব নিজেকে নৱম কৰে নিয়ে বলে,—চলে আয়, চলে আয়....তোৱ পায়েৱ একটা জুতাৱ ব্যবস্থা আমি কৰে দেবো'খন তোৱ সামনেৱ মাসেৱ মাইনে থেকে...

এমন সময় একটা গোকৱ গাড়ী পেছন থেকে এসে তাৱে সামনে কাঁচ কৰে দাঁড়িয়ে পড়লো। হতাশভাবে সেই দিকে চেয়ে মুন্নু বলে, ইটতে আৱ পাৱছি না চাচা, তুমি বৰঞ্চ গাড়োয়ানকে বল না একবাৰ আমাকে যদি তুলে নেয়....

গাড়োয়ান যাতে শুনে পায়, এমন গলাৱ দয়্যারাম বলে ওঠে, গাড়ীতে তোকে নিতে হলে গাড়োয়ানটা এখনি পয়সা চেয় বসবে....বুঝলি? ভাবটা, গাড়োয়ান যদি যেচে তাকে ডেকে নেয়, তাতে তাৱ আপত্তি নেই। নতুবা'সে দয়্যারাম....খোদ আংৱেজ সৱকাৱেৱ চাপৱাশী, নিজে ছোট হয়ে একজন গাড়োয়ানেৱ কাছ তাৱ ভাইপোৱ জন্তে স্থান-ভিক্ষা কৰতে পাৱবে না।

দয়্যারামেৱ ভাব-ভঙ্গী দেখে, গাড়োয়ানেৱ সে-কথা বুঝতে একটুও

দেয়ী হলো না। নিতান্ত শোজাভাবে সে বলে উঠলো, বলি ও কত্না, কাজ করতে চাপরাশীর...অতো দেমাক কেন? ছোঁড়াটাকে পেছনে চড়িয়ে দাও। আর সেই সঙ্গে নিজেও উঠে পড়। এই ভর হুপুরে গায়ে ঐ সব চড়িয়ে তোমারও যে খুব সুখ হচ্ছে, তা তো মনে হয় না....

দয়্যারাম, ইম্পীরিয়াল ব্যাঙ্কের তকমাধারী চাপরাশী দয়্যারাম, সামান্য সেই ছোটলোক গাড়োয়ানের মুকবিয়ানায় জলে উঠলো।

—চিল্লাও মত...আমি তোর সঙ্গে কথা বলছি যে তুই আমার কথা জবাব দিচ্ছিস? আস্পর্ধ্বা! সিধে যেখানে যাচ্ছিস্ যা...নইলে এখুনি ধরে জেলে পুরে দেবো...জানিস, আমি সরকারী লোক!

আর কথা না বাড়িয়ে গাড়োয়ান গরু ছোটোকে মোচড় দিয়ে গাড়ী চালিয়ে দিল। সাবার সময় শুধু বলে গেল, আচ্ছা বাবা...আনন্দ কর! আরে ছোঃ...ঐ বাচ্চাকে এমন কষ্ট দেয়...মানুষ না কি?

দয়্যারামের সমস্ত রাগটা গিয়ে পড়লো মূন্নুর ওপর। তার হাত ধরে হ্যাঁচকা দিয়ে গর্জ্জ উঠলো, ওঠ্ বেটা বেজশ্মা...ব্যাটার জন্তে আমায় কি না কথা শুনতে হলো একটা গাড়োয়ানের? ওঠ্...নইলে মেরে গুড়িয়ে ফেলবো!

দাঁতন-করা শাদা দাঁত কটা সব বেড়িয়ে পড়লো...

মূন্নু উঠে দাঁড়ালো...পূর্ব-অভিজ্ঞতা থেকে সে বেশ ভাল রকমই জানতো যে তার চাচা শুধু অকারণ ভয় দেখায় না...সেখানে তার কাজ আর কথা এক। হাতের উণ্টো দিক দিয়ে চোখের জল মুছে, মনে মনে গালাগাল দিতে দিতে সে সেই বিপ্রহরের রোদে অনুসরণ করে চলো তার অভিভাবককে।

খানিকটা ভয়ে, খানিকটা রাগে, চলতে চলতে পথের কথা, পায়ের ব্যথা সে ভুলে গেলো। মন তখন তার ভরপুর, ঐ সামনের লোকটার ওপর বিদ্বেষে...

হঠাৎ খাদ থেকে নেমে পথের বাঁকে তার চোখের সামনে জেগে উঠলো, অপরাহ্নের রক্তিম আলোকচ্ছটায় সুস্পষ্ট সুন্দর, প্রান্তরমেখলা নগরী...মন থেকে যেন তার মুছে গেল উচু-নীচু সেই পাহাড়ে-দেশের স্মৃতি। অদেখা সেই সমতলভূমি...বিচিত্র অভিনব তার পরিবেশ... এক অনাস্বাদিত মধুর অভিজ্ঞতার সম্ভবনায় তার মনকে নিমেষে করে তুল্লো উদ্বেল।....

যতই সে এগিয়ে চলে, ততই বিশ্বয়ে তার চোখ বড় হয়ে উঠতে থাকে....আপনা থেকে দুটো ঠোঁট ফাঁক হয়ে যায়....এত রকমের গাড়ী যে আছে,...তা তার স্মৃদর কল্পনাতেও ছিল না...কোনটার দুটো চাকা, কোনটার চারটে চাকা...কোনটার আবার কাঠের চাকার বদলে রবারের চাকা....ফিটন...ল্যাণ্ডো...ফটফটা...টঙ্গা....

অবাক হয়ে সে চেয়ে থাকে....

এমন সময় হঠাৎ বিপুল বিশ্বয়ে সে দাঁড়িয়ে পড়ে।....কিছু দূরে সে দেখলো একটা কালো বিচিত্র-গড়ন জিনিষ....পিঠের দিকে উটের কুঁজের মত দুটো কালো কালো কি উচু হয়ে আছে...আর একটা লম্বা চোঁয়ার ভেতর থেকে হু হু করে কালো, মিস্ কালো ধোঁয়ার কুণ্ডলী বেরুচ্ছে....

• কি জোরে ছুটে চলেছে...আর তার সঙ্গে কাঁচের জানালা-বসানো মেটে রঙের সব ছোট ছোট বাড়ী...তারাও ছুটে চলেছে...আর কি জোরে বাঁশীর মত শব্দ করে চলেছে...সে-শব্দে তার মনে হলে তার বুকের ধুকধুকুনি যেন গলার কাছে এসে আটকে পড়েছে....

বুকের সেই অসহ্য ধুকধুকুনি আর সহ্য করতে না পেরে সে ছুটে গিয়ে তার চাচাকে জড়িয়ে ধরে জিজ্ঞাসা করে,

—চাচা, ওটা কি জানোয়ার ?

দয়্যারাম এবার শাস্তকণ্ঠে উত্তর দেয়, আরে বোকা জানোয়ার কেন ?  
রেলগাড়ীর এন্‌জিন....

হঠাৎ দয়ারামের এই কণ্ঠস্বরের পরিবর্তনের একটা কারণ ছিল। দয়ারাম এখন শহরে ঢুকতে চলেছে। পাড়াগাঁয়ের পথে যে-দাপট দেখানো সম্ভব, এখানে তা সম্ভব নয়। তাই ক্রমশঃ তার চেহারা এবং কণ্ঠস্বরের মধ্যে ইম্পীরিয়াল ব্যাঙ্কের সামান্য একজন চাকরের অনসল রূপ ফুটে উঠছিল।

মুন্সুর নজর অবশ্য সেদিকে ছিল না। সে দেখছিল, সেই কালো জানোয়ারটা হঠাৎ একটা বিকট শব্দ করে—একটা ছোট্ট বাড়ীর সামনে থেমে গেল...আর সেই সঙ্গে অসংখ্য লোক সেই সর্ব কাঁচের জানলাওয়ালা ঘর থেকে নেমে পড়ছে...কত রকমের লোক...কি বিচিত্র তাদের সব পোষাক...এমন পোষাকের বাহার কাংড়ার গ্রামে সে তো দেখে নি কখনো! আপনা থেকে সে বলে ওঠে, আশ্চর্য্য! কি আশ্চর্য্য!

দয়ারামের কাছ ঘেসে সে জিজ্ঞাসা করে, আচ্ছা চাচা, এত যে লোক...এদের গরু-ছাগল চরাবার মাঠ সব কোথায়? এদের ক্ষেতই বা কোথায়?

ঘাড়টা সোজা করে নিয়ে দয়ারাম বলে, শহরের লোকের গরু-ছাগলও নেই—ক্ষেত খামারও নেই।...যারা গেঁইয়া, তারাই শুঁধু গরু চরায় আর মাঠ চষে।

মুন্সু অবাক হয়ে যায়।

—তাহলে তারা খায় কি করে?

—খায় কি করে! আরে মুণ্ডা—তাদের আছে টাকা...লাখ লাখ টাকা...আমার ব্যাঙ্কে সব জমা রাখে। চাষা যে গম চষে, ওরা তাই কিনে আটা তৈরী করে আংরেজ সরকারকে বেচে...চাষাদের কাছ থেকে তুলো কিনে কাপড় তৈরী করে বেচে—তাতে মোটা টাকা লাভ করে। ওদের মধ্যে কেউ কেউ আবার আছে, বাবু...তার। আফিসে



কাজ করে, তাইতে টাকা কামায়। তোকে যেখানে নিয়ে যাচ্ছি, সে-ও  
অমনি বাবু...মস্ত বাবু...

—কি আশ্চর্য্য!

দয়্যারামের পিছু পিছু সে শহরে প্রবেশ করে। পথের ধারে  
খাবারের দোকানে বহুৎ কড়াতে তখন খাবারওয়ালা মেঠাই তৈরী  
করছে...তার উত্তম সুবাস মুন্সুর নাকে এসে লাগে। দেখে, কত  
বিচিত্র সব মেঠাই, থাকের পর থাক, কি রকম কায়দায় শাজানো....  
পাশ দিয়ে ফিরিওয়ালা চলে যায়, হাতে তার সূতো দিয়ে বাঁধা নানান  
রঙীন বেলুন...রাস্তার ধারে বিচিত্র সব খেলনা....কত রঙ-চঙে সব  
জিনিস...ঠাণ্ডা কুলপী....মুন্সু দেখে, একটা ছোট টিনের চোঙা থেকে  
নেড়ে বরফ-ওয়ালা শালপাতায় বরফ ঢেলে দিচ্ছে...কাঠের চৌকীতে  
বসে পথিক পরিতৃপ্তভাবে জিহ্বা বার করে আশ্বাদন করছে।

মুন্সুর শুষ্ক তৃষিত জিহ্বা সজল হয়ে আসে। দুর্ব্বার বাসনা হয়,  
ঐ অপক্লপ জিনিসের স্বাদ গ্রহণ করতে, কিন্তু সাহস করে বলতে পারে  
না চাচাকে। কিন্তু সে-কথাও বেশীক্ষণ থাকে না মনে। হঠাৎ আর  
একটা অদ্ভুত জিনিস তার দৃষ্টি আকর্ষণ করে। দেখে একটা কাঠের  
বাক্সের ওপর একটা কালো ঢাকা ঘুরছে আর সেই কাঠের বাক্সের  
ভেতর থেকে কেমন মিহি গানের আওয়াজ আসছে। সাহস করে সে  
সেই দিকে এগিয়ে যায়, কিন্তু হঠাৎ আওয়াজটা কি রকম গম্ভীর হয়ে  
আসে, সে ভয়ে পিছিয়ে পড়ে।

দয়্যারাম পেছন ফিরে দেখে, তার অনুবর্তীট তখন বহুৎ পিছনে  
পড়ে রয়েছে। হাঁক দিয়ে ওঠে, আরে পা চালিয়ে আর...নইলে ভিড়ে  
কোথায় যাবি হারিয়ে....

সে কথায় কর্ণপাত না করে মুন্সু জিজ্ঞাসা করে, আচ্ছা চাচা,  
লোকটা ঐ বাক্সের ভেতর থেকে গান গাইছে কি করে?

কথাটা পাশের দোকানদারের কাণে যেতেই সে হেসে উঠলো এবং মুন্সুর দিকে চেয়ে তার বুঝতে একটুও দেরী হলো না যে ছেলেটা কোথা থেকে আমদানী হয়েছে।

দয়্যারাম বিরক্ত হয়ে বলে উঠলো, আরে গরু...ওটা হলো ফনোগ্রাম...মালুয কোথায়? মেসিনে কথা বলছে...

কথাটা মুন্সুর কাছে সমানই দুর্কোঁধা লাগলো। মেসিন আবার মালুযের মত কথা বলে কি করে? কিন্তু আর বেশী প্রশ্ন করা নিরাপদ হবে না মনে করে সে পা চালিয়ে দিল। কিন্তু সেই অভূত যন্ত্রটা যেন পেছন দিক থেকে তাকে আকর্ষণ করতে লাগলো।

ক্রমশ শহরের ভেতর তারা এসে পড়ে। পাশ দিয়ে চলে যায় বিচিত্র সব পোষাকে নর-নারীর দল...মেয়েদের এমন চলন-চালন, এত পোষাকের বাহার সে কল্পনাই করতে পারে নি। যতই সে এগিয়ে চলে, ততই তার মনে হয়, সে যেন স্বপ্নে এগিয়ে চলেছে...তার আশে পাশে যে-সব বিচিত্র জিনিস সে দেখছে, যে-সব সুন্দর-বেশ নর-নারী আসছে যাচ্ছে, তারা যেন সব স্বপ্নলোকের বাসিন্দা...তার সেই পাহাড়ের ছোট্ট জগতের সঙ্গে তাদের যেন কোন সম্পর্কই নেই।

কিন্তু শহরের ভেতরে যখন খানিকটা এসে পড়েছে, তখন দেখে, কি আশ্চর্য্য, এই তো তাদের দেশের লোকগু তো রয়েছে...তারি মতন পোষাক-পরিচ্ছদ, তারি মতন দেখতে...তবে তাদের কারুর মাথায় ঝাঁকা...কারুর মাথায় বস্তা:...

মুন্সুর যেন সব গোলমাল লেগে যায়। বুঝতে পারে না, এটা কি রকম দেশ। কাদের দেশ।

এমন সময় এক মস্ত বড় পাথরের বাড়ীর সামনে দয়্যারাম দাঁড়িয়ে পড়ে। মুন্সুকে বলে, একটু দাঁড়া এখানে!

মুন্সুর বুকের ভেতরটা তোলপাড় করতে থাকে।

ইম্পীরিয়াল ব্যাঙ্কের বাড়ীর সামনে কয়েক ধাপ উপরে উঠে দয়্যারাম সেলাম করে দাঁড়ায়,

—সেলাম পীর্ দীন...

মুন্নু অবাঁক হয়ে দেখে, যে লোকটাকে তার চাচা সেলাম জানালো, তারও গায়ে টকটকে লাল কোর্সী, মেহেদী পাতার রঙে লোকটার দাড়ি সব লাল হয়ে গিয়েছে। হাঁফানি কুগীর মত কাশতে কাশতে দয়্যারামের অভিবাদনের উত্তরে সে জানায়, এই যে সেলাম, সেলাম, অরে... এত দেবী ক'রে? বাবু সাহেব তো রেগে আঙুণ...কেউ নেই যে তার ছপূরের নাস্তা নিয়ে আসে!

—বাবু সাহেব তা হলে অফিসেই আছে?

—হাঁ...

দয়্যারাম আশ্চর্য হয়। যখন খানা আনবার কোন লোক নেই, এই উপযুক্ত সময়, এই সুযোগ মত সে নিশ্চয়ই মুন্নুর একটা ব্যবস্থা করিয়ে নিতে পারবে। মুন্নুকে কাছে ডেকে নিয়ে সে অফিসের ভিতর ঢুকে পড়ে।

মুন্নু নিঃশব্দে তার চাচার অনুসরণ ক'রে চলে...কোনখানে দেখে, রাশীকৃত টাকা গোণা হচ্ছে...কোথাওবা তাড়া তাড়া নোট খস্ খস্ করে গোণা হচ্ছে। হঠাৎ সামনের একটা ঘরে দরজা ঠেলে দয়্যারাম ঢুকে পড়ে।

একটা মস্ত বড় টেবিলের সামনে চেয়ারে একটা ছোট্ট মানুষ বসে... ফোলা মুখ, মুখের মধ্যে বৈশিষ্ট্য বলতে একটা চ্যাপটা নাক...

পা ছুটো দরজার কাছে ঝেড়ে নিয়ে দয়্যারাম হাত জোড় ক'রে বলে ওঠে, নমস্কার বাবুজী!

বাবুজী তখন ঘাড় নীচু করে লিখছিলেন। একবার ঘাড় তুলে দেখে নিলেন মাত্র। কোন উত্তর দেওয়া প্রয়োজন বোধ করলেন না।

মুন্সুর কানে দয়্যারাম বলে, আরে নমস্কার দে, বাবুর নামে দেওতার কাছে দোয়া মাস্...

চারদিকে সেই টাকার ঝনঝনানি, নোটের খস্ খস্ আওয়াজ, ঝক্ঝকে সব পেতলের রেলিঙ, টেবিল, চেয়ার, পায়ের তলায় নরম কার্পেট, মাথার ওপরে বোঁ বোঁ ঘুরছে ইলেক্ট্রীক পাখা... মুন্সুর মন সে বিচিত্র জগতে যেন পথ হারিয়ে ফেলে। চাচার নির্দেশ অনুযায়ী কলের পুতুলের মতন আপনার মনে সে বিড়্ বিড়্ করে কি যেন বলো... মাটি থেকে মাথা তুলে সে কিন্তু চাইতে পারলো না সামনে।

ক্ষণকালের জন্ম ঘরে এক বিচিত্র নিস্তরুতা... তার মধ্যে বাবুজী আবার ঘাড় তুলে হিসেব-করে একটু হাসলেন... দেখতে দেখতে সে-হাসি ঠোঁটের কোণে অকথিত তাজিল্যে বঁকে মিলিয়ে গেল...

মুন্সু সেই সময় একবার চোখ তুলতেই দেখতে পায় সে ভঙ্গী... ভয়ে আর ভাবনায় তার হাত-পা বেন কাঠ হয়ে আসে।

সিংহাসন-উপবিষ্ট রাজাধিরাজের দিকে একান্ত দীনভাবে চেয়ে দয়্যারাম বলে, মহারাজ, আপনার সেবার জন্তে ভাইপোটাকে নিয়ে এলাম...

মুন্সুর দিকে আঙুল তুলে মহারাজ জিজ্ঞাসা করেন, অঃ—ওটা বুঝি ?

—জী জনাব! আরে, গেঁইয়া হাত জোড় করে দোয়া মাস্ বাবুজীর জন্তে...

মুন্সু তখন একদৃষ্টিতে বাবুজীর পায়ের পালিস-করা চক্চকে বুট জোড়ার দিকে চেয়ে ছিল, চাচার কথায় কলের পুতুলের মতন সে শুধু ঘাড় আর পিঠ বঁকিয়ে দিল... কোন দিন কি ঐ রকম এক জোড়া জুতো সে পরতে পারবে না ? হঠাৎ চাচার দিকে চোখ পড়তেই,

সে বুঝতে পারলো, তার নির্দেশের অর্ধেক সে পালন করেছে, বাকি অর্ধেক বা মুখের কথায় ব্যক্ত করতে হবে, তা তার করা হয় নি।

তাই হঠাৎ সে হাত জোড় করে বলে উঠলো, ভগবান্ ভাল করুন...

বাবুজীর অবশ্য সেদিকে দৃষ্টি ছিল না। তাঁর টেবিলের পাশে একটা কালো যন্ত্র তখন ক্রিং ক্রিং করে অনবরত শব্দ করছে...মুন্সু দেখলো বাবুজী একটা ছোট্ট চোয়ার মত কি জিনিষ কানের কাছে তুলে নিয়ে, কথা বলতে আরম্ভ করে দিয়েছেন...কথা গুলো কিন্তু কোন ভাষায় তা সে ঠিক বুঝতে পারছিল না। তার কানে এসে লাগছিল,

—হুস...স্মার...ইয়ে...ফটুনট...ইয়াপ...

ভবিষ্যৎ মনিবের মুখে সেই ভাষা শুনতে শুনতে তার মনে হচ্ছিল, তার স্কুলের কথা...তার মাষ্টার তাদের বার বার বলতো, বাবু হতে হলে আংরেজী শিখতে হবে...স্কুলে কিছু কিছু আংরেজী সে শিখেও ছিল...কিন্তু তার সঙ্গে মেলাতে গিয়ে সে যেন বিব্রত হয়ে পড়লো...কিছুক্ষণ ধরে শোনার পর, সে ঠিক করে নিল, এই হলো আসল আংরেজী ভাষা...

—আচ্ছা...বাড়ীতে নিয়ে গিয়ে বিবিজীর কাছে দিগে বা...

\* বাবুজী হুকুম দেন।

দয়্যারাম জোড় হাতে মাথা নত করে কৃতজ্ঞতা জানায়। তারপর মুন্সুর হাতে ধরে টানতে টানতে তাকে ঘর থেকে বার করে নিয়ে আসে সোজা রাস্তায়...

এ-পথ সে-পথ ঘুরতে ঘুরতে তারা যে মহল্লায় এলো, মুন্সু দেখে পাশাপাশি ঘেঁষাঘেঁষি সব বাড়ী, যেন একটার গা থেকে আর একটা বেরিয়েছে : কোন বাড়ীর কোন শ্রী ছাঁদ নেই...এলোমেলো ভাঙ্গা চোরা : কোথাও খানিকটা ফেলে-দেওয়া এঁটো শাক সজী পচচে... কোথাও হয়ত পড়ে আছে ভাঙ্গা কাঁচের সব শিশি-বোতল, পুরোনো

ভাঙ্গা টিনের কেনেকোঁরা, ছেঁড়া কাগজ, ময়লা ঝাকড়ার জঞ্জাল, কোথাও বা ভাঙ্গা পাঁচিলের নোনা-ধরা ইটের স্তূপে শেওলা আর বুনো গাছ জমে রয়েছে : লোক-জনের আসা-যাওয়া থেকে মুন্সু নিজের মনে একটা সিদ্ধান্ত ক'রে নিল, শহরের আশে-পাশে যে-সব বাবুরা থাকেন, এই বোধহয় তাঁদের মহল্লা—

এই মহল্লার একান্তে বাবুজীর বাড়ী : একতলা, চৌকো মতন ছোট্ট বাড়ী। রাস্তা থেকে কয়েক ধাপ উঠে একটা বারাণ্ডা। বারাণ্ডার ওপর একটা কালো কাঠের টুকরোতে স্পষ্ট শাদা ইংরেজী\* অক্ষর আশে-পাশের দেশী লোকদের সর্গর্ষে জানিয়ে দিচ্ছে যে, এই বাড়ীতে বাস করেন, 'বাবু নাথুমল, সাব-এ্যাকাউন্টেন্ট, ইম্পীরিয়াল ব্যাঙ্ক, শ্রামনগর।'

সেখান থেকে দাঁড়িয়ে মুন্সু দেখে পাশ দিয়ে যে উঁচু-নিচু পাহাড়ী রাস্তা চলে গিয়েছে, তার খানিকটা ওপরেই, বড় বড় গাছের শিথ ছায়ায় চমৎকার সব ছোট ছোট বাড়ী রয়েছে...ছবির মতন দেখতে সমান-করে কাটা বাহারী গাছের বেড়ায় ঘেরা, সবুজ মখমলের মত ঘাসের বিছানা পাতা...তার আশে-পাশে কতনা রঙের কতনা ফুলের বাহার...দূর রহস্য-লোকের মত সেই দৃশ্য তার মনকে টানে...বিস্ময়ে ভাবে, ওখানে কারা থাকে ?

এমন সময় সেই স্বর্গলোক থেকে হঠাৎ তার দৃষ্টি আবদ্ধ হয়ে গেল এক বিচিত্র মূর্তির ওপর...লাল টুকটকে ইয়া বড় মুখ...মাথার ওপর ছোট্ট চুবড়ীর মতন কি একটা বসানো...গায়ের জামাটা, মুন্সুর মনে হলো যেন কোমরের তলা থেকে হঠাৎ হারিয়ে গিয়েছে...নিম্ন-অঙ্কে এমন আঁট ক'রে কি একটা পরেছে, যাতে মুন্সুর নিজের লজ্জা করতে লাগলো...সমস্ত বিপুল নিঃস্ব-দেশটা যেন আরো প্রকট হয়ে উঠেছে...তার ওপর বাদামি রঙের এমন একটা জুতো পরেছে যে সেটা হাঁটু

পর্যন্ত চলে গিয়েছে...এমন কিভূতকিমাকার পোষাক-পরা মানুষ সে এর আগে আর কখনো দেখে নি...মনে মনে সে ঠিক করে নিলো, তা হলে এই হলো ইংরেজ...

হঠাৎ দেখলো তার চাচা, ডান পা-টা সজোরে বাঁ পায়ের সঙ্গে ঠুকে সোজা হয়ে দাঁড়িয়ে বলে উঠলো, সালাম হুজুর!

অভিবাদনের উত্তরে সেই কিভূতকিমাকার ভয়াবহ মূর্তি কি করলো তা দেখবার সাহস মুন্সুর কুলোলো না, সে দেখলো তার হাতের বেতটা হাওয়ায় একবার ছলে উঠলো...জোর করে মুন্সুর নীচে শহরের ভাঙ্গা বাড়ী গুলোর দিকে চেয়ে রইলো।

মুন্সুর যখন বুঝলো যে মূর্তিটা তাদের শ্রবণ-সীমার বাইরে চলে গিয়েছে তখন সে জিজ্ঞাসু নত্রে চাচার দিকে ছ'চোখ বড় বড় করে চাইলো... তার উত্তরে দয়্যারাম বলে উঠলো, ব্যাঙ্কের বড় সাহেব!

এই তিনটা কথা উচ্চারণ করতে দয়্যারামের কণ্ঠ ভয়, ভক্তি এবং সন্ত্রমে ভেঙ্গে পড়লো!

দয়্যারাম কয়েক ধাপ উঠে দরজায় ধাক্কা দিল কিন্তু কোন সাড়া-শব্দ এলো না। কড়া ধরে নাড়া দিল। তাতেও যখন কোন সাড়া পাওয়া গেল না, তখন হাঁক দিল, বিবিজী! দরজাটা খুলুন একবার।

পাশের একটা দরজা থেকে চিক তুলে একটি নারী মুখ দেখা দিল।

দয়্যারাম হাতজোড় করে বলে উঠলো, বিবিজী, আপনার সেবার জগ্গে আমার ভাইপোকে নিয়ে এসেছি, এই যে আমার সঙ্গে...

তারপর ক্রুদ্ধ দৃষ্টিতে মুন্সুর দিকে চেয়ে বলে উঠলো, শূয়োর, হাত জোড় করে বিবিজীকে বল, আপনার চরণে পেন্নাম হই বিবিজী!

মুন্সুর যন্ত্রচালিতের মত হাতজোড় করে কোন রকমে উচ্চারণ করে, আপনার চরণে...

এমন সময় বাড়ীর ভেতর থেকে শিশু-কণ্ঠে আর্ন্তনাদ জেগে উঠলো এবং সেই সঙ্গে নারী মূর্তিটাও বাড়ীর ভিতর অদৃশ্য হয়ে গেল....

মুন্সু শুনতে পেলো, বাড়ীর ভিতর থেকে তীব্র উচ্চকণ্ঠে আওয়াজ আসছে,

—মর...মর...আমাকে জালিয়ে পুড়িয়ে খেলে, দুদণ্ড লোকজনের সঙ্গে একটু কথা বলবো তারও উপায় নেই? মরবি কবে...হাড় জুড়োবে আমার...অলপ্নয়ে, ড্যাগরা....

ছেলের জন্তে আরো অনেক ভাল ভাল বিশেষণ বিবিজী প্রয়োগ করে চলতেন কিন্তু হঠাৎ দয়ারামের উচ্চ প্রশ্নে তা বাধা পড়ে গেল।

—তাহলে বিবিজী, কথাবার্তা সব ঠিকই রইলো, আমি এখন একে রেখে যাই?

কি উত্তর আসে তার জন্তে মুন্সু কাঠ হয়ে দাঁড়িয়ে রইলো। ভাব গতক দেখে ইতিমধ্যেই তার বুক শুকিয়ে গিয়েছিল।

বিবিজী কয়েক পা এগিয়ে আসতেই, আবার স্কন্ধ হলো সেই কান্না!

শুধু বিশেষণে কাজ হলো না দেখে বিবিজী তখন ঘরের ভেতরে গিয়ে ছেলেটির গালে একটি বিশেষ চড় বসিয়ে হন্ হন্ করে ফিরে এসে বলেন, না, যেও না, দাঁড়াও! বাবুজীকে বলেছ সব?

—সে আর বলতে হবে না বিবিজী....আফিসে তাঁকে আগে জানিয়ে, তাঁর কথামত আপনার কাছে হাজির হয়েছি!

—বেশ! তাহলে ও এক কাজ করুক—বাড়ীতে কোন তর্রি-তরকারি নেই...আফিসে যাক, ফেরবার সময় বাজার থেকে...দাঁড়া মুখপোড়া, যাচ্ছি....

কথা অসমাপ্ত রেখে বিবিজীকে আবার ঘরের ভেতরে ছুঁতে হলো, কারণ শান্ত ছেলেটি তখন কান্নায় মার দৃষ্টি আকর্ষণ করতে অপারগ হয়ে চীৎকার করতে আরম্ভ করে দিয়েছে...



মুন্সু কাঠ হয়ে দাঁড়িয়ে শোনে, গুণে গুণে গালে চড় পড়ছে....

হঠাৎ মুন্সুর মনে পড়ে গেল তার চাচীর কথা। মনে হলো, তার চাচা অন্তত এর তুলনায় দয়ালু। সেই-চিন্তার সঙ্গে সঙ্গে তার কিশোর চিন্তে, ছিন্ন সুরের মত এক বিষন্ন আর্তনাদ জেগে উঠলো, কেমন করে এখানে সে বাস করবে ?

হঠাৎ তার চমক ভেঙ্গে যায়....কাণে আসে বিবিজীর কণ্ঠস্বর....

—তুমি বরঞ্চ বাবুজীকে গিয়ে বল, এর হাত দিয়ে যেন বাজার পাঠিয়ে দেন্।

এত দূর পাহাড়ে পথ হেঁটে এসে মুন্সু একেবারে ক্লান্ত হয়ে পড়েছিল... ফিদের তার সারা অঙ্গ জলছে...এতক্ষণ পর্যন্ত তার মনে মনে আশা ছিল, যাদের বাড়ীতে গিয়ে উঠবে, তারা নিশ্চয়ই হাতখুঁত ধুতে বলবে, খেতে দেবে... কারণ, তাদের গাঁয়ে যে সে তাই দেখে এসেছে, যখন কোন নতুন লোক আসে, তা সে যখন আসুক না কেন, আর যেই হোক না কেন, আগে তাকে খেতে দেওয়া হয়...তারপর, কাজকর্ম, অণু কথা। কিন্তু এখানে একি ব্যাপার ! এসে দাঁড়াতে না দাঁড়াতে, ধুলো-পায়েই আবার তাকে কাজে পাঠাচ্ছে ! সে ভাবে, হয়ত শহরের এই রীতি নীতি !

এক সর্বগ্রাসী অবসাদের ভারে মুন্সু যেন ভেঙ্গে পড়ে।

দয়্যারাম উত্তরে জানায়, বেশ তাই হবে বিবিজী !

আবার সেই রাস্তা ! মুন্সু হাঁটতে আরম্ভ করে-। দয়্যারাম তাকে আখাস দিয়ে বলে, পা চালিয়ে আয়, পা চালিয়ে আয় ! তোর আর ভাবনা কি ? বিবিজীর কাছে সুখে থাকবি, খাবি দাবি....তার ওপর মাসে মাসে তিন টাকা করে মাইনে পাবি। আমার ডেরা আমি তোকে দেখিয়ে দেবো....ছুট পেলে চলে আসবি। হ্যাঁ....মন দিয়ে কাজ করবি.... সব সময় মনে রাখবি, তুই ওদের চাকর...তবে ওরা লোক ভাল !

চাচার সেই অমূল্য উপদেশবাণী শুনতে শুনতে মন্মুর ছ'চোখ ফেটে  
 জল ঝরে পড়ে...সেই অক্ষুঞ্জলের মধ্যে দিয়ে ঝাপসা সে যেন দেখতে  
 পায় পেছনে ফেলে-আসা তাঁর গাঁয়ের সব পাহাড়...সারিসারি দাঁড়িয়ে  
 আছে দ্বিপ্রহরের খর রবিকরে ধূসর নীল...দেখতে পায় ঝিকিমিকি  
 বিষাসের রৌপ্য-রেখা...তীরে তার তেমনি চরছে গরুর পাল সবুজ তৃণে  
 মুখ ডুবিয়া...মাথার ওপরে তেমনি রয়েছে উদাস উদাস উদার আকাশ,  
 মাইলের পর মাইল জুড়ে...

বাবু নাথু মলের বাড়ীর রান্নাঘরের এক কোণে কোন রকমে  
 জড়সড় হয়ে মন্মু সে রাত্রির মত শয্যাগ্রহণ করে। কিন্তু সারা রাত্রির  
 মধ্যে সে ভাল ক'রে ঘুমুতে পারেনা। বিষয় চিন্তে নিদ্রাও প্রবেশ করতে  
 চায় না। গায়ে দেবার জন্তে একটা শতছিন্ন ময়লা লেপ সে পেয়েছিল  
 বটে কিন্তু মশার কামড়ে তাকে সারাফণ প্রায় অর্ধ-সজাগ করে রাখে।  
 তার ওপর একদল রাতকানা মাছি তাদের রাত্রি-বানের উপযুক্ত স্থান  
 হিসাবে তার মুখটিকেই নির্বাচিত ক'রে নিয়েছিল। নিরুপায় ইয়ে  
 চোখ ছ'টি বন্ধ করে সে পড়ে রইলো।

ভোর বেলা সে আর শুয়ে থাকতে পারলো না। কোথায় এসেছে,  
 রাত্রির অন্ধকারে তা সে ভাল ক'রে দেখতেই পায় নি। তাই ঘুম থেকে  
 উঠে, রান্না ঘর থেকে পা টিপে টিপে বেরিয়ে সে উকি মেঝে এদিক-  
 ওদিক দেখতে লাগলো।

একটা তীব্র নাক-ডাকার আওয়াজ আসছে। বাবু নাথু মল  
 ঘুমুচ্ছেন। তার পাশেই আর একটা ঘর। জানালা দিয়ে উকি মেঝে  
 মন্মু দেখে-তার মনিবের চেয়ে ফর্সা আর একজন লোক ঘরে বিছানার

ওপর ঘুমুচ্ছে। কাল রাত্রিতে সে কথাবার্তার মধ্যে শুনেছে, তার মনিবের একজন ছোট ভাই আছে। নিশ্চয়ই এই সেই ছোটবাবু।

এমন সময় হঠাৎ মুন্সু চমকে উঠলো।

বিবিজীর গলার আওয়াজ...এ মুন্সু, উঠেছিস ?

মুন্সুর বকের ভেতরটা হঠাৎ যেন খুব জোরে ধাক্কা দিতে লাগলো। তার ভয় হলো, হয় তো তার পায়ের শব্দে বিবিজীর ঘুম ভেঙে গিয়েছে।

ভীতকণ্ঠে সে জবাব দেয়, উঠেছি বিবিজী !

ধরের ভেতর থেকে নিদ্রা-অলস কণ্ঠে আদেশ আসে,

—তাহলে বসে না থেকে উম্মনের ছাই গুলো ফেল...রাত্রিরের এঁটো বাসন গুলো মাজ...বলি, বাসন গুলো মেজে শুতে পারো নি ? অত সকালসকাল শোবার ঘটা কেন ?...হাঁ...তারপর উম্মন ধরিয়ে কেটলিতে করে জল চড়িয়ে দিবি...বাবুজীর চা হবে...একটু পরে আমি উঠছি।

রান্নাঘরের দিকে কয়েক পা অগ্রসর হতে না হতে হঠাৎ মুন্সুর শরীরটা যেন কেমন করে উঠলো। প্রতিদিন সকালে ঘুম থেকে উঠে ঘটা হাতে সৈ মাঠে চলে যেতো। মাঠ থেকে, কাজ সেরে, একেবারে পাতকুয়ার জলে স্নান সেরে সে বাড়ী ফিরতো।

এতক্ষণ সে-কথা মনেই ছিল না, কিন্তু প্রকৃতি যথাকালে তা স্মরণ করিয়ে দেবেই। কিন্তু বিপদ হলো, সে যায় কোথায় ? চারিদিকেই ঘর বাড়ী। রাস্তায় তখন লোক চলাচল শুরু হয়ে গিয়েছে।

ক্রমশ ব্যাপারটা অসহ্য হয়ে এলো। সে আর নিজেকে চেপে থাকতে পারছে না। কি বিপদ ! কোথায় যায়, কি ভয়ঙ্কর জায়গা রে বাবা, শহর !

বাড়ীর গায়ে পাঁচিলের ধারেই নিরুপায় হয়ে সে বসে পড়লো।

এমন সময় বিবিজী হেঁকে উঠলেন, আরে মুন্সু, কোথায় গেলি রে

মড়া ?

মুন্সু মহাবিপদে পড়লো কিন্তু প্রকৃতির চক্ষু মাছবানে পাঞ্জা না দিয়ে উপায় কি ?

কোন উত্তর না পেয়ে বিবিজী বাড়ীর ভেতর এ-দিক ও-দিক খুঁজে দেখতে না পেয়ে, সদর দরজা খুলে যেই বাইরে চেয়ে দেখবেন, অমনি দেখেন.....ও মা....

তাড়াতাড়ি দরজা বন্ধ করে দিয়ে চীৎকার করে উঠলেন,—

ওমা, ছি ছি, কি সর্কনাশ ! কি লজ্জা, কি ঘেন্না, কোথাকার একটা নিলর্জ্জ, বেহায়া চাষা মরতে এলো রে ? শোর কুকুরেরও অধম !

দম-দেওয়া কলের মত অনর্গল চলতে থাকে...

—বলি আমার বরাতে কোথা থেকে এসে জুটলো এ পাপ... মরেও না এরা গো, কি ঘেন্না, কি ঘেন্না...বলি, কোথায় মরবি আমাকে জিজ্ঞেস করতে কি হয়ে ছিল রে মড়া ! কোথা থেকে একটা জানোয়ার মরতে এলো রে আমার ঘাড়ে...মর্...মর্.....হু'বেলা বড় সাহেব এই পথ দিয়ে ষায়...যদি দেখে, কি বলবে মাগো...বাবুজীর মান মর্যাদা থাকবে কোথায় ? কি সর্কনাশ...আমারই দরজার গোড়ায় কি বিদিকিচ্ছিরি কাণ্ড গো ! ওমা, কি হবে !

দীর্ঘ বক্তৃতা, কিন্তু একটানা স্থর নয়। তার মধ্যে কণ্ঠস্বরের উত্থান পতন আছে। প্রথমটা খাদে, আকস্মিকতার প্রথম ধাক্কা, তারপর, রাগের চাপা ফৌসফৌসানি, ক্রমশ সোটা আপনা থেকে শক্তি অর্জন করে অভিশাপ-বর্ষণের গর্জনে পরিণত হয়ে শেষকালে ফেটে পড়ে, অসহায় হতাশায়....।

মুন্সুর মনে হতে লাগলো, দেহের সমস্ত রক্ত ছুটে মাথার দিকে চলেছে,....চোখের সামনে সেই প্রভাতকালে যেন সব আবছায়া হয়ে আসছে...কোন রকমে সে-যেমন-আছে তেমনি-ভাবে যদি হঠাৎ পৃথিবী থেকে অদৃশ্য হয়ে যেতে পারে ! নিত্য প্রভাতে সে যে কার্যা বিনা

চিন্তায় সমাপন করে এসেছে, তার জন্তে যে জীবনে এত লাহুনা আর লজ্জা পেতে হবে, সুদূরতম কল্পনাতেও সে তা ভেবে উঠতে পারে নি।

ইতিমধ্যে সমস্ত বাড়ী লজাগ হয়ে উঠেছে।

প্রথম এলেন বাড়ীর কর্তা স্বয়ং বাবু নাথুমল...বক্র পদ,...চতুষ্কোণ গ্রীবা, তাঁর ধারণা যে বাড়ীতে নিশ্চয়ই চোর চুকেছে কিম্বা ডাকাত পড়েছে...

তার পর এলেন, ছোটবাবু প্রেমচাঁদ...সুদর্শন সুগঠিত দেহ... স্বছন্দ-গতি এবং সহজ... প্রশ্ন করলেন, কি ব্যাপার? বলি হলো কি?

তারপর এলো, বাবুজীর জ্যেষ্ঠা কন্যা শীলা... দশমবর্ষীয়া ক্ষীণাঙ্গী বালিকা...মাথায় এক রাশ সোণালী চুল...দুধের মত গায়ের রঙ... ব্যাপারটা বুঝতে পেরেই তার ছুঁ চোখ দু'টো আপনা থেকে হেসে উঠলো...

ছোটবাবুর প্রশ্নের উত্তরে বিবিজীর নির্বাপিত-তেজ কণ্ঠস্বর আবার পূর্ণ মহিমায় জলে উঠলো।

—হলো আমার মাথা-আর মুণ্ডু! দেখো না, লক্ষ্মীছাড়া গৌরো-ভূত আমার রান্নাঘরের সামনে ওর বাপের পিণ্ডি নামিয়েছে! রক্ত-খেগো মর...মর...

এতক্ষণ পরে বাবু নাথুমল পরিস্থিতির গুরুত্ব উপলব্ধি করে শীর্ণ হাত খানি তুলে গর্জন করে উঠলেন, হারামজাদা, এ কি করেছে? এখানে কেন?

বিবিজীকে আর একটু উত্তেজিত করে তোলবার জন্ত ছোটবাবু রমান দিয়ে উত্তর দিলেন, ওখানে না করলে, কাপড়ে করতে হতো... তখন হয়ত বিবিজীকেই পরিষ্কার করতে হতো...এতে অস্বস্ত মেথর এসে সাফ করে নিয়ে যাবে...

শীলা ছোটকাকার পা জড়িয়ে খিল খিল করে হেসে উঠলো।

বহু কষ্টে রাগ দমন করে নাখুমল শীলার দিকে চেয়ে বললেন, তুই এখানে কি করছিস, এখান থেকে যা ! চল...চল...

ঘরের ভেতর এসে স্ত্রীর দিকে চেয়ে বললেন, পায়খানাটা কোথায় তা তোমার দেখিয়ে দেওয়া উচিত ছিল !

বিবিজী গর্জন করে উঠলেন, তাই বটে আর কি ! ঐ চাষাঝে দিচ্ছি কি না আমাদের পায়খানা ব্যবহার করতে ! এখন যাও শিগ্গির একটা মেথন্ন ডেকে আনো !

ব্যাপারটা যাতে সেইখানেই শেষ হয়ে যায়, সেইজন্ত ছোটবাবু শীলার মারফৎ বিবিজীকে জানালেন, বলি, ও শীলা তা বলে আমরা কি দোষ করলুম ? আমরা কি আজ চা পাবো না ?

উত্তর শীলাকে দিতে হলো না। বিবিজীই দিলেন, ধাম প্রেম... একটু আর সবুর সহিছে না ? আগে এটার একটা ব্যবস্থা করি তারপর...

হন্ হন্ করে ঘরের বাইরে যেতেই দেখেন, রান্নাঘরের সামনে মুন্নু দাঁড়িয়ে আছে।

চেচিয়ে উঠলেন, বলি হারামজাদা, মরতে গিয়েছিলি কোথায় ?

ষন্ত্রচালিতের মতন মুন্নু বলে, হাত মুখ ধুতে !

—হাত মুখ ধুতে ? যা, বাইরের বল থেকে নেয়ে আয়...তবে আমার বাসন-পত্র ছুঁবি...দাঁড়িয়ে রইলি যে, বেরো আমার সামনে থেকে রক্ত-খেগোর ঝাড়...

মুন্নু যেতে যেতে শুনতে লাগলো বিবিজী তখনও গর্জন করছেন,

—ভাবলুম, যাক্, একটা চাকর এলো, এবার বুঝি একটু ঝাড়া হাত পা হবো, ওমা উল্টে দেখছি, এ এক নতুন বিপত্তি ঘাড়ে চাপলো... পাড়াগোয়ে ভূত, কত আর ভাল হবে !

ছোটবাবু হেসে বলে ওঠেন, সাবধান ভাবী, পাড়াগাঁয়ের লোকদের অমন ক'রে নিন্দা করো না... ভুমিও পাড়াগাঁ থেকে এসেছ...

তাড়াতাড়ি বাশন গুলো রান্নাঘরের দাওয়ায় রেখে দিয়ে, ছাই ফেলবার অছিলায় সে আবার ছুটবো বাইরের ঘরের দিকে।

বাইরে তাড়াতাড়ি ছাই গুলো ফেলে আসলে এমন সময় হঠাৎ গান থেমে গেল।

—এই তোর নাম কি রে ?

মুন্নু ফিরে দেখে একটা ছেলে কলসীতে জল ভরছে আর ছ'জন বসে আছে। যে জল ভরছে, সেই ছেলেটাই প্রশ্ন-কর্তা।

—ছাই ফেলতে হয় তো এই গাদায় ফেলবি।

নির্দেশ মত মুন্নু সেই গাদায় ছাই ফেলে সহজভাবে জিজ্ঞাসা করে,

—তুমিও বৃষ্টি এখানকার চাকর, না ?

ছেলেটি উত্তর দেয়, বাবু গোপাল দাসের বাড়ীতে আমি কাজ করি। তোর বাবুর চেয়ে ঢের বড় বাবু। আর এরা ছ'জন কোর্টের বাবুদের বাড়ীতে কাজ করে। আমরা তিনজনেই হোসিয়ারপুরের ছেলে।

উৎসাহিত হয়ে মুন্নু বলতে আরম্ভ করে, সে আসছে ক্যাংড়া থেকে... সেখানে তার চাচা আর চাচীর বাড়ী আছে... সেখানে কত সব লোকজন ফেতখানার... অযাচিতভাবে অনর্গল সে বলে চলে তার জীবনের অতি-প্রয়োজনীয় সব সংবাদ... একবার যখন সে খুব ছোট ছিল, সেও তার বাবার সঙ্গে হোসিয়ারপুর গিয়েছিল...

প্রত্যুত্তরে তারাও জানায় তাদের জীবনের সব ঘটনা।

এইভাবে কয়েক মুহূর্তের মধ্যে তাদের সব অন্তরঙ্গ সংবাদ আদান-প্রদানের মধ্য দিয়ে তারা নিঃশেষিত করে ফেলে।

এমন সময় আবার হঠাৎ গান বেজে ওঠে। মুন্নু ছুটে চলে আসে সোজা বাইরের ঘরে।

—এই বাদর! নাচ দেখি...বাদর-নাচ...হঠাৎ ছোটবাবু রসিকতা করে ওঠেন।

ছোট মনিবের মনের ভাব মুগ্ধ বুঝতে পারে। সে তৎক্ষণাৎ কার্পেটের ওপর পড়ে হামাগুড়ি দিতে আরম্ভ করে। গায়ে পেশাদার বাদর-নাচিয়েদের কাছে সে যেমনটা দেখেছিল, মনিবের মনোরঞ্জনের অশ্রু ঠিক তেমনিভাবে বানরের মতন হেলে ছলে নাচতে আরম্ভ করে।

শীলা হাসিতে ফেটে পড়ে, চাচা, চাচা, দেখো কি সুন্দর বাদর!

ছোটবাবু পেশাদার নাচিয়েদের মতন হাত নেড়ে উৎসাহ দিয়ে বলে ওঠেন, সাবাস বাদর সাবাস!

বাবু নাখুমলের ছোট মেয়ে লীলাও সে-খেলায় যোগদান করে। ছোট হ'টী হাতে সে হাততালি দিতে আরম্ভ করে।

উল্লাসে শীলা প্রস্তাব করে, চাচা আমি ভালুক হবো?

মুগ্ধ সব ভুলে গিয়ে মনের আনন্দে হেলে ছলে নাচে, মুখ ভ্যাংচায়, চোখ ঘোরায়, বাদরের মতন চেষ্টায়ে ওঠে।

হঠাৎ সুর ছিঁড়ে যায়।

বিবিজী গর্জন করতে করতে ঘরে ঢোকেন, বলি কিসের এত হৈ চৈ গোলমাল? ওমা, একি কাণ্ড! এ হারামজাদাকে কে এ-ঘরে ঢুকতে দিল?

হঠাৎ ঘরের মধ্যে সব স্থির হয়ে যায়। নিস্পন্দ, নীরব। কি সর্বনাশ! মনিবদের সামনে সমানে হাসছে! আস্পর্দা!

মুগ্ধ ছুটে ঘর থেকে বেরিয়ে রান্নাঘরের সামনে গিয়ে হাজির হয়। আজ বহুদিন পরে যেন সে আবার সেই তার পল্লী-জীবনের সহজ আশ্রু-প্রকাশের স্বেচ্ছা পেয়েছে...তার দেহ-মন খুশীতে ভরে উঠেছে। তখনও তার মুখে সে খুশীর হাসি লেগেছিল।



বিবিজী তখন টোষ্ট তৈরী করার ব্যাপারে নিতান্ত আটকে পড়েছিলেন বলে গালাগালের বজাটা সেইখানেই থেমে গিয়েছিল।

কিন্তু কয়েক মিনিট পরেই তিনি রান্নাঘরে ফিরে এলেন এবং কয়েক মিনিট ধরে ভৃত্যের কর্তব্য সম্বন্ধে অনর্গল উপদেশ বর্ষণ করে চলেন,—

—তোর জায়গা হলো রান্নাঘর...ছোটবাবু বা ছেলেদের হুমুড়ে যদি মিশিস্ তাহলে তোরই একদিন কি আমারই একদিন! কাজ সব চটপট করবি এক মিনিট ফাঁকি দিতে পারবি না। দশটার সময় বাবুজী অফিসে যান...শীলাও সেই সময় স্কুলে যায়, সেই জন্তে তোকে রাখা হয়েছে, যাতে তার মধ্যে সব কাজ তাড়াতাড়ি শেষ হয়...আর অমনি তো নয়...রীতিমত মোটা মাইনে দিয়ে তোমাকে পোষা হচ্ছে...এক গাদা টাকা...ষে টাকা তুই জীবনে দেখিস্ নি, তোর বাপ-দাদাও দেখে নি...আর ভাল কথা...মেথর এলে, তাকে বলে দেখে নিবি, বাইরে পাহাড়ের তলায় চাকরদের পায়খানা কোথায় আছে...দরকার হলে সেখানে যাবি...আর স্থান না ক'রে বাড়ী ঢুকবি না...ময়লা হাতে আমার কোন জিনিস-পত্তর যদি ছুঁয়েছ তাহলে...হাত পরিষ্কার আছে তো?

মুন্সু সঙ্কুচিত হয়ে বলে, হাঁ!

—খা, চা-টা ছোট বাবুকে দিয়ে আয়!

মুন্সু দেখে একটা ট্রে-র ওপর চায়ের কাপ, আর একটা ডিসে টোষ্ট...আর একটা বাটীতে দুধ...সে মহা-ভাবনায় পড়লো। কি ক'রে নিয়ে যাবে? এক একটা ক'রে নিয়ে যাবে? না, সবগুলোই এক সঙ্গে নিয়ে যাবে? শেষকালে কি ক'রতে কি ক'রে বসবে, এই ভয়ে, সে বিবিজীকে জিজ্ঞাসা করাই যুক্তিযুক্ত মনে করলো।

—এগুলো নিয়ে যাবো কি ক'রে?

—নিয়ে যাবো কি করে! ওমা! কি বিপদেই পড়লাম! সারাদিন ধরে তোমাকে এক একটা ক'রে কাজ এমনি করে বলে বলে

করাতে হবে নাকি...পোড়া কপাল আমার...কোথা থেকে একটা উজ্বুক ধরে এনে গছিয়ে দিয়ে গেল দয়ারাম...বলি...

মুন্সু ততক্ষণ এক দৃষ্টিতে সেই কাপ-ডিসগুলি দেখছিল...এ ধরণের বাসন তাদের গাঁয়ে সে দেখে নি...খড়ির মত শাদা...অথচ কাঁচের মত চক্চক্ করছে...সে ভেবে কিছুতেই ঠিক করতে পারে না, এগুলো किसের তৈরী। বিবিজীকে জিজ্ঞেস করবে ?

ভাবতে ভাবতে সে হঠাৎ সোজা জিজ্ঞাসা করে ফেলে, এগুলো किसের তৈরী বিবিজী ?

বিবিজী তখনও তাঁর বক্তব্য শেষ করেন নি। হঠাৎ তার মধ্যে এমন অবাস্তর প্রশ্ন শুনে তিনি আরো ক্ষিপ্ত হয়ে উঠলেন,—

—আম্পদ্ধা! আমার কথার মধ্যে কথা বলা! किसের তৈরী ? শ্রীকা...যা, যা বলছি, তাই কর গে যা...ওধারে চা ঠাণ্ডা হয়ে গেল...ওমা, কি কাণ্ড! চীনে মাটার তৈরী, তা-ও জানো না...সাবধান...হাত থেকে যেন পড়ে না...তা হলে তোমার হাড়ও আস্ত রাখবো না!

বিবিজী বকে যেতে লাগলেন...মুন্সু সেদিকে জ্রক্ষেপ না করে ট্রে-টা তুলে নিয়ে বাইরের ঘরের দিকে চল্লো।

বাবু প্রেমচাঁদ হাত তালি দিয়ে বলে উঠলেন, সুস্বাগতম...শীলা...এতক্ষণ পরে তবু এলো চা...

সোল্লাসে শীলা চীৎকার করে উঠলো চা...চা...

এক ধারে বসে ছোট্ট লীলা আপনার মনে ঘাড় নেড়ে নেড়ে গান শুনছিল...চায়ের গন্ধ পেয়ে সে-ও বলে উঠলো...এ্যা...উ...আমিও চা খাবো...

মুন্সুকে দেখে আংরেজী হিন্দুস্থানীতে কৃত্রিম কোপে প্রেমচাঁদ বলে উঠলো, ইধারমে রাখ্‌হো...ইয়ে কালা আড্‌মি!

এটা প্রেমচাঁদের বিলাস। কোন বিলিত্তী জিনিস দেখলে, বা

সাহেবী পোষাক পরলে, সাহেবরা ষে-ভাবে টারা হিন্দুস্থানীতে তাদের 'বয়ে'র সঙ্গে কথা বলে, সে-ও তেমনি বলে।

টেবিলের ওপর ট্রে-টী রেখে দিখে মুন্সু দরজার গোড়ায় দাঁড়িয়ে দেখতে লাগলো, ছোট বাবু কেমন করে একটা গুড়ওয়াল বাটী থেকে চা ঢাললো, কেমন করে আলাদা আলাদা বাটী থেকে দুধ আর চিনি মেশালো.....কেমন করে চামচে দিয়ে নাড়তে লাগলো...

আপনা থেকে তার মুখ দিয়ে বেরিয়ে পড়লো, কি আশ্চর্য্য!

সবই তার কাছে অদ্ভুত লাগছে। এক বাটী থেকে চা আর এক বাটী থেকে দুধ ঢালবার মানে কি? তাদের বাড়ীতে সে দেখেছে, তার চাচী একটা কড়ায় চা, চিনি, দুধ সব একসঙ্গে দিয়ে গরম করে, তারপর এক এক গেলাসে ঢেলে দেয়। একটু আগে সে দেখেছে, বিবিজী একটা কি-রকম ধরণের গোল রুটী ছুরি দিয়ে কেটে আগুণে এক একখানা টুকরো পোড়ালো? এ আবার কি রকম রুটী? বিলিতী পাঁউরুটী এ-র আগে সে দেখে নি।

মুন্সুকে দরজার গোড়ায় দাঁড়িয়ে থাকতে দেখে হঠাৎ শীলা বলে উঠলো, চাচা, ওকে একটু চা দেবে না?

কথাটা বিবিজীর কাণে যেতেই তিনি মুন্সুকে ধমক দিয়ে উঠলেন, ওখানে হাঁ ক'রে দাঁড়িয়ে কেন রে মড়া? কাজ নেই? বলি রান্নাঘর থেকে এখানে চায়ের ট্রে-টা এনেই বৃষ্টি ভাবছো মাইনের জোগাড় হয়ে গেল!

চা খেতে পা'ক আ। নাই পা'ক, শীলার কথাতে মুন্সুর মন ভিজে গিয়েছিল। ইচ্ছা ছিল একটু দাঁড়িয়ে দেখে, কিন্তু বিবিজীর মুখের দিকে চেয়ে সাহসে আর কুলোলো না। সোজা রান্নাঘরের দরজায় গিয়ে হাজির হলো।

পেছনে পেছনে বিবিজীও এসে হাজির।—বাও, বাসন গুলো নিয়ে

কের বেশ ক'রে ছাই দিয়ে রগড়ে রগড়ে মেজে দিয়ে এসো....একটুও দাপ বা তেল বেন লেগে না থাকে।

মুন্সু নীরবে বাসনগুলো নিয়ে বসে। বিবিজী দাঁড়িয়ে দেখেন... মনঃপূত হয় না....গর্জন ক'রে ওঠেন, খুব হয়েছে....আর মাজতে হবে না....সব কাজ সেই আমাকেই ক'রতে হবে...কাউকে কি একটা কাজের ভার দিয়ে নিশ্চিন্তি হবার জো আছে....বলি, ও কাশা, তোয়-মাজা ঐ বাসনগুলো দেখ, আর তাকের ঐ বাসনগুলো দেখ... ঠিক অমুনি ঝকঝকে করতে হবে রে মড়া...

মুন্সু বরাং ভালো ঠিক সেই সময় বাইরের ঘর থেকে বিবিজীর ডাক পড়লো।

—বলি অ শীলার মা...শুনছো গো—। বাবু নাথু মলের গলা।

—বাবু রামলাল এসেছেন....আর এক কাপ চা চাই....ঐ সঙ্গে আমার জন্তে এক কাপ গরম জল....দাড়ি কামাবো...শীলার হানের জলও...রামলাল বাবুর মেয়েদের হ'য়ে গিয়েছে....শীলা যে ঐ সঙ্গে ফুল যাবে....

কিছুক্ষণ পরে বিবিজী শীলা আর লীলাকে হান করিয়ে দেবার জন্তে নিয়ে এলেন।

মুন্সু বাসন মাজে আর দেখে আর ভাবে, মেয়েমাতুস, না, রান্ধুসী!

তার মন কিন্তু পড়ে থাকে বাইরের ঘরে....সেখানে ছোটবাবু চা খাচ্ছেন....লোকটা অস্তুত .আমুদে....বড়বাবু বিচিত্র দেখ নিয়ে শুয়ে গড়াগড়ি দিচ্ছেন...আবার কে একজন নতুন বাবু এসেছেন...

এক ফাঁকে সে উঠে গিয়ে বাইরের ঘরের দরজার আড়ালে দাঁড়িয়ে দেখে....ছোটবাবু ওকি কাণ্ড করছেন? একটা সাবান নিয়ে সারা মুখ ঘসছেন....তারপর একটা দাঁতওয়াল ছোট বস্ত্র নিয়ে মুখটা বেন চষে ফেলছেন....

বুঝলো, ছোটবাবু দাঁড়ি কামাচ্ছেন। মনে পড়লো, তাদের গায়ের নাপিত ভায়ের কথা। কিন্তু তার হাতে তো থাকে একটা লম্বা কুর আর কত সস্তর্পণে সেই কুর সে চালায়। ছোটবাবু কিন্তু চোখ বুঁজিয়ে বস্ত্রটা চালাচ্ছে...এদিক ওদিক...ওপর নীচে...একটুও কাটছে না... কি মজা!

হঠাৎ মুন্সুর সেই বিস্মিত মুখের ওপর দৃষ্টি পড়াতে ছোটবাবু তাঁর স্বাভাবিক রসিকতার ভঙ্গীতে বলে উঠলেন, চোখ বার ক'রে কি দেখাচ্ছিল রে পেঁচা?

মুন্সু একটু বিব্রত হয়ে পড়ে। সামলে নিয়ে হেসে বলে, বস্ত্রটার বুঝি অনেক দাম, ছোটবাবু?

—কেন? মাথার চুল কামাবি নাকি? হঠাৎ তোর মা-বাপ কে মরলো?

—আমার মা-বাপ তো নেই বাবুজী!

—ও নেই। তা এ সখ হলো কেন? বয়স তো আমার কড়ে আঙ্গুলেরও যুগিয়া নয়, এর মধ্যে কুর নিয়ে করবে কি ঠাণ্ড! আচ্ছা, চট ক'রে একটা কাজ কর দেখি...ও ঘর থেকে আমার টোয়ালেটা এনে দে...আমি তোমাকে একটা জিনিস দেবো...তবে কুর নয়, একটা ব্রেড...ইচ্ছা হলে নিজের গলাটা দিবি কেটে ফেলতে পারবি!

আহ্লাদে মুন্সুর মন ডগমগ হয়ে উঠলো...ছোটবাবু তাকে দেবে বলেছেন...মুহূর্তের মধ্যে ছোটবাবুর সঙ্গে একটা অন্তরের আত্মীয়তা সে তৈরী করে নিলো। নাচতে নাচতে তোয়ালে নিয়ে হাজির হয়।

কিন্তু ডখুনি পেছনে কামান ফেটে পড়ে।

—বলি ও ছাদা-পেটা, এখানে দাঁড়িয়ে মজা দেখাচ্ছিস? আর ওধারে আমি খেটে খেটে মরছি! দাঁড়িয়ে আছিস কি? কাজ নেই আর?

—কি কাজ ক'রবো বলুন ?

—ওমা, তুমি কাজ দেখতে পাচ্ছে না ? বলি ও কাণা, চায়ে  
বাসন গুলো ধোবে কে ? তরকারি গুলো কুটেবে কে ?

মুন্সু বিনা বাক্যব্যয়ে চায়ের বাসনগুলো ধুতে আরম্ভ করে।

মনে পড়ে চাচীর কথা। চাচী তাকে গালাগাল দিতো বটে কিন্তু  
এ-রকম ক'রে তো তাকে খাটিয়ে মারতো না। ঘরের সব কাজ চাচীই  
ক'রতো, সে নিজেই গায়ে পড়ে এটা-ওটা ক'রে দিতো। তবে চাচীর  
ছেলেপুলে হয় নি বলে, গাঁয়ের লোকেরা তাকে কথা শোনাত। সে  
উর্টে সেই রাগ মুন্সুর ওপর ঝাড়তো। নইলে মুন্সুর মনে পড়ে, কতদিন  
চাচী তাকে আদর করে বুকে টেনে নিয়েছে, চুমু খেয়েছে, কতদিন রাত্রি  
বেলায় চাচীর কোলের কাছে শুয়ে চাচীকে জড়িয়ে ধরে ঘুমিয়ে পড়েছে।  
এ মাগী অকারণে তাকে গালাগাল দেয়, অকারণে তাকে উত্যক্ত ক'রে  
- মারে।

চায়ের বাসনগুলো ধুতে ধুতে সে ভাবে, নিজেকেই নিজে আখাস  
দেয়, হয়ত একদিন বিবিজী আর তাকে এ রকম উত্যক্ত করবে না,  
বুঝবে মুন্সু কত ভাল ছেলে, সে-ও তখন বাড়ীর ছেলের মতন হয়ে যাবে।  
আপাতত ছোটবাবু তো মন্দ লোক নয়, ভারী মজার কথাবার্তা বলি,  
ছেলেমেয়েরাও তার বাদর-নাচ দেখে খুব খুশী হয়েছে। বড়বাবু তেমন  
কিছু বলেন না....কিন্তু ঐ বিবিজী....

ভাবতে ভাবতে সে শিউরে ওঠে। বিবিজী সম্বন্ধে মনে মনে সে বে  
জল্লানা করছে, যদি তা কোন রকমে বিবিজী জানতে পারে! কাজ নেই  
বিবিজীর কথা ভেবে! সে ইচ্ছে ক'রে অল্প জিনিস ভাবতে চেষ্টা  
করে। ছোটবাবুর ঘরে সে রেশমের কি সুন্দর সব পোষাক দেখেছে...  
একমাত্র সেই সাহেবকেই সে-রকম সুন্দর পোষাক পরতে রাস্তার সে  
দেখেছে...

কাজ সেরে উঠতেই দেখে সামনে ছোটবাবু...

—এই বে, মহামহিমাম্বিত মুন্সু বাবু...আপনার কলতলার কাজ সারা হয়েছে বোধ হয়...এবার তা হলে আমি নামতে পারি...

—নিশ্চয়ই বাবুজী! আমাকে আপনি—

মুন্সু কথা শেষ ক'রতে পারে না। বিবিজী এসে পড়েন,

—বলি হলো? যাও, ও গুলো রেখে দিয়ে এসো...উধাও হয়ো না যেন...তরকারি কুটতে হবে...আর, ফের বলছি শুনে রাখো, না ডাকতে যদি অল্প ঘরে ঢুকবে...তা হলে...বকতে বকতে বিবিজী অন্তর্দ্বান হন।

মাধায় জল ঢালতে ঢালতে ছোটবাবু বলে ওঠেন, এই রে, বগ্না মুক্ হ'য়েছে আবার...বেটা, সাবধান, ডুবে মরবি...

বহুকষ্টে মুন্সু হাসি ধামিয়ে রাখে।

এমন সময় বাইরে থেকে কে ডেকে ওঠে, শীলা! ও শীলা!

মুন্সু দেখে, একটি ছোট্ট মেয়ে।

মুন্সুকে দেখে মেয়েটা যেন চমকে ওঠে। বিবিজী বলেন, কৌশল্যা, ওকে দেখে ভয় পেলি নাকি? ভয় নেই, ভয় নেই, ও কিছু করবে না...শীলার হয়ে গিয়েছে...ওকে সাবধানে নিয়ে যাবি কেমন।

কৌশল্যা বলে আমি শুনেছি, ও নাকি খুব ভালো বাদর নাচতে পারে!

বিবিজী পরিচয়টা আরো গাঢ় করিয়ে দেবার ইচ্ছা বলেন, অনেক কিছুই পারে...আজ সকালে কি করেছে জানিস্ না বুঝি?

সমিস্তারে সকালের প্রাতঃকৃত্য-পর্কের বর্ণনা করেন।

লজ্জায়, হুঃখে, মুন্সুর মনে হয় যেন সে মাটির সঙ্গে মিশে যায়। সব লোককে বিবিজী যদি এই রকম ক'রে সেই কথা শুনিবে বেড়ায়, তাহলে সে মুখ দেখাবে কি ক'রে? সে বুঝতে পারে এতক্ষণ পরে, চাকর হওয়া মানে কি, অষ্টপ্রহর তাকে মথ বজে এটা-ওটা-সেটা করতে হবে.

মানভ্য গুনতে হবে গালাগাল এবং যদিও এখনো তার ভাগ্যে ঘটে নি, ভবুও সে বুঝতে পারে, প্রহারও খেতে হবে সময় অসময়ে। সমস্ত মনটা তার ম্লান হ'য়ে পড়ে। হঠাৎ কেন জানি মনে হয়, সে একলা, বড় একলা।

এমন সময় দেখে, সাহেবী-পোষাকে সুসজ্জিত হ'য়ে ছোটবাবু হাজির।

হেসে মুন্নুকে জিজ্ঞাসা করেন, বলি ওহে ল্যাজহীন বানর, বিবিজী কোথায় রে ?

বাইরের দরজা থেকে ভেতরে আসতে আসতে বিবিজী স্বয়ং জবাব দেন, কেন, কি দরকার ?

—দরকার এমন বিশেষ কিছু নহে...খোদ আংরেজ সরকারের ইম্পিরিয়াল ব্যাঙ্ক হইতে আমার জ্যেষ্ঠ ভ্রাতা প্রতি মাসে যে একশত পঞ্চাশটি গোল গোল রূপার চাকতি লইয়া আসেন, তাহা হইতে পাঁচটি চাকতি এখন আমার চাই। একটা রুগীকে দেখতে যাচ্ছি স্ত্রীর পকেটে পাঁচটা টাকা থাকা দরকার। একহাত দিয়ে রুগী দেখবো আর এক হাত দিয়ে পকেটে টাকাসুলো বাজাবো। লোকে জানবে ডাক্তারের পকেট টাকায় ভর্তি...দেখবে তখন লোকে আমার কাছেই রোগ দেখাতে ছুটবে...টাকায় টাকা আনে, বুঝলে ?

টাকাটা এনে দেবার জন্তে বিবিজী ঘরের দিকে পা বাড়ালেন কিন্তু পেছন ফিরে ফিরে বক্র দৃষ্টি দিয়ে মুন্নুকে দেখতে লাগলেন, সে-বক্র দৃষ্টির অর্থ, যেখানে দাঁড়িয়ে আছ, সেখানে দাঁড়িয়ে থাক...কোন বাক্সো থেকে টাকা বের করছি, তা' যেন উকি মেরে দেখতে এসো না।

কিন্তু ঘরে ঢুকেই দেখেন, মুন্নু উকি মারছে।

বাক্সোটা আড়াল ক'রে দাঁড়িয়ে টাকাটা নিয়ে বাইরে এসেই তিনি ঝংকার দিয়ে উঠলেন, এই চোর, উকি মারছিল্ বে ? কাজ করবে বা।



মুন্সুর মনে নিদারুণ রাগ হয়, এ কি ব্যাপার ! অকারণে তাকে চোপ বুলো কেন মার্গী ? আপনার মনে রাগে গরু গরু করতে করতে সে কুটনো কুটতে বসে।

কিছুক্ষণ পরেই বিবিজী এসে হুকুম করেন, যা, এইবার ঘরগুলো, ঝাঁট দে, বিছানা গুলো পরিষ্কার ক'রে রাখ।

ঘরে ঢুকতে পারবে এই আনন্দে মুন্সু যেন ছুটে চলে আসে। রূপকথার রাজ্যের মতন ঘরের সব জিনিস-পত্র তার অদ্ভুত লাগে। ঝাঁটা দিতে দিতে সে যেমে যায়, স্ববাক হয়ে ঘরের প্রত্যেকটা জিনিস যেন দৃষ্টি দিয়ে গিলে খেতে চায়। সব চেয়ে বেশী আকর্ষণ করে, বড় বড় ফটোগ্রাফগুলো। এ-দিক ও-দিক চেয়ে সে ফটোগ্রাফ গুলোর কাছে গিয়ে ভাল ক'রে দেখে। দেখে যেন তার আর তৃপ্তি হয় না। প্রত্যেকটা জিনিসের রঙ আর রেখা তার মনে বিচিত্র সব প্রশ্ন জাগিয়ে তোলে। ঐ বই গুলোর ভেতর কি লেখা আছে ? ঘড়ির কাঁটাটা ও-রকম ক'রে চলছে কি ক'রে ? গ্রামাফোন মেশিনের ভেতরে গানগুলো এখন কি করছে ? তারা কি ক'রে হঠাৎ শব্দ ক'রে ওঠে ?

হুপুর বেলা তার চাচা এলো, বাবুজী আর শীলার খাবার নিয়ে বাবার জন্তে।

হেসে জিজ্ঞাসা করে, কেমন লাগছে এখানে ?

বিবিজী সামনেই দাঁড়িয়ে।

মুখ তুলে মৃদুস্বরে সে উত্তর দেয়, ভাল লাগছে !

নিজের কাজের ভার কমানোর জন্তে দয়ারণ্য বিবিজীর কাছে অনুরোধ জানায়, মুন্সুকে যদি এখন একটু ছেড়ে দেন—তাহলে ওকে দেখিয়ে দিই—শীলার খাবারটা রোজ হুপুরে ও নিয়ে যাবে'খন।

বিবিজী সম্মত হন।

রাত্তায় এসে মুন্সু কেঁদে ফেলে ! একে একে তার লালিনার কথা

সব জানায়। এ জীবন অসহ্য। বিশেষ করে বিবিজীর মুখ, এক মুহূর্ত্ত গালাগালের কামাই নেই।

উত্তরে দয়ারাম বলে, ওদের আমার বাহুরে। মনিব কি বলো না বলো, চাকর বুঝি তাই মনে রাখে? তুই এখন ওদের চাকর... বড় হয়েছিস, কাজ করতে হবে না? দেশেতে দিব্যি মজায় দিন কাটিয়েছে, এখানে তো ভাল লাগবেই না! তোর মা তো তোর মাথা খেয়েছিলই, চাটীও আদর দিয়ে নাড়ু গোপালটা করেছে!

মুন্নু বহুকষ্টে মুখ বুজে সহ্য করে। ঘরের বাইরে মুক্ত প্রকৃতির সংস্পর্শে তার মধ্যে তখন জেগে উঠেছে গাঁয়ের সেই বুনো ছেলে, একবার ইচ্ছা হলো, কথায় উত্তর না দিয়ে, সোজা একঘুষি দিয়ে লে জবাব দেয়।

বাড়ী ফিরে এলে, বিবিজী তার হাতে ছ'খানা চাপাটা আর একটু শাক দিলেন। হাতে করেই খেতে হবে, পাত্রে খাবার মতন লোক তারা নয়, বিবিজী জানিয়ে দেন। অপমানে তার মনে হতে লাগলো গলা দিয়ে যেন খাবার নামছে না।

কিন্তু সে বুঝেছে, এ নিয়ে মন খারাপ করে কোন লাভ নেই।

দুপুরের কাজ শেষে বিকেলের দিকে সে ক্লাস্ত হয়ে শুয়ে পড়লো।

হঠাৎ গোলমালে সে উঠে পড়ে দেখে, সকাল বেলায় সেই কৌশল্যা মেয়েটা, আর ছ'টা মেয়েকে সঙ্গে নিয়ে শীলার সঙ্গে খেলতে এসেছে। বাইরের ঘরে তারা নাচতে আরম্ভ করে দিয়েছে।

তাদের সঙ্গে খেলায় বোগদান করবার জন্তে মুন্নু চঞ্চল হয়ে উঠলো। কিন্তু না ডাকলে কি করে খেলা যায়? তাই তাদের দৃষ্টি আকর্ষণ করবার জন্তে সে বাইরের ঘরের দরজার সামনে বীদর-নাচ নাচতে শুরু করে দিল। কিছুক্ষণ পরেই মুন্নু দেখে কখন সে অতর্কিতে তাদের সঙ্গে খেলায় মিশে গিয়েছে। হঠাৎ তাদের মধ্যে একজন মুন্নুকে হাত

দিয়ে ঠেলে দেয়, বায়ে, তুমি জো চাকর, তুমি কেন আমাদের সঙ্গে খেলবে ?

এমন সময় ছোটবাবু ফিরে এলেন, সঙ্গে আরো ছ'তিনটা বাবু।  
যে চুকেই ছোটবাবু চায়ের হুকুম করলেন। বিবিজীর কাছে সে-  
সংবাদ চলে গেল।

ছোটবাবুর আগমনে মুন্সুর ভেঙ্গে-পড়া মন আবার জেগে উঠলো।  
ছোটবাবু বাইরে থেকে বড় বড় রসগোল্লা, গোলাব জাম, আরো কত  
কি বিলিভী খাবার নিয়ে এসেছিলেন। মুন্সুর জিভে জল এসে গেল।  
ছোটবাবুর খাওয়া হয়ে গেলে, সেই প্লেটে বা পড়েছিল, ছোটবাবু মুন্সুকে  
খেতে দিলেন। মুন্সু নীরবে ছোটবাবুকে তার অন্তর সমর্পণ ক'রে দিল।  
ছোটবাবুর মুখ থেকে কথা বেরতে না বেরতে মুন্সু খরগোসের মত  
ছুটে তা পালন করে। মনে পড়ে, গাঁয়ে তার দলের ছোট ছেলেরা  
তার জন্তে এমনি করেই হুকুম তামিল করতো।

হায়, ছোটবাবু বেড়াতে বেরিয়ে গেলেন! সঙ্গে সঙ্গে শুরু হলো,  
বিবিজীর আদেশ ও আক্রমণ। যা কিছু করতে যায়, তাতেই বিবিজী  
একটা না একটা খুঁত বার করেন। আর অমনি দমকা হাওয়ার মত শুরু  
হয় গালাগাল। সব কাজ সেরে সন্ধ্যাবেলা এক কোণে একটু বিশ্রামের  
জন্তে বসতেই ক্লান্তিতে ছ'টা চোখ বুঁজে এলো। অমনি মাথার ওপর,  
এবার আর দমকা হাওয়া নয়, রীতিমত ঝড় ভেঙ্গে পড়লো। কিন্তু  
নিদ্রাদেবী তখন তাকে যে অতল গভীর গহবরে টেনে নিয়ে গিয়েছিলেন,  
সেখানে বাইরের কোন ঝড়েরই আওয়াজ পৌঁছল না।

বাবু নাঞ্চুমলের বাড়ীতে মুন্সুর জীবন কলে-বাঁধা চাকার মত  
একধেয়ে চলতে থাকে.....একধেয়ে ক্রীতদাসের জীবন.....

তাকে স্বীকার করে নিতে মুন্নুকে নিজের সঙ্গে রীতিমত লড়াই করতে হয়। বুনো পাখী কি সহজে খাঁচার থাকতে চায় ?

একদিন ভোর বেলায় কীথা মুড়ি দিয়ে শুয়ে থাকতে থাকতে সে নিজেকে প্রশ্ন করে, আমি কে, বলতো মুন্নু ?

মনে মনে জবাব দেয়, ছুমি মুন্নু....বাবু নাথুমলের বাড়ীর চাকর।

ফের প্রশ্ন করে, কেন আমি এখানে এই বাড়ীতে ?

উত্তর আসে, কেন জান না ? তোমার চাচা তোমার ছ'বেলার ছ'মুঠোর জন্তে তোমাকে এখানে এনেছে।

—কিন্তু এখানে না এনে তো, অল্প জায়গায় নিয়ে যেতে পারতো, অল্প কোন কাজে...তার মত কোন অফিসে চাপরাসী করে ?

তার আর উত্তর সে খুঁজে পায় না :

সে যে কি, এবং তার যে উত্তর হতে পারে, তা সে সহজেই গ্রহণ করেছিল। বাবু নাথুমলের চাকর হওয়া ছাড়া, সে কি আর কিছু হতে পারে না ? সে প্রশ্ন করবার মত শক্তি তার মনে ছিল না। কেন সে চাকর ? আর কেনই বা বাবু নাথুমল তার মনিব ? এ জিজ্ঞাসা আসে না তার মনে। সে যা হয়েছে, সে ভাই, এটা সে স্বভাসিক সিদ্ধান্তের মতনই মেনে নিয়েছিল। তার সঙ্গে বাবু নাথুমলের বা সম্পর্ক, বাবু নাথুমল পায়ে ষার চক্চকে কালো বুট, আর সে, চলতে গেলে ষার খালি পায়ে লাগে পথের ধুলো, তাদের ছ'জনের সম্পর্ক সূর্যোদয় আর সূর্যাস্তের মত, স্থির, সুনির্দিষ্ট, অপরিবর্তনীয়...

ভাবতে ভাবতে হঠাৎ মনে পড়ে ছোটবাবুর কথা...রোজ বিকেলে কাড়ী ফেরবার সময় রসগোল্লা, গোলাপ জাম আরও কত কি বিলিভী খাবার নিয়ে আসেন...বিবিভীর আড়ালে একটু-আধটু ছোটবাবু তাকে নিয়মিত দেন...তবে রসগোল্লা আর গোলাপ জামের চেয়ে বিলিভী খাবার গুলো ঢের ভাল...কিন্তু বাবু বা সাহেব না হ'লে তো সে সব

খাওয়া যায় না! সে সব খেতে হলে, ছোটবাবুর মত সিল্কের পোষাক পরতে হবে, মাথায় শোলার চুবড়ী রাখতে হবে...আর পায়ে দিতে হবে বুট! মনে পড়ে ছোটবাবুর বাব্ব...সে দেখেছে তার ভেতরে সুন্দর সুন্দরকত যে পোষাক আছে, কত রঙ-বেরঙের রুমাল...তুলোর মত নরম গরম সব জামা...কি অদ্ভুত সব দেখতে! অদ্ভুত সুন্দর! যখন সে বড় হবে, সেই ধরণের পোষাক পরবার মত তার বয়স হবে, ছোটবাবুর কাছে সে নিজে চেয়ে নেবে ঐ রকম একটা শার্ট আর কোট...ছোটবাবু নিশ্চয় না করবেন না...দয়ার শরীর তাঁর...এই তো সেদিন তাকে একটা ব্লেড দিয়ে দিয়েছেন একেবারে...

ছোটবাবু তার মনকে দখল ক'রে বসে...শুধু কি দয়ার শরীর? কি রকম বুদ্ধি! একটা রবারের নল দিয়ে তিনি সব বলে দিতে পারেন কার শরীরের ভেতরে কি অসুখ হয়েছে...বুকের কাছে কাণ পেতে তিনি শরীরের ভেতরের সব শুনতে পান! সে নিজের চোখে দেখেছে ছোটবাবুর সেই সব কীর্তি...তা ছাড়া ছোটবাবুর একটা ভেল্‌ভেটের বাব্ব আছে...তার ভেতর কত রকম যন্ত্রপাতি...উঃ...নুন্নু যদি পারতো সেই সব যন্ত্রপাতি নাড়াচাড়া করতে...ছোটবাবুর মতন ডাক্তার হতে! অস্তুত যদি সে বড়বাবুর মতনও হতো...তাতেও তার আপত্তি নেই...রাস্তায় বেরলে কত লোক বড়বাবুকে যেচে নমস্কার জানায়। কিন্তু...

সে যে সমাজে জন্মগ্রহণ করেছে, যার ভিত্তি গড়ে উঠেছে জাতিভেদ আর শ্রেণী-ভেদের ওপর, সেখানে হাতে-গোলা-যায় একদল মুষ্টিমেয় সৌভাগ্যবান লোক, পৃথিবীর যা কিছু রূপ রস গন্ধ ভোগ ক'রে চলেছে। তারাই হলো সে জগতের আদর্শ। এবং সে জগতের একমাত্র নীতি হলো, নিজের জন্তে সব কিছু...সেই আবহাওয়ায় তারও মন তাই স্বভাবতই আকাজক্ষা করে, সব কিছু ভোগ করতে...

সে স্কুলে তার দেশের লোকদের যে সব গল্প শুনেছে বা পড়েছে,

গাঁয়ের যে সব কাহিনী শুনেছে, সব তাতেই আছে সেই এক কথা, শক্তি দাও, সম্পত্তি দাও, অর্থ দাও...সকলের ওপর আমি করবো ভোগ...

এই ঐশ্বর্যের আকাজা, ভোগের দুর্নিবার স্পৃহা, প্রত্যেক শিশুর মনে...শিশু কেন, বয়ঃপ্রাপ্তদেরও মনে, আলো জল হাওয়ার মত 'মিশে' যায়...চোখের সামনে একটা পুরু পর্দা ফেলে দেয়, যার ফলে তারা দেখতে পায় না, এই সর্বস্ব চাওয়ার আড়ালে আছে সর্বস্ব-ক্ষয়-করা এমন এক মারাত্মক জীবন-নীতি, যার জন্তে জীবন অধিকাংশের কাছে হ'য়ে থাকে অর্থহীন, বর্ণহীন, মূল্যহীন...

শহরে এসে মুন্সুর চোখেও তাই ধাঁধা লেগে গিয়েছিল....সেখানকার ঐশ্বর্যের আলোর ছটায়! মনে মনে সে ভাবতো, শহরের লোকেরা তাদের গাঁয়ের লোকদের চেয়ে ঢের বড়। কিন্তু কেন বড়? কিসে তারা বড়? সে প্রশ্নের কোন উত্তর সে দিতে পারতো না। তারা সবাই ভাল ভাল পোষাক পরে, ভাল বাড়ীতে থাকে, ভাল ভাল জিনিস ব্যবহার করে...তাই থেকেই সে অনুমান ক'রে নেয়, এরা নিশ্চয়ই আলাদা ধরণের আশ্চর্য্য সব মানুষ। তাদের এই চাকচিক্য, এই নিকৃৎসং মন্থগতা, এই আড়ম্বরের আনন্দোচ্ছাস, এর মূলে টাকু-আনা-পাই যে কতখানি রয়েছে, তা সে বুঝতে পারে না।

সব ভেবেচিন্তে একটা কথা সে স্থির সত্য বলে মেনে নেয়, সে কে চাকর, সে যে ছোট, সেইটেই একমাত্র সত্য। অতএব চাকর তাকে হ'য়ে থাকতেই হবে...মনে মনে প্রতিজ্ঞা করে, বাতে সে ভাল চাকর হতে পারে...লোকে বলবে, হাঁ, চাকরের মতন চাকর বটে!

কিন্তু হায়, ভাল হব বলেই কি ভাল হওয়া যায়? আদর্শে পৌঁছতে গেলে, ষে-পথ দিয়ে যেতে হয়, তার মোড়ে মোড়ে গর্ত...গোপন গহ্বর...

অচিরকালের মধ্যেই মুন্সু সেই রকম একটা গর্তে পড়ে গেল...এবং

যে-টুকু বিবিজীর মন ভিজেছিল, দেখতে দেখতে তা শুকিয়ে কাঠ হয়ে গেল।

ঘটনাটা সুরু হলো, বেদিন বিকেলবেলা মিঃ ডবলু পি ইংলণ্ড বাবু নাথুমলের বাড়ীতে চায়ের নিমন্ত্রণে আহূত হয়ে আসেন।

মিঃ ইংলণ্ড শ্রামনগরের ইম্পিরিয়্যাল ব্যাঙ্কের প্রধান ক্যাশিয়ার, বাবু নাথুমল তাঁর অধীনে সাব-এ্যাকাউন্টেন্ট। দীর্ঘকাল, যখন চলেন মনে হয় পা ছ'খানা যেন কাঠের, সর্বদাই পঁয়তাল্লিশ ডিগ্রী কোণ রেখে মেপে ফেলেন...ছোট্ট মুখ...কিন্তু তাতে কোন ভাবের অভিব্যক্তি নেই...কৃষ্ণহীন, সমতল...চসমার মোটা ফ্রেমটা তাই মুখের মধ্যে সব চেয়ে বেশী দৃষ্টি আকর্ষণ করে। কিন্তু একটা জিনিস, ঠোঁটের আগায় একটু খানি পাতলা হাসি, সব বৈচিত্রহীনতার উপরেও চোখে পড়ে এবং এই পাতলা হাসিটুকুর ভরসাতেই বাবু নাথুমল তাঁকে তাঁর বাড়ীতে চায়ের নিমন্ত্রণে ডাকতে সাহসী হয়েছিলেন।

প্রতিদিন সকালবেলা অফিস-ঘরে ঢোকবার আগে বাবু নাথুমল সাহেবকে অভিবাদন জানান এবং তার প্রত্যুত্তরে প্রতিদিন ছোট্ট একটা গুড় মর্গিং-এর সঙ্গে এই পাতলা হাসিটুকু তিনি উপহার স্বরূপ পান। এবং এই হাসিটুকু যে মিঃ ইংলণ্ডের অন্তরের উদারতার বহিঃপ্রকাশ সে বিষয়ে তাঁর বিশেষ কোন সন্দেহই থাকে না। তবে এ-হাসির আর কোন গভীর সার্থকতা আছে কি না, তা তিনি ঠিক বুঝতে পারেন না। বুঝতে পারেন না, এটা সত্যি হাসি, না মুখোসের হাসি। অবশ্য বাবু নাথুমল এই হাসির তাৎপর্য এতকরে বুঝতে চেষ্টাই করতেন না, যদি না তিনি জানতেন যে, মিঃ ইংলণ্ডের সুপারিশের উপরেই তাঁর পদোন্নতি নির্ভর করছে। এ্যাকাউন্টেন্টের পদের জন্মে তিনি অনেকদিন থেকেই আশা ক'রে আছেন কিন্তু বাবু আফজল-উল-হক আজ দীর্ঘ কুড়ি বৎসর কাল ধরে ঐ পদে এমন অচল ভাবে অধিষ্ঠান ক'রে আছেন যে,

সেখান থেকে তাঁকে সরিয়ে নিজের আসন ক'রে নিতে হলে মিঃ ইংলণ্ডের ঐ পাতলা হাসিটুকুর সদ-ব্যবহার একান্ত প্রয়োজনীয়।

মিঃ ইংলণ্ড নতুন অফিসর। এখনও ক্লাবের সাহেবদের সঙ্গে খানাপিনার ফলে তিনি ভারতীয় মাত্রকেই ঘৃণা করতে শেখেন নি, এখনও তাঁর ঠোঁটের সেই পাতলা হাসি শুকিয়ে ত্যাচ্ছিলো পর্যন্ত হয় নি, কিম্বা এই গ্রীষ্মপ্রধান দেশের জল হাওয়ার দোষে তা ঠোঁট থেকে দাঁতে এসে লাগে নি। তাই বাবু নাথু মল যত তাড়াতাড়ি সম্ভব সুপারিশটা এই অবসরে করিয়ে নেবার জন্তে উৎকণ্ঠিত হয়ে পড়েন। তাই পরস্পর পরস্পরকে ভাল ক'রে জানবার আগেই তিনি নিমন্ত্রণ ক'রে ফেলেন এবং মিঃ ইংলণ্ডও তা গ্রহণ করলেন।

তবে নিমন্ত্রণ করবো বলেই নিমন্ত্রণ করার মতন সাহস বাবু নাথু মলের ছিল না। তার জন্তে দিনের পর দিন রীতিমত কসরৎ করতে হয়েছিল তাঁকে। রোজ সকাল বেলা ঠিক ক'রে আশেন, গুড-মর্নিং বলার সঙ্গে সঙ্গেই কথাটা পাড়বেন কিন্তু গুড মর্নিং-এর পর আর কিছুই গলা দিয়ে বেরুতে চায় না। কি নিয়ে কথাটা পাড়া যায়? হাতে একটা ফাইল বা একখানা চিঠি থাকলেও হতো, কিন্তু তখন সবে মাত্র অফিসে ঢুকছেন, ফাইল কোথায় পাবেন? আর চিঠিপত্র তখন খোলাই হয় না। তারপরে যখন অবকাশ হয়, তখন হাতে এত ফাইল বা চিঠি থাকে যে অবাস্তুর কোন কথাই উত্থাপন করা চলে না। তাই বাবু নাথু মল শুধু দূর থেকেই দেখেন মিঃ ইংলণ্ডের ঠোঁটে সেই পাতলা হাসি.....সে হাসির অর্থ যে কি, তা কিছুতেই ভেবে ঠিক করতে পারেন না। তিনি বেশ ভাল করেই জানতেন যে, এই সব সাহেবদের মতিগতির কোন স্থিরতা নেই...তাই তারা ইচ্ছা করেই মুখ বুজে থাকে...তারা শুধু মুখ হাঁ করে, কথা বলে না। নিজেরাও কথা বলবে না, তোমাকেও কথা বলতে দেবে না।



হঠাৎ একদিন বাবু নাথুমলের এক বিলাত-প্রভাগত ব্যাবস্থার বন্ধু তাঁকে তাঁর নিজের অভিজ্ঞতা থেকে একটা সত্বপদেশ দিলেন, দেখ, সাহেবদের সঙ্গে যদি কোন কথা পাড়তে চাও, তাহলে আব-হাওয়ার ব্যাপার থেকে শুরু করতে পার।

তবুও প্রতিদিন সকাল বেলা সেই ছোট্ট একটুখানি শুভ-মর্গিং ছাড়া আর কোন কথা তাঁর মুখ থেকে বেরোয় না। বন্ধুর উপদেশও বুঝি ব্যর্থ হয়ে যায়!

মিঃ ইংলও প্রত্যুত্তরে মিষ্টি ক'রে হেসে ছোট্ট ক'রে বলেন, শুভ মর্গিং... আর ভাবেন, লোকটা বয়সে তার চেয়ে অন্তত কুড়ি বছর বড়... অত মাথা হেঁট করবার তার দরকার কি? আর তা ছাড়া মিঃ ইংলও জানে লোকটা ধনী, এলাহাবাদ ব্যাঙ্কে তার চল্লিশ হাজার টাকার শেয়ার আছে সুতরাং নিশ্চয়ই গভর্নমেন্টেরও খুব প্রিয় পাত্র। হয়ত ব্যাঙ্কের সাহেব ডিরেক্টররাও তাকে খাতির করে; কিন্তু তবু কেন লোকটা এমনভাবে থাকে? তার মর্যাদা-অনুযায়ী চলে না কেন? মনে পড়ে বড় সাহেব হর্নের কথা... হর্ন ঠিকই বলে, ভারতবর্ষের লোকেরা মাথা নীচু ক'রে, হাতজোড় ক'রে থাকতেই ভালবাসে!

একদিন সাহসে ভর ক'রে নাথুমল সাহেবের পিছু পিছু হাত কচলাতে কচলাতে চল্লো... সাহেব মনে মনে অশোয়াস্তি বোধ করে...

হঠাৎ পেছন থেকেই নাথুমল বলে ওঠেন, আজকের দিনটা চমৎকার স্মার! চমৎকার দিন!

মিঃ ইংলও পা ঘষে ঘুরে দাঁড়ালো, মনে হলো যেন তার পিঠের ওপর বাজ ভেঙ্গে পড়লো। অবাক চাঞ্চল্যে তার মুখ পাংশু হয়ে এলো কিন্তু বহু কষ্টে নিজেকে সঞ্চরণ ক'রে নিয়ে দৈতো হাসি হেসে বলে,— সত্যি,—চমৎকার দিন! চমৎকার!

নাথুমল বুঝতে পারেন না, কর্ণস্বরের মধ্যে ওতপ্রোত তীব্র ব্যঙ্গ।

এতদিনের চেষ্টায় তিনি যে মৌনতা ভাঙ্গতে পেরেছেন, এই খুশীতেই তিনি পারেন তো নিজের পিঠ চাপড়ান। চায়ের নিমন্ত্রণের কথা আর বলা হয় না।

ঘরে বসে নাথুমল কাজ করেন, আর ভাবেন, কখন কথাটা বলা যায়। মিঃ ইংলও, কতকটা আন্দাজ করে, সেদিন ঠিক করলো, ব্যাপারটা কি, জানতে হবে। নিজেই নাথুমলের টেবিলের সামনে এসে হেসে বলে, কি নাথুমল? কেমন আছ?

হঠাৎ লেজার থেকে মুখ তুলে, কাণের পাশে কলমটা জুঁজি নাথুমল বলে ওঠেন, চমৎকার দিন স্মার!

হেসে ইংলও উত্তর দেয়, কিন্তু আমার পক্ষে একটু কম চমৎকার হলে ভাল হতো!

কি উত্তর দেবেন ঠিক করতে না পেরে নাথুমল বলেন, হাঁ স্মার! ঠিক তাই স্মার!

তারপর আবার চুপচাপ। মিঃ ইংলও নাথুমলের দিকে চেয়ে, নাথুমল ইংলওর মুখের দিকে চেয়ে।

ইংলওই আগে কথা বলে, আমি লান্চ খেতে যাচ্ছি এখন...উঃ, এ গরমে কি কিছু খাওয়া যায়?

নাথুমল, এই অবকাশ!

নাথুমলের মুখে বেন কথা এ-ওর ঘাড় পড়ে যায়,—

—সত্যি স্মার...আপনার উচিত স্মার, দেশী খানা খাওয়া...খেতে চমৎকার স্মার!

ইংলও উত্তরে জানায়, ক্লাবের খানসামা মাঝে মাঝে শুভামাদের মত ঝোল তৈরী করে বটে কিন্তু বড় ঝাল্...

—আমার স্ত্রী স্মার, চমৎকার ঝোল রাঁধে...কর্তী রকমের রান্না স্মার...একদিন আপনাকে আসতেই হবে...

—না, ঝোল আমার ভাল লাগে না...বুও তোমার আহ্বানের  
অগ্র মুগ্ধবাদ!

হঠাৎ ইংলণ্ডের মনে পড়ে যায়, যেন বড় বেশী ঘনিষ্ঠতা ক'রে ফেলা  
হচ্ছে...ক্লাবে তারা বারবার ক'রে বারণ ক'রে দিয়েছে, নেটিভদের সঙ্গে  
ঘনিষ্ঠতা করা উচিত নয়। যাবার জন্তে ইংলণ্ড ঘুরে দাঁড়ায়।

নাথুমল কল্পিত হৃদয়ে বলে ফেলে, তা হোক স্মার! একদিন  
আমাদের বাড়ী আপনাকে আসতেই হবে স্মার! আপনি যদি পায়ের  
ধূলো দেন, আমার স্ত্রী ধন্ত হয়ে যাবে স্মার! অন্তত চা খাবার জন্তে  
আসতে হবে স্মার! আমার ভাই স্মার...

ইংলণ্ড ঘাড় নেড়ে জানায়, না...

—সে হবে না স্মার...আমি গুনবো না...আজই যেতে হবে স্মার!

—না...আজ নয়...অগ্র আর একদিন দেখা যাবে...

তারপর থেকে নাথুমল, সকালে, দুপুরে, বিকেলে যখন ইংলণ্ডের  
সঙ্গে দেখা হয়, তখনই সেই চায়ের কথা পাড়ে...একবার পায়ের ধূলো  
স্মার...

অবশেষে একদিন ইংলণ্ডকে রাজী হতেই হয়...এক সপ্তাহ পরে...

এক সপ্তাহ ধরে বাবু নাথুমলের বাড়ীতে সেই চা-পার্টির আয়োজন  
চলতে লাগলো। সবাই উদগ্রীব চঞ্চল। সে উৎসাহের ছোঁয়া মুনুকো  
লাগে। মেঝের কার্পেট তুলে, ধূলো ঝেড়ে, তাকে উলটিয়ে পাতা  
হলো। ঘরের এক কোণে শিশি, বোতল, বই, ছবি, ঘড়া, ঘটী সব  
একত্র ক'রে তার ওপরে আচ্ছাদনস্বরূপ একটা শাদা চাদর ঢেকে দেওয়া  
হলো...দেশী ঘরের এলোমেলো ভাবকে যতখানি পরিষ্কার পরিচ্ছন্ন  
ক'রে ভদ্র ক'রে তোলা যায়।

বাবু নাথুমলের বাড়ীতে যে একজন সাহেব আসছেন, সে-সংবাদ  
পাড়ায় আশে-পাশের বাড়ীতে ইতিমধ্যে ছড়িয়ে পড়েছে এবং পড়ো-

বাড়ীর ভাঙ্গাজানলার মুক্তপথ দিয়ে সাহেবের দৃষ্টি যাতে জেনানা-মহলের আক্রমণ না করে, তার জন্তে প্রত্যেকে ছেঁড়া কাপড়, ময়লা চট ইত্যাদি হাতের কাছে যে যা পেলো তাই দিয়ে ছিদ্র-পথগুলো আগে থাকতেই বন্ধ ক'রে দিতে লাগলো।

যথানিনে মিঃ ইংলও, এক পাশে বাবু নাথুমল, আর একপাশে তাঁর ডাক্তার ভ্রাতা প্রেমচাঁদ, পেছনে লাল-ভকমা-আঁটা দয়স্বামী চাপরাসী...রাজসমারোহে পাড়ায় এসে প্রবেশ করলেন। মিঃ ইংলও কিছুক্ষণ পরেই বুকতে পারলেন, বৈকালীন পাটার মর্যাদা অনুযায়ী গরম নেভী ব্লু স্ফট প'রে এসে কি বোকামীই না তিনি করেছেন! গরমে তাঁর প্রাণ অতিষ্ঠ হয়ে উঠলো।

পথে আসতে আসতে বাবু নাথুমলের মুখে অনর্গল চাটুবাদি আর শূণ্ড স্তোক বাক্য শুনতে শুনতে মিঃ ইংলও আরো যেন অতিষ্ঠ হয়ে ওঠে। মনে মনে ভাবতে আরম্ভ করে, বাবু নাথুমলের বাড়ীটা কি রকমই বা হবে? হোম্‌ছেড়ে আসবার সময়, তার বাবা শহর থেকে দূরে ব্রিক্‌স্টন অঞ্চলে হেমিল্‌ এষ্টেটে যে ছোট্ট বাড়ীটা কিনেছেন, হয়ত সেই রকম হবে—কিষ্‌ হোলিউডের "ভারতীয় সন্ন্যাসীর অভিশাপ" ছায়াচিত্রে, সেই গল্পের 'হিন্দু-নায়ক বাবু আব্দুল করিমের' বাড়ীর যে ছবি দেখেছিল...বাড়ীর ভেতর হল-ঘরের মধ্যে ফোয়ারা থেকে জল উপছে পড়ছে, তার চারদিকে নমিন্‌ রঙীন পোষাকে আর ঝলমল সব গয়নায় সজ্জিত হয়ে বাবুর উজ্জ্বল খানেক স্ত্রী নেচে নেচে বেড়াচ্ছেন—সেই রকম কোন দৃশ্য হবে নাকি?

পাড়ার মধ্যে খানিকটা অগ্রসর হয়ে মিঃ ইংলওর চোখে পড়ে, ভাঙা-চোরা ইটের সব গছের ঘেঁষাঘেঁসি কোন রকমে দাঁড়িয়ে রয়েছে, এইগুলিই কি তবে...? ইংলওর মনের ভেতরটা কেমন যেন ক'রে উঠতে থাকে...

হঠাৎ চারদিক থেকে চাঁপা রব উঠলো, সাহেব ! সাহেব !

সঙ্গে সঙ্গে ময়লা চটের আশে পাশে দৌতুহলী সব মুখ দেখা দিয়ে সরে যেতে লাগলো ।

বাবু নাথুমল সাহেবের অবগতির জগৎ বিবেচনা করেন, মুসলমানেরা স্ত্রীর ভয়ানক পর্দা মানে কিনা ! তাই, ওই যে সব দেখছেন, ওরা হলো বাবু আফজল-উল-হকের বাড়ীর মেয়েরা, আপনাকে দেখে লুকিয়ে পড়ছে স্ত্রী !

মনে মনে নাথুমল খুব খুসী হয় । প্রতিদ্বন্দ্বীর বিরুদ্ধে একটা খোঁচা যে বসাতে পেরেছে, সেটা সৌভাগ্যের লক্ষণ বলতে হবে বৈ কি !

মিঃ ইংলণ্ড কোন কথা না বলে অতি কষ্টে একটু হেসে পাশ ফিরে চান ।

হঠাৎ প্রেমচাঁদ চাঁৎকার ক'রে ওঠে, আপনার মাথা স্ত্রী ! আপনার মাথা...একটু সাবধান...

বাবু নাথুমলের বাড়ীর দরজা পেরিয়ে মিঃ ইংলণ্ড মাথা তুলে ভেতরের ঘরে যেমন ঢুকতে যাচ্ছিলেন, অমনি প্রেমচাঁদ সাহেবের উল্লভ-শিরের দুর্দশা আশঙ্কা ক'রে চাঁৎকার ক'রে ওঠে । ছোট্ট দরজা, মাথা হেঁট না ক'রে ঢুকলে, মাথারই আঘাত লাগবে । সাহেবের গোলাপী মুখ টকটকে লাল হয়ে উঠলো ।

ঘরের ভেতর ঢুকে সাহেব দেখে, ঘরের ছাদটা বেশ মাটির দিকে ঝুঁকি আসছে...সেই ছোট্ট দশ ফিট দীর্ঘ আর ছ' ফিট প্রস্থের গহবরের মধ্যে এতগুলি লোক কোথায় বসবে বা নড়বে চড়বে, তা' ভেবে ঠিক করতে পারে না । দরারাম তাড়াতাড়ি একখানা চেয়ার টেনে এনে সাহেবের সামনে ধরে ।

ঘরের ভেতর দাঁড়িয়ে, আশে-পাশের জিনিসগুলির দিকে চেয়ে,

ইংলণ্ডের মনে হচ্ছিল, সব যেন কেমন ছোট-ছোট, খর্কাকৃতি....তার মধ্যে তাকে দেখাচ্ছিল, ভিড়ের মধ্যে যেমন দেখায় নেলসন স্তম্ভকে....

অবশ্য চোখ চেয়েও সাহেব যেন বিশেষ কিছু দেখতে পাচ্ছিল এমন নয়। চেয়ারে বসতেই মনে হলো যেন কাঁটা ফুটছে। সামনে দেখে, একটা কুলঙ্গী বড়ভক্ত, হস্তী-দেবতা গণেশের মাটির মূর্তি....গলায় ফুলের মালি। ছেলেবেলায় তার মার সঙ্গে গির্জায় বাবার পথে, তার মা যে-সব পৌত্তলিক দেব-দেবীর মূর্তিকে ঘৃণা করতে তাকে শিখিয়েছিল, এতদিন পরে সেই ধরণের কদাকার মূর্তি এই সে প্রথম চাক্ষুস দেখলো।

বাবু নাথুমল পায়রার মত গাল ফুলিয়ে ইংরেজীতে সাহেবকে জানান—বিষ্ণা, বুদ্ধি আর ঐশ্বর্যের দেবতা স্তার !

নাথুমল জানেন, পর্দার আড়ালে তাঁর স্ত্রী দাঁড়িয়ে শুনছেন.... শুনছেন, তাঁর স্বামী ইংরেজীতে ইংরেজের সঙ্গে সমানে কথা বলছেন... গর্বের বাবু নাথুমলের বুক ফুলে ওঠে।

মিঃ ইংলণ্ড কোন রকমে ঠোট ফাঁক ক'রে বলেন, বাঃ ! চমৎকার !

প্রেমচাঁদ সহজভাবেই সাহেবের সঙ্গে কথাবার্তা সূচনা করে। কারণ, সে জানে, সে স্বাধীনভাবে জীবিকা-অর্জন করে, সাহেবের অফিসের কেরাণী সে নয়...

—ইচ্ছে আছে, মিঃ ইংলণ্ড, ভাল ক'রে ডাক্তারীটা শেখবার জন্তে আপনাদের দেশে যাব !

'হোমের' কথা শুনে মিঃ ইংলণ্ড একটু সপ্রতিভ হয়ে ওঠেন, বলেন, বটে ! বেশ !

প্রেমচাঁদ বলে, নিশ্চয়ই সেখানে আপনি যে বাড়ীতে থাকেন, তা খুবই বড়....হাঁ ভাবছি, আপনার কাছ থেকে জেনে নেবো কোন্ কোর্স কিভাবে নিলে সুবিধে হয়...এ সম্বন্ধে নিশ্চয়ই আপনি আমাকে সাহায্য ক'রতে পারেন ?

উত্তরে মিঃ ইংলও ছোট্ট ক'রে শুধু বলে, নিশ্চয়ই! সঙ্গে সঙ্গে এক গোপন লজ্জায় বিব্রত হয়ে পড়ে। যদিও এখানকার নেটিভদের কাছে সর্বদাই মাথা উচু ক'রে থাকতে হয় তবুও সে নিজের মনে জানে 'হোমে' বন্ডী বলতে তার নিজস্ব কিছুই নেই...যে ছোট্ট বাড়ীটা তার বাবা কিস্তীবন্দীতে কিনেছেন, তার সব কিস্তী এখনো শোধ দেওয়া হয় নি... আর তা ছাড়া পড়ার কোর্স সম্বন্ধে সে কি উপদেশই বা দিতে পারে? সে নিজে অন্তত জানে, কোন বিশ্ববিদ্যালয়ের ছায়া সে কোনদিন মাড়ায় নি...তার পড়াশোনার দৌড় হচ্ছে, পিট্‌ম্যানের সট্‌হ্যাণ্ড আর টাইপ-রাইটিং স্কুলে মাত্র একটা বছর...তার পরই সে মিড্‌ল্যাণ্ড ব্যাঙ্কে চাকরীতে ঢোকে। মাঝে মাঝে তার মনে হতো, এ সম্পর্কে বা সত্য, তাই সে জানিয়ে দেবে, সে যা নয়, তাই সেজে সম্মান নিতে তার স্বাভাবিক সততায় বাধতো। কিন্তু তার ক্লাবের সহস্বাত্রীরা তাকে বার বার ক'রে সাবধান ক'রে দিয়েছে, এখানে মাথা তুলে সর্বদাই থাকতে হবে, তার জগ্নে যদি দরকার হয়, নিজেকে স্বয়ং রাজা জর্জের পুত্র বলে পরিচয় দিতে, তাতেও সে যেন কোন দিন কুঞ্জিত না হয়! তার ফলে, বর্তমান ক্ষেত্রে বাইরের যে কষ্ট তাকে সহ করতেই হচ্ছিল, তার সঙ্গে জর্নপাপীর আভ্যন্তরিক গোপন অশোয়ান্তি মিশে, তাকে যেন আরো বিব্রত ক'রে তুলে।

দেয়াল থেকে মস্ত বড় একটা ছবি নামিয়ে সাহেবের সামনে তুলে ধরে বাবু নাথুমল সগর্বে বলেন, অমাদের ফ্যামেলি-ফটো স্থার? আমার বিয়ের সময় তোলা হয়েছিল।

সাহেব চোখ বিস্তারিত ক'রে দেখেন।

মুগ্ধ এতক্ষণ দরজার কাছে দাঁড়িয়ে ছিল। তার গৈয়ো বুদ্ধিতে ছোট-বড় স্তর-ভেদের কোন সূক্ষ্ম ধারণা ছিল না। তাই স্বাভাবিক কৌতূহল-বশতঃ ছবিটা দেখবার জগ্নে সাহেবের গা ঘেঁসে সে-ও এগিয়ে আসে।

বাবু নাথ মল চাপা গলায় চাঁৎকার ক'রে ওঠেন, দূর হ এখান থেকে  
পাজী !

সঙ্গে সঙ্গে কল্লুই-এর ধাক্কা দিয়ে তাকে সরিয়ে দেন।

মিঃ ইংলণ্ডের মন বহুচেষ্টার ফলে খিতিয়ে আসছিল। হঠাৎ এই  
ব্যাপারে আবার তা চঞ্চল হ'য়ে উঠলো। মূর্খ কে, তা সে জানে না...  
মনে মনে ভাবে, হয়ত বা বাবুর ছেলেই হবে! যেই হোক, তার সামনে  
এমনিভাবে একটা ছোট ছেলেকে তাড়িয়ে দেওয়া, সাহেবের ভব্যতায়  
রীতিমত আঘাত ক'রলো। কিন্তু আর একদিক থেকে মনে মনে সন্দেহই  
হলো, ছেলেটার কাপড়-চোপড় যে রকম নোংরা আর ময়লা, কে জানে  
কত রোগের জীবাণু তাতে মিশিয়ে আছে! মনে পড়লো বড় সাহেব  
হর্নের কথা, এই সব নেটিভ ছেলেদের গা নাকি মারাত্মক সব জীবাণুতে  
ভর্তি থাকে। হর্নের কথা যে মিথ্যে নয়, তার প্রমাণ সে রাস্তার  
ধারে কুষ্ঠরোগী ভিখারীদের দেখেই বুঝেছে।

পাছে তাঁর ব্যবহারে সাহেব কিছু ভুল বোঝেন, সেইজন্মে বাবু  
নাথ মল জনান্তিকে তাকে জানিয়ে দেন, ওটা চাকর...

অর্থাৎ তাকে তাড়িয়ে দিয়ে তিনি কোন অস্বায় করেন নি।

সাহেব ঠোট বঁকিয়ে চোখ ঘুরিয়ে বাবুকে জানিয়ে দেয়, তা  
সে বুঝতে পেরেছে।

—ইনি হলেন আমার জ্যী, শ্রার !

ফটোর মধ্যস্থলে কাপড় আর গয়নায় ঢাকা এক মল্লুশ্য মূর্তি! পা  
ঝুলিয়ে চেয়ারে বসে আছে, মুখটা সম্পূর্ণভাবে অবগুণ্ঠনে ঢাকা।

সাহেবের চোখের দোব ছিল, কাছের জিনিস ভাল ক'রে  
দেখতে পেতো না। তাই চেষ্টা ক'রে চোখ বার ক'রে সে দেখে,  
মূর্তিটির মুখের কোন রেখা দেখা যায় কি না। কিন্তু কিছুই যখন



দেখতে পেলো না, তখন দীর্ঘ হেসে তারিফ ক'রে বলে উঠলো, বাঃ, চমৎকার দেখতে!

হঠাৎ নিজের হাতের আঙুলের দিকে দৃষ্টি পড়তেই, সাহেব দেখে, ছবিটা ধরবার সময় ধুলোতে হাত ভরে গিয়েছে...এমন কি প্যাণ্টেও ধুলো লেগে গিয়েছে...সাহেবের জু আপনা থেকে কঁচকে আসে।

হাত কচলাতে কচলাতে বাবু বলে ওঠেন, আমার স্ত্রী স্মার, উনি পর্দা মানেন না...তবে কি জানেন স্মার, বড় লাজুক! আর আমাদের দেশে মেয়েদের পরপুরুষের সামনে বেরুনো রেওয়াজ নেই কি না!

সেই সঙ্গেই, ছবিটার দিকে আবার আঙুল দেখিয়ে বলেন,

...আর, এই যে দেখছেন, এই হলুম আমি...বরের পোষাকে, স্মার!

এমন সময় পাশের ঘর থেকে গ্রামোফোনে রেকর্ড বেজে উঠলো... সাহেবের মনে হলো কে'ধেন কাঁদছে, আঁই...আঁ...আঁয়...এঁ...এঁ...এঁ...

সগর্বে নাথু মল বলে ওঠেন, এই হলো স্মার ইণ্ডিয়ান মিউজিক... গজল...এলাহাবাদের জানকী বাঈ গাচ্ছেন... এটা হলো আমার মেয়ে... শীলা...আয়...সাহেবকে নমস্কার কর...

শীলা তখন দরজার কাছে এসে দাঁড়িয়েছিল...এবং সেইখানেই দাঁড়িয়ে রইলো হতভম্ব হয়ে...পিতার আদেশ প্রতিপালন ক'রবার কোন লক্ষণই দেখা গেল না!

মিঃ ইংলণ্ডের ঘেন সব গুলিয়ে উঠছিল। কোন কিছুই কোন হৃদয় সে খুঁজে পাচ্ছিল না। ঘামে ভেতর থেকে পোষণ ভিজে উঠছে। পাশের ঘর থেকে সেই তীব্র আঁও...আঁয়...এঁ...ঘেন সূচের মত বিধছে কাণে...সে-কাণ বড়জোর স্তনতে অভ্যস্ত, আঁকা-বাঁকা চার্লটন কিখা রুম্বার সঙ্গে তরুণ ইংলণ্ডের প্রেম-সঙ্গীত, "হায় সখি, প্রেম আমার, ঘেন একটা --সিগারেট!"

মিঃ ইংলও গুম্ব হ'য়ে বসে ভাবে, কি ভুলই না ক'রেছে নিমন্ত্রণ নিয়ে....এখন পরী শেষ হলেই বাচে !

—বা, চা নিয়ে আয় !

বাবু নাথুমল মুন্নুকে আদেশ করেন।

মুন্নু আনন্দে ও উত্তেজনায় ছুটে যায়। দয়ারাম তখন খানারের ট্রে নিয়ে চুকছিল...আর একটু হলেই মুন্নু তার ঘাড়ে গিষে পড়তো... আর তখন ?

বিবিজীর নজরে যে তা পড়েনি তা নয়, তবে আজ তাঁকে চূপ ক'রে থাকতেই হবে, নইলে সাহেব কি মনে করবে ! তাই উচ্চারিত ভৎসনার বদলে ছই ক্রুদ্ধ চক্ষুর নীরব তিরস্কার একবার মুন্নুর সারা দেহে ঢেউ খেলিয়ে বয়ে গেল। কিন্তু মুন্নুর মন আজ আনন্দে ভরপুর, সাহেবের সামনে দাঁড়িয়ে সে কথা বলতে পেয়েছে...বিবিজীর ক্রকুটী আজ আর তাকে বিকল করতে পারবে না।

একটা টেবিলে নানা জাতীয় দেশী খাণ্ড সামগ্রী একে একে এনে রাখা হলো। তা থেকে ছ'টো ডিস্ তুলে বাবু নাথুমল স্বয়ং সাহেবের সামনে ধরলেন,

—শ্যার, এটা হলো আমাদের সেরা মিষ্টি, নাম গুলাব জামান.... আর এটার নাম হলো রসগোল্লা, তাঙ্গা ছানা দিয়ে তৈরী শ্যার !... শুঁকে দেখুন, গোলাপের আতর দেওয়া...আপনার জন্তে আলাদা ক'রে অর্ডার দিয়ে তৈরী করা শ্যার।

মিঃ ইংলওর তখন গোলাব জামান আর রসগোল্লার গন্ধে এবং তাদের সেই রস-চর্চ-চর্চ মূর্তিতে গা বমি-বমি ক'রে উঠছিল। আপনাকে তার মুখ দিয়ে বেরিয়ে পড়লো, না, না, ও সব খাবো না !

বাবু নাথুমল নাছোড়বান্দা,—সে কি হয় শ্যার ! একটু অন্তত মুখে দিতেই হবে !

যদি ডিসের সঙ্গে একটা কাঁটা কিম্বা চামচে দেওয়া হতো, তাহলে হয়ত মিঃ ইংলও কোনরকমে একটা তুলে নিতে পারতো, কিন্তু ব্যাপার দেখে সে বুঝলো যে, সেই চট্‌চটে বস্ত্রটী জাঙ্ল দিয়ে তুলতে হবে। একজন ইংরেজের পক্ষে তা' একরকম অসম্ভব ব্যাপার...ভুলেও সে না'জুল একটা মুরগীর ছানার ঠ্যাং তুলে মুখে দেয় না।

অগত্যা নাথ মল বলেন, তাহলে এই পকোড়াগুলো অন্তত স্ত্রার খেতে হবে! আমার স্ত্রী নিজে তৈরী করেছেন...দয়ারাম...নিয়ে আয়...

দয়ারাম যখন সাহেবের সামনে সেই তৈলসিক্ত অপূর্ক পদার্থটী ধরে দিল, তার কৃষ্ণবর্ণ মূর্ত্তি দেখে এবং তৈলাক্ত স্নগন্ধ পেয়ে সাহেবের দেহের অভ্যন্তরে লিভার নামক পদার্থটী যেন উণ্টে গেল। বিষের পাত্রের দিকে মানুষ যেমন সভয়ে চেয়ে থাকে, তেমনি আর্জুদৃষ্টিতে সেই দিকে তাকিয়ে মিঃ ইংলও বলে উঠলেন, অসংখ্য ধনুবাদ! আজ বড় অবেলায় লানচ্‌ খেয়েছি...

—বেশ, আমাদের দেশী খাবার যদি না খান, স্টিফল্‌স্‌ হোটেল থেকে আপনার জন্তে অর্ডার দিয়ে বিলিভী প্যাসটী নিয়ে এসেছি, তাই খান...

সাহেব পদার্থটীর দিকে সজোরে চেয়ে দেখে বুঝলো, তার সর্কান্‌ এমনভাবে চিনি দিয়ে আবৃত যে, তার ভেতরে যে মূল পদার্থটী কি আছে, তা' বোরতর গবেষণার বিষয়।

—ধনুবাদ! গরমের দিনে আমার এত শিগ্‌গিরি ফ্রিক্‌... নাথ মল কৃতান্ত হয়ে পড়েন হা সাহেব যদি কাঁটা খাই... ক্রান্ত কিসের ভরসায় সে স্পারিশ দাইরে? সাহেবের একেবারে নাকের কাছে ডিসটী ধরে রুব্‌... কঠে আবেদন করেন, দয়া ক'রে একটুখানি অন্তত মুখে দিব্‌...

প্রায় পরাজিত হয়ে উঠে মিঃ ইংলও বলেন, ও সব থাক, তাহলে আমাকে এক কাপ চা দাও...আমাকে একফুনি যেতে হবে...তুমি তো জানো, আমার কত কাজ পড়ে রয়েছে!

বাবু নাথু মলের অধর-গুষ্ঠ আবেগে কেঁপে উঠলো...দাঁত দিয়ে চেপে তিনি কোন রকমে বলেন, স্মার, বড় আশা করেছিলাম, দরিদ্র-মতে আপনার সেবার জন্তে যে ব্যবস্থা করেছিলাম, তা গ্রহণ করে আমাকে ধন্য করবেন...কিন্তু তার বদলে শুধু এক কাপ চা...শুধু চা...ও...চা নিয়ে আয় মুন্নু!

মুন্নু এতক্ষণ ধরে এই আদেশের জন্তেই অপেক্ষা করেছিল। তার সর্বদেহ উৎসাহে কাঁপছিল। প্রভুর আদেশ পাওয়া মাত্রই সে চায়ের ট্রে তুলে ধাবমান হলো। উৎসাহে পায়ের আঙ্গুল মুচকে তার হাতের ট্রে শশব্দে নীচে পড়ে গেল...চীনে মাটির বাসন ভেঙ্গে টুকরো টুকরো হয়ে গেল...

বাবু নাথু মলের বুকের ভেতর হৃদ-বস্ত্র বেন হঠাৎ থেমে গেল। বহু-কষ্ট-অর্জিত অর্থের নগদ পাঁচ টাকা তিনি এই চা-পাটির জন্ত খরচ করেছেন...তার শেষ পরিণতি কিনা, মাটিতে পড়ে নষ্ট হয়ে গেল!

ডাক্তার প্রেমচাঁদ তৎক্ষণাত্ ঘর থেকে বেরিয়ে গিয়ে বহু-কষ্টে বিবিজীর বাক-সংযম উৎপাদন করে, তাড়াতাড়ি আর এক কাপ চা তৈরী করে নিয়ে হাসতে হাসতে সাহেবের সামনে ধরলো।

—আমাদের এই যে চ্যাকরটি দেখছেন, মিঃ ইংলও, ও জানে একটা জাপানী চা-সেটের দাম মাত্র একটাকা বারো আনা...তাই ও বেপারের জন্যে ক্রয় করেছিল।

মিঃ ইংলও কখন গরমে যেখানে উঠছিল তাই সে ক্রয় করেছিল।

কিন্তু ইংলও কখন গরমে যেখানে উঠছিল তাই সে ক্রয় করেছিল।

কিন্তু ইংলও কখন গরমে যেখানে উঠছিল তাই সে ক্রয় করেছিল।

ওপর। তাই ছপুর বেলা যখন বিবিজী ভুক্তাবশিষ্ট কুড়িয়ে নিয়মিত শাক-চচ্চড়ীর সঙ্গে মুন্নুকে খেতে ডাকলেন, মুন্নু স্পষ্ট ঘোষণা করলো সে খাবে না, সে তার চাচার ওখানে একটু যাবে।

বিবিজীর পায়ে কে যেন কাঁটা ফুটিয়ে দিল।

—ওমা....বলি কোন্ মুখে এমন নিলজ্জের মত কথা বলতে পারলি রে মুখপোড়া, এখানকার খাবার তোমার মুখে রোচেনা... তাই কাজ ফেলে ছুটছো চাচার ঘাড় ভাঙ্গবার জন্তে? আর আমি সারা ছপুর খেটে মরি! বলি এমন চাকর রেখে লাভ কি আমার?

বাবুজী সেদিন বাড়ীতেই ছিলেন। চীৎকার শুনে ঘটনাস্থলে উপস্থিত হলেন।

—বলি, যা খেতে দেওয়া হয়, তা বুঝি নবাবের মুখে রোচে না? নবাবের বেটা নবাব আমার! বেরো.. বেরো হারামজাদা...যা... যা খেলে তোর শোর-পেট ভরে, যা তাই খেগে যা...যা....

মুন্নু ততক্ষণ দরজা পেরিয়ে রাস্তায় এসে পড়েছে।

পাহাড়ী পথ দিয়ে নীচে নামতে নামতে, তার মনে পড়ে একে একে কত না লাঞ্ছনা তাকে, এখানে এসে ভোগ করতে হচ্ছে...প্রতিদিন, প্রতিমুহূর্ত, অকারণ নিষ্ঠুর নির্যাতন....

দুহ কষ্টে সে চোখের জল ধরে রাখে...কিন্তু তার শরীরের মধ্যে ঠিক তার পেটের ভেতর থেকে যেন কি রকম একটা গরম বায়ু ওপর দিকে ঠেলে উঠতে থাকে....চোখের পাতার আড়ালে এসে তা জলে পরিণত হয়ে গড়িয়ে পড়ে।

চাচার ঘরের সামনে এসে, কাণড়ের খুঁট দিয়ে চোখ-মুখ মুছে নিয়ে ঘরে ঢোকে...দেখে, দয়্যগাম নাক ডাকিয়ে ঘুন্সে....

আস্তে আস্তে বুড়ো আঙ্গুলের ওপর ভর দিয়ে সে এগিয়ে যায়...

চাচার কাণড়ের কাছে এসে পায়ের আঙ্গুল নেড়ে চাচাকে ডাকে।

দয়্যারাম ধড়মড় করে উঠে বসে, কে? কে রে?...ও...তুই?  
কি দরকার?

—কিছু খাবার আছে চাচা?

সাপের মত ফৌস করে ওঠে দয়্যারাম,

—বলি এখন আমি খাবার পাবো কোথায়? জন্মের ঠিক নেই বলে কি  
তোমার কিছুই ঠিক নেই? কেন, বাবুর বাড়ীতে তোকে খেতে দেয় না?

সে-প্রশ্নের উত্তর না দিয়ে মূন্সু সোজা বলে, তাহলে কিছু শয়ান দাও  
আমাকে, বাজার থেকে কিছু কিনে খাই!

মূন্সু মাসকাবারি ষা মাইনে পেতো, তা তার হাতে পড়তো না।  
দয়্যারামের ব্যবস্থা অল্পযায়ী তা নাখুল দয়্যারামের হাতেই দিতেন।

দয়্যারাম সোজা হয়ে বসে।

—এই বাঁদর-বাচ্চা....রোজ রোজ তোকে যদি এই রকম পয়সাই  
দেবো, তা হলে কোথেকে তোমার জামাকাপড় জুতো হবে!

মূন্সু প্রতিবাদ করে, কই, তুমি তো একথানাও কাপড় আমাকে  
কিনে দাওনি! জুতোই বা কোথায়?

সোজা বিছানা থেকে উঠে দাঁড়িয়ে, দয়্যারাম মূন্সুর ঘাড় চেপে ধরে  
বলে, এত বড় আশ্পর্দা তোমার! আমার কাছে হিসেব চাচ্ছিস? এতদিন  
ধরে খাইয়ে পরিয়ে চাকরী করে দিয়ে, তার এই পরিণাম? পয়সা...  
পয়সা...বলি সব সময়ে তোমার এত পয়সারই বা দরকার কি শুনি?

কথার সঙ্গে সঙ্গে পিঠে, পাজরে পড়ে ঘুসি।

—তোমার পায়ে পড়ি, চাচা, মেরো না আমাকে! মেরো না  
আমাকে...বড় ক্ষিদে পেয়েছে—তাই খেতে এসেছি...

—বলি এতক্ষণ ধরে কোথায় গোবর খাচ্ছিলি? খাবার সময়  
আসতে পারো নি? খিদে পেয়েছে...কেন বাবুয়া খেতে দেয় না  
তোকে?

অশ্রুসিক্ত কণ্ঠে মুন্ন বলে, আলবো কি ক'রে? বিবিজী কিছুতেই ছুটি দেয় না। রাতদিন আমাকে মারে, আমার সঙ্গে চুর্বা-বহার করে... কি রকম বে ক'রে যদি জানতে তাহলে তুমি আমার গায়ে হাত তুলতে না। রোজ সেই শাক-চচ্চড়ী... আমি খেতে আর পারি না!

দয়ারাম গর্জন ক'রে ওঠে, মিথ্যাবাদী, বদমায়েস, শয়তান! রাতদিন অকারণে ভালমানুষের নামে লাগানো—

দয়ারাম রাগে অন্ধ হ'য় এত জোরে চড় মারে যে মুন্ন, তাল সামলাতে না পেরে দেয়ালের ওপর গিয়ে পড়ে।

শরীরের অভ্যন্তর থেকে আর্তনাদ জেগে ওঠে, মা...মাগো!

কিন্তু দয়ারামের স্নেহমায়ারহীন চিত্তে তার কোন রেখাই পড়ে না।

—বল, সত্যি ক'রে বল, কোথায় টোঁ টোঁ ক'রে বেড়াচ্ছিলি এতক্ষণ?

কথার জবাব দিতে মুন্নর আর প্রযুক্তি হয় না। নীরবে দুই চোখ দিয়ে শুধু অশ্রু গড়িয়ে পড়ে।

নীরবতা আরো উত্তেজিত ক'রে তোলে দয়ারামকে।

—কোথায় ছিঁলি, বল? উত্তর দে? চুপ ক'রে রইলি যে শয়তান?

অশ্রুসিক্ত কণ্ঠে মুন্ন বলে, বাড়ীতে ছিলাম!

—বাড়ীতে ছিলাম! ফের মিথ্যে কথা! আঁস্তাকুড়ের কুকুর, কাজ কামাই ক'রে আঁস্তাকুড়ের ধারে ধারে ঘুরে বেড়াচ্ছিলি, জানি না আমি! ফের যদি বাবুদের নামে লাগাবি তো খুন ক'রে ফেলবো... পাজী, শয়তান, সেদিন কাপ্ ডিস্‌গুলো ভেঙ্গে সাহেবের সামনে বাবুদের অপদত্ত করলি...উপটে লাগাতে এসেছো—হারামজাদা—

মুন্ন সাবধান হ'বার আগেই দয়ারাম লাথি মেরে তাকে ফেলে দেয়।

—তোর কুঞ্জে বাবুদের কাছে আমার পর্য্যন্ত বদনাম হ'য়ে গেল...

কত কষ্ট ক'রে নাম কিনতে হয় তা' তুই জানবি কি ক'রে? তোর

বরাং ভাল যে অমন মনিব পেয়েছি...ভাল চাঁস তোমন দিয়ে কাজ কর গে বা...নইলে ছাল-চামড়া ছাড়িয়ে নেবো—চাকর, চাকরের মত থাকবি...চাকরের আবার বই হাতে ক'রে পড়া কি ? দূর হ...তোমর মত ছেলের জন্তে আমার এতটুকুও হুঃখদরদ নেই...

হাত ধরে দয়ারাম তাকে তুলে দরজায় বাইরে ধাকা মেরে ফেলে দেয় ।

মুন্ন ফিরে চলে খাবু নাথ মলের বাড়ীতে, আদর্শ চাকরের শিক্ষানবিশী ক'রবার অনুপ্রেরণা সর্ব অঙ্গে বহন ক'রে নিয়ে ।

পথে যেতে যেতে যেই চাচার মূর্তি মনে পড়ে, অমনি নিকরু আক্রোশের জ্বালায় তার মনে তীব্র বিদ্রোহ জেগে ওঠে ।

—আস্তাকুড়ের কুকুর আমি নই, তুমি । তোমার মত লোককে ঘেন্না করি আমি !

তরঙ্গ-আফালনের মত মনে রুদ্ধ আক্রোশ ফুলে কেঁপে ওঠে !

—আমি চলে যাব...এখান থেকে কাউকে কিছু না বলে চলি যাব...দয়ারাম...ঐ পাজী মাগী...সকলের কাছ থেকে একেবারে দূরে চলে যাব...আমাকে খুঁজবে...ধরবার জন্তে চারদিকে ঢোল পিটিয়ে দেবে...কিন্তু কোথায় পাবে, আমাকে ? কিন্তু...আমার কাছে তো একটাও পয়সা নেই ? খাব কি ? আর যদি খুঁজে বার করতে পারে ! তাহলে তো মেরেই ফেলবে...

গলির মোড়ে তাঁতিদের ভাঙ্গা বাড়ীর ফাটলে চড়ুই পাখীরা কলরব করে...মুন্নর মনে হয়, তারাও যেন তাকে গালাগাল দিচ্ছে

আশে-পাশের তাঁতিশালা থেকে মাকুর শব্দ উঠছে...মেয়েরা দরজায়



দাঁড়িয়ে জটলা করছে...ছেলেটা লুকোচুরি খেলছে...টেঁচাচ্ছে...কিন্তু মুন্নু তার কিছুই দেখতে পায় না...কিছুই শুনতে পায় না...

তার মনে হচ্ছিল তার জিভের ডগায় যেন কি রকম জ্বালা করছে কি একটা অশোয়াস্তি...যেন জ্বর হয়েছে...পেটের ভেতর ক্ষিদেতে লাঞ্ছন জলছে...জলুক। এক রকম অচৈতন্যের মত সে বাড়ী ফিরে আসে। তার সৌভাগ্য বিবিজী তখন বাড়ীতে ছিলেন না। রান্নাঘরে ঢুকে যা হাতের কাছে পায় তাই খানিকটা মুখে পুরে দেয়। তারপর একজায়গায় চুপটী ক'রে শুয়ে পড়ে। ঘুমোবার চেষ্টা করে, ঘুমের মধ্যে যদি এসব ভুলে বাওয়া যায় কিন্তু ঘুম আসে না। মনের মধ্যে পাগলা ষোড়ার মতন ফ্যাপা ভাবনা টগবগিয়ে উঠতে থাকে...সে ক্ষেপে ওঠে...আমাকে যেমন ভাবে মেরেছ তেমনি ভাবে তোমাকে মারবো... তোমার গা থেকে চামড়া টেনে ছিড়ে ফেলবো...যখন ঘুমিয়ে থাকবে তখন গিয়ে কেটে টুকরো টুকরো ক'রে ফেলবো...

ক্রমশ ঠাণ্ডা মাটি মস্তিষ্কের উত্তাপকে ধীরে ধীরে অপহরণ ক'রে নেয়...মাটির সঙ্গে মিশে তার চেতনা মাটি হ'য়ে আসে...সে ঘুমিয়ে পড়ে। মড়ার মত তার দেহ পড়ে থাকে, অচেতন, অসাড়—কিন্তু ভেতরে তখনও আহত চিত্ত জলন্ত কড়ায় ফুটন্ত জলের মত টগ বগ ক'রতে থাকে...অদৃশ্য অবচেতনায়।

কিন্তু কয়েক দিন যেতে না যেতে, মুন্নু যেন ভুলে যায় সব। তার গৈয়ো পাহাড়ী মন পূর্ণ সজীবতায় আবার সহজ হ'য়ে ওঠে। সেই সবতাতে খুসী, সহজ সবল মন...জীবনের সেই আদিম আশ্রয়...দেহের প্রতি অনু-পরমাণুতে পারিব্যাপ্ত সেই কৌতুহল-শিখা...অব্যাহত অনাহত ভাবে আবার তাকে টেনে নিয়ে চলে। আশেপাশের রঙে রেখায় আবার সাড়া দিয়ে ওঠে তার মন।

দিন যায়।

একদিন বাইরের কলে জল তুলতে গিয়ে দেখে, কল জুড়ে বসে আছে মাঝ-জজ, বাবুর বাড়ীর রাধুনে-বামুণ বর্মা। বর্মা যখন কলে আসে, তখন অগ্র বাড়ীর চাঁদ্রদের ধরে নিতে হয় যে সেই কল শুধু তার একলার জন্তেই হয়েছে।

সেদিন সকাল থেকে বিবিজী মুন্সুকে একবারও মূহ সন্তাষণ করেন নি, তাই তার মেজাজটা ছিল বিশেষ খুসী। বর্মাকে দেখে তাই 'মৌজ' ক'রে বলে উঠলো, এই যে মহারাজ...কেমন আছেন?

কিন্তু বর্মা ব্যাপারটা অগ্র ভাবে গ্রহণ করলো। তার মুখের বেয়াড়া চেহারা দেখে কাহারও বুঝতে দেবী হয় না, তার মনটা কি রকম, যদিও ব্রাহ্মণোচিত তিলক ফোঁটার অভাব মুখে ছিল না।

মুন্সুর সন্তাষণের উত্তরে সেই বিকৃত মুখকে আরো বিকৃত ক'রে বর্মা বলে উঠলো, কি রে পাহাড়ী কুত্তা, কি বলহিস্? বলি তোর হজুরাণী আজকাল কি রকম আদর বদ্ব করছে? সেই রকম মারছে ধরছে...না আজকাল বুকে ক'রে দুধ খাওয়াচ্ছে?

এ ধরণের রসিকতায় মুন্সু অভ্যস্ত ছিল না। হঠাৎ লজ্জায় তার মুখ রক্তিম হয়ে উঠলো।

—আমার সঙ্গে এ রকম কথা বলতে লজ্জা করে না তোমার? আমি তোমার মনিব বা মনিবানী সম্বন্ধে তো কোন কথা বলি নি।

—বলি অত চাটস্ কেন? লক্ষণ তো ভাল নয় বাবা! হজুরাণী তা হ'লে তোকে পটিয়েছে বল্? তাই, যা গালাগাল দেয়, মুখ বুজে সব সয়ে থাকিস্...পেটে খেলে পিঠে সয়...না রে? বলি...কেমন?...

কথায় পর্যাাপ্ত বোধ না হওয়ায় বর্মা কুৎসিত অঙ্গ-ভঙ্গী করে...মুন্সু ক্ষিপ্ত হয়ে ওঠে...

—কল ছেড়ে দাও...আমি জল নেবো...কল জুড়ে বসে আছি, কল কি তোমার একার?

ততক্ষণে পাশের আর এক বাড়ীর চাকর, লেহু সেখানে এসে উপস্থিত হয়েছে...

লেহুকে শুনিয়া বর্ষা বলে, পাহাড়ী চাষার রোক্ দেখ! ওর হুজুরাণীর নাম করছি বলে উনি চটেছেন...বলি...তোরা করতে পারিস্, আর আমরা বলতে পারি না? কি লেহু, বল না! বলি বাবা ভেতবে কিছু নট-ঘট না থাকলে, কেউ অমন চোরের মার সহঁতে পারে?

মুন্সু সে কথায় লক্ষ্য না ক'রে জলের কলের দিকে এগিয়ে আসে,  
—কল ছেড়ে দাও, জল নেবো।

লেহু উস্কে দেয়,

—বর্ষাজী, ছৌড়ার বড় তেজ হয়েছে—দাও না একহাত ঠিক ক'রে ...ব্যাটা মূনিবানীর পয়সা থেকে চুরি ক'রে বাজারে গিয়ে ফাঁর-রাবড়ি খায়...তাই এত তেজ...

হঠাৎ এই মিথ্যা অভিযোগে মুন্সু অস্থির হয়ে ওঠে, মিথ্যা কথা! মিথ্যাবাদী...ছাড় কল...জল নিয়ে আমি চলে যাই!

লেহু পথ আটকিয়ে বলে, আমাকে মিথ্যাবাদী বলে তুই যাবি কোথায়? বর্ষা, গাঁগাতো শালাকে...

মুন্সু রাগে মট মট ক'রে লেহুর দিকে ফিরে দাঁড়ায়। সেই অবসরে বর্ষা পেছন থেকে তাকে ধাক্কা মারতেই সে পড়ে যায়। কোন রকমে টাল সামলে নিয়ে উঠে মুন্সু এক লাফে বর্ষার বুকে ঝাঁপিয়ে পড়ে এবং টিকি শুদ্ধ এক মুঠা চুল ধরে তাকে নিয়ে মাটিতে গিয়ে পড়ে। কোন রকমে ধস্তাধস্তি ক'রে টিকি উদ্ধার ক'রে নিয়ে বর্ষা তার মুখে সজোরে এক ঘুষি লাগায়...লেহু পেছন থেকে লাথির পর লাথি মারতে থাকে।...আহত বাঘের মত আক্রোশে মুন্সু সজোরে বর্ষার গলা টিপে ধরে, কিন্তু ছ'জনের সঙ্গে একা সে কতক্ষণ পারবে? বর্ষা সামনে থেকে একটা কাঠের চালা তুলে নিয়ে সজোরে মুন্সু মাথায় বসিয়ে

দেয়...মাথা ফেটে তাজা লাল রক্ত গড়িয়ে পড়ে...গণ্ডগোল দেখে  
লেহ্নু সরে পড়ে...

সেই অবস্থায় মুন্নু কলেতে গিয়ে কলসীটা বসিয়ে দিয়ে ছুটে  
বন্দার হাত থেকে কাঠটা কেড়ে নিয়ে ছুড়ে ফেলে দেয়...

—যা ব্যাটা, তোর হজরাণীর কোলে গিয়ে ঘুমুগে যা—বলে বন্দার  
রণে ভঙ্গ দেয়...

ভক্তি কলসীর শব্দে মুন্নুর খেয়াল হলো, দেবী হয়ে গিয়েছে...

রক্ত-ঝরা মাথা নিয়ে সে তাড়াতাড়ি বাড়া ফেরে। সামনেই  
বিবিজী।

—কি সর্বনাশ! জল তুলতে গিয়ে কার সঙ্গে মারামারি  
করছিলি?

—কার সঙ্গে না!

—বলি, মাথা ফেটে রক্ত ঝরছে...আর বলছিলাম কি না মারামারি  
করি নি? এ নিশ্চয়ই ঐ নছার বন্দার কাণ্ড? বার বার না বারণ  
করেছি, ওর সঙ্গে মিশবি না? এখন বোঝ, বন্ধুত্বের কি স্থখ?

—ও কিছু নয়...একটু ছড়ে গেছে মাত্র!

টানতে টানতে মুন্নুকে নিয়ে বিবিজী ছোটবাবুর কাছে হাজির  
করেন, ছোটবাবু তখন জামা ইস্ত্রী করছিল...

—দেখ, দেখ কাণ্ড! কার সঙ্গে মারামারি করে মাথা ফাটিয়ে  
এসেছে!

ছোটবাবু লাফিয়ে ওঠেন, কই, এদিকে আয় তো দেখি!

ছোটবাবুর কাছে এগিয়ে গিয়ে মুন্নু বলে, ও কিছু নয়...আমি ছাই  
দিয়ে ঠিক করে দিয়েছি! এক্ষুণি সেরে যাবে!

এই অব্যর্থ মহৌষধটা সে গাঁয়ে থাকতে গাঁয়ের নাপিতের কাছ  
থেকে শিখেছিল।

ছোটবাবু চীৎকার ক'রে উঠলেন, কি সর্বনাশ! কি করেছিস্ কে মুখ্য! 'এখনি যে বিষয়ে উঠবে, তা জানিস না বা'... এদিকে আয় রাস্কেল!

— তৎক্ষণাৎ পরিষ্কার ক'রে টিন্চার দিয়ে ছোটবাবু বেঁধে দেন। যন্ত্রণায় মুন্নুর মাথা ঘুরে আসে কিন্তু ছোটবাবুর ওপর অগাধ বিশ্বাসে সে চুপটী ক'রে থাকে।

রান্নাঘরের দাওয়ার এক ধারে ছোটবাবুর আদেশে সে শুয়ে পড়ে। তন্দ্রার ঝোঁকে সে শোণে, বিবিজী চোঁচাচ্ছেন...তবে তার বিরুদ্ধে নয়... বন্দী এবং তার মনিবদের নিয়ে পড়েছেন...

—যত সব ছোটলোক আস্পর্ধা পেয়ে মাথায় উঠেছে...যেমন মনিব, চাকরও তো তেমনি হবে? বলি, মান-সম্মান গুঁদের কি একার আছে? আর কারুর নেই? না হয় ছটো টাকা মাইনে বেশী পায়... তা' বলে এত ভেজ কিসের? তারাও মানুষ...আমরাও মানুষ... তেজ দেখাতে হয়, যে যার নিজের ঘরে দেখাবে...

কথাটা যাঁকে শুনিয়ে জোর গলায় বিবিজী জাহির করছিলেন, তাঁর কাণে পৌঁছতে দেবী হলো না। পাশের বাড়ীর পাচিল থেকে গলা উঁচু ক'রে সাব্-জজ-সাহেবের গিন্ধী বলে উঠলেন, কেবাগীর মাগ তার আবার এত দেমাক্ কিসের? দিন দিন যেন বেড়েই চলেছে আস্পর্ধা! লঘু গুরু জ্ঞান নেই! আজ আসন্ন উনি বাড়ী, দেখিয়ে দেবী গায়ে পড়ে অপমান করার ঠেলাটা কতদূর! কোথা থেকে একটা পাহাড়ে চাষা ধরে এনেছে...তার জন্তে এত দেমাক্! কুকুর! কুকুর! রাস্তার কুকুর!

ষাকে দিয়ে এই ঝগড়া সে তখন নাক ডাকিয়ে ঘুমিয়ে পড়েছে!

ঘুম থেকে উঠে মুন্নু দেখে, তার মাথায় ভীষণ বহুলায় স্নক হয়েছে। সঙ্গে সঙ্গে জ্বর দেখা দিল। জ্বরের ঘোরে, বহুলায়, সে কাঁদতে স্নক ক'রে দিল।

জ্বর বাড়ার সঙ্গে সঙ্গে সে ভুল বকতে আরম্ভ করলো। তার মনে হলো, তার চোখের সামনে যেন সব অন্ধকার হয়ে গিয়েছে... রাত্রির আকাশ যেন অন্ধকার হয়ে যায়... শুধু তার মধ্যে ছ'একটা তারা মিট মিট করছে। কাণে সে কিছুই শুনতে পাচ্ছে না... শুধু মনে হচ্ছে যেন মহাশূন্য অব্যক্ত গর্জন ক'রে উঠছে। এক কোণে শুয়ে সে কাঁপতে থাকে। কোন কিছুই সাড় নেই... দিনরাত যেন সব এক হয়ে গলে গিয়ে অন্তহীন বেদনায় পরিণত হয়েছে।

ছোটবাবু ওষুধ দেয়। তার ফলে, সে ঘেমে নেয়ে ওঠে। সমস্ত শরীরটা যেন কি রকম হালকা অবশ হয়ে যায়। আবার যেন একটু একটু ক'রে সে তার আগেকার অনুভূতি ফিরে পায়... আশে-পাশের সব জিনিস আবার যেন ইন্দ্রিয়-গ্রাহ্য বোধ হয়।

একে একে তার মনে ছবির মতন অতীতের সব ঘটনা আসা-যাওয়া করতে থাকে। চাচার সঙ্গে তার শহরে আসা—চাচার মুখে নানান আশার বাণী... তারপর কাজে লেগে যাওয়া... সম্পূর্ণ অনভিজ্ঞ কাজের অশোয়াস্তি... কাপ-ডিস্ ভাঙ্গা... বিবিজীর নিত্য গঞ্জনা... চাচার হাতে অপমান... একে একে তার সব মনে পড়তে থাকে। কাউকেই সে চায় না, তাকেও কেউ চায় না। একমাত্র শু; ছোটবাবু যে তাকে একটু স্নেহ করে। মনে পড়ে, শীলাকে... যদিও মাঝে মাঝে তাকে বানর বলে বিদ্রূপ করে, তবুও মন্দ লাগে না তাকে। মন সেরে যখন ভিজ্জে কাপড় গায়ে জড়িয়ে স্নানঘর থেকে বেরিয়ে আসে, মুন্নু একদৃষ্টিতে তার দিকে চেয়ে থাকে... চেয়ে থাকতে তার ভাল লাগে। মনে পড়ে, ছেলেবেলা থেকে সে শুনে এসেছে, সব মেয়েকে মা বা বোনের মত হৃদয়তেন।

শীলার ছবি মনে পড়লেই, সে চেষ্টা করে তাকে বোন বলে সম্বোধন করত্বে। কিন্তু যতই সে শীলাকে দেখে, ততই তার সঙ্গে থাকতে, তার সঙ্গে খেলা করতে প্রবল ইচ্ছা জাগে...ভুলে যায় তাকে বোন বলে তফাতে রাখতে হবে। কল্পনায় অথবা প্রত্যক্ষ জীবনে, ইদানীং তাই শীলাকে দেখলেই কি রকম এক লজ্জায় তার মাথা হেঁট হয়ে যায়...গায়ে গ্রীষ্মকালে যখন পড়শীদের বাগানের গাছে ফল পেকে উঠতো, সেই সব পাকা ফলের দিকে চেয়ে চেয়ে ঠিক এমনি তার মাথা হেঁট হয়ে যেতো...পাতলা ঠোঁটের কোণে বঞ্চিত ক্ষুধার স্নান হাসি ফুটে উঠতো। শীলার ছবি ভাবতে ভাবতে তার ছোট্ট বুক আনন্দে ছলে উঠতো...আপনার অজ্ঞাতে ঠোঁটের কোণে হাসি ফুটে উঠতো। কিন্তু পরক্ষণেই সেই অসম্ভব আশার পরিণতির কথা ভাবতেই সে হাসি ঠোঁটের কোণে মিলিয়ে যেতো। যদি তার টাকা থাকতো, যদি সে যা মাইনে পেতো তা দয়ারামের হাতে না দিয়ে বাবু তাকেই দিতেন, সে এক পয়সা তা থেকে খরচ করতো না... জমিয়ে জমিয়ে সে মিঠাইওয়াল হুয়ে ফিরি ক'রে বেড়াতো...শীলাদের স্কুলের সামনে সে দেখেছে, একটা ছেলেকে মিঠাই ফিরি করতে... রোজ একটা ক'রে টাকা সে রোজগার করে। মনে পড়ে, যেদিন তার চাচা তাকে শহরে নিয়ে আসে, সেদিন দয়ারাম বলেছিল, ছুনিয়ায় টাকাই সব! মুন্সু আজ বোঝে, সত্যিই, ছুনিয়ায় টাকাই হলো সব! আজ সে জীবনে প্রথম বুঝলো, তার সঙ্গে তার গাঁয়ের রাজনের ছেলে জয়সিং-এর তফাৎ কোথায়, গরীব লোকদের সঙ্গে বড়লোকদের পার্থক্য কোথায়!

একে একে তার মনে পড়ে তার গাঁয়ের সব হতভাগ্য লোকদের ছবি...আজ যেন সে বুঝতে পারে, তাদের চেহারার মধ্যে রেখায় রেখায় কি কথা ফুটে আছে। মনে পড়ে সত্তর বছরের বড়ো গাঙ্গুর চেহারা...

হাড়ের ওপর শুধু একটা চামড়া জড়ানো,...তারই সহপাঠী বিষণের ঠাকুরদা....সেই বুড়ো বয়সে সেই ক'খানা হাড় নিয়ে লোকের মাঠে মাঠে জনমজুর খেটে তাকে দিন-গুজরান করতে হয়...মনে পড়ে বিশ্বস্তরের মায়ের শীর্ণ মুখখানি, জমিদার বাড়ীতে ছ'বেলা ঘর ঝাঁট দিয়ে থাকে ছ'মুঠো ভাতের সংস্থান করতে হয়....অস্পষ্ট ছায়ার মত মনে পড়ে তার নিজের বাবার কোর্টারাগত ছ'টো চোখ....যেন সে স্পষ্ট অনুভব করে তার মাঝের কোলের সেই স্নিগ্ধ উত্তাপ....মার কোলে সে শুয়ে আছে আর তার মা জাঁতা চালিয়ে চলেছে...বিরাম শিহীন ... যতক্ষণ পর্যন্ত না মৃত্যু এসে সে হাত ধামিয়ে দিয়েছে। আজ সে বুঝতে পারে সেই ছোট্ট কোলের সেই উত্তাপটুকু জীবনে কত প্রয়োজন... সাধ যায়, সেই উত্তাপকে কাপড়ের মত সারা অঙ্গে সে জড়িয়ে রাখে।

সে ভাবে আর চারদিকে চেয়ে দেখে, দেখে তার মতন গরীব লোক, তারাই তো সংসার জুড়ে রয়েছে, তাদের মধ্যে হাতে গোণা যায়, ছ-তিন জন মাত্র বড়লোক। আচ্ছা, এই যে এত সব গরীব লোক, তারা কি সবাই তার বাবার মতন একদিন অসহায়ভাবে বিনা চিকিৎসায় মারা যাবে? গরীব লোকেরা কি এই রকম ক'রেই মরে? শহরে অবশ্য সে দেখেছে, গাঁয়ের চেয়ে বড়লোকদের সংখ্যা বেশী। কিন্তু সে নিজের মনে হিসেব ক'রে দেখে, একশোটা গাঁয়ের মধ্যে আছে বড় জোর একটা শহর...আর সেই এক একটা গাঁয়ে সে যত গরীব লোক দেখেছে, সেই রকম যদি সব গাঁয়েই থাকে, তা' হলে পৃথিবীতে কত গরীব লোক আছে?

সে নিজের মধ্যে বিচার করে, ব্রাহ্মণ, ক্ষত্রিয়, শূদ্র, এশু যে সব জাত বিচার, তার মধ্যে সে দেখেছে, আসলে মাত্র দুটো জাত আছে। জাতিতে সে ক্ষত্রিয়, কিন্তু গরীব....বর্মা জাতিতে ব্রাহ্মণ, কিন্তু সৈ-ও গরীব.... মনিবেরা তাকেও যেমন চাকর বলে ঘৃণা করে, বর্মার মনিবও বর্মাকে



তেমনি চাকর বলে ঘৃণা করে। সেখানে তারা দু'জনেই এক জাতের লোক। বাবুদের যে-জাতই হোক না কেন, তারা সাহেবদের মতন... তারা সবাই এক জাত। সে স্থির মীমাংসায় আসে, জগতে ছুটো জাত আছে...এক জাতের নাম হলো মনিব, আর এক জাতের নাম হলো চাকর। এক জাত ধনী...আর এক জাত গরীব।

কিন্তু বিবিজীর ডাকে সেদিন তার সেই চিন্তাধারায় হঠাৎ যতিরেখা পড়ে যায়। সেরে ওঠার সঙ্গে সঙ্গে আবার সে তার দৈনন্দিন কাজের মধ্যে ডুবে যায়। কাজ করতে করতে, দেহের সবলতার সঙ্গে সঙ্গে আপনার অজ্ঞাতে তার মনের স্বাভাবিক সজীবতাও আবার ফিরে আসে। তার নিজের অজ্ঞাতে তার মস্তার ভিত্তিমূলে ছিল যে দুর্বল প্রাণ-প্রবাহ...তার সহজ মানবীয় ক্ষুরণে, সে ভুলে যায় উঁচু-নীচুর ভেদ-জ্ঞান, মনের আনন্দে আবার সে নেচে বেড়ায়, গান গায়, চৈচায়, ডিগ্বাজী খায়। দুর্দিনের দুশ্চিন্তা মনের আশে-পাশে যে সব বেড়া তৈরী করে, তার বুনো প্রাণের পাগলা-ঝোরা তাদের ভেঙ্গে গুঁড়িয়ে ভাসিয়ে নিয়ে চলে যায় আবার।

কিন্তু তার এই স্বভাবজ বুনোমি, যা কোনদিন ভাল-মন্দের নীতিবোধে বাঁধা পড়েনি, এবং যা দৈহিক আঘাতের বেদনাতেও কোনদিন সঙ্কুচিত হয়নি, তাকেই মাঝে মাঝে বিপন্ন করে তুলতো। তখন আর তার লজ্জার অন্ত থাকতো না।

ঠিক এমনি ভাবে সে বিপন্ন হলো একদিন।

সেদিন বিকেলবেলা রান্নাঘরের দাওয়ায় বসে সে আলু কুটছিল এমন সময় শুনলো শীলা আর তার স্কুলের বান্ধবীরা বাইরের ঘরে এসেছে। বিবিজী তখন পাড়ার গিন্নীদের সঙ্গে খোসগল্প করতে বেরিয়েছেন। সে ভাবলো, তাড়াতাড়ি কাজ সেরে বাইরের ঘরে তাদের সঙ্গে গিয়ে জুটবে।

হাত ধুতে ধুতে সে গুনতে পেলো, সেই বাক্সের গান শুরু হয়ে গিয়েছে। এই তো তার সুযোগ! ইদানীং বিবিজী কড়া হুকুম দিয়ে দিয়েছিলেন যে, তারা যেন মুন্সুর সঙ্গে খেলা না করে। তাদের মন-ভুলানোর জন্তে মুন্সুর কাছে এক ব্রহ্মাস্ত্র ছিল, বাদর-নাচ দেখানো। তারই প্রলোভনে তারা ভুলে যেতো বিবিজীর নিবেদন... মুন্সু নিঃশব্দে মিশে যেতো তাদের দলে।

শীলা তখন বান্ধবীঘের নিয়ে স্কুল-শেখা একটা নাচের মহড়া দিচ্ছিল। তার মধ্যে হঠাৎ লাফিয়ে পড়ে মুন্সু হামাগুঁড়ি দিয়ে বিচিত্র অঙ্গ-ভঙ্গী ক'রতে শুরু ক'রে দিল। মেয়েরা ভয়ে নাচ বন্ধ ক'রে দিল।

কৌশল্যা ভয়ে ভয়ে বলে উঠলো, এই, চলে যা এখান থেকে!

শীলা সমর্থন ক'রে বলে, আমাদের সঙ্গে তুই খেলতে এলি যে? মনে নেই মা বারণ ক'রে দিয়েছেন বারবার?

কিন্তু মুখে যাই বলুক না কেন, তার সেই বিচিত্র অঙ্গ-ভঙ্গী এবং নৃত্য শীলার ভাল লাগতো। সে নিজেও চাইতো মুন্সুর সঙ্গে সে খেলবে কিন্তু তার মায়ের আদেশ তাকে লাগাম টেনে ধরতো। কিন্তু মুন্সুর রকম-সকম দেখে শীলা বেশীক্ষণ আর নিজেকে ধরে রাখতে পারলো না। কৃত্রিম রাগে মুন্সুর কাণ ধরে তাকে ঘুরিয়ে বেড়াতে লাগলো।

মুন্সুও ইচ্ছা ক'রে তাকে তার কাণ ধরতে দিলো।

মেয়েরা হাসিতে ফেটে পড়লো। শীলা যত জোরে কাণ ধ'রে টানে, সে তত তার ওপর লাফিয়ে ঝাঁপিয়ে পড়ে, দাঁত কড়মড় ক'রে, কামড়াবার জন্তে মুখ হাঁ করে, যেন সে সত্যিকারের বানর।

খেলতে খেলতে সে হঠাৎ—শীলার মুখে দাঁত বসিয়ে দেয়! তার ধারণাতেই ছিল না, সে কি অনর্থই না ক'রে ফেলেছে!

—মা! মাগো!—শীলা চীৎকার ক'রে ওঠে।

কিস্তি কোন সাড়া পাওয়া গেল না মায়ের। তখন কৌশল্যা বেরিয়ে গেল শীলার মাকে ডেকে আনবার জন্তে।

—ওগো শীলার মা! শিগুগির এসো! শিগুগির এসো! দেখে যাও, মুন্সু কি ক'রেছে!

বিবিজী উন্মাদের মত ছুটতে ছুটতে এসে পড়েন।

ঘরে ঢুকেই দেখেন শীলা আহত গণ্ডে হাত বুলোচ্ছে।

—কি করেছে দেখি...ওকি, তোর মুখে কি হয়েছে?

ছুধের মত সাদা গাণ্ডে কাল-শিরার দাগ পড়ে গিয়েছে।

ঝড় ভেঙ্গে পড়বার আগেই মুন্সু কাতর কণ্ঠে বলে ওঠে, দোহাই বিবিজী...আমি শুধু খেলছিলাম...

দেখতে দেখতে কাল-বৈশাখীর ঝড় ভেঙ্গে পড়ে...

—ওরে মড়া!...তুই মরবি কবে? কবে হাড় জুড়োবে আমার...

ওমা...কি হবে গো...এই ছুধের বাছার ওপর...ইত্যাদি ইত্যাদি...

দৈবক্রমে বাবু নাথু মলও তখন অফিস থেকে ফিরছিলেন! চীৎকার শুনে তিনি ব্যস্ত হয়ে ঘরে ঢোকেন, কি ব্যাপার? কি হয়েছে?

তার উত্তরে বিবিজী গর্জন ক'রে ওঠেন, বলি, কি না হয়েছে? হবার আর বাকি কি আছে? মরুনা...মরুনা মড়া...

ব্যাপরটা বুঝতে না পেরে বাবু নাথু মল আরো রেগে ওঠেন, বলি, কি হয়েছে তা তো বলবে?

—বলবো...বলবো...রাগে আমার সর্বশরীর জ্বল যাচ্ছে...ঐ হতভাগা সর্বস্ব-থেগো শীলার গাল কামড়ে দিয়েছে! ও মা! ঘোর কলি...ঘোর কলি...এইটুকু বাচ্চা ছোঁড়া...এখনও জন্মায় নি বললে হয়...তার কি না এত বাড়ি...

বাবু নাথু মল অকুণ্ঠিত ক'রে, দাঁতে দাঁত চেপে চীৎকার ক'রে উঠলেন, এই হারামজাদা...কি করেছিস্ বল?

মুন্সু মাথা হেঁট ক'রে দাঁড়িয়ে ছিল...লজ্জায় আর অপমানে তার দেহের সব রক্ত যেন মুখে এসে জমা হয়েছে...বুক এত জোরে কাঁপছে যে সে নিজেই শুনতে পাচ্ছে তার ধুকধুকনি।

বাবু নাথুমল এগিয়ে গিয়ে সজোরে মুন্সুর গালে একটা চড় বসিয়ে দেন।

—চূপ ক'রে রইলি যে শূয়ার! উত্তর দে?

কোন রকমে মুখ তুলে মুন্সু বলে, বাবু...নিগাম করুন, আমি খেলছিলাম শুধু...

—খেলছিলে...খেলছিলে...বাদর-বাচ্চা কোথাকার...

হাড়-বার করা হাতে বাবুজী পুনরায় আর এক চড় বসিয়ে দেন সজোরে এবং সঙ্গে সঙ্গে পালিস-করা কালো বুট-শুদ্ধ পায়ের এক লাগি...

চক্-চকে কালো পালিস-করা বুট...মুন্সুর বড় সাধের জিনিস!

সেই লাগির বেগ সামলাতে সামলাতে মুন্সু কঁদে বলে ওঠে, আমাকে মাপ করুন বাবুজী...মাপ করুন আমাকে...

—মাপ করবো...ভাল ক'রে তোকে মাপ ক'রবো, আন্তাকুড়ের কুকুর!

সঙ্গে সঙ্গে বুট-শুদ্ধ পায়ের আবার লাগি...

তাতেও সন্তুষ্ট না হয়ে তিনি ছুটে গিয়ে ঘরের কোণ থেকে একটা লাগি তুলে নিলেন। লাগি দেখে মুন্সুর মনের ভেতর এক মুহূর্তের মধ্যে কি যেন হয়ে গেল। এক ছরস্তু বিদ্রোহ তার মনে জেগে উঠলো। কিস্ত বাইরে তা প্রকাশ ক'রতে সে ভীত হয়ে পড়লো।

পরিবর্তে মাটিতে লুটিয়ে পড়ে সে কঁদে আর বলে, বাবুজী মাপ করুন...মাপ করুন বাবুজী!

—মাপ ক'রবোই তো শূয়ার।

বাবু নাথু মল সবেগে লাঠী তুলে আঘাতের পর আঘাত ক'রে চলেন।

মুন্সু যন্ত্রণায় মাটিতে পড়ে কাতরাতে লাগলো।

বাবু নাথু মল বীরভঙ্গীতে শেষবারের মতন লাঠী তুলেন,

—যেমন কুকুর.... তেমনি মুন্সুর....

এতক্ষণ পরে বিবিজী বাবুর হাত ধরে বলে উঠলেন, থাক....আর  
নয়....

অন্ধকার ঘরের এক কোণে মাটিতে মুখ ক'রে মুন্সু অর্ধ-অচেতন  
আবস্থায় শুধু বলে, মাপ করুন আমাকে...

বেত্রাহত সারমেয় খোঁজে অন্ধকার কোণ....বেত্রাহত মানুষ খোঁজে  
নিষ্ক্রমণের পথ।

সেদিন সন্ধ্যার পর, যখন তাকে একলা ঘরে ফেলে রেখে দিয়ে,  
ষে-বার কাজে ব্যস্ত ছিল, সেই সময় মুন্সু সকলের অতর্কিতে অন্ধকারে  
গা ঢাকা দিয়ে রাস্তায় বেরিয়ে পড়লো। পাহাড়ী পথ ধরে নীচের  
দিকে সে নামতে শুরু করলো, সারি সারি দেওদার গাছ পেরিয়ে,  
ব্যাঙ্কের বাড়ী ছাড়িয়ে, নানান কাজ-করা বড় বড় সব থামওয়ালো বাড়ী  
পেছনে ফেলে, সে এসে পড়লো বাজারের মধ্যে। ছোট-বড় দোকান  
গুলোর মধ্যে কারুর ঘরে জ্বলছে এলেকট্রিক আলো, কারুর দরজা  
থেকে দেখা যাচ্ছে হ্যারিকেনের লণ্ঠন....কোনটাতে জ্বলছে মোমবাতি।  
সেই আলোর বলমলানি মুন্সুর অশ্রুসিক্ত চোখে তীরের মতন  
এসে লাগে। অশ্রু-আহত চোখ খোঁজে অন্ধকার। তাই গলির  
অন্ধকারের মধ্যে মুন্সু ঢুকে পড়ে। কিন্তু ছোট গলির মধ্যে কাছাকাছি  
সব লোক চেয়ে থাকে তার মুখের দিকে....আলোর চেয়ে সে আরো

অসহ লাগে। তার সব-দেহ-মন খুঁজছে, কোথায় অন্ধকার...কোথায় কোলাহলহীন নীরবতা। এই মানুষের ভিড় থেকে সে যদি এক মুহূর্তের মধ্যে উধাও হয়ে চলে যেতে পারে! কোথাও কোন গভীর অন্ধকারে মুখ রেখে সে যদি ভুলে যেতে পারে, সর্ব-অঙ্গে সেই নিদারুণ প্রহারের নিশ্চয় অপমানের জ্বালা। কেউ যেন তাকে না দেখে, না চিনতে পারে। সে এগলি-সেগলি দিয়ে মানুষ এড়িয়ে চলে...শেষকালে সে ছুটতে আরম্ভ করে।

হঠাৎ একজায়গায় এসে দেখে, একটা প্রকাণ্ড দরজার ওঁধারে একটা মস্ত বড় উঠানের মত খোলা জায়গা...তার ভেতর জায়গায় জায়গায় কাঠের আঙুণে মানুষের মৃতদেহ পুঁজছে! সব চূপচাপ... কোথাও আর কোন সাড়াশব্দ নেই। সে-সুন্দর অন্ধকারে মুন্মু, ভীত হয়ে ওঠে...

পাশের এক খোলা নর্দমায় ছ'টো কুকুর কি নিয়ে চাঁৎকার ক'রে উঠলো...দূরে একটা এঞ্জিন সশব্দে চলে গেল...মুন্মুর মনে হলো, কে যেন তার পেছনে পেছনে আসছে...ভূত নাকি? না, কাছের রেলের গুদামের প্রহরী? মুন্মু দম বন্ধ ক'রে ছুটতে আরম্ভ ক'রলো...দেখে সামনে অসংখ্য লাল নীল আলো...পায়ের তলায় অজগর সাপের মতিন পড়ে রয়েছে রেলের লাইন...

রেল-লাইন ধরে মুন্মু স্টেশনের ধারে এসে দেখলো একটা গাড়ী দাঁড়িয়ে আছে...কিন্তু লোকজন কোথাও কেউ নেই। গাড়ীর ভেতরও অন্ধকার। দরজা ঠেলতে গিয়ে দেখে, দরজা বন্ধ। খোলা জানলা দিয়ে গাড়ীর ভেতর সে লাফিয়ে পড়লো...গাড়ীর মেঝেতে...স্টান-সেখানেই সে শুয়ে পড়লো...

কিছুক্ষণ পরেই সে শুনতে পেলো, মানুষের আওয়াজ...ক্রমশ তা' কলরবে পরিণত হলো...গাড়ীর দরজা খুলে অন্ধকারে যে-বার আসন

খুঁজে নেবার জন্যে তাড়াছড়ো লাগিয়ে দিল... মুটেরা হুমদাম ক'রে পৌঁটোলা নামিয়ে দিতে লাগলো... মানুষের মনোমুগ্ধকর মনোচিত্তে আর নিঃশ্বাসে গাড়ীর ভেতরের অন্ধকার গরম হ'লে উঠলো... কিছুক্ষণ পরে গাড়ী নড়ে উঠলো... ট্রেন ছেড়ে দিল...

কোথায় চলেছে সে ট্রেন, তা মুন্সুর জানেন না... তবে একটা চলন্ত জিনিসের সংস্পর্শে সে-ও চলেছে, এই সাস্ত্যনাহ কবি কাছে চরম হয়ে দেখা দিল।

শ্রামনগর থেকে দৌলতপুরের দিকে যে ট্রেনটা রাত্রির অন্ধকারের মধ্য দিয়ে ধীরে ধীরে চলেছিল, তার থার্ড-ক্লাস কম্পার্টমেন্টের এক কোণে শেঠ প্রভুদয়াল রাশীকৃত লগেজের ওপর কোন রকমে হাত-পা গুটিয়ে বসে ঘুমুবার চেষ্টা ক'রে ভোরের দিকে বুঝলেন, বুধা সে চেষ্টা... সামনেই তাঁর নামবার স্টেশন... অতএব আগে থাকতে লগেজগুলো সামলে নেওয়া দরকার! কিন্তু লগেজ সামলাতে গিয়ে দেখেন, গাড়ীর মেঝের এক কোণে একটা ছেলে অগাধে ঘুমুচ্ছে... হঠাৎ তার গায়ে \* পা পড়ে যেতে যেতে সামলিয়ে নিয়ে শেঠজী বলে উঠলেন, রাম... আরে... রাম!

তখন একজন শিখবাত্রী সবেমাত্র চোখ খুলে গুরুজীব নাম স্মরণ করছিলেন, ওয়া গুরুজী! ওয়া গুরুজী!

একজন মুসলমান-বাত্রী উঠে দাঁড়াতেই দেখে, তার পায়ের তলায় একজন গুয়ে পড়ে আছে, ইয়ে আল্লাহ্! ইয়ে কৌনু হায়?

পাশেই একজন নারী শিশু-পুত্রকে স্তনদান করছিলেন, তাঁর ও দৃষ্টি সেইদিকে পড়তে তিনি বলে উঠলেন, মড়া, না, জ্যান্ত?

দেখতে দেখতে সেই উষার আলোকে গাড়ী শুদ্ধ লোকের মধ্যে একটা সশব্দ কৌতুহল জেগে উঠলো। শেঠজী হাত দিয়ে ঠেলে ঠেলে মুন্সুকে জাগিয়ে তুলেন।

জেগে উঠে চোখ খুলে সেই দৃশ্য দেখে মুন্সু ভয়ে মুখ বুঁজে পড়ে রইলো। সবেমাত্র সে স্বপ্ন দেখছিল, বিরাটাকায় সব দৈত্য তার গাথের ওপর দিয়ে হেঁটে চলে যাচ্ছে... আর ছ'দিক থেকে ছ'টো শিঙ-ওয়ানা দৈত্য তাকে তাড়া ক'রে আসছে...

শেঠ প্রভুদয়াল ঈশ্বরের নাম স্মরণ ক'রে অর্ধ-স্বগতোক্তি ক'রে বলেন, ভগবানের ইচ্ছে কে বুঝতে পারে? ভোর বেলা চোখ মেলাতেই কি না দেখি একটা ছেলে!

সহযাত্রী বন্ধু গণপত্ শেঠজীর মনের কথা বুঝতে পেরে ঠাট্টা ক'রে বলে উঠলেন, আর ভাবনা কি শেঠজী? একেবারে “রেডী-মেড্” ছেলে... শেঠগিন্নীকেও আর গাছ-গাছড়া খুঁজতে হবে না... তোমাকেও আর হকিমী গুণ্ড খেতে হবে না!

তারপর নিজের রসিকতায় নিজে খানিকটা হেসে নিয়ে, বলেন, আমার মনে হয় বন্ধু, দোষটা শেঠ-গিন্নীর নয়... তোমারই!

শেঠ প্রভুদয়ালেরও আদি-বাড়ী ছিল ক্যাংড়ার পাহাড়ে। সেখান থেকে একদিন ভাগ্যবিতাড়িত হয়ে দৌলতপুরে এসে তিনি কপর্দকহীন পথের কুলি থেকে ক্রমশঃ শেঠজী হয়েছেন... এখন একটা চাটনীর কল এবং এসেন্স-তৈরীর কারখানার তিনি মালিক।

তাই মুন্সুকে দেখেই তিনি চিনেছিলেন, পাহাড়ী বলে। পাহাড়ী লোকদের কথার টানে তিনি তখন জিজ্ঞাসাবাদ শুরু ক'রে দিয়েছেন, কি নাম? কোথা থেকে আসা হচ্ছে? কার ছেলে? কোথায় যাবে?

হঠাৎ সেই অবস্থায় নিজের গেরো বুলি শুনতে পেয়ে মুন্সুর মন ঘেন



স্বাভাবিক অবস্থায় ফিরে এলো। সে সহর্জ ভাবে সব প্রশ্নের উত্তর দিয়ে যায়, আমাদের গাঁ বিলাসপুরে, আমাকে তারা মুন্সু বলে ডাকতো, শ্রামনগরে এসে আমার নাম হয়ে যায় মুন্ডু। ছেলেবেলাতেই আমার মা-বাপ মারা যায়। আমার চাচা দয়্যারাম শ্রামনগরে ব্যাঙ্কের চাপরাসী। সেখানে এক বাবুর বাড়ীতে আমার চাকরী ক'রে দেয়। পরশু দিন আমার মনিব আমাকে এ রকম মারে যে আমি পালিয়ে আসি....

কথা শেষ হওয়ার সঙ্গে সঙ্গে তার নিজের অজ্ঞাতে তার ঠোঁটের দুই কোণ কেঁপে ওঠে... দু'চোখ ফেটে জল গড়িয়ে পড়তে থাকে। ততক্ষণে তাকে নিয়ে গাড়ীর ভেতর জল্পনা-কল্পনা শুরু হয়ে গিয়েছে। একজন আধা-দেশী আধা-বিলাতী পোষাক-পরা হিন্দু ছাত্র বলে উঠলো, 'ও সব হলো ডবলু-টি'র দল !

সে কথায় কর্ণপাত না ক'রে প্রভুদয়্যাল তাঁর সহযাত্রী বন্ধুকে জিজ্ঞাসা করেন, কি বল হে, সঙ্গে নিয়ে যাওয়া যাকু ?

গণপত্নী তাতে আপত্তি জানায়, বলে, জানা নেই, শোনা নেই, কোথাকার কে, তাকে বাড়ী নিয়ে তুলবে কি হে ? বলি চোর ছাঁচোড়ও তো হতে পারে? তবে কারখানাতে আমাদের একটা ছেলের দরকার হতে পারে, তুলসী, মহারাজ, বোঙ্গা, ওদের সাহায্য করবার জন্তে....এ-ধার ও-ধার যাওয়া...এটা সেটা করা....আর দেখে মনে হচ্ছে, ছ'বেলা ছ'মুঠো খেতে দিলেই চলবে...মাইনে টাইনে দিতে হবে না....

গণপত্নীর উপদেশ যে বিশেষ কাব্যাকরী হলো তা প্রভুদয়্যালের মুখের ভাব থেকে ঠিক বোঝা গেল না। শেঠজী একটু স্নেহকোমল ভাবেই মুন্সুকে জিজ্ঞাসা করলেন, বলি....ও মুন্সু...না মুন্ডু....তুই আসবি আমাদের সঙ্গে? আমাদের কাছেই থাকবি! আমার বাড়ী হচ্ছে হামিরপুর...বিলাসপুরের কাছেই !

মুন্সু কথা না বলে ঘাড় নেড়ে জানালো, তার আপত্তি নেই। কিন্তু মনে মনে তার তখন ভয় এবং সন্দেহ দুই-ই ছিল। পালিয়ে আসবার পর থেকে, সে এক মুহূর্তের জন্যেও ভাববার অবকাশ পায়নি, সে কি করবে বা করতে পারে...তার মনকে সারাক্ষণ ধরে জুড়ে ছিল শুধু এই দুশ্চিন্তা, যদি সে ধরা পড়ে!

মুন্সুকে নীরব দেখে, প্রভুদয়াল উৎসাহ দেবার জগ্গে শিঠি চাপড়ে বলে, ভয় কি? আরে কীদতে আছে নাকি? চোখের জল মুছে ফেল...সাহস কর! আমাদের সঙ্গে থাকবে, আমরা তোমার দেখা শোনা ক'রবো...উঠে পড়...এই তো দৌলৎপুরের কাছ বরাবর এসে পড়লাম!

নিজে একটু সরে দেহটাকে পাতলা ক'রে নিয়ে, শেঠজী একধারে মুন্সুর একটু বসবার জায়গা ক'রে দেন। হঠাৎ সেট অবস্থায় মুন্সুকে দেখে তাঁর মন সেই অসহায় বালকের প্রতি আকৃষ্ট হয়ে পড়ে। মনে হয়, তিনি যেন তার আত্মীয়...অজাত-শিশুর দাবী দিয়ে মুন্সু যেন তাঁর পুত্রস্নেহবঞ্চিত অন্তরে অন্যায়সে প্রবেশ ক'রে গিয়েছে। কিন্তু একমাত্র ভাবনা, এই সম্পূর্ণ অজানা অচেনা ছেলেটাকে পুত্র বলে গ্রহণ করা সম্ভব হবে কি না। মনে মনে ভাবতে চেষ্টা করেন, এর মা-বাপ কি ধরণের লোক হতে পারে! নিশ্চয়ই গরীব! তার পরমুহূর্তেই নিজেকে বোঝাবার জগ্গে নিজেই ভাবেন, পাহাড়ী লোক মাত্রেই তো গরীব। সেই সঙ্গে স্মরণ করেন তাঁর বালককালের কথা, তাঁর মা-বাপের কথা, তাঁরাও তো গরীব ছিলেন! একদিন এই দৌলৎপুর শহরে কুলিগিরি ক'রে তাঁকে ছ'বেলা ছ'মুঠো অন্ন সংগ্রহ করত হইয়েছে...মা-বাপকে ছ'বেলা পেট ভরে খাওয়াতেও পারেন নি। আজ তিনি শেঠজী, দু-তুটো কারখানার মালিক...আজ যদি, তাঁর মা-বাপ বেঁচে থাকতেন! আপনা থেকে শেঠজীর দীর্ঘাশ পড়ে, যা হবে না, অসম্ভব, তা

ভেবে কি লাভ? চিন্তাকে উপস্থিত ক্ষেত্রে নিয়ে এসে ভাবেন, এ ছেলেটির অবস্থা আরো শোচনীয়, তার রোজগার করবার আগেই, তার মা-বাপ...তাকে ছেড়ে বিদায় নেয়! গণপৎ এসব জিনিস ক'রে? বড়লোকের ছেলে হয়েই সে জন্মেছে...মদে, মেয়েমানুষে, জুয়োর পয়সা উড়িয়েছে... তার ঘাবা তাই জুগিয়েও গিয়েছেন...প্রভুদয়াল আজও মনে মনে আক্ষেপ করে, হায়, পয়সার অভাবে আমি শত ইচ্ছা সত্ত্বেও পড়তে পারলাম না...আর পয়সা ছ'হাতে নষ্ট ক'রে এ-রা পড়াশোনার ধারেও গেল'না...হয়ত ঠিক আমারই মতন এই ছেলেটিও মনে মনে তাই আক্ষেপ করে...হয়ত পয়সার অভাবে সে-ও স্কুলে যেতে পায় নি।

পাশ ফিরে শেঠজী জিজ্ঞাসা করেন, আমি খোকা স্কুলে পড়েছ কখনো?

—হাঁ, আমি তখন পঞ্চম শ্রেণীতে পড়ছিলাম, আমার চাচা আমাকে কাজ করবার জন্তু নিয়ে এলো স্কুল ছাড়িয়ে!

গণপৎ তখন তন্দ্রায় তুলছিল। ব্যঙ্গ ক'রে বলে ওঠে, তাহলে আর ভাবনা কি! তোমার হিসেব-পত্র রাখতে পারবে!

প্রত্যুত্তরে শেঠজী গস্তীর ভাবে বলেন, হাঁ...আমিও তাই ভাবছি... আমাদের একজন কেবাণী তো দরকার!

গণপৎ বিজ্ঞের মত বলে, তোমাকে সাবধান ক'রে দিচ্ছি... গোড়া থেকেই ছেলেটির মাথা ও ভাবে খেয়ো না! পুষ্টিপত্র নেবে, মুন্সী ক'রবে...ওতো মাটীতে আর পা-ই ফেলবে না! মাথাকার কে, তা ঠিক নেই! একটা চোরও হতে পারে...গাঁটকাটার দলের লোকও হতে পারে!

গণপৎ শেঠজীর ব্যবসার অংশীদার এবং ধনী...সেইজন্তে শেঠজী তাকে একটু ভয় করেই চলতেন! তাই গণপতের শেষ সতর্কবাণীর উত্তরে তিনি শুধু একটু ফীণ হাসলেন, কোন জবাব দিলেন না। কিন্তু

সব সতর্কবাণী সত্ত্বেও, তাঁর মন যেন আপনা থেকেই অপত্য-স্নেহে সেই অজানা অচেনা বালকটির দিকে গড়িয়ে চলেছিল।

ট্রেন তখন দৌলংপুরের উপকণ্ঠ ভেদ ক'রে এগিয়ে চলেছে। মুন্সুর নীরবে জানলার কাছে এসে মুখ বাড়িয়ে বাইরের দিকে চেয়ে থাকে... তার চোখের সামনে দ্রুত চলে যায় দৃশ্যের পর দৃশ্য... একটা ছবি ভাল ক'রে দেখতে না দেখতে এসে পড়ে আর একটা ছবি... পাতকুয়ার ধারে মেয়েরা জল তুলছে, অর্ধ-নগ্ন দেহ পুরুষেরা স্নান করছে... কলা-বাগান-ঘেরা মন্দির... মসজিদ... সোডা ওয়াটার ওয়ার্কস্-এর কারখানা... বর্খা অয়েল কোম্পানীর বড় বড় হরফে লেখা বিজ্ঞাপন... একটার পর একটা দ্রুত চলে যায়... ট্রেন যতই দৌলংপুরের দিকে এগিয়ে চলে মুন্সুর মনের কাঁপন ততই বাড়তে থাকে... আশা ও আতঙ্ক এক সঙ্গে মিলে যেন ডানার ঝাপট দিতে থাকে... ঠিক যেমনটা হয়েছিল যখন সে প্রথম আসে শ্রামনগরে।

স্টেশনে একটা ঢাকা গরুর গাড়ী ভাড়া করা হলো... তার ভেতর প্রভুদয়াল আর গণপতের মাঝখানে কোন রকমে মুন্সুর একটু জায়গা হলো... কেন না, আরো চারজন যাত্রী সেই গাড়ীতেই উঠলো। স্তব্ধ অস্তরের সমস্ত আগ্রহ সত্ত্বেও সে বাইরের কোন কিছুই দেখতে পেলনা... কখন যে দৌলংপুরের বাজার তারা পেরিয়ে এল, তা জানতেই পারলো না। ক্রমে একটা ছোট গলির মুখে গাড়ীটা এসে থামলো... বেড়াল থাকার গলি, সেখানকার লোক নাম দিয়েছে গলিটার। গলির মুখে খানকতক ছোট ছোট দোকান... মধ্যে ছোট রাস্তার ছ'ধারে আবর্জনা আর আস্তাকুঁড়... পা ফেলবার জায়গা নেই... বাতাস যেন তারি দুর্গন্ধে ভারি... তারি মধ্যে ছ'ধার থেকে উঠেছে গায়ে গা-ঘেসিয়ে সরু সরু লম্বা সব তেতলা বাড়ী।

প্রভুদয়াল আর গণপতের পিছু পিছু নীরবে মুন্সুর সেই গলির ভেতর.

দিয়ে চলে আর ছ'ধারে চেয়ে দেখে...আলুলায়িত-বাস স্ত্রীলোকেরা  
বাড়ীর রোয়াকে বসে মাটির বাসন-পত্র পরিষ্কার করছে...দেখলেই  
স্বামীরা যায়, তারাও এসেছে পাহাড় থেকে নেমে...কুলীদের বউ...  
স্বামীরা দিনের বেলায় খাটতে বেরোয়...তখন ঘরে বসে তারা এ-টা  
ও-টা উত্তরী ক'রে ছ'চার পয়সা বাড়তি রোজগারের চেষ্টা করে।

প্রভুদয়ালকে দেখে তাদের মধ্যে কেউ কেউ হাত জোড় ক'রে  
নমস্কার জানায় এবং পাহাড়ী বুলিতে কুশল-প্রশ্ন জিজ্ঞাসা করে, জয় দেব  
শেঠজী! ঘর থেকে ভালয় ভালয় ফিরে এলেন তা হলে? সেখানে  
লোকজন সব ভাল আছেতো?

প্রভুদয়াল হাতজোড় ক'রে তাদের প্রত্যভিবাদন জানায়, তোমাদের  
আশীর্বাদে সবাই ভাল আছে।

পাহাড়ী বুলি শুনে মুন্সুর মনে যেন একটু আশ্বস্ত হয়।

একটা প্রকাণ্ড দরজার ভেতর দিয়ে তারা একটা বাড়ীর উঠানে  
এসে দাঁড়াতেই, বাড়ীর ভেতর থেকে রাজোর মেয়ে এসে প্রভুদয়াল  
আর গণপংকে ঘিরে দাঁড়ায়...বুড়িও আছে...তরুনীও আছে সে দলে।  
কিন্তু সকলের মুখে এককথা, কি আনলে আমাদের জন্তে?

তাদের সকলের উত্তরে প্রভুদয়াল জঁবং হেসে আঙুল দিয়ে মুন্সুকে  
দেখিয়ে দেন...বলেন, তোমাদের জন্তে মাত্র এই একটা জিনিস এনেছি!

মুন্সু রীতিমত বিব্রত হয়ে পড়ে।

উঠান থেকে কয়েক ধাপ উঠে তারা সকলে মিলে একটা বড় ঘরে  
এলো...সেখানে মুন্সু দেখে, একটা স্বল্প-দেহা নিরীহ নারী-মূর্তি যেন  
তাদের জন্তেই অপেক্ষা করেছিল...চোখে তার স্নিগ্ধ আলো, দাঁপ-শিখার  
মতন যেন ছলছে...মুন্সুর মনে হলো, ইনিই বোধ হয় শেঠজীর স্ত্রী।  
জঁবং স্নান বিবর্ণ...অতি ধীর স্থির...কিন্তু মুন্সুকে দেখেই তিনি আকুল  
আগ্রহে ছ'হাত বাড়িয়ে তার দিকে এগিয়ে এলেন...সে কে...কোথা

থেকে এসেছে...কোন কিছুই জিজ্ঞাসা করলেন না...কাছে এসে মধুর  
স্নেহে চ'হাত দিয়ে তাকে বুকের কাছে টেনে নিলেন এবং চিবুক ধরে  
এমন সহজ ভাবে মুন্নুকে আদর ক'রতে লাগলেন যে এক নিমিষের  
মধ্যে মুন্নুর মনের সব আশঙ্কা যেন মুছে গেল...এমনি ধারা জীবনে  
আসে এক একটা মুহূর্ত, যার মধ্যে দিয়ে অনায়াসে গড়ে ওঠে একটা  
জীবনের সঞ্চয় ।

শেঠ-গৃহিণীর হাব-ভাব দেখে ব্যঙ্গ-স্বরে গণপৎ বলে উঠলো, চরণে  
পেলাম হই ভাবী !

একান্ত সহজভাবে সেই অভিবাদন-গ্রহণ ক'রে পার্ক্‌তী প্রত্যুত্তরে  
রসিকতা ক'রে উত্তর দিলেন, তাহলে ভাইয়া, এবারেও পাহাড় থেকে  
দেখে-গুনে একটা ভাল বউ নিয়ে আসতে পারলে না ?

গণপৎ উত্তর দেয়, না ভাবি...গামার বরাং মন্দ...তবে তোমার  
বরাং ভাল...তোমার জন্তে একেবারে একটা তৈরী ছেলে নিয়ে  
এসেছি !

মুন্নুকে স্নেহে জড়িয়ে ধ'রে পার্ক্‌তী বলে, তা তো দেখছি !

তারপর সে-কথা চাপা দেবার জন্তেই স্বামীকে লক্ষ্য ক'রে বলে,  
খাবার তৈরী ক'রে রেখেছি ; আমি বলি কি, আগে খাওয়া-দাওয়া  
ক'রে নাও...তারপর স্নান ক'রে বিশ্রাম করবে'খন ! কেমন ?

আড়ম্বরহীন সহজ স্নেহে প্রভু দয়াল বলেন, বেশ !

দেয়ালে ঠেসান-দেওয়া একটা খাটিয়া টো' নিয়ে, তার ওপর মাল-  
পত্র গুলো রেখে প্রভুদয়াল মুন্নুকে বসতে বলেন ।

মুন্নু খাটের ওপর ব'সে ভাবে, কারখানাটা তাহলে কোথায় ।

এমন সময় পার্ক্‌তী তার সামনে এক গেলাস সরবৎ নিয়ে এসে  
ধরলেন । মুন্নু বিশ্বাস করতেই পারে নি, যে সরবৎ তারি জন্তে আনা  
হয়েছে এবং এনেছেন স্বয়ং শেঠ-গৃহিণী ।

সরবৎ খাওয়া হ'য়ে গেলে পার্কভী মুন্সুকে স্থানের ঘরে নিয়ে  
গেলেন।

১. স্নান সেরে আহাৰ।

-ভাত...ডাল...ছ'তিন রকম স্তরকারি...পায়স...তাদের গাঁয়ের রান্না  
বহুদিন মুন্সু বার স্বাদ পায় নি...তেঁতুলের চাটনী.. সেই সঙ্গে শহরের  
রান্না ছ'চারটে...জীবনে এরকম ভাবে পেটভরে পরিতৃপ্তির সঙ্গে সে  
আর খায় নি।

উদর আজ পরিপূর্ণ...দেহ স্নিগ্ধ...শান্ত...খাটিয়ার ওপর শুতেই  
ঘুমের অতলে যেন সে ডুবে গেল।

ঘুম ভেঙ্গে যখন উঠলো তখন বিকেল হয়ে গিয়েছে।

চেয়ে দেখে শেঠজী কাছে বসে হাঁকোতে তামাক খাচ্ছেন। মুন্সুকে  
ঘুম থেকে উঠতে দেখে তিনি বলেন, এবার উঠে মুখ ধুয়ে কারখানায়  
যাও...ঐ যে জানালাটা দেখছো...ওর তলায় নীচের ঘরে কারখানা...  
ওখান থেকে তুমি নিজে নামতে পারবে না..ওখানে গেলেই কেউ না  
কেউ তোমাকে হাত ধরে নামিয়ে নেবে'খন।

নির্দিষ্ট স্থানে গিয়ে নীচের দিকে চেয়ে দেখেই মুন্সুর যেন দম আটকে  
এলো। কিছু দূরেই অন্ধকার বন্ধ ঘরে ছ'তিনটে বড় বড় উল্লু জলছে  
...সমস্ত জায়গাটা ধোঁয়ার অন্ধকারে যেন কালো হয়ে আছে...মাঝে  
মাঝে সৈদিক থেকে যখন বাতাস আসছে...মনে হচ্ছে স্নেন আগুনের  
ঝলকা...এর মধ্যে মানুষ কাজ করে কি ক'রে?

জানালায় কাছে গিয়ে দাঁড়াতেই নীচে থেকে এক বিরাটকায় লোক  
তাকে তুঙ্গে ধরে নীচে নামিয়ে নিলো। বিরাট দেহ...সর্ব-অঙ্গে  
কালি-মাখা...মুখটা দেখলে মানুষের চেয়ে জন্তুর কথাই বেশী মনে  
পড়ে...হাত-পা, বুক, সবজায়গাতেই যেন মাংস ফুলে শক্ত ইট হয়ে  
আছে...এমন বদ-চেহারার লোক মুন্সু এর আগে আর কখনো দেখে

নি। লোকটার স্পর্শে তার দেহের মধ্যে কেমন একটা তীব্র অশোয়াস্তি জ্বলে উঠলো !

এমন সময় গণপতের কণ্ঠস্বর মুনুর কাণে এলো,—ওকে ছেড়ে এখন কাজে চলে যাও মহারাজ !

মুন্সু ভাবছে কি করবে এমন সময় দেখে একটা ছোট ছেলে... বেঁটে...মোটামোটো, মুখ-খানা যেন কে কাদা দিয়ে লেপে দিয়েছে... কারখানার ঢোকবার মুখেই বসে রয়েছে...ছোটো কটকটে লাল চোখ তুলে তার দিকে চেয়ে যেন কি বলতে চাইছে...মুন্সুর অশোয়াস্তি বেড়ে উঠে...সে হতবাক হয়ে দাঁড়িয়ে পড়ে ।

ছেলেটা উঠে দাঁড়িয়ে তার কাছে এগিয়ে এসে তাকে যেন ধাক্কা মারলো...মুখ হাঁ ক'রে কি যেন বলতে গেল...কিন্তু কথার বদলে কতকগুলো অস্পষ্ট বিকৃত আওয়াজ তার মুখের ভেতর থেকে বেরিয়ে এলো...মুন্সু অবাক হয়ে ভাবে, কি ব্যাপার ?

অন্ধকারে এককোণে বসে গণপৎ তামাক খাচ্ছিল। মুনুর অবস্থা দেখে বলে উঠলো, বুঝতে পারছিন্ না ? বোকা তোকে বসতে বলছে...ও হাবা-কালো কিনা !

ব্যাপারটা বুঝতে পেরে মুনু যেন ধাতস্থ হলো। আন্তে আন্তে সে এগিয়ে গিয়ে উনুনের ধারে যেতেই দেখে একজন ভদ্রবেশী লোক... গায়ে বাবুদের মতন সার্ট, মাথার চুল বাবুদের মতনই আঁচড়ানো...একটা গর্তের মধ্যে মস্ত বড় কড়া থেকে গরম জলের ঘটন কি যেন ঢালছে !

যেই আরো ছ'এক পা এগিয়েছে অমনি লোকটা চীৎকার ক'রে উঠলো, আরে, আরে, গিধ্ ধোড়...গাধা...করে কি ?

অমনি চারদিক থেকে লোকে চীৎকার ক'রে উঠলো, এই ! এই ! কোথাকার অজবুক...! পুড়ে মরলো নাকি ?

গণপৎ তাড়াতাড়ি ছুটে এসে ধমক দিয়ে বলে উঠলো, এই.



শূয়ার...এ-দিক ও-দিক ঘুর ঘুর করছিস কেন ? মরবি ! দেখছিসনা, তুলসী এসেঙ্গ তৈরী ক'রছে ? একটু পরেই তোকে নিয়ে ও বেঝবে... যেখানে যেখানে বিলি ক'রতে হবে, ওর সঙ্গে গিয়ে দেখে নিবি... বুঝলি ? কাল থেকে তোকেই বিলি ক'রতে হবে দোকানে দোকানে। আর যতক্ষণ তা না হচ্ছে, কারখানার মধ্যে ঘুর ঘুর ক'রে অন্ত লোকের কাজ কর্ম পণ্ড করো না...চূপটী করে একজায়গায় বসো...অভ্যাস কর ভদ্র হয়ে বসে থাকতে...

এই বলে একটা টুলের ওপর মুন্নুকে টেনে বসিয়ে দেয়।

—এতক্ষণ তো পথে পথে না খেতে পেয়ে ঘুরে বেড়াতে...আর না হয়, ফাঁড়িতে বসে লপসী খেতে...দয়া ক'রে তোমাকে এখানে আমরা যে নিয়ে এসেছি—দয়া ক'রে সেটা যেন ভুল না !

স্তম্ভিত হয়ে সেখানে ব'সে মুন্নু চারদিকে চেয়ে দেখে। হঠাৎ তুলসীর জলন্ত কড়া থেকে এক ঝলক গরম হাওয়া সোজা তার চোখেমুখে এসে লাগে, চোখ যেন ঝলসে যায়...

সেই আধ-অন্ধকার .. তপ্ত বন্ধ হাওয়া...তার মধ্যে জ্বলছে বড় বড় উলুন...উঠছে নার্মিছে বড় বড় সব লোহার কড়া...মস্ত মস্ত সব কাঠের পিঁপে...তার মধ্যে মুন্নুর মনে হতে লাগলো, সে যেন একান্তই নিরর্থক...ক্ষুদ্র...অপদার্থ...

চোখ রগড়াতে রগড়াতে মুন্নু দেখতে পেল, তার সামনেই তিনজন লোক তার দিকে আড়চোখে চেয়ে আছে। যেন তাদের ধৃষ্টি বলতে চাইছে, তুমি আবার কে বাবা ? উড়ে এসে জুড়ে বসলে ?

মুন্নুর 'মনে হলো, সত্যই সে যেন এখানে অনধিকার প্রবেশ ক'রছে। যতই সে-কথা ভাবে, ততই সে চঞ্চল হয়ে ওঠে।

যদি তার পাখা থাকত, এই মুহূর্তে এখান থেকে সে উড়ে চলে যেতো।

ঠিক এমনি সময় শেঠ প্রভুদয়াল এসে পড়ায় মুন্সু যেন হাঁপ ছেড়ে  
বাঁচলো।

—বলি ও মুন্সু, কোথায় হে ?

সেই তপ্ত ধূম্রল অন্ধকারে চোখ টেনে টেনে শেঠজী অনুসন্ধান  
করেন।

উত্তর দেয় গণপৎ।

—ঐ যে গুথানে বসে। হারামজাদা আর একটু হ'লে পুড়ে  
মরেছিল...তুলসী গরম জলের কড়া নামাচ্ছিল, সেখানে গিয়ে উনি ঘুর  
ঘুর করছিলেন।

সেকথার কোন উত্তর না দিয়ে প্রভুদয়াল মুন্সুকে কাছে ডেকে  
নিয়ে বললেন, চলো আমার সঙ্গে...আমাদের যে সব খন্দের আছে,  
তাদের কাছে আমিই তোমাকে পরিচয় করিয়ে দিয়ে আসি। আর  
তা ছাড়া...ফেরবার সময় আমি মন্দিরে যাব...যেতে নিশ্চয়ই আপত্তি  
নেই তোমার!

গণপত্নী রাগে গর্গর্ করতে করতে বলে উঠে, এমনি করেই তুমি  
সব চাকর গুলোর মাথা খাও!

হিসেবের জাব্দা খাতাটা কোলে তুলে নিয়ে প্রভুদয়াল হাসতে  
হাসতে বেরিয়ে পড়ে।

মুন্সু আকুল আগ্রহে অনুসরণ করে।

এক চোখ দোকানের দিকে, আর এক চোখ শেঠজীর দিকে....  
পাছে সেই গলি-ঘুঁজি আর মানুষের ভিড়ের মধ্যে সে হারিয়ে যান...  
মুন্সু পরম আনন্দে শেঠজীর পেছনে পেছনে চলে।

কে একজন শেঠজীকে দেখে বলে উঠলো, আরে শেঠজী—বলি ফিরলে কবে ?

শেঠজী সেখানে দাঁড়ায় কিছুক্ষণ। সেই অবসরে মুন্সু ছ'চোখ ভ'রে দুদিকে ষতদূর পর্যন্ত দেখা যায়...ভন্ন ভন্ন ক'রে সব দেখে...তার পাহাড়ী কোঁতুহল যেন বেড়েই চলে...

একটা দোকানের সামনে আসতেই মুন্সুর দৃষ্টি পড়ে....বাবা ! কত রকমের যে শিশি বোতল তার আর ইয়ত্তা নেই...

—লালাজী, এবার থেকে এই নতুন ছেলেটাই আপনার দোকানে জিনিস-পত্র নিয়ে আসবে—

এই বলে মুন্সুকে আগিয়ে ধরেন।

লালাজী গদির ওপর থেকে মুন্সুর ওপর একবার দৃষ্টি বুলিয়ে নিয়ে বলেন, আচ্ছা শেঠজী, আচ্ছা !

হাতজোড় ক'রে নমস্কার জানিয়ে সেখান থেকে আবার চলতে আরম্ভ করেন শেঠজী।

মুন্সু পিছু পিছু চলে প্রভুভক্ত কুকুরের মত।

এ-দোকান সে-দোকান ঘুরে সন্ধ্যার মুখে তাঁরা মন্দিরে এসে উপস্থিত হলেন। সেখান থেকে বাড়ী ফিরে মুন্সু সারাদিনের ঘটনা-মনের মধ্যে নাড়াচাড়া করে। এ আর এক কোন্ বিচিত্র জগতে এসে পড়লো সে ! মনে মনে ভাবে, যে বাড়ীতে এসেছি, সেটা ত্রা ভালই লাগছে। মনে হচ্ছে এখানে মনের সুখে ঘুরে-ফিরে বেড়াতে পারবো... আমার অযত্নও এরা ক'রবে না। কিন্তু কারখানায় আমি কি করবো ?

তবে বাইরে সে যে ঘুরে বেড়াতে পারবে, রোজ বাজারে যেতে পারবে, তাতেই সে উল্লসিত হয়ে ওঠে। এই কয়েকঘণ্টা শেঠজীর সঙ্গে সে বেড়িয়ে কত না বিচিত্র জিনিস দেখে এসেছে...এত জিনিস, মুন্সুর বোধ হয়, দেখে শেষ করা যায় না বোধহয়...শ্রামনগরে সে

কি দেখেছে? তার চেয়ে ঢের ঢের বেশী...অদ্ভুত আশ্চর্য্য সব জিনিস! বেড়িয়ে ফেরবার সময়, তার হঠাৎ মনে পড়ে যায়, স্কুলে ভূগোলে সে পড়েছে দৌলতপুরের কথা...“উত্তর ভারতের একটি প্রধানতম শহর”... মনে পড়ে তার, হাঁ, শ্রীরামচন্দ্র যখন অযোধ্যায় রাজত্ব ক’রতেন, সেই সময় সেই প্রাচীন কালে দৌলৎসিংহ নামে এক রাজপুত্র মহারাজা এই সহরের প্রতিষ্ঠা করেন...তারপর কত রাজা কত মহারাজা এখানে রাজত্ব ক’রে গিয়েছেন...আপনার মনে একলা ব’সে সে সেই সব রাজাদের চিত্র কল্পনা করে...যেন রাস্তা দিয়ে তাঁরা চলেছেন হুসাঁজ্জত হাওদার উপর চ’ড়ে...গলায় গজমতির মালা...জরীর পাগড়ীতে হীরে-মণি মুক্তা সূর্য্যকরে করছে ঝলমল....

অতীতের স্বপ্নলোক থেকে যখন নিজের ওপর দৃষ্টি পড়ে, নিজের অজ্ঞাতে একটা দীর্ঘশ্বাস বুক থেকে বেরিয়ে আসে...ভাবে, যদি শেঠজী ট্রেন থেকে তুলে নিয়ে না আসতেন তাহলে আজও হয়ত ট্রেনের মধ্যে না থেয়ে পড়ে থাকতে হতো...

ভোর না হতেই ঘুমের ঘোরে মুন্সু শোণে, তুলসী তার বাজ-খাঁই গলায় তাকে ডাকছে, মুন্সু...আরে ওঠ...ওঠ...

মুন্সুর ঘুম ভেঙ্গে যায়। বুঝতে পারে, তুলসী তার পায়ের বুড়ো আঙুল ধরে মোচড় দিচ্ছে ঘুম ভাঙ্গাবার জন্তু...

—ওঠ না!

—বলি ওরে মুন্সু...ওঠনা!

মুন্সু আন্তে আন্তে চোখ খোলে।

—আরে ওঠ ছোঁড়া...নইলে শেঠজী রাগ ক’রবে!

তুলসী তার নিজের বিছানা বগলে তুলে নেয়। মুন্সুও উঠে.

দাঁড়ায়। জানালার কাছে এসে পৌঁছলে তুলসী বলে, আয়, তোকে ধ'রে নামিয়ে দিই!

আজ আর তার প্রয়োজন হবে না। তাদের গাঁয়ে এর থেকে কত নীচুতে সে লাফ দিয়ে নেমেছে। অন্যরাসে সে এক লাফ দিয়ে নীচে নেমে পড়লো।

একটা কাঠের তক্তার ওপর পাশাপাশি দু'টি মাংস পিণ্ড শুয়েছিল। তুলসী কাছে গিয়ে ঠেলা দিয়ে ডাকলো, এই মহারাজ...বোঙ্গা... ওঠ...ওঠ...

মুন্নু দেখে নিবিড় ঘূমের মধ্যে ছ'জনে জড়াজড়ি করে শুয়ে আছে, হস্তীমূর্খ মহারাজ...আর হাবা-কালো বোঙ্গা। মুন্নু চোখ বার করে তাদের হুজনকে দেখে। তাহলে, ওরা ছ'জনেই রোজ এখানে শোয়। ওদের থেকে মুন্নুর বরাং ঢের ভাল। সে শেঠজীর বাড়ীর ছাদে শুতে পেয়েছে। সেখানে গণপত্ আর তুলসী শোয়। আর একটা ব্যাপারে মুন্নু নিজেকে আরো সৌভাগ্যবান মনে করে। ছোট হ'লেও তার নিঃজর আলাদা একটা বিছানা সে পেয়েছে। এই বিরাট সৌভাগ্য যে কার জন্তে সম্ভব হ'য়েছে, তা সে জানে। ঘুমুবার সময় সে শুনেছে শেঠজী আর পার্কীতী তার সম্বন্ধেই কথা বলছিলেন। তাঁদের নাকি ইচ্ছা তাকে পৌষপুত্র করে নেবেন। বাড়ীতে পা দেওয়া থেকেই পার্কীতীকে সে মনে মনে ভালবেসেছে। রাত্রিতে খাবার সময় পার্কীতী তাকে রুটীর সঙ্গে ক্ষীর খেতে দিয়েছিলেন। সে কথা ভুলতে পারেনি, কিন্তু মুন্নু মনে মনে ভাবে, উনি এত চূপ চাপ থাকেন কেন? কচিং কখনো তাঁর স্নান বিবর্ণ মুখে একটু খানি হাসির রেখা দেখা যায়, তখন মুখটা কি সুন্দরই না দেখায়। কিন্তু সারাদিনের মধ্যে মুন্নু তাঁকে ছ'একটা ছাড়া কথা বলতেই শোনে নি। মুন্নুর কেমন যেন ভয় করে তাঁর সঙ্গে কথা বলতে...লজ্জাও যে করে না, তা নয়।

তুলসী তখন একটা লোহার হাতার মতন জিনিস নিয়ে একটা উম্মন থেকে ছাই তুলছিল। মুন্সকে ডেকে বলে, সামনের ঐ উম্মনটা থেকে ছাই গুলো তুলে ফেল।

মুন্স দ্বিক্রান্তি না ক'রে উম্মনের কাছে এগিয়ে যায় এবং উম্মনের মুখের ভেতর দিয়ে ভেতরে সটান হাত ঢুকিয়ে দেয়।

—উঃ...উহ্...বাবারে...

মুন্স ছিটকে পেছনে লাফিয়ে পড়ে...যন্ত্রণায় তার মুখ এক নিমিষের মধ্যে যেন বৈকে যায়...মুঠো ক'রে ছাই তুলতে গিয়ে ছাই-এর মধ্যে একটা জ্বলন্ত কয়লা সে চেপে ধরে...

তুলসীর উচিত ছিল তাকে সাবধান ক'রে দেওয়া, কিন্তু সে তা করে নি। তাই নিজের ক্রটি ঢাকবার জন্তে সে বলে ওঠে, দূর মুখা! ও সয়ে যাবে...ছ'দিন ক'রলেই সব সয়ে যাবে!

মুন্স তখন যন্ত্রণায় হাত মোচড়াতে থাকে...কাজ করবার মুখেই এই রকম একটা বাধা পেয়ে তার মনটা মুষড়ে পড়ে।

তুলসী হাসতে হাসতে বলে, আয়, আয়, সেরে গেলে আর কিছু থাকবে না...ছ'দিন পরেই দেখবি সব ঠিক হয়ে গিয়েছে...কোন অসুবিধে হচ্ছে না...তুই বোকা, তাই খালি হাতে ছাই তুলতে গেছিস! একটা কিছু জোগাড় করেনে—লোহার কিংবা টিনের... তাই দিয়ে ছাই তুলবি...বুঝলি? ঐ দেখ, ওখানে ওটা কি রয়েছে!

কারখানায় চোকবার মুখে একটা পয়োনো টিনের ক্যানাস্তারা ভাঙ্গা পড়েছিল...তুলসীর নির্দেশ অনুযায়ী মুন্স সেটা তুলে নিয়ে আবার ছাই তুলতে আরম্ভ করে দিল।

এমন সময় কারখানার গর্তের উপরের জানলায় গনপতের মুখ দেখা গেল।

—কি...এখনও দেখছি উম্মন জালা হয় নি?

সে কথার উত্তরে তুলসী মুন্সুকে তাড়া দিয়ে বলে উঠলো,  
শিগুগির শিগুগির কর মুন্সু !

এই ভাবে উপরি-ওয়ারীদের নির্দেশকে কারখানার কুলীদের ওপর  
হুকুম রূপে চালাতে তুলসীর অভ্যাস হয়ে গিয়েছিল। এবং সেই জন্তে  
কারখানায় একরকম ফোরম্যান-সর্দারের মত সে হয়ে উঠেছিল।

তুলসীর হুকুমে মুন্সু আরো তাড়াভাড়া ছাই তুলতে শুরু করে।  
কথার আওয়াজ থেকে সে বুঝেছিল গণপত্ জনালাল কাছে এসে  
দাঁড়িয়েছে...ইতিমধ্যেই সেই বোড়ামুখো লোকটীকে সে ভয় করতে  
আরম্ভ করে দিয়েছে, যেমন ভয় সে করতো শ্রামনগরে তার ভূতপূর্ব  
মনিবাণী এবং তার কাকাকে। ছাই তুলতে তুলতে সে ভাবে, আমার  
বরাংটাই এই রকম। যদিও এখানে ভাল আশ্রয় পেলাম, কিন্তু  
এই একটা পাজী স্কোকের জন্তে বোধহয় সব নষ্ট হয়ে যাবে। তবে ভরসা  
...যারা আমার আসল মনিব তাঁরা আমাকে রীতিমত ভালবাসেন...  
শেঠজীর স্ত্রী রাত্রিতে রুটীর সঙ্গে আমাকে ক্ষীর দিয়েছিল....

এমন সময় ক্ষীরের চিন্তা ভেঙ্গে দিয়ে তুলসী হুকুম করে, ছাইগুলো  
তুলে এবার ঐ গর্তের ভেতর ফেলে দে !

• তুলসী নিজে তখন উম্মন ধরাবার চেষ্টা করছিল।

জানালাল ওখানে দাঁড়িয়ে হাই তুলতে তুলতে গণপত্ জিজ্ঞাসা  
করে, মহারাজ আর বোঙ্গা কোথায় ? তারা কি এখনও ওঠেনি  
নাকি ?

তুলসী চিংকার করে উঠে, ওরে মহারাজ...এই বোঙ্গা...ওঠরে  
ওঠ....

—দাঁড়া, আমি নিজে যাচ্ছি ! এই বলে গণপত্ সেখান থেকে  
নেমে সোজা মহারাজ আর বোঙ্গা যেখানে শুয়ে ঘুমুচ্ছিল, সেদিকে  
অগ্রসর হয়।

—এত বেলা হয়ে গেল...কারখানায় লোকজনের দেখা নেই... এখনও পর্য্যন্ত প'ড়ে প'ড়ে ঘুমচ্ছেন লাটসাহেবরা...! যে ক'দিন এখানে ছিলাম না, খুব মজা ক'রে নিয়েছে সবাই...কারখানা যে কি করে চলতো তাই ভাবি...দায়িত্ব নিয়ে কাজ করবার একজনও লোক নেই...যাদের জাতের ঠিক নেই...তাদের কিছুই ঠিক নেই...

তক্তার কাছে গিয়ে সে চীৎকার ক'রে উঠে, এই আন্তাকুঁড়ের কুকুরের দল...ওঠ...ওঠ...

বোঙ্গা চোখ রগড়াতে রগড়াতে উঠে পড়লো কিন্তু মহারাজ যুগ্মন অসাড় পড়ে ছিল তেমনি পড়ে রইলো।

মহারাজকে হ'হাত দিয়ে ঠেলে গণপং চীৎকার ক'রে ডাকে, এই এই হাতীর বাচ্চা...ওঠ...

মিদ্রালু মাংস-পিণ্ডের ভেতর থেকে ঘূমে-জড়ানো আওয়াজ এলো, এই যে উঠছি হজুর! কিন্তু পরক্ষণেই আবার চুপ্ চাপ্...ওঠবার কোন লক্ষণই দেখা যায় না।

কাছেই একটা কাঠের টুকরো পড়ে ছিল। সেটা তুলে নিয়ে সেই ঘুমন্ত মাংস-পিণ্ডের উপর বেশ কয়েক ঘা দেবার পর দেখা গেল, ফল ফলেছে। রক্ত-বর্ণ চোখ খুলে মহারাজ উঠে বসলো। এবং ঘন ঘন হাই তুলতে লাগলো। মনিবের কাষ্ঠ-প্রীতি যে তার সঙ্গে বিশেষ কোন বেদনার সঞ্চার করেছে, তার ভাবগতিক দেখে তা বোঝা গেল না।

প্রভাতে উঠেই দ্রুত অঙ্গ-সঞ্চালনের ফলে গণপং হাঁফিয়ে উঠেছিল।

—রোদে সারা দেশ পুড়ে যাচ্ছে আর তুমি শুষের পড়ে পড়ে ঘুমোচ্ছো? হাঁপাতে হাঁপাতে গণপং গর্জন ক'রে ওঠে।

—কাঠ না হলে কি কাঠের ঘুম ভাঙ্গে? ফের যদি দেখি এত বেলা পর্য্যন্ত শুয়ে শুয়ে নাক ডাকাচ্ছ, তা'হলে এরপর হাড় গুড়ো ক'রে দেবো!



এই ভাবে কারখানাকে জাগিয়ে তুলে দরজার দিকে ফিরতেই মুন্সুর চোখে চোখ পড়ে গেল। মুন্সু ভয়-সঙ্কিত দৃষ্টিতে তার দিকে চেয়ে ছিল...তার চোখ জলে ঝাপসা হয়ে এসেছিল।

—এখানে দাঁড়িয়ে হাঁ ক'রে দেখছিস্ কি? কাজ নেই? যদি কারুর সঙ্গে এখানে দলে ভেড়ো...তা হ'লে তোমারও ভাগ্যে এই রকম জুটবে...নিজের যা কাজ মুখ বুঁজে তা ক'রে যাবে নইলে এই চ্যালা কাঠ তোমারও পিঠে ভাঙ্গবো, বুঝলে?

এমন সময় দরজার বাইরে থেকে কড়ানাড়ার আওয়াজ এলো। গণপৎ নিজেই এগিয়ে গেল দরজা খুলে দেবার জন্তে, কুলী-কামিনরা আসছে।

—দাঁড়া, দাঁড়া, বুড়ো শালিকের দল!

দরজা খুলতেই প্রথমে লাচী এসে ঢুকলো...ছোট্ট, মোটা-মোটা, গড়ন-পিটন মন্দ না...

গণপৎকে দেখেই মুচকে হেসে চোখ ঘুরিয়ে বলে উঠলো, কি, ভোর না হতেই মার-ধোর আরম্ভ করেছ তে? কোথায় এখন ঠাকুর-দেবতার নাম নেবে, না, গালাগাল আর মার-ধোর!

লাচীর পেছনে আরো দু'জন কামিন এসে ঢুকলো...মাথার চুল শাদা...দীর্ঘ দিনের পরিশ্রমে শরীর গিয়েছে বেকে...মুখে উপবাস আর অনশনের দীর্ঘ-রেখা...

—রাম...রাম...শেঠজী!

লাচীকে দেখে গণপতের উদ্ভ্রা নিমেষের মধ্যে ঘেন উবে গেল...কোন কথাই আর জবাব না দিয়ে তার আয়গায় এসে হাঁকায় কব্জের বন্দোবস্ত করতে বসে গেল।

লাচী এগিয়ে এসে তুলসীকে ডেকে বললো, এই তুলসী, আমাদের পিদ্দিমে তেল নেই, তেল দিয়ে দে!

ভারা বেখানেে বসে কাজ করে, দিনের বেলাতেও সেখানেে স্বর্ঘ্যের আলো এসে পৌঁছয় না।

তুলসী তখন উম্মন ধরাবার জন্তে শুকনো কাঠের ওপর কেবলিনে জেলে আশুপ ধরাবার চেষ্টা ক'রছে।

লাটীর কথার উত্তর গণপংই দেয়, যা, যা, কাজে বসগে যা...সব হচ্ছে....

ছিলিম তৈরী ক'রে গণপং হাঁকোতে মুখ দেয়।

মুন্নুর যেন দম আটকে আসে...গণপংকে বত দেখে তত বেন তার ধাসরোধ হয়ে আসবার মতন হয়....এত কাছাকাছি এই কষাই-এর মতন লোকটার কাছে দাঁড়িয়ে থাকতে তার শরীর বেন ঘিন্ ঘিন্ করে।

মুন্নুর দিকে দৃষ্টি পড়তেই গণপং আবার চীৎকার ক'রে ওঠে, এই শূয়োরের বাচ্চা, দাঁড়িয়ে রইলি যে ? আরো দুটো যে উম্মন পড়ে রয়েছে, তা থেকে ছাই তুলবে কে ?

লাচী এগিয়ে এসে ঝংকার দিয়ে ওঠে, রাতদিন ওদের পেছনে লেগে আছি কেনরে হারামী ? ওঠ...কোথায় আপেল আছে, গুণে দিবি চল...নইলে এখুনি তো বলবি যে আমি চুরি করেছি !

হাঁকো হাতে গণপং নিঃশব্দে উঠে গিয়ে একটা কুটীরীতে ঢোকে।

মুন্নু নিঃশব্দে উম্মনের ধারে গিয়ে ছাই তুলতে থাকে। সেই অল্প কয়েক মিনিটের মধ্যে তার মন বেন অচল হয়ে আসে....সে কিছুই ভাবতে পারে না।

কারখানার কাজ শুরু হয়ে যায়।

ভিজ্ঞে অন্ধকারের সঙ্গে স্যাংসঁতে মাটির গন্ধ....ধোয়া...পচা ফলের দুর্গন্ধ...সর্ষের তেল...নানান রকমের মসলার ঝাঁক...সব শুদ্ধ মিলে একটা বিচিত্র বিশ্বাদ বাতাস তার নাকে এসে লাগে...

ভাবে, অসম্ভব জায়গা...হয়ত' কয়েকদিন পরেই সব স'য়ে বাবে...এই তো এরা সবাই কাজ ক'রছে...এরাওতো তার মত একদিন পাহাড় থেকে এসেছিল...

হঠাৎ জলন্ত উলুনের দিক থেকে চাপা গরম হাওয়ার ঝলক তার চোখে মুখে এসে লাগে...ভেঙ্গে যায় দিবা-স্বপ্ন—

সেই সঙ্গে সান্নেয় কুঠরী থেকে একটা ঝাঁঝালো গন্ধ এসে সোজা তার নাকের ভেতর ঢোকে...নাকের ভেতর দিয়ে গলায় গিয়ে কুটকুট ক'রতে থাকে...বহু চেষ্টা ক'রেও সে কাশি দমন ক'রতে পারে না...কাশতে শুরু করে। কাশতে কাশতে তার নিজের কাণে তালা লেগে যায়। সেই অবস্থায় সে গুনতে পায় কাশতে কাশতে আর একজন কার যেন দম আটকে যাচ্ছে, অথচ সেই অবস্থায় চীৎকার ক'রে গালাগল দিচ্ছে...কথায় আর বাশিতে মিশে জড়াজড়ি হয়ে যাচ্ছে...

—শুয়োরের বাচ্চা...হারামজাদার দল...এই প্রভুদয়াল! এই বেজন্মা...

মুন্সু কাণ খাড়া ক'রে শোনে। সেই কাশি আর আওয়াজ থামার সঙ্গে সঙ্গেই আর একটা কণ্ঠস্বর স্পষ্ট হয়ে ওঠে...গলার আওয়াজ থেকে মুন্সু আন্দাজ করে, নিশ্চয়ই কোন স্ত্রীলোকের গলা...

—মরণ হয় না তোদের? অথচ অলপ্পয়ে নেমক-হারামের দল! ষত সব পাহাড়ী চাষা! আঁতাকুড়ের জঞ্জাল...মন্সু ম' ম' ম'...মরণ...মরণ...ওরে বাবা...মরে গেলাম...ধোঁয়া...ধোঁয়া...ঐ ধোঁয়ায় কবে পুড়ে মরবি তোরা? ঘর-দোর সব জালিয়ে দিলে...এই সেদিন বাড়ীঘর-দোর চূণকাম ক'রেছি গো...ধোঁয়ায় সব জালিয়ে দিলে...জালিয়ে দিলে গো... সেই সঙ্গে জলে ম' না তোরা...

হঠাৎ মুন্সুর মনে হল, একি তার ভূতপূর্ব্ব মনিবানীর কণ্ঠস্বর? সে

কি স্বপ্ন দেখছে ? ভাল ক'রে চেয়ে দেখতে গিয়ে ধোঁয়ায় সে কিছুই দেখতে পায় না। ধোঁয়ার পর্দার আড়ালে তুলসীর আবছা চেহারা চোখে পড়ে। মনে হলো জিজ্ঞাসা করে, কে চাঁৎকার ক'রছে !

তুলসী যেন বুঝতে পেরে তার কাছে এসে কানের কাছে চুপি চুপি বলে, চুপ্ !

বাইরে তখন রায় বাহাদুর, স্মার টোডরমল বি-এ, এল-এল-বি, উকিল, সিটি মিউনিসিপ্যাল কমিটির সদস্য চাঁৎকার ক'রছেন, বলি কোথায় রে প্রভুদয়াল ? গণপৎ ?

তার কণ্ঠস্বর ধামতে না ধামতে আবার গর্জে ওঠে সেই নারী-কণ্ঠ... লেডী টোডরমল,—কোথায় তারা ? কোথায় গেল নেমক-হারামেরা ?

এবার আর একটা নতুন কণ্ঠস্বর বেজে উঠলো... স্মার টোডরমলের যুবক-পুল্লি মিঃ রামনাথ...

—বলি সাড়া দিচ্ছি না কেন হারামজাদারা ? এদিকে বেরিয়ে আয়... রায় বাহাদুর যে ডাকছেন, খেয়ালই নেই ! হয় আজ এর একটা বিহিত করবো, নয় কালই এখান থেকে তোদের তুলবো !

সমস্ত কারখানা নীরব নিস্তব্ধ। শুধু আধ-অন্ধকারে ধোঁয়া গুলো কুণ্ডলী পাকিয়ে উঠছে, নামছে, ঘুরছে।

এইবার শুরু হয় প্রত্যুত্তর।

গণপৎ পাঁচিলের কাছে এগিয়ে এসে চাঁৎকার ক'রে বলে, বাও... বাও... রায় বাহাদুর আছ ত'। নিজের ব্যাপারে আছ... বা পারো কোরো...

মিঃ রামনাথ গর্জন ক'রে ওঠে, বটে ! ভাল কথা মচন ধরলো না ? ওখান থেকে টেঁচাচ্ছি কেন শূয়োরের বাচ্চা ? বাপের বেটা হ'ল তো বাইরে বেরিয়ে আয়... দেখিয়ে দিচ্ছি কি করতে পারি... •

পুল্লিকে শাস্ত ক'রে লেডী টোডরমল বলেন, ওদের সঙ্গে কথা বলে •

নিজের মান নষ্ট করবার কি দরকার! তাই তো, ছোটলোকদের সঙ্গে কথা বলাই আমাদের ভুল হয়েছে!

এই খানেই ব্যাপারটা সেদিনকার মত শেষ হয়ে যেতো....কারণ স্যার টোডরমল তখন স্ত্রী পুত্র নিয়ে বেড়াতে বেরুচ্ছিলেন....টোঙ্গা অপেক্ষা ক'রছিল। কিন্তু শেষ হতে দিল না ব্যাপং।

সে তাড়াতাড়ি বেরিয়ে পড়ে, রামনাথ যেই টোঙ্গায় উঠতে যাবে অমনি তাকে টেনে ধরে ধাক্কা মেরে ফেলে দিল।

পতনোন্মুখ পুত্রকে ধরবার ব্যর্থ চেষ্টা ক'রতে ক'রতে স্যার টোডরমল চীৎকার ক'রে উঠলেন, এত বড় আস্পর্দা! বটে?

লেডী টোডরমল আর্দ্রনাদ ক'রে উঠলেন।

মিঃ রামনাথ ততক্ষণে উঠে দাঁড়িয়ে গণপতের গলার জামা মুঠো ক'রে ধ'রে, তাকে বেশ ভাল ক'রে বুঝিয়ে দিল যে পয়সা খরচ ক'রে দিনের পর দিন বিছা হিসাবে সে বক্‌সিং শিক্ষা করেছিল।

কি করবে ভেবে ঠিক করতে না পেরে মূগু, তুলসী, বোঙ্গা সকলে বাইরে ছুটে এলো।

গণপং মুখ গুঞ্জ নর্দামায় পড়ে গিয়েছিল। কোন রকমে উঠে দাঁড়িয়ে প্রতিশোধ নেবার ব্যর্থ চেষ্টায় সে রামনাথকে আক্রমণ করলো, কিন্তু ঘুবি পেরিয়ে সে তার কাছে পৌছতেই পারলো না। হঠাৎ একটা ঘুবি সোজা তার নাকের ওপর লাগতে নাক কেটে রক্ত পড়তে লাগলো।

স্যার টোডরমল তখন বাড়ীর দরজার ভেতর গিয়ে দাঁড়িয়েছেন, রাগে এবং উত্তেজনায় তাঁর সর্বশরীর কাঁপছে। রক্ত দেখে তিনি বলে উঠলেন, ছেড়ে দে, ছেড়ে দে রামনাথ!

এখানে আশে পাশের বাড়ীর জানালায় পুরমহিলারা পর্দা সরিয়ে আতঙ্কিত বিস্ময়ে সেই দৃশ্য উপভোগ করছিলেন।

হঠাৎ মুন্, তুলসী আর বোঙ্গাকে ঠেলে প্রভুদয়াল সামনে এগিয়ে গিয়ে দাঁড়ালো...ছ'হাত দিয়ে গণপতকে পেছনে সরিয়ে দিয়ে সে একেবারে রামনাথের সামনা'সামনি গিয়ে বলে উঠলো, আপনি আমাকে মারতে পারেন, যা খুলী ক'রতে পারেন, করুন বাবুজী! কিন্তু ওকে কেন? ওকি মাছুষ! একটা অজ মুখু!

অবস্থা বুঝে লেডী টোডরমল পুত্রকে ডেকে নেবার জন্যে বলে উঠলেন, চলে আয়! কি দরকার ওদের গায়ে হাত তুলে হাত ময়লা করার! ছোট লোক ছ'টো পয়সার মুখ দেখে ধরাকে সরণ জ্ঞান করছে!

সেকথার কোন জবাব না দিয়ে গণপতকে টানতে টানতে কারখানার ভেতর নিয়ে এসে প্রভুদয়াল বলে, এভাবে লড়াই করা চলে না, বুঝলে গণপত...ওদের সঙ্গে যুক্ত হই যুক্ত হই আমাদের বাড়ীর মালিক....আমরা নই.... উত্তম-মধ্যম খেলে তো যা কতক....

রাগে, স্ফোভে, অপমানে ঘোড়ামুখোর মুখ দিয়ে তখন কোন কথা বেরক্কে না। ছ'হাত দিয়ে কুলীদের ঝটকা মেরে সরিয়ে সে ভেতরে ঢুকে পড়লো। অপমানের জ্বালাটা কুলিদের ওপরই প্রথম ধাক্কায় গিয়ে পড়ে।

হেসে প্রভুদয়াল বলে, ঠাণ্ডা হও! ঠাণ্ডা হও! ও ভাবে রাগের হাতে নিজেকে ছেড়ে দিতে নেই।

ঋগড়ার সময় গণগোলে মুন্, ছ'টো পিপের মাঝখানে কাটার পড়ে যায়....তুলসীর হাঁটু ছিঁড়ে যায়....বোঙ্গা গর্তের মধ্যে পা পিছলে পড়ে।

কারখানায় ফিরে যে-বার কাজে আবার লেগে যায়...

মুন্কে ডেকে প্রভুদয়াল বলে, তুই একবার বাড়ীর ভেতর যা... তাকে ডাকছে...

হঠাৎ তাকে কেন ডাকা হচ্ছে, বুঝতে না পেরে মুন্, শেঠজীর

মুখের দিকে ফ্যাল্ ফ্যাল্ ক'রে চেয়ে থাকে.....শেঠজী ডান হাতটি মুখের কাছে এনে ইঙ্গিত ক'রে জানায়...বাড়ীর ভেতর তার জন্তে কিছু সু-থাণ্ডের বন্দোবস্ত আছে।

মুন্সু আনন্দে সব ভুলে যায়।

গণপতের সঙ্গে স্মার টোডরমলের পুত্র মিঃ রামনাথের এই যে একটা ছোট-খাট যুদ্ধ হয়ে গেল, প্রভুদয়াল তার স্বাভাবিক শাস্তি-প্রিয়তার দরুণ ভেবেছিল, রায় বাহাদুরের কাছে পরে হাত ধরে মিটমাট ক'রে নিলেই চুকে যাবে কিন্তু স্মার টোডরমল ব্যাপারটাকে অত সহজে ছেড়ে দিতে চাইলেন না। ভারত সরকারের অন্তর্ভুক্ত মহলে তাঁর রীতিমত খাতির এবং প্রতিপত্তি আছে। তিনি এত সহজে ছেড়ে দেবেন কেন ?

দীর্ঘ কুড়ি বৎসর কাল ধরে স্মার টোডরমল দৌলংপুর আদালতে বিপুল বিক্রমে আধিপত্য ক'রে এসে, সরকারের সুনজর অর্জন করেন। আদালতে তাঁর কেরামতিকে ভারত-সরকার স্বীকার করলেন, দৌলংপুরের সরকারী উকিলের পদে তাঁকে নিযুক্ত ক'রে। সে পদ থেকে যদিও বহুদিন হলো তিনি অবসর গ্রহণ করেছেন, তবুও সরকার মহলে তাঁর খাতির বিন্দুমাত্র কমে নি, কারণ যুদ্ধের সময় তিনি বহুভাবে সরকারের বহু সাহায্য করেন এবং বড়লাটের ফাণ্ডে কুড়ি হাজার টাকা দান করেন। আইন ও শৃঙ্খলা রক্ষণের দুর্ভাগ্য কর্তব্য-পাঠনে তিনি একনিষ্ঠ সাধকের মত যে ভাবে সরকারের অনুজ্ঞা পালন করে এসেছেন, তার স্বীকৃতি স্বরূপ ভারত-সরকার তাঁকে রায় বাহাদুর উপাধিতে ভূষিত করে। এবং যুদ্ধের সময় সরকারের কাজে তিনি যে ভাবে নিজেকে বিলিয়ে দিয়েছিলেন, তার কৃতজ্ঞতার চিহ্ন স্বরূপ-ভারত-সরকার তাঁকে ভারত সাম্রাজ্যের নাইট-কমান্ডারদের সূনিকীর্টিত দলে স্থান ক'রে দেয়। স্মার তাঁর নাগরিক কর্তব্য-বোধের দরুণ স্থানীয় মিউনিসিপ্যাল কমিটির

মনোনীত সভোর আসন তাঁর জন্তেই নির্দিষ্ট হয়। স্মরণ্য এহেন উপাধিধারী ব্যক্তিকে দৌলতপুরের নিরীহ জনসাধারণ যে একুজন মহাপুরুষ বলে মেনে নেবে তাতে আর সন্দেহ কি? যদিও তাদের মধ্যে অধিকাংশ লোকেই জানে না, মিউনিসিপ্যাল কমিটীই বা কি আর নাইট-কামাণ্ডারই বা কাদের বলে।

গত রাজনৈতিক দাঙ্গা-হাঙ্গামার সময় স্মার টোডরমল সপরিবারে দৌলতপুর দুর্গের ভিতরে গিয়ে আশ্রয় নেন, তার ফলে অবশ্য কেউ কেউ তাঁকে বিধাসঘাতক বলে গালাগাল দিয়েছে। কিন্তু ভক্তি করুক আর নাই করুক, সকলেই তাঁকে ভয় করতো এবং যখন তিনি তাঁর মান্দাতার আমলের টোঙ্গা খানিতে মক্ষিকা-উপক্রম অতি-বৃদ্ধ পক্ষীরাজকে জুড়ে শহরের মধ্যে দিয়ে হাওয়া খেতে বেরুতেন তখন লোকের মনের ভেতর বাই থাকুক না কেন, তারা সামনাসামনি পড়লে হাত জোড় করে “নমস্তে রায় বাহাদুর” জানাতে ভুল করতো না। স্মার টোডরমল তাদের সেই ভক্তি-প্রদর্শনের আড়ালে তাদের আসল মনোভাবের পরিচয় যে জানতেন না তা নয়, এবং তবুও যে তিনি তাদের মধ্যেই বাস করতেন তার একমাত্র কারণ হলো, তাঁর যে তিনখানি বাংলা শহরের বাইরে সাহেব-পাড়ায় ছিল, সে তিনখানিই তিনি সরকারী-মহলের বড় সাহেবদের ভাড়া দিয়েছিলেন এবং তা থেকে মাস গেলে বেশ মোটা টাকাই পেতেন। তা ছাড়া লেডী টোডরমল লেখাপড়া জানতেন না...সেইজন্তে সাহেব-পাড়ায় সাহেব প্রতিবেশীদের মধ্যে বাস করবার সম্ভাবনায় তিনি বিচলিত হয়ে উঠতেন। এবং রায়বাহাদুরের গৃহিণী হিসাবে এখানে পাড়ার মেয়েদের ওপর যে আধিপত্য তিনি চালাতেন, সেখানে তা সম্ভব হবার আশা খুবই কম ছিল। তবে এক বিশেষ অস্বাধার কারণ হয়ে উঠলো, প্রভু-দয়ালের এই চাটনীর কারখানা। কিন্তু যখনি উঠে যাবার চেষ্টা করেছেন,



তখনই পাড়ার লোকেরা হুজুরের হাতে পায়ে ধরারি করেছে—এত বড় একজন লোকের আওতায় তারা বাস করবার সুযোগ পেয়েছে, সে-সুযোগ থেকে তারা বঞ্চিত হবে কেন? তাই আর সে পাড়া ছেড়ে তাঁদের ওঠা হয় নি। কারখানা তুলে দেবার জন্তে কারখানার বাড়ীর মালিক দত্তদের তিনি বার বার অনুরোধ ক'রেছেন কিন্তু দত্তরা সে-অনুরোধ রাখতে পারে নি। একটা পোড়ো এঁদো বাড়ী থেকে মাসে মাসে যদি কিছু টাকা পাওয়া যায় তা তারাই বা ছেড়ে দেবে কেন? তাই যখন সুযোগ পান স্মার টোডরমল চেষ্টা করেন ভয় দেখিয়ে হুমকী দিয়ে কারখানা ওয়ালাদের বিভাগিত ক'রতে। তারই এক চেষ্টার ফলে সেদিন সেই খণ্ডযুদ্ধ ঘটে গেল। অথচ একটা চিমনী তৈরী ক'রে নিলেই যে এ সমস্যার সমাধান হয়ে যায়, তা কোন পক্ষেরই মগজে যে আসেনি।

তাই সেদিনকার ঘটনার প্রতিক্রিয়া স্বরূপ স্মার টোডরমল স্থির করলেন, ব্যাপারটা যেখানেই নিষ্পত্তি করলে চলবে না—পাবলিক হেল্প অফিসর ডাঃ এডওয়ার্ড ম্যার্ক্সরিব্যাঙ্কস্ যেহেতু তাঁর বিশেষ বন্ধু এবং মিউনিসিপ্যাল কমিটীতে তাঁর সহকারী—তিনি ব্যাপারটা তাঁর দৃষ্টি গোচর করবেন এবং তাঁর সহায়তায় ছোট লোকদের এবার স্বীতিমত শিক্ষা দিয়ে দেবেন।

ভাল ক'রে মুসাবিদা ক'রে তিনি ইংরেজী ভাষায় বন্ধুকে একখানি পত্র লিখলেন :

পত্রখানি অনুরোধ ক'রলে, এই রকম দাঁড়ায়—

ডাঃ এডওয়ার্ড ম্যার্ক্সরিব্যাঙ্কস্ এস্কেয়ার, এম-এ, ডি-পি-এইচ,  
এল-আর-সি-পি, এম-আর-সি-এস, এণ্ড এফ ( অক্সোন্ ) সমীপে,

নিবেদক রায় বাহাদুর স্তার টোডরমল বি-এ, এল-এল-বি, কে-সি-আই-ই, এ্যাডভোকেট, হাইকোর্ট, পাজাব; অবসর প্রাপ্ত পাবলিক প্রসিকিউটর, দৌলংপুর।

মান্নবরেষু,

পত্র-বিনিময়ের দ্বারা মান্নবের সঙ্গে মান্নবের অন্তরের আত্মীয়তা রক্ষা করিবার এবং অন্তরের প্রীতি ও শ্রদ্ধা নিবেদন করিবার যে রীতি বঙ্গ-সমাজে প্রচলিত আছে, আমি জানি সে-রীতি ষথায়ুক্তভাবে পালন না করিয়া আমি ঘোরতর অগ্রায় করিয়াছি এবং সে-অগ্রায়ের মাজ্জা এমন গুরুতর যে তাহার জন্ত ক্ষমা প্রার্থনা করিবার অধিকার পর্য্যন্ত আমার নাই। সেইজন্ত, অত্ৰ এই পত্র-যোগে পুনরায় আপনার মহৎ-সকাশে উপস্থিত হইতে আমি বিশেষ লঙ্কাই অনুভব করিতেছি। তথাপি, একান্ত আন্তরিকতার সহিত আপনার সমীপে নিবেদন করিতেছি যে, মিউনিসিপ্যাল কমিটির ভিতরে কিম্বা বাহিরে, যেখানেই আপনি অবস্থান করুন না কেন, আমার অন্তরের অন্তরতমস্থলে আপনার নাম ও স্মৃতি আমার সর্ব্বশ্রেষ্ঠ বঙ্গু রূপে চিরমুদ্রিত হইয়া আছে।

অতঃপর আপনাকে আমন্ত্রণ জানাইতেছি, আপনি আপনার মহানুভবতায় যদি একবার আমাদের এই বিড়াল-খাগী নামে পরিচিত গলিতে পদার্পণ করেন, তাহা হইলে স্বচক্ষেই দেখিতে পাইবেন, আমার বাড়ীর সংলগ্ন এক চাটনীর কারখানা হইতে পাথুরে কয়লার ধোয়া এতদকালে কি অনর্থই না সৃষ্টি করিতেছে।

গত ২৩শে তারিখের স্বর্ঘ্যোদয়ের অব্যবহিত পরেই আমার পুত্র বখন উক্ত কারখানার মালিককে এই ধোয়ার উৎপাত সম্বন্ধে দৃষ্টি আকর্ষণ করিতে যায়, সেই সময় কে একজন গণপং কারখানার ভিত্তর হইতে

আসিয়া স্ত্রীমানকে আক্রমণ করে। বহিঃ আয়ার বীরপুত্র মুর্গাধাতে উক্ত গণপত্তের নাসিকাগ্রভাগ নিঃশূন্যী করিয়া দিয়াছে তথাপি সংঘর্ষের দরুন স্ত্রীমানও গুরুতররূপে জখম হইয়াছে, শরীরের স্থানে স্থানে কালাশিরা পড়িয়া গিয়াছে এবং হাতের আঙ্গুল এখনও আড়ষ্ট রহিয়াছে।

সরকারের খেদমতে অধীনের সেবার কথা আপনার অবদিত নাই। মহামানবর বড়লাটের সময় তহবিলে আমি এককালীন বিশ সহস্র মুদ্রা দান করি—এবং তাহার বিনিময়ে আমি মহা-গৌরবাধিত নাইট উপাধি লাভ করিয়াছি। অশেষ মঙ্গলময় ভারত-সাম্রাজ্যের প্রতি আমার আন্তরিকতার কথা পুরণ করিয়া আশা করি আপনি আমাকে এই ধূস্র-উৎপাতের হস্ত হইতে রক্ষা করিবেন। জানিবেন, ইহা আমার ও আমাদের বিশেষ গুঃশিষ্টা, দুর্ভাবনা এবং বেদনার কারণ হইয়াছে।

মিসেন্দ ম্যাঙ্করিয়াঃসূত্রে আমার স্ত্রীর বিনীত সালাম জানাইবেন।

ইতি

আপনার একান্ত চির-মনুগত ভৃত্য

ডোড্ডরমল

আসিয়া শ্রীমানকে আক্রমণ করে। বহিঃ আয়ার বীরপুত্র মুর্গাধাতে উক্ত গণপত্তের নাসিকাগ্রভাগ নিঃশুখী করিয়া দিয়াছে তথাপি সংঘর্ষের দরুন শ্রীমানও গুরুতররূপে জখম হইয়াছে, শরীরের স্থানে স্থানে কালাশিরা পড়িয়া গিয়াছে এবং হাতের আঙ্গুল এখনও আড়ষ্ট রহিয়াছে।

সরকারের খেদমতে অধীনের সেবার কথা আপনার অবদিত নাই। মহামানবর বড়লাটের সময় তহবিলে আমি এককালীন বিশ সহস্র মুদ্রা দান করি—এবং তাহার বিনিময়ে আমি মহা-গৌরবাধিত নাইট উপাধি লাভ করিয়াছি। অশ্বেষ মঙ্গলময় ভারত-সাম্রাজ্যের প্রতি আমার আন্তরিকতার কথা পুরণ করিয়া আশা করি আপনি আমাকে এই ধূস্র-উৎপাতের হস্ত হইতে রক্ষা করিবেন। জানিবেন, ইহা আমার ও আমাদের বিশেষ গুঃশিষ্টা, দুর্ভাবনা এবং বেদনার কারণ হইয়াছে।

মিসেন্দ ম্যাঙ্করিয়াঃসূত্রে আমার স্ত্রীর বিনীত সালাম জানাইবেন।

ইতি

আপনার একান্ত চির-মনুগত ভৃত্য

ডোড্ডরমল

গাড়ী ছিল, সেটা বিশেষ-বিশেষ দিনে ব্যবহার করতেন। সরকারী বাগানে একটু হাওয়া খেয়ে তিনি টাউনহলের দিকে রওনা হলেন। কারণ সেইখানেই সাধারণ অধিবেশন বসবে।

পাছে সভায় পৌঁছতে দেৱী হয়ে যায়, সেই আশঙ্কায় তিনি টাউন হলে পৌঁছে দেখলেন সভা বসবার একঘণ্টা আগে এসে গিয়েছেন।

সেপ্টেম্বর মাসে তখন সকাল থেকেই হৃষ্যের তেজ রীতিমত প্রথর। তার ওপর ভেতরে তিনি রাগে জ্বলছেন। ভেতরের আর বাইরের গরমে রীতিমত ঘর্মাক্ত হয়ে তিনি টাউন হলের বাঙ্গণ্ডায় পায়চারি করে বেড়াতে লাগলেন।

ঘড়িতে দশটা বাজতেই তিনি সভা-গৃহে প্রবেশ ক'রলেন।

ঘরে ঢুকে দেখেন, ঘর শূন্য—তিনি একাই উপস্থিত। আধ-ঘণ্টা ধরে সেই একা ঘরে তিনি বসে রইলেন। তরুণ কেউ আসে না। এক ঘণ্টা একা বসে থাকার পর দেখেন, ঘরে দ্বিতীয় প্রাণী প্রবেশ করেছে, কমিটির পিয়ন। ঘরে ঢুকে সে চেয়ার-টেবিলের ধুলো বেড়ে পরিস্কার করতে লাগলো।

তারও আধঘণ্টা পরে, প্রবেশ করলো কমিটির সেক্রেটারী, মিঃ হেমচাঁদ বি-এ (ক্যান্টাব)—তরুণ যুবা, চোখে পাভলা চশমা। ঘরে ঢুকে রাগবাহাদুরকে দেখেই সে মাথা নত ক'রে অভিবাচন জানালো। মিউনিসিপ্যাল কমিশনার দেখলেই তার মাথা আপনা থেকে নীচু হয়ে যেতো কারণ সে জানতো কমিশনারের রূপার ওপরেই তার চাকরী নির্ভর ক'রছে।

পকেট থেকে রূপোর চেনে বাঁধা সোণার ঘড়িটা বের ক'রে একবার দেখে নিয়ে স্তার টোডরমল বিরক্ত হয়ে বলে উঠলেন, সাড়ে এগারোটা বাজে... অথচ কাকুরই দেখা নেই!

হেমচাঁদ তখন তার ছোট্ট টেবিলের কাছে বসে গত সভার বিবরণী

ভাড়াভাড়ি লিখে শেষ করতে লেগে গিয়েছে। স্যার টোডরমলের উত্তরে ঘাড় তুলে জানায়, আপনি তো জানেন লালাদের বকম-সকম। সময়েই জ্ঞান যাদের নেই, তারা কি ক'রে শিখবে স্বায়ত্ত-শাসন, বলুন ?

মিউনিসিপ্যাল কমিটিতে কমিশনার হয়ে যারা আসে, তাদের স্যার টোডরমল বেশ ভাল ক'রেই জানেন... অধিকাংশ হলো দোকানদার---ব্যবসা ক'রে কিছু পয়সা করেছে---কিন্তু নাম-সই করবার বিজ্ঞা তাদের কারুরি নেই... দরকারি কাগজ-পত্রে সই করতে হলে, তারা বুড়ো আঙ্গুলের ছাপই ব্যবহার করে এবং সভায় যে সব জিনিস আলোচনা করা হয়, তার বিন্দু-বিসর্গও তারা বোঝে না, বুঝতে চায় না। সেই স্বত্রে চিন্তা করতে করতে হঠাৎ স্যার টোডরমল আতঙ্কিত হয়ে ওঠেন, দত্তদের বিরুদ্ধে তিনি যে অভিযোগ নিয়ে আসবেন, তার গুরুত্ব তারা কি তাহলে বুঝতে পারবে? শুধু দত্তদের বিরুদ্ধে নয়, আজ তিনি স্বয়ং হেলথ অফিসারের বিরুদ্ধে অভিযোগ আনবেন... বাড়ীতে তিনি রীতিমত মুসাবিদা ক'রে এক কড়া বক্তৃতা মুখস্থ ক'রে এসেছেন... বর্তমান হেলথ অফিসারকে সরিয়ে নতুন একজন যোগাতার ব্যক্তিকে আনতে হবে... এই পাঞ্জাবী লালারা কি তাঁর সব যুক্তি বুঝতে পারবে? তার ওপর, তাঁর বক্তৃতা তিনি তৈরী ক'রেছেন হিন্দুস্থানীতে... তারা কি তা ভাল বুঝতে পারবে? রীতিমত চিন্তিত হয়ে পড়েন স্যার টোডরমল।

এমন সময় হঠাৎ হেমচাঁদ তাঁকে ডেকে নিয়ে বলে, দেখুন, ডাঃ ম্যার্করিব্যাক্স আমাকে আপনার চিঠিটা দেখিয়েছেন... এই যে আপনাদের পাড়ায় চার্চ-নীর কারখানার ঘোঁষার উৎপাত সব্বন্ধে... তাঁর অবশ্যই সময় বড় কম... আর এ-ধরণের তদারকে তিনি একদমই যান না... তবে তিনি বলেছেন, আপনার খাতিরে আপনার সঙ্গে একবার

বেতে পারেন। অবিশ্বি, আমি দেখছি, স্বায়ত্ত-শাসন-বিধির ৩১৭  
বারার ১০নং উপধারায়...

স্মার টোডরমল হেমটানকে শেষ করতে না দিয়ে বলে ওঠেন,  
দেখুন, আজকের সভায় আমি একটা প্রস্তাব আনবো...আপনি  
আজকের কর্মস্থচীতে সেটা লিখে নিনু...বর্তমান হেল্ণ্ অফিসারের  
বিক্রমে অভিযোগ...

—গুনুন...গুনুন...রায় বাহাদুর ! এসব ব্যাপার এই মিউনিসিপ্যাল  
সভায় আলোচনা করা, আপনি তো জানেন স্মার, বাকি বলে অসম্ভব।  
অধিকাংশ সদস্য হলো সরকারের ধামা-ধরা, তারা আইনই বলুন...আর  
নাগরিক বিজ্ঞানই বলুন...তার কিছুই ধার ধারে না। লালা চিরঞ্জীবলাল  
তিন ঘণ্টা ধরে আবোল-তাবোল বকবেন...শেখ ইফতিখার উদ্দীন দাড়ি  
নেড়ে নেড়ে এক ঘণ্টা ধরে যা তা গালাগাল দেবেন...সর্দার খড়্গ সিং  
বাকি সময়টা উচ্ছ্বাস করবেন...আপনার প্রস্তাব ভোটে দেবার সময়ই  
আপনি পাবেন না। আসল কথা কি জানেন, একজন ইংরেজ হেল্ণ্  
অফিসর, তাকে সরাসরে কেউ চাইবে না...আর সরকার স্বায়ত্ত-শাসন  
ব্যবস্থাই তুলে দেবে যদি দেখে তার উদ্দেশ্য সিদ্ধির পথে অন্তরায় ঘটেছে।  
তাই আমি যা বলছি, গুনুন...ডাঃ মার্জ্জরিব্যাঙ্কস্কে আমি অহুঁষোষ  
করছি, সভা হয়ে গেলে তিনি আপনার সঙ্গে গিয়ে একবার তদারক  
ক'রে আসবেন। আপনিও সরকারের একজন বন্ধু লোক...বুড়ো বয়সে  
একজন ইংরেজের সঙ্গে ঝগড়া-ক'রে কি আপনার কোন সুবিধে হবে ?

সেক্রেটারীর যুক্তি স্মার টোডরমলের অন্তরে গিয়ে লাগলো...সত্যিই  
তো, প্রকাশ্য ভাবে এইসব অপ্রিয় ব্যাপার আলোচনা ক'রেই বা কি  
লাভ, সেক্ষেত্রে যদি ভালয়-ভালয় মিটে যায়, মন্দ কি ! তাই হেমটানের  
উপদেশের উত্তরে তিনি জানালেন, বেশ, ভাল কথা...

একজন ইংরেজর পাশে বসে, মাথা উঁচু ক'রে তিনি পাড়ায় ঢুকছেন.

বাড়ীর দিকে মুখ ক'রে তিনি চোঁচিয়ে বলে... ন. কই...কোণায় গেলি  
...এবার আয়, বেরিয়ে আয় !

ডাঃ ম্যাজ্জরিব্যাঙ্কস্ কারখানার দরজা দিয়ে ভেতরে ঢুকে পড়েন।

দরজার গোড়াতে ভেতর দিকে মূর্খ বসে ছিল। হঠাৎ একজন সাহেবকে আসতে দেখে, সে দাঁড়িয়ে বলে উঠলো, গুড্ হুন !

এইটুকু ইংরেজী শ্রামনগরে সে ছোটবাবুর কাছে শিখেছিল সকালে, দুপুরে, সন্ধ্যায় ও রাত্ৰিতে কি ক'রে সাহেবদের অভিবাদন জানাতে হয় ! সুযোগ বুঝে সে কাজে লাগিয়ে দিল !

হঠাৎ একটা অর্ধ নগ্ন নেটভ ছেলের মুখ থেকে সেই বিচিত্র অভিবাদন শুনে সাহেব প্রথমে একটু অবাক হয়েই গিয়েছিলেন ! তবে অভ্যাসবশতঃ উত্তরে জানালেন, গুড্ মর্নিং !

উঠোনের চারদিকে বিক্ষিপ্ত পিপে, ফলের ঝুড়ি...বড় বড় লোহার কড়া...সাহেব সেখানে দাঁড়িয়ে ষতদূর সম্ভব সব দেখলেন...যামে তাঁর ভেতরের জামা ভিজে উঠছিল...কমাল বার ক'রে ঘন ঘন মুখ মোছেন...কিন্তু একবারও কমাল চোখের ওপর নিয়ে যান না...ছেলেবেলায় তিনি পেনী-সিরিজের রোমাঞ্চকর সব ডিটেকটিভ কাহিনীতে ভারতবর্ষের এই সব নিগার ছেলেদের কথা পড়েছিলেন...যে-কোন সময় তারা ছোঁরা বের করে তোমাকে পেছন দিক থেকে খুন ক'রে ফেলতে পারে...তাই পেছনের জনতার ভয়ে সাহেব চোখের ওপর কমাল নিয়ে যেতে পারছিলেন না...যদি ঐ ডাটি, নিগারদের মধ্যে থে.ৎ কেউ ছোঁরা বসিয়ে দেয় !

হঠাৎ পাশ থেকে কিসের শব্দ হতে সাহেব ঘুরে দাঁড়ান।

প্রভুদয়াল সাহেবের সামনে এগিয়ে আসে। তাকে দেখে সাহেব বহু তচ্ছিল্য-শেখা ভুল হিন্দুস্থানীতে জিজ্ঞাসা করেন, তুমি...মাষ্টার... এখানকার ?



ভয়ে কাঁপতে কাঁপতে প্রভুদয়াল বলে, হাঁ জনাব !

তারপর স্মার টোডরমলের দিকে চেয়ে সাহেব বলেন, অল্‌ রাইট্‌  
রায় বাহাদুর ! আমি দেখবো...আমি কি করতে পারি...এই সব  
ভাটি লোক...আমি চাই না...পথ আটক করে থাকে...পারেন না  
তাড়িয়ে দিতে ?

স্মার টোডরমল জনতার দিকে চেয়ে গর্জন ক'রে ওঠেন, যাও...ও...  
তারপর নিজের হাতের ছড়িটা ঘোরাতে ঘোরাতে সাহেবের পথ  
ক'রে দিয়ে তিনি সাহেবকে আগিয়ে নিয়ে চলেন ।

সাহেব পেছন ফিরতেই, মুনু ছুঁছুঁমী ক'রে বলে ওঠে, গুড আফটার-  
নুন সাহেব !

হঠাৎ সেই অপরিচিত কণ্ঠস্বরে সাহেব কুকুটা ক'রে ফিরে তাকান  
কিন্তু মুনুকে ইংরেজীতে বলতে দেখে সাহেব হেসে ফেলেন ।

ধূলো উড়িয়ে গাড়ী অদৃশ্য হয়ে যায় !

প্রভুদয়াল ভীত, সন্ত্রস্ত হয়ে পড়ে । নিশ্চয়ই সাহেব জেল  
দিয়ে দেবে । তাড়াতাড়ি কারখানার ভেতরে গিয়ে ছোটো ভাণ বোতলে  
সে নিজের হাতে চাটনী পুরে মুনুর হাতে দেয় । তারপর মুনুকে সঙ্গে  
নিয়ে নিজে চলে লেডী টোডরমলের কাছে । বেশীদূর যেতে হয় না,  
লেডী টোডরমল তখন দরজার সামনেই বৈঠকখানা ঘরে দাঁড়িয়ে শুনিয়ে  
শুনিয়ে বলছিলেন, এইবার দেখ্‌ কি করতে পারি ! রুড় বাড়  
বেড়েছিলে...এখন এমন নাচন নাচাবো যে...

প্রভুদয়াল কোন ভূমিকা না ক'রে, নত হয়ে লেডী টোডরমলের  
চরণে মাথা রেখে ব'লে ওঠে, মাপ করুন মা...এবারটার মত আমায়ের

মাপ করুন! আপনার জন্তে এইটুকু এনেছি...দয়া ক'রে গ্রহণ করুন!

“এই বলে চাটনীর বোতল ছোটো স্তীর পায়ের কাছে রেখে দেয়।

ঠিক সেই সময় স্তার টোডরমল সাহেবকে আগিয়ে দিয়ে ফিরে আসছিলেন...পাড়ার সকলকে তিনি দেখিয়ে দিয়েছেন, তিনি যে-সে লোক নন...বড় বড় সাহেব স্তীর হাত-ধরা...সেই গর্বে স্তীর বৃদ্ধ দেহে যেন নতুন শক্তির সঞ্চার হয়েছে...

ঘরে ঢুকেই প্রভুদয়ালকে দেখে রাগে জলে ওঠেন, এই যে পাজী, বদমায়েস! এখানে এসেছ কি জন্তে? আদালতে সবাইকে দেবো ঝুলিয়ে, তারপর...

লেডী টোডরমল বাধা দিয়ে বলেন, বাক্ গে, বা হবার হ'য়ে গিয়েছে! হাজার হোক, একটা মানুষকে জেলে পাঠিয়ে আমাদের আর কি লাভ হবে!

প্রভুদয়াল হাঁফ ছেড়ে বাঁচে...তার স্পষ্ট ধারণা হয়ে গিয়েছিল যে, স্তার টোডরমলের কথায় সাহেব নিশ্চয়ই তাকে জেলে পুরে ফেলবে!

সকলের চেয়ে খুসী হলো মুন্নু...তুলসী, বোঙ্গা, মহারাজকে সে বুক ফুলিয়ে জানায়...সাহেবদের সঙ্গে তার যে শুধু জানাশোনা আছে তাই নয়, তাদের ভাষাও সে জানে! সকলের সামনে সে তা' দেখিয়ে দিয়েছে আজ!

কালক্রমে কারখানার জীবন-ধারার সঙ্গে মুন্নু নিজেকে খাপ খাইয়ে নেয়।

কিন্তু সে-জীবন, অন্ধকারময়...অবাস্তবিক...ভাল লাগে না তার।

তখনও ঘুম জড়িয়ে থাকে চোখের পাতায়, ভোর না হতেই,

বিছানা ছেড়ে অনিচ্ছাসহেও তাকে উঠে পড়তে হয়। শোয়, গভীর  
রাত্রিতে...সম্পূর্ণ ক্লাস্ত পরিশ্রান্ত হয়ে।

তবে সে এখন কাজের লোক। ভোর থাকতে কারখানায় চুকে  
সে প্রথমে উমুনগুলো পরিষ্কার করে, তারপর তুলনী এলে হুঁজনে মিলে  
উমুন জালায়। রোজ উমুন জালবার সময়, তারা উৎকর্ষ হয়ে থাকে  
প্রতিবেশীরা কেউ চীৎকার ক'রে উঠছে কি না শোনবার জন্তে।  
চার্টনী, মোরঝা, এসেন্স ঘুম দিয়ে প্রভুদয়াল তাদের ঠাণ্ডা ক'রে  
রাখে বটে কিন্তু কে জানে, কখন আবার সে-সব ভুলে গিয়ে তারা  
চীৎকার ক'রে ওঠে!

ঘোড়া-মুখো তেমনি সকাল থেকে সকলকে উৎব্যস্ত ক'রে তোলে  
তবে রামনাথের ঘৃষিতে ইদানীং তার আর সে রুদ্র প্রতাপ নেই।  
অনেক ঠাণ্ডা হ'য়ে গিয়েছে! এমন কি মাঝে মাঝে সকাল বেলা  
প্রভুদয়ালের সঙ্গে সে মন্দিরেও যায়। মন্দির থেকে পূজা সেরে  
ফিরতে বেলা হয়ে যায়, তারপর সে বেরোয় অর্ডার সংগ্রহের জন্তে।  
সেই জন্তে কারখানাতে তাকে আর বেশীক্ষণ দেখতে পাওয়া যায় না।  
তবে যে কোন মুহূর্তে সে এসে পড়তে পারে এবং তখন যদি কাউকে  
দেখে, গল্প করছে বা বসে আছে, তার আর রক্ষা নেই। সেই জন্তে  
মুন্নু সর্বদাই সতর্ক হয়ে থাকে। ঘোড়ামুখোকে সে রীতিমত ভয় করে।

তবে ইদানীং সে যেন কেমন গম্ভীর হয়ে গিয়েছে। হাসি-ঠাট্টা  
বা গল্প সে কারুর সঙ্গেই করে না। সকাল যেন। যখন সে ঘুম থেকে  
ওঠে, তার মনে হয় কি একটা যেন দ্রুত, পাষণের মত তার বৃকে চেপে  
আছে। তখন মনিব বা মনিবানী, কারুর সঙ্গেই দেখা ক'রতে মন চায়  
না। তার ভয় হয়, যদি তাঁরা আদর করেন, ছুটো স্নেহের কথা বলেন,  
তাহলে সে হয়ত আর নিজেকে ধরে রাখতে পারবে না, হয়ত সেই  
পাষণের ভাবে একেবারে ভেঙ্গে পড়বে।

সন্ধ্যাবেলাতেও ঠিক এমনি কি এক অজানা অনির্দেশ্য দুঃখভার তাকে পেয়ে বসতো। সে চঞ্চল হয়ে উঠতো। অন্তরের সেই চাকল্য নুকোতে গিয়ে সে আরো বিব্রত, আরো ম্লান হয়ে পড়তো।

শুধু একটা ব্যাপারে তার মনের এই পাষণ-ভার যেন মন থেকে নেমে যেতো... অন্তরঙ্গ কথাবার্তার মধ্যে দিয়ে যখন সে অনুভব করতো, এই সব কারখানার কুলি...এদের সঙ্গে কোথায় যেন নিঃশব্দে গড়ে উঠেছে এক নিবিড় আত্মীয়তা....

এই ভাবে গ্রীষ্ম চলে গিয়ে এলো শীত। মুন্সু এখন কারখানার সেই আব-অন্ধকারে স্পষ্ট দেখে পায় কোথায় কি আছে... আজ আর তার চোখে সে অন্ধকারে ধাঁধা লাগে না। গ্রীষ্ম চলে-যাওয়ার সঙ্গে সঙ্গে কারখানার ভেতরকার আবহাওয়া বদলে গেল। সেই বায়ু হীন বন্ধ গহ্বরে বাতাস আজ আর তপ্ত অগ্নির কথা নয়... শীতের দিনে উন্নুর আঁচে ভালই লাগে তাত পোয়াতে... উন্নুর ধারে মুন্সু চুপটা ক'রে বসে বসে দেখে, আঙণের খেলা... রক্ত আলো তার গায়ে পড়ে সারা গা লালচে ক'রে দেয়। 'দেখতে দেখতে তার মনে হয়, সেই আঙণের সঙ্গে যেন তার অন্তরের বন্ধু হয়ে গিয়েছে... দিনের আলোয় বিবর্ণ তার দেহকে আঙণ যেন ভালবেসে রাঙিয়ে দিয়েছে... তার ভাবতে ভাললাগে, সে রঙ বুঝি আঙণের নয়, তার নিজেরই দেহের... পরিপূর্ণ স্বাস্থ্যের বহিঃপ্রকাশ... সে আঁচ যেন তার দেহ ভেদ ক'রে মনঃপ্রভিত্তর গিয়ে লাগে... বড় দরকার তার সেই আঙণের আঁচের... তপ্ত স্পর্শের...

শীতান্তে এলো বসন্ত। মুন্সুর মন যেন আনন্দে সজীব হয়ে উঠলো। ভোর না হতেই ঝুড়ি ঝুড়ি সব আম আসতে থাকে... কাঁচা, পাকা, ভাসা... মনে করিয়ে দেয় তার গাঁয়ের কথা... ছপুর বেলা অপরের বাগান থেকে আঁম চুরি-করার ধুম। সকাল থেকে কুলিরা বস্তা বস্তা আম নিয়ে এসে জড় করে, লাচী আর তার দলের বুড়ীরা বসে যায় ছাড়তে।

মুন্সু ভাবে, ঘোড়ামুখো কখন কারখানা থেকে বাইরে যাবে... সে একটু প্রাণখুলে ঘুরতে ফিরতে পাবে, আমের ঘরে গিয়ে একবার চুকবে। মুন্সু কেন, কারখানার সবাই সেই এক চিন্তাই করতো, কখন গণপৎ বাইরে বেরবে।

আম দেখে মুন্সুর মনে ছরস্ত লোভ জেগে ওঠে...এ লোভ তার ছেলেবেলা থেকেই আছে। সে কি জানতো, তার জন্তে তাকে বিষম বিপদে পড়তে হবে একদিন...

সেই গণপৎ বেরিয়ে যেতো মুন্সু আমের ঘরে গিয়ে আম ব্যুহতে আরম্ভ ক'রে দিতো...কিন্তু পাকা আম তখনও আসেনি...তাই তারই মধ্যে বেছে বেঙুলোতে একটু রং ধরছে বোধ হতো সেগুলো সরিয়ে খেয়ে ফেলতো একটার পর একটা। এক হাতে আম...আর এক হাতে কাজ...

কাঁচা আমের রসে দাঁত টকে যায়...শির্ শির্ করতে থাকে...তবুও এমনি আমের লোভ, মুন্সু থামতে পারে না। ক্রমে সর্দি লেগে যায়... চোখ ফুলে ওঠে।

ঘোড়া-মুখোর বুঝতে দেবী হয় না, কাঁচা আম চুরি ক'রে খাওয়ার ফলেই সর্দিতে চোখ ফুলে উঠেছে।

একদিন ঘুম থেকে উঠে মুন্সু দেখে-কিছুতেই যেন চোখ খুলতে চায় না, এমন ভারী হয়ে আছে। এমন সময় ঘোড়া-মুখো কোথা থেকে এসে তার গালে এক চড় বসিয়ে দিল। কি হলো বোঝবার আগেই, গণপৎ গুণে গুণে আরো চারটা ভারী ওজনের চড় হ'গালে মেপে বসিয়ে দিল।

মুন্সু চীৎকার ক'রে কেঁদে উঠলো। সে-কান্না শুনে প্রভুদয়াল তাড়াতাড়ি নেমে এলো। ব্যাপারটা বুঝতে পেরে গণপত্নের আক্রমণ থেকে তাকে রক্ষা করবার জন্তে হাত ধরে টেনে নিয়ে বলে, মুখখু!

কাঁচা আম গুলো ও ভাবে না খেয়ে, দু'একদিন খড়ের মধ্যে রেখে দিয়ে খেলেই তো পারতে...তাহলে আর শরীর খারাপ হতো না ?

মুন্সু ফুঁপিয়ে কাঁদে।

গণপৎ চাঁৎকার ওঠে, এই ভাবে তুমি ছেলেটার মাথা খেয়েছ... চোর ক'রে তুলেছ !

মুন্সুকে সেখান থেকে টানতে টানাত বাইরে নিয়ে গিয়ে প্রভুদয়াল বলে, এখন চল ডাক্তারের বাড়ী...চোখে একটা কিছু ওষুধ তো দিতে হবে।

গণপৎ আরো ফিঙ্গু হ'য়ে ওঠে।

—এই ক'রেই তুমি ব্যবসা চালাবে ! যত সব রাস্তার কুকুর, তাদের নিয়ে মাথায় ক'রে নাচো ! সারাদিন একটা কুটো নেড়ে উপকার ক'রবে না পাজী...ওধারে এক বুড়ি আম উড়িয়ে দেবে শোর-পেটে ! বেত না খেলে কাজে ওদের হাত ওঠে না। এখন এই কাজের সময়... একজন লোক যদি চোখে অসুখ ক'রে বসে থাকে...তাহলে তার ক্ষতিপূরণ করবে কে ? আমাকে এখন টাকার জোগাড়ে দিন কতক বাইরে যেতে হবে...খুব, খুব মজা হবে কারখানায়...

প্রভুদয়াল তখন মুন্সুকে নিয়ে রাস্তায় বেরিয়ে পড়েছে।

গণপৎ ষে ক'দিন কারখানা থেকে অনুপস্থিত ি, সে ক'দিন মাহুয় এবং ভগবান, দু'পক্ষই শান্তিতে ছিল।

চোখের জ্যাড়সে মুন্সুর জ্বর দেখা দিল এবং বিছানা নিতে হলো। কিন্তু এ অসুখের মধ্যে মুন্সুর মনে এক পরম পরিতৃপ্তি এলো...তার মনিবাণী রাতদিন নিজের ছেলের মতন ক'রে তাকে সেবা করছেন।

মুন্সুর বিছানায় ব'সে কোমল কর-সকালনে পার্কর্ভী তার মাথা টিপে

দেয়...যন্ত্রণা বোধ হ'লে সারা গায়ে ধীরে, অতি সন্তর্পণে হাত বুলিয়ে দেয়...আদর ক'রে বুকে টেনে নেয়...জর ছেড়ে ষাওয়ার সময় সারা গা ঘেমে উঠলে...নিজের আঁচল দিয়ে মাতৃ-মেহে মুছিয়ে দেয়...কত আদর ক'রে বলে, বাছারে...তোর কেন জর হলো? আমার খতো হলে পারতো? আহা...বড় কষ্ট হচ্ছে, না? আমার হ'য়ে যদি তোর ভাল হয়ে যায়...

অন্তর-নিঃসৃত সেই মেহ-বাণী, শিথল অদৃশ্য বায়ুর মত অন্তরে প্রবেশ ক'রে, ভেতর থেকে যেন দেহের সব গ্লানি ধুয়ে মুছে দেয়... দিবা সঙ্গীতের সম্মোহনের মত অন্তরকে আচ্ছন্ন ক'রে ফেলে। যুগযুগান্ত ধ'রে মাতৃদেহের বেদনার মধ্যে দিয়ে নারী পেয়েছে এই অপরূপ বাণীর সহজ অধিকার। সারা জীবন ধ'রে, কৈশোরের সমস্ত সুখে-দুঃখে-চির-বন্ধুর স্মৃতির মধ্যে, মেহময়ী নারীর সেই মাতৃ-দুগ্ধ-গুত্র কথাগুলি মনু, অন্তরের সর্বোত্তম আনন্দের, তীব্রতম বেদনার স্মৃতিস্বরূপ সঞ্চয় ক'রে রাখে।

যন্ত্রণায় যখন বিছানায় এ-পাশ ও-পাশ করে, পার্শ্বতী তখন তাকে ছ'হাতে তুলে নিয়ে বুকে জড়িয়ে ধরে...সে তপ্ত আলিঙ্গনে যেন অবশ হয়ে সে ঘুমিয়ে পড়ে। কি এক অপরূপ দেহ-গন্ধ তাকে আচ্ছন্ন ক'রে ফেলে, সে-গন্ধের শিথলতার মধ্যে হারিয়ে যায় বেদনার উগ্রতা। অক্ষয় হয়ে থাকে তার স্মৃতির ভাঙারে, এই ক্ষণিক স্পর্শের স্মৃতি...চির-উত্তপ্ত, চির-শিথল...টিক তার মাথের আলিঙ্গনের মত...অথচ যেন তা থেকে পৃথক...কি আছে তার মধ্যে বা টেনে নিয়ে যায় মনকে জানা-অনুভূতির সীমানা ছাড়িয়ে ছুজ্জ্বল অনুভূতির রহস্য-লোকে...

কবিরাজী মোড়কের জোরে ক্রমশ জর ছেড়ে এলো...পার্শ্বতীর তৈরী কাজলে চোখের জ্বালাও ক্রমশ দূর হয়ে গেল...সুস্থ হয়ে মনু, আবার নামলো সেই কারখানার গহ্বরে।

কারখানার লোকেরা তাকে ভালবাসতো। তাই দুর্বল দেখে তাকে বেশী কাজ করতে হতো না। তার হয়ে তারা কাজ ক'রে দিত।

গণপতের ফিরতে দেবী হচ্ছিল, অবশ্য তাতে কারখানার লোকেরা খুশীই ছিল, কিন্তু প্রভুদয়ালের উৎকর্ষা বেড়েই চলেছিল কেন না গণপৎ টাকা না নিয়ে এলে তার আর চলছিল না। অগত্যা প্রভুদয়ালকে স্মার টোডরমলের কাছ থেকে ধার নিয়ে কাজ চালাতে হলো। স্মার টোডরমল পাড়ার লোকদের কাছে শুধুই যে মহাপুরুষ ছিলেন, তা' নয়...তিনি রীতিমত মহাজনও ছিলেন। প্রভুদয়াল নিজে একদিন কারখানার কুলি ছিল...তারপর ভাগ্যের সঙ্গে যুঝতে যুঝতে সে নিজেকে বিত্তশালী মধ্যবিত্ত শ্রেণীতে উন্নীত ক'রে তোলে...তাই স্মার টোডরমলের কাছে হাত পাততে তার কোন কুণ্ডাই ছিল না। তবে স্মার টোডরমল শুধু হাতে কাউকে ধণ দিতেন না...প্রভুদয়ালকে এক মাসের মধ্যে টাকা শোধ ক'রে দেবার কড়ারে তিনি হ্যাণ্ডনোট লিখিয়ে শতকরা পঁয়তাল্লিশ টাকার হিসাবে পাঁচশো টাকা ধার দেন। এই ভাবে পাড়ায় আরো হুঁএক জায়গায় প্রভুদয়ালকে হ্যাণ্ডনোট কেটে টাকা নিতে হয়। তবে তার ভরসা ছিল, গণপৎ ফিরে এলেই সে সকলকার টাকা শোধ ক'রে দিতে পারবে।

পাড়ার লোকেরা যে তার পেছনে আর লাগতো না, এটাও তার একটা কারণ হয়ে দাঁড়িয়েছিল। প্রভুদয়ালকে দিয়ে তাদের টাকার বংশ-বৃদ্ধি হবার একটা প্রশস্ত সুযোগ ছিল। তবে প্রভুদয়াল মনে করতো, পাড়ার লোকেরা সত্যি সত্যিই তাকে ভালবাসে। ইত্যবসরে স্মার টোডরমলের সঙ্গেও তার প্রীতির সম্পর্ক ঘনিষ্ঠতর হবার আর একটা কাণ্ড ঘটে গেল। গোলাপী মোরব্বা করবার জন্তু সে একটা নতুন চেষ্টা করছিল। তারজন্তু কতকগুলো বাড়তি কুলিকামিন তাকে নিতে হলো। কিন্তু তাদের বসতে দেবার মত জায়গা তার কারখানায়



স্মার ছিল না। তাই স্মার টোডরমলের বাড়ীর নীচে একটা ছোট ঘর পড়েছিল, সেটা ভাড়া নেবার প্রস্তাব করতে স্মার টোডরমল রাজী হয়ে গেলেন। একটা পোড়া ঘর থেকে যদি মাসে মাসে কিছু আয় হয়, তা ছেড়ে দেওয়া যুক্তিযুক্ত নয়।

তাই আজকাল প্রভুদয়ালের সঙ্গে দেখা হয়ে গেলে লেডী টোডরমল নিজের আভিজাত্য ভুলে প্রশ্ন ক'রে ফেলেন, একি প্রভু, তুমি এ রকম রোগী হয়ে যাচ্ছ কেন বল দেখি ?

প্রভুদয়াল বুঝতে পারে না, লেডী টোডরমলের এই প্রশ্নের পেছনে আন্তরিকতা আছে কি না, জেনে লাভই বা কি ? তারা ধনী, মানী, তাদের মান্য ক'রে চলাই ভাল। তবে গণপৎ ফিরে এলেই আগে স্মার টোডরমলের ধারণাটা শোধ দিয়ে ফেলতে হবে। কিন্তু গণপতের আসবার কোন লক্ষণই দেখা যায় না।

অবশেষে গণপৎ ফিরে এলো।

কিন্তু এলো যেন জিন্দে শাণ দিয়ে। একে তো হুশুখ, তার ওপর এমন আরস্ত করলো যে তার মুখের সামনে দাঁড়ায়, কার সাধ্য !

ছেলেবেলা থেকেই মুনুর একটা স্বাভাবিক ক্ষমতা ছিল, লোকের মন-মেজাজ বোঝবার। যেদিন ঘোড়ামুখো ফিরে এলো, সেইদিনই তার মুখের দিকে চেয়ে মুনুর মনে হলো, ঘোড়ামুখোর মনে যেন কি একটা নতুন জিনিস খেলা করছে। সেটা যে কি তা সে বুঝতে পারে না। তবে গণপতের সব কাজে, সব কথায় মুনুর লক্ষ্য করে, কি একটা জিনিস যেন সে চাপা দিতে চাইছে। তাইতে সে যেন আরো ক্রূত হয়ে উঠছে।

সেদিন চার বার মুনুর ঘর পড়ে গেল... গণপতের দিকে সে একদৃষ্টিতে চেয়ে আছে। প্রথমবার চোখাচোখি হওয়াতে গণপৎ শুধু একটা ক্রুদ্ধ দৃষ্টিতে তাকে বিদ্ধ ক'রে চলে গেল। দ্বিতীয়বার সে অকারণে চীৎকার ক'রে উঠলো। তৃতীয় বার চোখাচোখি হওয়াতে মুখ ফিরিয়ে

নিয়ে সে চলে গেল। কিন্তু চতুর্থবার সে সন্ধ্যা গর্জন ক'রে উঠলো, হাঁ ক'রে দেখছিস কি রে বেজম্মা....কাজ নেই ?

তার পর আর গণপতের দিকে চেয়ে থাকতে মুন্সুর সাহসে কুলোয় নি। তবে সে মনে মনে ভাবতে চেষ্টা করে, কেন হঠাৎ ষোড়ামুখোর লম্বামুখ আরো লম্বা হয়ে গেল ? কিন্তু কাজের মধ্যে ভুলে গেল গণপতের কথা।

কিন্তু মুন্সু যে তার দিকে, একবার নয়, চার চারবার কটমট ক'রে চেয়েছিল, সেকথা গণপৎ ভুললো না। সে সূযোগ খুঁজতে লাগলো, তার এই পরের ব্যাপারে নাক গোঁজবার প্রবৃত্তির জন্তে কি ক'রে তাকে রীতিমত শিক্ষা দিতে পারা যায়।

শীঘ্রই সে সূযোগ এসে গেল।

প্রভুদয়াল মুন্সুর হাতে নতুন-তৈরী গোলাপী মোরঝা এক শিশি দিয়েছিল, লেডী টোডরমলকে দিয়ে আসবার জন্তে। হাণ্ডনোটের মেয়াদ সাতদিন হলো কাবার হয়ে গিয়েছে সুতরাং কিছু ঘুষ দিয়ে ঠাণ্ডা ক'রে রাখা দরকার। মোরঝার শিশি নিয়ে মুন্সু বড়বড় পা ফেলে চলছিল....কারণ স্ত্রীর টোডরমলের বাড়ীর ভেতরটা তার কাছে এক মহা-আকর্ষণের বস্তু ছিল....সেখানকার ইংরেজী আসবাব-পত্র....ছবি....সাজানো-গোছানো তার কৌতুহলী মনকে তীব্রভাবে আকর্ষণ করতো। যাবার সময় সে লক্ষ্য করে নি, ধুকধুকে এককোণে গণপৎ বসে হুকো টানছিল। হঠাৎ তার নামনে দিয়ে মুন্সুকে মোরঝার শিশি নিয়ে বেরিয়ে যেতে দেখে, কৌতুহলী হয়ে গণপৎ তার অজ্ঞাতে পিছু-পিছু বেরিয়ে এলো। দেখলো, কি আশ্চর্য্য, মুন্সু স্ত্রীর টোডরমলের বাড়ীতে ঢুকছে! দরজার গোড়াতেই লেডী টোডরমল দাঁড়িয়ে একজন বি-র সঙ্গে কথা বলছিলেন। গণপৎ দেখলো, মুন্সু হেসে মোরঝার শিশিটা স্ত্রীর হাতে দিল। রাগে-

গণপতের সর্বাঙ্গ জলে উঠলো। তাহলে তার অসাক্ষাতে প্রভুদয়াল লুকিয়ে লুকিয়ে ওদের সঙ্গে ভাব ক'রে নিয়েছে... এমন ভাব ক'রে নিয়েছে যে, উপহার দেওয়া-নেওয়া হচ্ছে! যার ছেলে তাকে মুরে নাক ফাটিয়ে দিয়েছে, তাদের তাড়িয়ে দেবার জন্তে হেল্ধ্ অফিসারকে ডেকে আনিয়েছিল, যেচে তাকে মোরব্বার শিশি উপহার দেওয়া!

মুন্নুকে ফিরে আসতে দেখে সে ইচ্ছে করেই ঘুরে দাঁড়ালো... মুন্নু কাছে আসতেই সে তার গলা টিপে ধরে জিজ্ঞাসা করলো, কার হুকুমে তুই মোরব্বা দিতে গিয়েছিলি?

ভয়ে মুন্নু বলে, শেঠজীর হুকুমে। তিনি আমাকে দিয়ে আসতে বলেন, তাইতো গিয়েছিলাম। তা'ছাড়া তিনি আমাদের বলে দিয়েছেন, উনি যখন যা চাইবেন, তা যেন আমরা দিই।

দাঁতে দাঁত চেপে গণপৎ বলে ওঠে, চূপ রও, হারামজাদা... মজা পেয়ে গিয়েছ না, এখানে ভালমানুষটা সেজে থাকবে, আর আমাদের যারা শত্রু তাদের কাছেও মজা মারবে...

এই বলে মুন্নুর গালে সে সজোরে একটা চড় বসিয়ে দেয়।

আস্তরফার জন্তে মুন্নু হাত তুলে দাঁড়ায়। কিন্তু গণপৎ তখন বাগে দিক-বিদিকশূন্য। মারতে মারতে সে মুন্নুকে রাস্তার কাদাব মধ্যে ফেলে দিল। অসহায় ভাবে মুন্নু চীৎকার ক'রে উঠলো।

তার আসল রাগ হয়েছিল উপহার যে দিয়েছে এবং উপহার যে নিয়েছে, তাদের ছ'জনের ওপর কিন্তু তাদের ওপর রাগ প্রকাশ করবার কোন সুযোগ না পেয়ে, তার সব রাগ সেই হতভাগ্য বালকের ওপরেই সে প্রয়োগ করে...

— কাজ ফেলে, এখানে-সেখানে ছুটোছুটি! ফের যদি দেখি কাজের সময় কারখানা থেকে বেরিয়েছিস, তাহলে মেড়ে হুড়ু গুঁড়িয়ে দেবো শৃগোরের বাচ্চা!

প্রভুদয়াল তাড়াতাড়ি বাইরে ছুটে এসে দেখে, মুন্সু কাদায় পড়ে কাঁদছে। গণপৎ চোখ লাল ক'রে তার দিকে চেয়ে আছে। সেখান থেকে, বাইরে দেখে, পাশের দরজার কাছে, পাথরের মূর্তির মত লেডী টোডরমল দাঁড়িয়ে আছেন। লেডী টোডরমলের বুঝতে এতটুকু দেবী হয় নি, গণপতের এই সিক্রিমের লক্ষ্য কোথায়।

প্রভুদয়ালকে দেখে সেখান থেকেই লেডী টোডরমল চীংকার ক'রে ওঠেন, আরে নেমকহারাম ছোটলোক! একটা মোরব্বার শিশির জন্মে এত আক্রোশ! আর আমরা যে তোদের এত দয়া করলুম...তোদের সব উৎপাত মুখ বুজে সহ্য ক'রে আছি—তখনি টাকার দরকার হচ্ছে তখনি টাকা দিচ্ছি... আর তার এই প্রতিদান? ছোটলোক আর কত ভাল হবে!

উত্তেজিত হয়ে গণপৎ উত্তর দেয়, আপনার সঙ্গে কে কথা বলেছে? আপনি যান! আমার চাকরকে আমি শাসন করছি, তাতে আপনার কি?

লেডী টোডরমলের গায়ে যেন কে বিষ ছড়িয়ে দিল। তিনি চীংকার ক'রে উঠলেন,—

‘—দূর হ, দূর হ, নেমকহারাম...বজ্জাত...পাজী...তোর জন্মেই তো প্রভুদয়ালের সঙ্গে আমাদের ঝগড়া...নইলে সে তো ভদ্রলোক... তুই হলি আস্তাকুড়ের কুকুর...বদমায়েস...কেমন বাপে... ছেলে...তা’ আর কত ভাল হবে? তোদের কথা জানতে আমরা বাকি নেই... নিজের স্ত্রীকে বাণী থেকে বের ক'রে দিয়ে একটা মুসলমানী নিয়ে ঘর করতে তোরা বাপ—জানি না আমরা? তোরা বাপ পরকে ঠকিয়ে বড়লোক হয়েছিল...তুইও তোরা অংশীদারকে ঠকাচ্ছিস... উপযুক্ত বাপের উপযুক্ত ছেলে! তোরা মত লোছা বদমায়েস মাতালকে ভদ্রলোকের পাড়ায় ঢুকতে দিতে নেই!

লেডী টোডরমলের মুখ থেকে গণপতের কুলজী স্তনতে স্তনতে মুসুর কান্না আপনা থেকে থেমে গিয়েছিল। এমনি ধারা কেউ যে ঘোড়ামুখোকে অপমান করতে পারে, ভেবেও সে মনে সাস্তনা পায়। পাছে কাঁদতে গেলে সে স্তনতে না পায়, সেইজন্তে সে জোর ক'রে তার কান্না ধামিয়ে রাখে।

উত্তেজিত রায় বাহাদুর গৃহিণীকে শাস্ত করবার জন্ত প্রভুদয়াল হাত জোড় ক'রে বলে, দোহাই মা...দোহাই তোমার, ক্ষমা করো...এই দেখ হাত জোড় ক'রে তোমার কাছে ক্ষমা চাইছি—যদি বল, নাকথৎ দেবো... যে শাস্তি দিতে চাও, নেবো...শুধু তুমি রাগ করো না...আমি জানি, ও অত্যাচার করেছি...ওর বুদ্ধি শুদ্ধি নেই...বল...তুমি ক্ষমা করলে মা? আমি তোমার ছেলের মতন...ছেলেকে ক্ষমা করবে না মা?

কিন্তু এত কাতর মিনতিতেও লেডী টোডরমলের রাগ পড়লো না।

—না, না...এবার আর তোমাদের ক্ষমা করছি না। সেবার আমার ছেলের সঙ্গে মারামারি করলো, তবুও আমি ক্ষমা করেছিলাম...কিন্তু এবার আর নয়...আমার বাড়ী থেকে এই মুহূর্তে তোমার লোকজন জিনিস-পত্রের বের ক'রে নাও...তোমাদের চিনেছি আমি...এ সব তোমাদের চালাকি...এই মুহূর্তে আমার টাকা শোধ ক'রে দাও!

প্রভুদয়াল বুঝলো ব্যাপারটা কতদূর গড়াতে পারে। একে তো স্বভাবতই সে ভীক, ভীতু...তার ওপর আজ সে পাঁচ পড়ে গিয়াছে।

হাত জোড় ক'রে তবু বলে, এ লোকটার কোন কাণ্ডজান নেই, আমি জানি না...কিন্তু তা'বলে আপনি তো....

লেডী টোডরমল গজ্ঞন ক'রে ওঠেন, না, না...ও ভাবে তুমি আর তোমার বন্ধুকে বাঁচাতে পারবে না...ভাল চাও তো আমার টাকা দিয়ে দাও...

প্রভুদয়াল অসহায় ভাবে, তার কণ্ঠস্বরে স্বতখানি মিনতি আনা সম্ভব বলে ওঠে, তবু মা ক্ষমা চাইছি !

মুন্সুর কানা একেবারে ধেম্বে গিয়েছিল। মনিবের বিপদের আশঙ্কায় তার মন ভয়ে কাঁপতে থাকে।

কারখানার কুলিরা কাজ ছেড়ে দিয়ে চুপটী ক'রে এসে দাঁড়িয়ে আছে, জানালায় জানালায় প্রতিবেশিনীরা নীরবে মুখ বাড়িয়ে শুনেছে।

কয়েক সেকেন্ডের জন্য সব চুপচাপ।

হঠাৎ লেডী টোডরমলের মনে পড়লো, আশে পাশে চারদিকে পাড়ার লোকজন জমা হয়েছে। এই তো উপযুক্ত সময়, নিজের মনের ঝাল মেটাবার। সজোরে মাটিতে পা ঠুকো, অভিনয়ের ভঙ্গীতে তিনি চীৎকার ক'রে বলে উঠেন,

—মেয়ে মানুষের মত ওখানে পাঁচিলের আড়ালে লুকিয়ে আছি কেন ? বেরিয়ে আয়....

বাড়ীর ভেতরে অপরাহ্ন-ভ্রমণের জন্তে স্থার টোডরমল তখন বেশপরিবর্তন করছিলেন। সেই অবস্থাতেই গোলমাল শুনে তিনি নীচে নেমে ব্যাপার দেখে বলে উঠলেন, কি ব্যাপার ? উহ...হুহ...হুহ....

'পুরোণো হাঁফানীটা বেড়ে ওঠায় স্থার টোডরমলের কথা বলতে গেলেই কাশী এসে যাচ্ছিল।

—উহ...হুহ...হুহ...কি ব্যাপার ?

ঘাড় ফিরিয়ে স্বামীকে দেখে লেডী টোডরমল ঝংকার দিয়ে বলে ওঠেন, নেমকহারামের দল....গুরা ধোঁয়া দিয়ে আমাদের ঘর-দোর নষ্ট করবেন....আমরা উলটে তার বদলে গুঁদের ঘর ছেড়ে দেব—দরকার হলে টাকা ধার দেব....আর একটা সামান্য মোরব্বার শিশি.... তার জন্তে ফি কাণ্ড, ছিঃ !

স্থার টোডরমল ক্রীকে ভৎসনা ক'রে বলে উঠেন, বলি বাজার থেকে

এক শিশি...উহ...হু...মোরব্বা কেনবার...ঘু...উহ...হ...হ...  
কেনবার পয়সা তোমায় নেই? ঘু...ঘু...উহ...হ...হ...

হাঁফানির জন্তে স্তার টোডরমল আর কিছু বলতে পারেন না।

এবার প্রভুদয়াল স্তার টোডরমলের শরণাপন্ন হয়,

—ক্ষমা করুন আমাদের রায়বাহাদুর! গণপং বুদ্ধিশুদ্ধিহীন...ও  
জানতো না যে লেডী টোডরমলের জন্যে আমি ঐ শিশি পাঠিয়েছি...  
কত লোক আসে যায় কারখানায়...কারখানার লোকেরা...

—মিথ্যে কথা...তুমি এখনো ঐ পাজীটাকে ঢাকতে চাইছো?

গর্জন ক'রে ওঠেন লেডী টোডরমল।

প্রভুদয়াল হাত জোড় ক'রে বলে ওঠে, আপনি আমাদের মা-বাপ...

তার কাতরতা স্তার টোডরমলের অন্তর স্পর্শ করে।

—বেশ...এবারের মতন ক্ষমা করলুম...কিন্তু তোমার বন্ধুকে  
সাবধান ক'রে দিও...ফের যেন আর কোনদিন ও-রকম না করে...

এমন কোমল পরিসমাপ্তিতে অসন্তুষ্ট হয়ে প্রতিবেশিনীরা জানলা  
থেকে সরে যায়।

প্রভুদয়াল কাদা থেকে মুর্কে টেনে তোলে।

—যা তো মহারাজ...জল দিয়ে ওর গায়ের কাদা গুলো ধুয়ে দে!

আড়ালে গণপংকে ডেকে নিয়ে গিয়ে প্রভুদয়াল বলে, প্রতিবেশীদের  
সঙ্গে এ-ভাবে ঝগড়া করা ঠিক নয় গণপং...বিশেষ ক'রে, তুমি এখন  
ছিলে না, গুঁদের কাছ থেকেই টাকা ধার নিয়ে আমি কাজ চালাই!

গণপং সে-কথায় ভ্রক্ষেপ না ক'রে বলে ওঠে, ষাও, ষাও, কচি  
ছেলের মতন আমাকে উপদেশ দিতে এসো না...বসে বসে দাতব্য  
ক'রে ব্যবসাটা উচ্ছিন্নে দিতে বসেছ তুমি...নিশ্চয়ই খুব চড়া সূদে  
ধার নিয়েছ?

—কি করি বল? মহাজন মাঝেই তো এমনি ধারা সূদ নেবে।

তুমি ছ'এক দিনের মধ্যে টাকা নিয়ে ফিরবে বলে গেলে...কিন্তু যে-সব টাকা আদায় করলে তার কিছুই পাঠালে না তুমি। সুতরাং ব্যথা হয়েই আমাকে ধার করতে হলো! টাকা শোধ দেবার দিনও গিয়েছে। তাই বলছি, ওসব কথা এখন থাক—টাকা-কড়ি কি আদায় ক'রে এনেছ, তাই বল! যা যা ধার আছে সে গুলো আগে শোধ ক'রে দেই...তারপর যা হয় হবে...হ্যাঁ...কত আদায় হলো? কাজের ভিড়ের মধ্যে তোমাকে জিজ্ঞাসা করতে পারি নি...তুমিও বলো নি!

মাথা নীচু ক'রে ঘোড়ামুখো মুখ বেজার ক'রে বলে, কত আর আদায় হবে? পঞ্চাশ টাকা!

প্রভুদয়াল লাফিয়ে ওঠে।

—বল কি, মাত্র পঞ্চাশ টাকা! এখানে যে ধার হয়ে গিয়েছে প্রায় ছ'হাজার টাকা!

—তা আমি কি করবো বল! তবে আমি বলছি আসলে আদায় করেছি তিনশো। আমার গত বছরের লাভের টাকাটা আমি তো সব এখনো পাইনি—তাই তা' থেকে আড়াই শো আমি নিয়ে নিয়েছি, বাকি পঞ্চাশ টাকা আছে।

—তাই বলো! পঞ্চাশ টাকা আদায় হয়েছে শুনে, আমি সত্যিই অবাক হয়ে গিয়েছিলাম!

ছ'জনে মুখোমুখী বসে...কিন্তু ছ'জনেই চূপচাপ।

হঠাৎ গণপৎ বলে উঠলো, আমি ভাবতেই পারিনি যে তুমি এই রকম ভাবে আমার অপমান করবে।

প্রভুদয়াল বন্ধুর মুখের দিকে মুখ তুলে চেয়ে দেখে। হঠাৎ সেই মুহূর্তে সেই তার জীবনে প্রথম গণপতের দিকে চেয়ে সে বুললো, লোকটা সত্যিই ঘৃণ্য। অপরাধী যতই চেষ্টা করুক, এক সময় না এক সময় অজ্ঞাতে তার মুখে ফুটে ওঠে সে-অপরাধের চিহ্ন।



জ্ঞানপাপী গণপৎ নিজের মুখের ম্লান বিকৃতি লুকোবার জন্তে চেঁচা ক'রে হাসতে যায়...সেই একটা মুহূর্তের মধ্যে তার মুখের পরিবর্তন অতি স্পষ্টভাবে প্রভুদয়ালকে জানিয়ে দেয় যে, সে অপরাধী।

সেই একটুখানি দৃষ্টি এক নিমেষের মধ্যে প্রভুদয়ালের মনে যেন কি ভেঙ্গে চূরমার ক'রে ফেলে দিল। এমন এক মুহূর্ত আসে, যখন একটা কথা, একটা দীর্ঘশ্বাস, একটা চোখের চাউনী, একটুখানি দেহের ভঙ্গী এক নিমেষের মধ্যে ভেঙ্গে গুড়িয়ে দিয়ে যায় জন্মজন্মান্তরের বিশ্বাস, চিরদিনের বন্ধ ধারণা। সেই মুহূর্তে প্রভুদয়াল সন্দেহাতীত ভাবে বুঝলো কতখানি স্বার্থপর তার লাভ-লোকসানের অংশীদার রূপে যাকে সে গ্রহণ করেছে। এতদিন যে ধারণাকে সে মনে রেখাপাত করতেই দেয়নি, আজ তা' যেন তাকে পেয়ে বসে। সে বুঝতে পারে, বিশ্বাস করা যায়, নির্ভর করা যায় যে লোককে, সে লোক গণপৎ নয়। যদিও তাকে বুঝবার তার আর কিছু বাকি রইলো না, তবুও তার স্বভাব-ভঙ্গিতে সে তখনও তার মঙ্গলই কামনা করে...মনে মনে বলে, কিছুতেই যেন তাদের সম্পর্ক বিচ্ছিন্ন না হয়।

তাই একান্ত সহজ ভাবেই সে বলে, আমার কথা শোন! তুমি নিজের জন্তে যে আড়াইশো টাকা নিয়েছ, তা' থেকে আপাতত তুমি কোম্পানীকে দুশো টাকা ধার দাও...সেই দুশো টাকা দিয়ে অন্তত ছোট খাটো দেনা গুলো শোধ ক'রে দি। তারপর সামনে সপ্তাহে আমি লাহোরে গিয়ে সেখানে যে আমাদের পাঁচশো টাকা পড়ে আছে, নিয়ে এসে তোমার টাকা শোধ ক'রে দেবো।

গণপৎ ম্লান বিবর্ণ মুখে উত্তর দেয়, টাকা আমার হাতে নেই।

গণপৎ আগাগোড়াই মিথ্যা কথা বলেছিল। সে সব শুধু আটশো টাকা আদায় করেছিল এবং লাহোর থেকেও সে পাঁচশো টাকা নিয়ে

নিয়েছে। সমস্ত টাকাই সে লাহোরের এক বারবনিতার পিছনে খরচ ক'রে এসেছে।

তাই কি বলবে ঠিক করতে না পেরে সে বলে ওঠে, আমার টাকা আমি সমস্তই খরচ ক'রে ফেলেছি, আর লাহোরের টাকার কথা বা তুমি বলছো, সেখানে গিয়ে কোন লাভ নেই... আমি বহু চেষ্টা ক'রেও সেখানে বিশেষ কিছু আদায় করতে পারি নি।

প্রভুদয়ালের সন্দেহ বেড়ে যায়।

বড়ভায়ের মত সে মূঢ় ভংসনার ভঙ্গীতে বলে, তোমার মনে বা আছে স্পষ্ট ক'রে এখনো খুলে বল। খাতাপত্র দেখে ভাল ক'রে হিসাব ক'রে দেখি, কোথা থেকে কি বার করা যায়!

এই বলে সে মুন্নুকে ডাকে।

—মুন্নু, এখানে ব'সে খাতা পেনসিল নিয়ে যোগ দে'তো... গণপং বা বা বলছে একটা হিসেব জোড় তো....

মুন্নু উন্নুনের ওপর কড়া নাড়তে নাড়তে কাণ খাড়া ক'রে তাদের কথাবার্তা শুনছিল... হুকুম পাওয়া মাত্রই সে ছুটে হাত ধুস্তে গেল... কারণ সে জামত নোংরা হাতে হিসেবের খাতা-পত্র ছুঁতে নেই।

মুন্নুকে খাতা কাঁখে আপতে দেখে, গণপং রাগে মস্ মস্ ক'রতে ক'রতে ব'লে উঠলো, এই সব ছোটলোক কুলির সামনে আমাকে হিসেব দাখিল ক'রতে হবে নাকি? কখ'খুনো না... আর ঐ অজান্ত-কুজাতের একটা রাস্তার ছোঁড়া, সে ছোঁবে ব্যবসার খ'তা-পত্র...। এ আমি কিছুতেই সহ্য করবো না... আমি অনে, স'য়েছি... রাস্তার এঁটো পাতা... তাকে কি না মাধায় তুলে নাচা!

তার কথায় বিন্দুমাত্র উত্তেজিত না হয়ে প্রভুদয়াল বলে, দেখো, ধর্ম বলে, একটা জিনিস আছে... ছেলেটার মা-বাপ নেই... অনাথ... তাকে পালন করা এমন খারাপ কাজ তো কিছু নয়! ও-র দেহ

বে রকম ভাতে ওকে দিয়ে কুলির কাজ করানো চলবে না। সেইজন্মে হিসেবের কাজ ওকে একটু-একটু শেখাতে হবে...বুদ্ধি আছে, মাথা আছে...টিক পারবে...আর 'তা' ছাড়া, ওকে যদি আমার সংসারের একজন বলেই মনে করা যায়, তাহলে তো ওর সামনে হিসেব করতে তোমার আপত্তি থাকতে পারে না? কেমন? আর বাকি যে-সব কুলি কারখানায় রয়েছে...তারা হিসেব-পত্রের কিছুই বোঝে না!

ঘোড়ামুখো কিন্তু তেমনি আপত্তির সুরে প্রতিবাদ ক'রে ওঠে, হিসেবপত্রের ব্যাপার...তোমার ঐ অনাথ বালকও বোঝে না! দু'দিন কোথায় স্কুলে পড়েছে কি না পড়েছে...সে হিসেবের কি বুঝবে? বড়জোর হয়ত এক আর একে গুণে দুই বলতে পারে! আমার ত্রিসীমানায় যদি ও আসে, তাহলে ওকে আমি খুনই ক'রে ফেলবো বলে দিচ্ছি!

প্রভুদয়াল কোন উত্তর না দিয়ে মুন্সুর হাত থেকে হিসেবের খাতা-গুলো নিয়ে নেয়।

মুন্সু ন যথো ত তস্থৌ অবস্থায় অবাধ হয়ে দাঁড়িয়ে থাকে...সামনে এগিয়ে যেতে তার আর সাহসে কুলোয় না।

গণপতের মনের ভেতর তখন ঝড় বইছিল। অতঃ কেউ জামুক আর নাই জামুক, সে তো জানে, কি ক'রে দিনের পর দিন মিথ্যা অজুহাতে সে হিসেবের খাতা সব গোলমাল ক'রে রেখেছে। আজ যদি প্রভুদয়াল খাতা খুলে হিসেব মিলিয়ে দেখে? তাই টাকার কথা থেকে প্রভুদয়ালের মন সরিয়ে ফেলবার জন্মে গণপৎ প্রাণপণ চেষ্টা করতে থাকে।

—কিন্তু আমি তোমাকে জিজ্ঞাসা করি...জানা নেই, শোনা নেই, রাস্তা থেকে একটা কোথাকার বেঙ্গম্মা ছেলে ধরে নিয়ে এসে, তাকে সকলের থেকে আলাদা ক'রে দেখবার মানেরটা কি?

আস্তে আস্তে হিসেবের খাতা খুলতে খুলতে প্রভুদয়াল বলে, কৈ, ওকে তো তেমন আলাদা ক'রে কিছুই দেখিনা আমি!

প্রভুদয়াল পাতার পর পাতা উল্টে চলে।

গণপতের বৃকের স্পন্দন দ্রুততর হ'য়ে ওঠে। যা করবার এখনি করতে হবে। তার এখনো ধারণা, আজকের বিপদ সে কাটিয়ে উঠতে পারবে।

—আজকে এতো যে কেলেকারী হলো...তার মূলে তো ঐ ছোড়াটাই! যদি ও হারামজাদা ঐ মাগীটাকে মোরবার শিশি দিতে না যেতো...

গণপৎকে বাধা দিয়ে প্রভুদয়াল বলে, অকারণে লোককে গালাগাল দেও কেন? ছিঃ! এই মাত্র তোমার সামনে, তোমার ব্যবহারের জন্তে আমাকে ওঁদের কাছে হাত-জোড় ক'রে ক্ষমা চাইতে হলো! সেকথা কি এরই মধ্যে ভুলে গেলে? আর, তা ছাড়া, মুন্সুকেই বা দোষ দিচ্ছ কেন? মুন্সুতো নিজের ইচ্ছায় মোরব্বা দিতে যায় নি, আমি তাকে পাঠিয়েছিলাম বলেই না সে গিয়েছিল! আর আমি যে পাঠিয়েছিলাম, তা-ও এমনি-এমনি নয়...ওঁদের টাকা শোধ-দেবার দিন কবে চলে গিয়েছে...সেটা ভুলে চলবে কেন!

এদিক দিয়ে কোন সুবিধা হলো না দেখে গণপৎ অগ্র পথ ধরলো।

—এই ভাবে হাও-নোট লিখে টাকা ধার ক'বে ব্যবসা চালানো আমার আদৌ ইচ্ছে নয়...টাকা যদি ধারই নিতে হত...ও সব লেখা লেখি কেন? যদি না-ই দিতে পারি, তখন তো আর কেউ আমাকে ধরতে ছুঁতে পারবে না!

প্রভুদয়াল গম্ভীর ভাবে উত্তর দেয়, তুমি যা বলছো, সে তো ব্যবসার দ্বারা নয়...সে তো জোচ্ছুরী!

গণপৎ দেখলে, এই ত সুযোগ ! এই সুযোগে প্রভুদয়ালের সঙ্গে তার ঝগড়া করতেই হবে ! . . .

সে চাঁৎকার ক'রে বলে উঠলো, কি বল্লে, জোচ্ছুরী ! আমি জোচ্ছোর ! ফের যদি ও-বণা মুখে আনবে তা'হলে মেয়ে হাড় গুঁড়িয়ে দেবো বলে দিচ্ছি !

কিন্তু তাতেও প্রভুদয়াল উত্তপ্ত হয় না !

শান্ত ভাবেই বলে, তোমাকে জোচ্ছোর আমি বলি নি । অকারণে উত্তেজিত হচ্ছে কেন ? আজ আর তোমার সঙ্গে আমি কোন আলোচনাই করছি না...তুমি মাথা ঠাণ্ডা কর !

গণপৎ উদগ্রীব হ'য়েছিল, এবার প্রভুদয়াল রেগে যাবে, দুটো কড়া কথা বলবে...তাহলেই ঝগড়া ক'রে তার বোরিয়ে পড়ার সুবিধা হবে...কিন্তু প্রভুদয়াল সে-ধরণের কিছুই করলো না...একটা কথাও উত্তেজিত হয়ে বললো না । প্রভুদয়ালের সেই শান্ত-ভাবে গণপৎ আরো বেশ ক্ষিপ্ত হয়ে উঠলো !

তাই যাতে ঠাণ্ডা হয়ে না যায়, সেই জন্তে সে তেমনি চাঁৎকার ক'রে বলে উঠলো, জোচ্ছোর বল্লে না তো কি ? মুখের ওপর সোজা না বল্লেই কি বলা হয় না ! আমাকে কচি খোকা পেয়েছ ? ঐ মাগী আমাকে যে অপমান করেছে...আমি এখন বুঝছি...তার মধ্যে তুমি... তুমিও আছ...নইলে ও মাগী ও-সব জানবে কোথেকে ? বেশ...আমিও তোমাকে বলে দিচ্ছি...আমি আটশো টাকা আদায় ক'রেছিলাম...এবং পঞ্চাশ টাকা ছাড়া তার সবই খরচ ক'রে দিয়েছি...এ থেকে আমার ওপর চোখ রাঙাতে এসো না...আমি যা খরচ করেছি, তা খরচ করবার সম্পূর্ণ অধিকার আমার আছে...তার জন্তে যদি আমাকে জেত্তা ক'রে আলাতন করতে চাও...ভাল হবে না...মনে রেখো, আমি তোমার মাইনে-করা কুলি নই ! আমাকে চোখ রাঙাতে এসো না !

রাগে প্রভুদয়ালের সব-শরীর কাঁপতে থাকে, কিন্তু তবুও অসাধারণ বেদনায় সেই রাগ ধমন করে বলে,

—আমি তোমাকে চোখ রাঙ্গাতে বা ভয় দেখাতে কখনও চাইনি... চাইও না...যা করেছ ভালই করেছ...ঠিকই করেছ। তুমি বিয়ে করোনি,, তোমার বয়স অল্প...মাঝে মাঝে একটু-আধটু ফুক্তি করবে না-ই বা কেন? টাকাটা যে খরচ হয়ে গিয়েছে, তাতে আমার বিন্দুমাত্র আপত্তি বা ঝগড়া নেই...অন্তত সে-কথা যে তুমি আমাকে এমনি খোলাখুলি ভাবে বলবে, তাতে সত্যিই আমি খুব খুশী হয়েছি। আমাদের হাওনোটে যা ধার আছে, চেষ্টা করে অল্প জায়গা থেকে ধার নিয়ে শোধ দিলেই চুকে যাবে সব গণ্ডগোল, কেমন?

গণপৎ মহাবিপদে পড়লো। এতেও যখন লোকটা উত্তেজিত হলো না, তখন সে আরো ক্ষেপে বলে উঠলো, ও সব ভালমানুষীর ভান রেখে দাও! ভেবেছ, তোমার ঐ ভালমানুষীর চাল দিয়ে আমাকে দাবিয়ে রাখবে! সেটা হবে না! তোমার মত মিনি-মুখো লোকের মিষ্টি কথায় আমি ভুলি না... তুমি ভেবেছ, তুমি নিজে খুব সাধু না?

এতক্ষণ পরে যেন প্রভুদয়ালের গা একটু ঘামলো। কণ্ঠস্বরের মধ্যে ক্ষয়ং পরিবর্তন দেখা দিল—

—দোহাই তোমার গণপৎ, আমার সঙ্গে তুমি ও ভাবে কথা বোলো না! ওটা ঠিক নয়! আমি তোমার ব্যক্তিগত জীবন সম্পর্কে কোন কথাই বলি নি...কারণ আমি জানি, তোমার মত অবস্থায় পড়লে, হয়ত তোমারই মতন কাজ আমিও করতাম...তুমি আমার চরিত্র সন্দেহে বা খুশী তাই ভাবতে পার, কিন্তু আমি তোমার চরিত্র সন্দেহে কোন আলোচনাই করিনি...করবোও না...তবে টাকা আদায়ের ব্যাপার নিয়ে তুমি আমার কাছে মিথ্যে কথা বলেছিলে—তার জন্ত সত্যিই আমার

মনে বড় দুঃখ হয়েছিল...হয়ত রাগও হয়েছিল, কিন্তু বিশ্বাস কর, এখন আমার মনে ও সব কিছুই আর নেই !

গণপৎ তারস্বরে চীৎকার করে ওঠে, তুমি বদমায়েস...তোমার মুখে মধু...বুকে গরল...ভাঙ...

তবুও প্রভুদয়াল মিনতি করে, দোহাই তোমার, আমাকে ভুল বুঝো না...আমি সোজা গেঁয়ো লোক...তুমি যা সব বলছো, তার কিছুই জানি না...সারা জীবন আমি মাথার ঘাম পায়ে ফেলে খেটে এসেছি...তবে তোমাদের শহুরে লোকেরা যে ভাবে কথা বলে, কাজ করে, আমি হয়ত তা'পারি না, বা করি না...সত্যিই আমার এক এক সময় ইচ্ছে হয়, আমি কেন কুলিই রইলুম না...কেন মরতে ব্যবসা করতে এলুম ?

—আহা...ভাজা মাছটা উল্টে খেতে জানেন না ! তোমার এসব চালাকী বুঝতে আমার এক মুহূর্ত দেবী লাগে না...মুখে বত তোমার সাধুতার বুলি...অস্তরে তত তোমার জ্বিলিপীর প্যাচ...তোমার মত ধূর্ত...তোমার মত শয়তান আর দুটি নেই...জাত—পাহাড়ী কুস্তা !

প্রভুদয়াল যদিও বুঝেছিল যে, অতঃপর গণপতের সঙ্গে তার কোন ব্যবসায়-গত সম্পর্ক থাকা সম্ভব নয়...তবুও সে তার সব গর্ব ত্যাগ করে শেষবারের মতন চেষ্টা করলো লোকটাকে কাজের কথায় মধ্যে আনবার জন্তে...

—তোমার যা খুশী তুমি তাই বল । আমি তো জানি, সত্যিই ভাল হবার এত চেষ্টা করেও, আমি ভাল হতে পারি না...আমার মধ্যে রয়ে গিয়েছে হাজার দোষ-ত্রুটি...

এত গালাগালের পর এই বিনয়...গণপতের বৈথ্যের বীথ ভেঙ্গে গেলো...

—যা যা...দের হয়েছে...আর ছাকামো করতে হবে না...ছাকা  
বদমায়েস কোথাকার!

—প্রভুদয়াল আসন ছেড়ে উঠে দাঁড়ায়, গণপতের হাত ধরবার জন্ত  
হাত বাড়িয়ে দিয়ে ব'লে পাগলামী করো না...মাথা ঠাণ্ডা কর...  
তুমি আর আমি এক ব্যবসার সমান অংশীদার...ভুলে যেয়ো না,  
আমাদের ব্যবসার সব কাগজ-পত্রে দু'জনের সই পাশাপাশি আছে!

ঝটকা মেরে হাত সরিয়ে নিয়ে গণপৎ বলে, আজ সকালে তুমি  
যে-অপমান আমাকে করেছ, তার পরও আশা কর যে আমি তোমার  
অংশীদার হয়ে থাকবো? আমি এই মুহূর্তেই তা ভেঙ্গে দিচ্ছি...  
দেখবে! তোমার তেজ কোথায় থাকে? ঐ নর্দমায় লুটোবে...আমাকে  
ঠকানোর ফল হাতে হাতে বুঝতে পারবে! রাস্তার কুলি ছিলে...  
রাস্তার কুলিই থাকবে!

এই ব'লে হিসাবের খাতা-পত্র কাঁধে তুলে নিয়ে চলে যাবার জন্তে  
জুতোর দিকে পা বাড়ালো।

প্রভুদয়াল একেবারে ভেঙ্গে পড়লো। সর্ব-অভিমান ত্যাগ ক'রে  
ছুটে গিয়ে গণপতের পা থেকে জুতো খুলে নিয়ে অসহায়ের মত বলে  
উঠলো, এই আমার মাথা আর তোমার জুতো...যত খুশী, আমার  
মাথায় মার...আমাকে এভাবে ছেড়ে যেয়ো না...আজ দু'পছর একসঙ্গে  
থেকে এই ব্যবসা গড়ে তুলেছি...আজ এই দেনার মুখে আমাকে  
ফেলে যদি চলে যাও, তাহলে সত্যিই এই বুড়ো বয়সে আমাকে  
আবার কুলিগিরি ক'রে মরতে হবে! দোহাই তোমার!

—তুমি মর বীচো, তাতে আমার কিছু ব্যয় আসে না! যার  
অশ্বের ঠিক'নেই, তার আবার মান-অপমান! তোমার বাপ ছিল  
কুলি...তুমিও কুলি...তুমি পারো যার তার কাছে হাঁটু গেড়ে হাত-



জোড় ক'রে পা চাটতে...আমি তা পারিনি...বিশেষ ক'রে তোমার মত একজন কুলির কাছে আমি পারবো না হাতজোড় ক'রে থাকতে!

—বা খুশী আশাকে বলো...তুধু আমাকে ছেড়ে যেয়ো না...একটু মাধা ঠাণ্ডা ক'রে ভাবো....সব ঠিক হয়ে যাবে!

গণপৎ সে-আবেদনে কোন দৃকপাত না ক'রে ছুটে দরজার দিকে এগিয়ে গেল...দাঁতে দাঁত চেপে বলে উঠলো,—দূর হও...রাস্তার কুকুর!

মুন্সু এতক্ষণ চূপটি ক'রে দাঁড়িয়ে দেখছিল....এক অজানা ভয়ে তার সর্ব-শরীর ঠক ঠক ক'রে কাঁপছিল। গণপৎকে চলে যেতে দেখে, কি মনে ক'রে ছুটে গিয়ে তার জামা টেনে ধরে বলে উঠলো, দোহাই হজুর! চলে যাবেন না...চলে যাবেন না...এটা উচিত হচ্ছে না!

তুলসী, বোঙ্গা আর মহারাজ কোথা থেকে ছুটে এসে হাত জোড় ক'রে দাঁড়ায়।

ধাক্কা মেঝে মুন্সুকে সরিয়ে দিয়ে গণপৎ চাঁৎকার ক'রে ওঠে, দূর হ ফ্যান-চাটার দল!

মাধায় হাত দিয়ে প্রভুদয়াল বসে পড়লো। তার অজ্ঞাতে তার দীর্ঘখাসের সঙ্গে বেরিয়ে এলো, সর্কনাশ! সর্কনাশ হবে!

গণপৎ ততক্ষণ দরজার বাইরে পা দিয়েছে। প্রভুদয়াল ছুটে গিয়ে তার হাত ধরে। ধাক্কা মেঝে গণপৎ চলে যায়। সে-ধাক্কা সামলাতে না পেরে প্রভুদয়াল টলে পড়ে যায়।

গণপৎ তার পরের দিনই নিজের আর একটা চাটুনীর কারখানা খুলে বসলো। তার হাতে যে পঞ্চাশটা টাকা ছিল, তাই দিয়ে একটা সেড্ ভাড়া নিল এবং কিছু কিছু আসবাব-পত্র জোগাড় করলো। 'হ'বছর ধরে ব্যবসা চালানোর দরুণ বাজারে লেন-দেনের কারবার, ছিল।

তারি সূযোগে কাঁচামাল যা কিছু তা' সে ধারে সংগ্রহ করলো। যে-সব পুরোনো খরিদার ছিল, নিজে তাদের দোকানে দোকানে গিয়ে প্রভুদয়ালের নামে যা খুশী তাই দোষারোপ ক'রে তাদের সহায়ত্ব আদায় করলো। এবং তাদের প্রত্যেকের কাছ থেকে এই আশ্বাস নিয়ে এলো যে, তারা আর প্রভুদয়ালের সঙ্গে কারবার করবে না। সেই সঙ্গে অতি চতুর ভাবে সে এই খবরটাও প্রচারিত ক'রে দিল যে, দেনার দায়ে প্রভুদয়াল ডুবে আছে... শিগ'গিরই হয়ত পাত্তা ডিঙটোবে...

যে-সব লোক ধারে মাল-পত্র দিয়েছিল, তারা আতঙ্কিত হয়ে উঠলো... বুঝি তাদের টাকা সব মারা যায়! সন্তুষ্ট হয়ে তারা সবাই প্রভুদয়ালের দরজায় তাগাদা লাগালো।

প্রভুদয়াল পাগলের মত হয়ে উঠলো।

একদিন একজন পাওনাদার অনেকক্ষণ ধরে ডাকাডাকি ক'রে সাড়া না পেয়ে গালাগাল দিতে শুরু ক'রে দিল।

—ধারে জিনিষ নিয়ে এখন মাগের পেটে লুকিয়ে রইলে নাকি? কইরে... সাড়া নেই কেন?

নিজের ভবিষ্যৎ ছরবস্থার কথা কল্পনা ক'রে প্রভুদয়াল এতদূর চঞ্চল হয়ে ওঠে যে, জরে তাকে শয্যা নিতে হলো। পাওনাদাররা ভাবলো গণপত্নীর কথাই ঠিক... প্রভুদয়াল তাহলে তা' ফাঁকি দেবার জন্তেই গা ঢাকা দিয়েছে। কারখানার কুলিরাও কি করবে ভেবে না পেয়ে, কারখানায় আসা বন্ধ ক'রে দিল। পাওনাদারদের মনে আর সন্দেহের অবকাশ রইলো না।

দরজায় একজন চলে যায়, আর একজন আসে।

গালাগালে কাণ পাতা যায় না।

বাড়ীর ভেতর থেকে প্রভুদয়াল সে-সব কুৎসিৎ গালাগাল শুনতে পায় না কিন্তু পার্কেতীকে শুনতে হয়।

অসহ বোধ হওয়ায় একদিন পার্কেতী তুলসীকে ডেকে বসে, 'বাবা, তুমি বেরিয়ে লালাজীকে বলো, ওঁর জর হয়েছে...জর সেরে গেলেই উনি দেখা করবেন।

অভ্যাস মত তুলসী সে-আদেশ মুন্সুর ঘাড়ে চাপিয়ে দিয়ে বলে, যা মুন্সু তুই বলে আয়।

জানলা দিয়ে মুখ বাড়িয়ে মুন্সু বলে,—লালাজী, কস্তার জর হয়েছে...

কথা শেষ হতে না হতে লালাজী চীৎকার ক'রে ওঠেন,—তা' আমরা জানি! জর হবেই তো এখন! এত লোকের খেলে আর জর হবে না! ও সব বুজুর্কী ছেড়ে দিতে বল তোমার মনিবকে। ভাল চায় তো বেরিয়ে এসে দেখা করুক...না হ'লে হারামজাদাকে বাড়ীর ভেতর থেকে টেনে বের ক'রে আনবো।

সব দায়িত্ব যেন মুন্সুর। হাত জোড় ক'রে কম্পিতকণ্ঠে মুন্সু বলে, বিখাম করুন লালাজী, তাঁর সত্যি জর হয়েছে! দয়া ক'রে আজ যান...কাল আসবেন...কাল নিশ্চয়ই উনি দেখা করবেন!

—আরে যা যা নেড়ীকুত্তার বাচ্চা!

মুন্সু ভয়ে মুখ সরিয়ে নেয়।

ঠিক সেই সময় লেডী টোডরমল তাঁর চেম্বারের ছাদ থেকে এক ঘটা নোংরা জল নীচে রাস্তায় ফেলছিলেন। যখন প্রয়োজন বোধ করেন, নিরঙ্কুশ ভাবে তিনি এমনি রাস্তাতেই সব নোংরা ছুঁড়ে ফেলে থাকেন। প্রভুদয়ালের দুর্ভাগ্য যে সেদিন তার পাণ্ডদারদের মাথা আর লেডী টোডরমলের হস্ত-নিষ্কিন্ত স্মলিন-জলধার, ঠিক একই লাইনের মধ্যে এসে পড়ে।

লেডী টোডরমল একটু বিস্মিত হয়ে :৭ খাড়া ক'রে শোনে,  
 তাঁর বাড়ীর নীচে কারা যেন চীৎকার করে কি সব বলছে। তিনি  
 মুখ রাঁড়াতেই স্পষ্ট শুনতে পেলেন।

—লজ্জা নেই...নিলজ্জ...বেহায়া...মাথার ওপর নোংরা জল  
 ঢেলে দিলে ?

লেডী টোডরমলকে দেখতে পেয়ে সকলে সমস্বরে বলে উঠলো,  
 আমাদের জামাকাপড় সব নোংরা ক'রে দিলেন কেন ?

একটু লজ্জিত হয়েই লেডী টোডরমল বলেন, তোমরা যে ওখানে  
 গাড়িয়ে আছে, তা' জানবো কি ক'রে ? কে তোমরা ? কি করছো  
 ওখানে ?

একজন বলে উঠলো, আমরা এসেছি দেউলে প্রভুদয়ালের খোঁজে।  
 দেউলে! লেডী টোডরমলের যেন মাথা ঘুরে গেল। পাগলের  
 মত ছুটতে ছুটতে সিঁড়ি দিয়ে নেমে এসে তিনি জিজ্ঞাসা করেন,  
 দেউলে হয়েছে ? নেমকহারাম সত্যি সত্যি দেউলে হয়েছে !

—তাই তো দেখছি...নইলে আমাদের সঙ্গে দেখা করে না কেন ?

সমবেত পুরুষ-কণ্ঠের সঙ্গে এবার নারী-কণ্ঠ সংযুক্ত হলো। একা  
 "লেডী টোডরমল তাদের সকলের অন্তরের জ্বালাকে ছুটিয়ে তুলেন...  
 স্থানকালপাত্র ভুলে নিজের অর্থনাশের সম্ভাবনায় তিনি চীৎকার ক'রে  
 উঠলেন,

—বলি ও মর্ডা...সত্যি সত্যি মরেছি নাকি রে ? আমার সোয়ামীর  
 পাঁচ পাঁচশো টাকা গো...বলি...সর্ব-অঙ্গে গরল হবে...কুট হবে...

পাওনাদারদের দলের মধ্যে লম্বা মুখো একজন সমবেদনায় বলে  
 উঠলো, তাহাধে আপনাদের পাঁচশো গিয়েছে !

আঙুলে যেন ঘাঁ পড়লো।

—পাঁচ পাঁচশো গো! কেমন মাথা হেঁট ক'রে এসে আমার সোয়ামীর পা ধরে কঁদে পড়লো... তাঁর নরম মন, গলে গেলেন...

পাওনারদের দিক থেকে মুখ ফিরিয়ে প্রভুদয়ালের বাড়ীর দিকে ঘুরে দাঁড়িয়ে অদৃশ্য শব্দঘাতী বাণ ছুড়তে থাকেন,

—এই নেমকহারাম...সাদা দিচ্ছিস না যে বড়? লোকের সর্বনাশ ক'রে গত্তের ভেতর লুকিয়ে থাকা! ধর্মে সহীবে না...পচে পচে মরবি... এখনো ভাল চাস্তো বেরিয়ে আয়! আয় বলছি!

কিন্তু প্রভুদয়ালের বাড়ীর দিক থেকে কোন সাড়াশব্দই পাওয়া গেল না! শুধু মাঝে মাঝে কার যেন অস্ফুট কান্না শোনা যাচ্ছিল..

প্রভুদয়ালের শয্যার পাশে বসে পার্শ্বতীর সঙ্গে মুন্সু ফুঁপিয়ে ফুঁপিয়ে কাঁদে।

কে একজন ব'লে ওঠে, পুলিশে খবর দাও...আসুক পুলিশ!

তাদের আশ্বাস দিয়ে লেডী টোডরমল বলেন, পুলিশ ডাকতে হবে কেন? আমার ছেলে কি বুধাই থানাদার হয়েছে? সে ওপরেই আছে...দাঁড়াও, তাকে আমি ডেকে আনছি!

তবু তবু ক'রে তিনি ভেতরে চলে যান।

পার্শ্বতী আর মুন্সুর চাপা কান্নায় প্রভুদয়ালের নিদ্রা ভেঙ্গে যায়।

জিজ্ঞাসা করে, কি ব্যাপার?

বহুকষ্টে অশ্রু রোধ ক'রে মুন্সু বলে, দরজায় পাওনাররা চেঁচামিচি করছে। তারা আপনাকে ডাকছে।

তৎক্ষণাৎ প্রভুদয়াল বিছানা থেকে উঠে দাঁড়ালো। জানালা থেকে মুখ বাড়িয়ে নীচে দেখলো। অরে, উত্তেজনায় তার দেহ কাঁপছিল। মুখ বাড়িয়ে তাদের সঙ্গে কথা বলতে যেই ষাবে, অমনি-তারা নীচে থেকে চেঁচিয়ে উঠলো,

—ঐ যে...ঐ যে হারামজাদা মুখ বাড়িয়েছে!

—পাজী নছার...বেরিয়ে আয়...বেরিয়ে আয়...বের কর আমাদের  
টাকা...

হাত জোড় ক'রে প্রভুদয়াল বলে, আমাকে ক্ষমা করুন আপনার  
...আপনাদের কষ্ট দিলাম...তবে বিশ্বাস করুন, আপনারা আমার কাছ  
থেকে যে ষা পান, আমি পাই-পয়সা তা শোধ ক'রে দেবো...তার জন্তে  
যদি আমাকে জীবন দিতেও হয়, জানবেন, তাতেও আমি বিধা করবো  
না...অনুগ্রহ ক'রে আমাকে এরকম ক'রে গালাগালি দেবেন না।

—এতক্ষণ ধরে যে টেচিয়ে গলা ফাটিয়ে কেলাম আমরা, সাড়া  
দিচ্ছিলে না কেন? ওখান থেকেই বা জবাব দিচ্ছে কেন? নীচে  
এসে সামনাসামনি জবাব দিতে পারো না?

—জরে আমি শযাশযী...আমি গুনতে পাই নি! প্রভুদয়াল হাত  
জোড় ক'রে বলে।

এমন সময় ভিড় ঠেলে কে একজন এগিয়ে এলেন।

—আরে! বাবু দেবদত্ত বে!

বাবু দেবদত্ত ওপরের দিকে চেয়ে বলে উঠলেন, গুনে ছুটতে ছুটতে  
আসছি...পাল্লাবার আগে আমার বাড়ী ভাড়া চুকিয়ে দিয়ে যাও!

—আমি পালাবো না! বিশ্বাস করুন...

—তোমাকে আবার কি বিশ্বাস! আমার ভাড়া এখনি চুকিয়ে দাও!  
হঠাৎ প্রভুদয়াল জানালা থেকে মুখ সরিয়ে নিলো...ভাবলো, স্ত্রীর  
গায়ে সামান্য বা গয়না আছে, তাই দিয়ে বাড়ীওয়ালার 'বাড়াটা চুকিয়ে  
দেবে!

এমন সময় গলির মোড়ে মহাসৌরগোল পড়ে গেল।

সকলে পেছন ফিরে দেখে, লেডী টোডরমলের ধানাদার পুত্র  
এবং পুলিশ ইনস্পেক্টর সাহেব পাহারাওয়ালার সমেত বীর-দর্পে এগিয়ে  
আসছেন।

খানাদার গম্ভীর কণ্ঠে জিজ্ঞাসা ক'রলো, কোথায় প্রভু ?

—এই জানলায় মুখ বাড়িয়ে ছিল...তোমাদের আসতে দেখে উবে গেছে !

লেডী টোডরমল কোমরে হাত দিয়ে সগৌরবে দাঁড়ান ।

খানাদার আদেশ করে, -তেজসিং ! ইয়ার মোহম্মদ ! যাও... বাড়ীর ভেতর থেকে টেনে বের ক'রে নিয়ে এসো ব্যাটাকে !

এমন সময় কারখানার দরজা খুলে গেল । প্রভুদয়াল আর তার পেছনে কারখানার জনকয়েক কুলি ।

একজন পাহারাওয়াল এগিয়ে গিয়ে প্রভুদয়ালের ঘাড় ধরে টেনে আনতে আনতে বলে, নিকালো শূয়ার !

মুন্সু প্রভুদয়ালকে জড়িয়ে ধরে ।

হু'জন পাহারাওয়াল জোর ক'রে টেনে মুন্সুকে ছাড়িয়ে দেয়... পেছন থেকে লাথী মারতে মারতে প্রভুদয়ালকে একেবারে ভিড়ের মধ্যে এনে ফেলে ।

পাণাদাররা উল্লাসে চীৎকার ক'রে শুঠে,

—যার লাথী...জোরে...হারামজাদা...পাহাড়া চাষা...চোর...

একবার আপাদমস্তক চকু দিয়ে প্রভুদয়ালকে মেপে নিয়ে ইনস্পেক্টর সাহেব হুকুম দেন, জলদি খানামে লে যাও ! শয়তান মালুম হোতা !

সাহেবকে সমর্থন ক'রে খানাদার বলে শুঠে, পয়লা নম্বরের শয়তান..

তারপর নিজের জননীর দিকে চেয়ে বলে, ষতক্ষণ আমি না ফিরি তুমি কারখানায় তালা লাগিয়ে রেখে দাও !

পাণাদারদের ওপর হুকুম হলো, আপনারা কাল কতোয়ালীতে আসবেন...সকলে...আপনাদের এজাহার নেওয়া হবে...এখন আপনারা ঘে যার ঘরে ফিরে যান, যা করবার আমরাই করছি !

—জী! জো হুকুম, থানাদার সাব! হাতজোড় ক'রে তারা সকলে  
আংরেজী সরকারের সেই মূর্তি বিগ্রহকে অভিবাদন জানায়...জগতে  
তারা স্মার কোন জীবকে এতখানি ভয় করে না!

ছোট্ট গলি...ছ'পাশের জানলায় কে...দেখা গেল সব মুখ...আশে পাশে  
চারদিকে ফিস্-ফাস্ আওয়াজ...ছ'ধারে জনতা...এতক্ষণ মজা  
দেখছিল...ভাল লাগছিল তাদের দেখতে শক্তির দাপট...তেজসিং  
আর ইয়ার মোহম্মদ, একজন শিখ আর একজন মুসলমান...প্রভু-  
দয়ালকে হাঁটিয়া নিয়ে চলে...তার দুই গণ্ড বেয়ে নীরবে অশ্রুধারা  
গড়িয়ে পড়তে থাকে...মাঝে মাঝে পেছন ফিরে চেয়ে দেখে...অশ্রু-  
জলে ঝাপসা চোখে পড়ে, জানলায় স্নান প্রস্তুত...পার্কী...  
পাথরের কি অশ্রু আছে?

থানাদার গর্জন ক'রে ওঠে, পেছন ফিরে কি দেখছিল শূয়ার!  
সামনে দেখ...কতোয়ালী...

কতোয়ালীর বারাণ্ডায় এক চারপায়ার ওপর ব'সে গৌরবর্ণ এক  
মুসলমান ইনস্পেক্টর গড়গড়ার নলে মূহ্ মূহ্ টান দিচ্ছিলেন।

থানাদার তার সামনে গিয়ে জানালো, আসামীকে যেমন ক'রে  
পার কবুল করাত, পাওখাঁ! ধার ক'রে লোকদের ফাঁকি দিয়েছে...

চারপায়া ছেড়ে ইনস্পেক্টর উপরিওয়ালাকে সম্মান দেখাবার জন্তে  
সোজা হ'য়ে দাঁড়ায়। তারপর ভেতর থেকে একটা বে...নিয়ে আসে।

তেজসিং আর ইয়ার মহম্মদ ছ'দিক থেকে ছ'বনে প্রভুদয়ালকে  
ভাল ক'রে ধরে।

বেত আফালন করতে করতে পাও খাঁ ছংকার দিয়ে বলে ওঠে,  
ভালমানুষের মত বলে ফেলো তো...টাকাকড়ি সব কোথায় লুকিয়ে  
রেখছ? শিগ'গির....



হাত জোড় ক'রে প্রভুদয়াল বলে, হুজুর...টাকা আমার নেই...  
কোথাও লুকিয়েও রাখিনি ! নেই তো লুকিয়ে রাখবো কি ? কিন্তু  
আমার কারখানায় আমার 'মাল-পত্র আছে...আমি বলছি আমার  
পাওনাদারদের পাইপয়সা আমি চুকিয়ে দেবো !

পাণ্ডে খাঁ গর্জন ক'রে ওঠে, খবরদার ! কুন্ডার মত কেঁউ কেঁউ  
ক'রে মিথ্যে বলবি না হারামজাদা !

প্রভুদয়াল আর্স্তনাদ ক'রে উঠলো, আমি সত্যি কথাই বলেছি হুজুর !  
সোজা মুখের ওপর জোরে এক ঘা বেত বসিয়ে দিয়ে পাণ্ডে খাঁ  
ব্যঙ্গ ক'রে উঠলো, বেহেশ্তের ফেরাস্তা আমার....সত্যি ছাড়া মিথ্যে  
জানেন না !

বন্ধ হাত ওপরের দিকে তুলে প্রভুদয়াল চীৎকার ক'রে ওঠে,  
সত্যি...সত্যিই বলেছি আমি !

—তাহলে বলতে চাস্ যে থানাদার সাহেব মিথ্যে বলছেন ? পুলিশ-  
ইনস্পেক্টর সাহেবও মিথ্যে বলছেন ? দেবী করিস্ নি....শিগ'গির  
বল...বল্ শিগ'গির...

কথা বলার সঙ্গে সঙ্গে বেতের আঘাত তাল দিতে থাকে...প্রত্যেক  
আঘাতের সঙ্গে সঙ্গে উত্তেজনা বেড়ে ওঠে....উত্তেজনা বেড়ে ওঠার সঙ্গে  
সঙ্গে আঘাতও তীব্রতর হয়ে ওঠে ।

মুন্নু আর তুলসী সঙ্গে সঙ্গে এসেছিল । তারা দু'জনেই আর  
ধাকতে না পেরে চীৎকার ক'রে বলে উঠলো 'দোহাই হুজুর...আর  
মারবেন না...আর মারবেন না....ওঁর দোষ নেই....দোষ যদি কারুর  
হয়ে থাকে তা গণপৎজীর...

পাণ্ডে খাঁ নিঃখাস নেবার জন্যে হাত থামায় ।

পুলিশ ইনস্পেক্টর সাহেব পাণ্ডে খাঁর গায়ে আঘাত ক'রে দেখিয়ে  
দিয়ে বলে, এই ভাবে জোরে মারো...তবে না কাজ হবে !

তারপর কৌতূহলী জনতার দিকে ফিরে গর্জন ক'রে ওঠে, বাও...

সাহেবের কণ্ঠস্বরের রেশ ধামতে না ধামতে থানাদার হেঁকে ওঠে, এখানে কি চাস্ তোরা ? পালা...পালা এখন থেকে...মেলা বসেছে ? মেলা দেখতে এসেছিস্ বেটীয়া ? পালা বলছি !

বলতে বলতে থানাদার হাতের লাঠী দিয়ে মুন্নু আর তুলসীর ওপর হুঁঘা বসিয়ে দেয় ।

প্রভুদয়াল বলে ওঠে, দোহাই হজুর, মারতে হয় আমাকে মারুন নিরীহ ওরা—ওদের মারছেন কেন ?

পাণ্ডে খাঁ বেত উঁচিয়ে বলে, চূপ কর শূয়োরের বাচ্চা ! নিজের পিঠ আগে সামলা...তোর ওপর দয়া করতে গিয়ে সাহেবের মার খেতে হলো আমাকে—তার শোধ আমি নেবো তবে ছাড়বে...

কথার সঙ্গে সঙ্গে বেত পড়তে থাকে...ক্রমে বেত আর দেখা যায় না...বাতাসে শুধু বেত যাওয়া-আসার একটা ক্রমাগত শব্দ শোনা যায়...

জানহারা প্রভুদয়াল যেন স্বপ্নের ঘোরে চীৎকার করে, ভগবান ! ভগবান ! ভগবান ! তুমি কোথায় ভগবান !

দূরে সরে গিয়ে মুন্নু, তুলসী আর বোঙ্গা শুধু চেয়ে থাকে...একবার প্রভুদয়ালের দিকে...আর একবার নির্মল নিমেঘশূণ্ডের দিকে...অন্তরের অন্তঃস্থলে যেন তাদের কে লৌহশলাকা বিদ্ধ ক'রছে...কিন্তু চোখে তাদের অশ্রু নেই ! যে যন্ত্রণায় বুক ভেঙ্গে পড়ছে, তারা জানে না কেমন ক'রে তাকে সহ্য ক'রে থাকা যায়...কেমন ক'রেই বা তাকে প্রকাশ করা যায়, তাও ভেবে পায় না তারা !

সেই অবস্থায় তারা তিনজনে বাড়ী ফিরে এলো...তাদের চেহারা দেখলে মনে হয়, যেন শ্মশান থেকে এই মাত্র কাউকে দাহ ক'রে ফিরছে :

' উঠোন পেরিয়ে ঘরের ভেতর ঢুকলো...তাদের পায়ে শব্দ ছাড়া

আর কোন শব্দ নেই...সমস্ত চুপ চাপ...ধন্ ধন্ ক'রছে...পার্কতীর চোখের জলে ঘর-দোর সব ভিজে গিয়েছে।

ঘরে ঢুকে মুন্সু দেখে, 'জানালার ধারে, মাটিতে পার্কতী' পড়ে আছে...মনে হচ্ছে যেন তার সব অঙ্গ-প্রত্যঙ্গ তাল পাকিয়ে গিয়েছে... অসাড় কি একটা যেন তাল পাকিয়ে পড়ে আছে। অন্তরের সহজ প্রেরণায় মুন্সু তাড়াতাড়ি তার দিকে ছুটে যেতেই ঘরের মাঝ বরাবর গিয়ে হঠাৎ ধেমে গেল। ছেলেবেলায় মাঠ থেকে কাজ সেরে কিছা খেলা শেষ ক'রে যখন সে বাড়ী ফিরতো, তখন এমনি ধারা ঘাকে দেখলেই মার কাছে আগে ছুটে যেতে তার ইচ্ছা করতো...তেমনি সে আজও ছুটে এসেছিল কিন্তু আজ আর সে শিশু নয়...তার মনের মধ্যে সে সহসা অনুভব করে, কিসের যেন একটা পরিবর্তন ঘটে গিয়েছে... কিসে যেন আজ তার পা-কে আটকে ধরে...সে তেমন ক'রে পার্কতীর বুকে ঝাঁপিয়ে পড়তে পারে না।

তুলসী ডেকে বলে, মুন্সু, বরঞ্চ একটু বাইরে ব'স...একটু বিশ্রাম কর...

পার্কতীর অশ্রু-রুদ্ধ চাপা কান্না মুন্সুকে আহ্বান ক'রে ফেলে... আশেপাশে সে কিছুই যেন দেখতে পায় না...কিছুই শুনতে পায় না।

সমস্ত ঘর নিস্তব্ধ...বেদনা-বিদ্ধ অপরূপ নিস্তব্ধতা...কান্নার জোয়ার ভেঙ্গে পড়বার ঠিক পূর্ব-মূহূর্ত্ত...সেখানে কোন শব্দ করা...এমন কি একটা দীর্ঘশ্বাস ফেলা...একটু নড়াচড়া...মুন্সুর মনে হলো যেন ঘোরতর অন্য় হবে!

সেই সঙ্গে তার চিন্তার গতি পর্যাস্ত যেন ধেমে যায়...ফ্যাল্ ফ্যাল্ ক'রে সে ঘরের চারদিকে চেয়ে থাকে...মাজা বাসনগুলোর ওপর আলো পড়ে ঝিকমিক করছে...মাটির কলসী ছটোর গায়ে ছান্তে ঝাঁকা ফুল-লতা-পাতা...দড়িতে-ঝোলান বিছানার চাদরের গায়ে ছাপানো সব

আমের ছবি...সব যেন তার চোখে এশে বিধতে থাকে...তাকে উজাক  
ক'রে তোলে...

ভেঙ্গে পড়লো জোয়ার চাপা-কান্না... বাধ ভেঙ্গে। পার্কীতী ডাক  
ছেড়ে কেঁদে উঠলো। মুন্সু আর চুপটি ক'রে দাঁড়িয়ে থাকতে  
পারলো না।

পার্কীতীর পাশে ছুটে গিয়ে সে-ও কেঁদে ওঠে, আপনি উঠুন,  
...উঠুন আপনি!

পাশে বসে নতজানু হয়ে পার্কীতীর হাত ধরে সে টানে, উঠুন...  
পায়ে পড়ছি উঠুন!

পার্কীতীর কান্না আরো তীব্র হয়ে ওঠে।

—ওরে, আমি কোথায় যাব...কি ক'রে... কিছুই বুঝে উঠতে পারছি  
না রে!

আপ্তে আপ্তে মাথা তুলে মুন্সুর কাঁধের ওপর রাখে।

মুন্সুর মনে হয় পার্কীতীর সেই তপ্ত দীর্ঘশ্বাস, তার অশ্রু-ধোত গওর  
সেই সজল সুকোমলতা যেন তার চামড়া ফুঁড়ে ভেতরে গিয়ে লাগছে!  
সে আড়ষ্ট হয়ে ওঠে।

কান্না-ভাঙ্গা হুঁটি ঠোঁটের মুহূর্ণ কম্পন ভুলে-যাওয়া কোন অস্পষ্ট  
স্মৃতিকে সহসা জাগিয়ে তোলে...একদা কবে বিশ্বস্ত-শৈশবের ঘুমে-ভরা  
রাত্রিতে এমনি ধারা মেহে ভরা হুঁটি ঠোঁটের মুহূর্ণ... যখন তার মায়ের  
স্মৃতির সঙ্গে মনের অবচেতনার অন্ধকারে ছিঁ, নিক্ষিপ্ত হয়ে...আজ  
সহসা সেই অবচেতনার অন্ধকার তল থেকে তা' যেন ভেসে উঠলো সব  
চেতনার ওপরে।

মুন্সু আকুল আবেগে জড়িয়ে ধরে পার্কীতীকে...স্পষ্ট অমুভব করে  
কান্নায় কাঁপছে তার সারা দেহ...ছুঁড়ে ফেলে দেয় আত্ম-চেতনার  
নিগ্রহের বোঝা...হাঁফ ছেড়ে বাঁচে। সেই উত্তপ্ত স্পর্শের অন্তরঙ্গতার

মধ্যে কয়েক মুহূর্তের মত সে যেন বিলুপ্ত হয়ে যায় সম্পূর্ণ ভাবে। চারদিকে তার অন্ধকার... যখন অন্ধকার... সে-অন্ধকার-সমুদ্রে যেন সহসা সে যায় তলিয়ে। এক ছরস্তু আবেগ বিপুল বেদনায় তার স্নেহে তোলে চেউ... চোখ ফেটে সে চেউ তপ্ত অশ্রুতে পড়ে গড়িয়ে। অভূতপূর্ব বেদনার স্তম্ভী পীড়নে ভেঙ্গে গুঁড়িয়ে যায় দেহ মন।

চাঁৎকার ক'রে কেঁদে সে বলে ওঠে, কেঁদো না, তোমার পায়ে পড়ি, কেঁদো না মা!

কাঁদতে কাঁদতে পার্কীতী বলে, তুই কাঁদিস্ না, বাছা... কাঁদতে কেনই ওরে...

বাইরে তখন সন্ধ্যার অন্ধকার ঘনিয়ে আসছে। হঠাৎ সিঁড়ির দিক থেকে যেন কার পায়ের শব্দ এলো... কে যেন আস্তে আস্তে সিঁড়ি দিয়ে উঠছে... ক্লান্ত পদে...

কান্নার মধ্যে দিয়ে সে-শব্দ শুনতে পায় না পার্কীতী আর মুন্সু।

হঠাৎ বাইরে থেকে তুলসী চাঁৎকার ক'রে উঠলো, মুন্সু... মুন্সু... কত্না ফিরে এসেছে... ওরে কত্না ফিরে এসেছে!

টলতে টলতে প্রভুদয়াল ঘরে ঢুকেই একটা খাটের ওপর লুটিয়ে পড়ে।

—একি! তোমরা ছ'জনে করছো কি? কাঁদছো? কেন আমি কি মরে গিয়েছি?

মান... পাংগ... মুখ। সারা দেহ ঠক ঠক করে কঁপছে।

মুন্সু ছুটে এসে পায়ে লুটিয়ে পড়ে, তা'হলে তোমাকে ছেড়ে দিয়েছে ওরা?

মুন্সুর দিকে চেয়ে নিরীক পার্কীতীকে শুনিয়ে প্রভুদয়াল বলে, হাঁ... ছেড়ে দেবে না তো কি? মিছি মিছি... উঃ... কোন্ ওয়ারেন্ট নেই... কোন প্রমাণ নেই!... দেউলে আমি... কিন্তু কারুর এক পাই-

পয়সা আমি মারবো না...উঃ...অকারণে পুলিশের লোকেরা আমাকে মারলো...আমার হাড় যেন ভেঙ্গে গুড়িয়ে গেলো...গো...একটা লেপ, ...কীর্থা...যা হোক কিছু দাও...ভয়ানক শীত হচ্ছে...উঃ....

প্রভুদয়াল কাঁপতে কাঁপতে খাটিয়াতে লুটি পড়ে...বিকারের ঝোঁকে অস্পষ্ট কি সব বকতে থাকে...

অবশেষে অটচত্ত্ব হয়ে পড়ে...ছেঁড়া জামার ভেতর দিয়ে কাল-শিরার দাগগুলো ফুলে উঠেছে...চাপ চাপ রক্ত শুকিয়ে গায়ের সঙ্গে লেগে রয়েছে...

ডাক্তার আনবার জ্ঞত তুলসী, মহারাজ আর বোদ্রাকে সঙ্গে নিয়ে ছুটে বেরিয়ে পড়ে।

পার্কভী সজোরে কান্না রোধ ক'রে লেপ দিয়ে সর্কাস ঢেকে দেয়... তারপর...স্বামীকে জড়িয়ে ধ'রে বিছানার পাশেই লুটিয়ে পড়ে।

গভীর রাত্তিতে তুলসী আর মুন্নু নীরবে বাড়ী থেকে বেরিয়ে পড়ে। এতদিন ষার অন্ন খেয়ে এসেছে, আজ যদি তার ছাঁদিনে, তাকে তারা একটুও সাহায্য করতে পারে!

পথ চলতে চলতে তুলসী বলে, যেমন ক'রেই হোক, কিছু রোজগার করতে হবে কত্তার জন্তে....

মুন্নু বলে, আমিও তাই ভাবছি...কিন্তু কি করা পারি?

—মোট বইবো! ভোর না হতেই গমের বাজারে মুটের দরকার হয়। মোট পেতে হলে, রাত্তির বেলা বাজারের কাছেই কোথাও বাইরে শুয়ে থাকতে হবে....

তাদের' পাড়ার গলি ছাড়িয়ে, পাপাজম্ বাজার পেরিয়ে, তারা চলে গমের বাজারের দিকে। কান্নার মুখে আর কোন কথা নেই।

অন্ধকার রাত্রি। আকাশে নাম-মাত্র টাঁক আছে। তেমনি গরম। কোথাও এতটুকু বাতাস নেই। সারাদিনের উত্তেজনার আর পরিশ্রমে দেহ আর চলে না। পথ চলতে বেন ভেঙ্গে পড়ে। একমাত্র চিন্তা, কোন রকমে কোথাও যদি দেহটাকে এলিয়ে দেওয়া যায়... বিশ্রাম... শান্তি।

গমের বাজারে পৌঁছে দেখে, শোবার জায়গা বলতে কোথাও কিছু নেই। চারদিকে গমের সব আড়ৎ, মাঝখানে খানিকটা খোলা জায়গা। সেখানে তাদের আগে থাকতেই মাহুঘে আর জঙ্কতে মিলে জায়গাটা দখল ক'রে নিয়ে আছে। গরুর গাড়ী, বিচুলি, শুকনো বাস... সারাদিনের আবর্জনা... তারই মধ্যে সারাদিনের খাটুনির পর, যে যেখানে পেরেছে মাটিতে শুয়ে পড়েছে... গরু, মোষ, মাহুঘ... সব এক সঙ্গে। বন্ধ-হাওয়ায় পচা খোলা ড্রেনের দুর্গন্ধের সঙ্গে, গোবর, চোণা, গম-পচানি, কুলিদের গায়ের ঘেঁষা গন্ধ, আর তার সঙ্গে গন্ধ-মোষের গায়ের বোটকা গন্ধ মিশে এমন এক অপরূপ সুবাসের সৃষ্টি করেছে যে মুন্নুর দম আটকে আসতে লাগলো।

তবুও কোথাও এতটুকু স্থান পড়ে নেই।

হঠাৎ মুন্নুর মনে হলো, সারা গায়ে একসঙ্গে কে বেন হাজারটা পিন্ ফুটিয়ে দিল। ছ'হাত তুলে সে চীৎকার ক'রে উঠতে গিয়ে দেখে, তুলসীর ও সেই অবস্থা!

—ওঃ, বাবারে! কি মশা! শালা...

অন্ধকারে কে একজন কুলি বলে উঠলো, শালা বলে কোন্ শালারে?

তুলসী আর মুন্নু দেখে, তাদের পায়ের কাছেই একজন কুলি শুয়ে আছে। তাড়াতাড়ি তুলসী বুঝিয়ে বলে, আরে ভাই, তোমাকে বলবো কেন? এই মশাকে, বলছিলাম... উঃ কি মশা!

এমন সময় পেছন থেকে আর একজন জিজ্ঞাসা করে উঠলো,  
কে হে ?

তুলসীর গায়ে একটা ফরসা জামা ছিল, তাই মুন্সুর ভয় হলো,  
সে যদি কুলি বলে পরিচয় দেয়, হয়ত তারা বিশ্বাস ক'রবে না। তাই  
নিজের খালি গায়ের দিকে চেয়ে খানিকটা আশস্ত ভাবেই মুন্সু বলে  
উঠলো, আমরা কুলি !

—এখানে আর কারুর জায়গা হবে না...ভাগো...

এবার যে লোকটা কথা বলে উঠলো, মুন্সু চেয়ে দেখে, তার সর্স্বাক্ষ  
অঙ্ককারে চিত্ৰমিত্ব করছে। মশার হাত থেকে আশ্রয়ক্ষা করবার  
জন্ত লোকটা সারা গায়ে তেল মেখে শুয়ে আছে।

সত্যিই সেখানে কোথায় জায়গা ! কোন রকমে লোকের গা  
বাঁচিয়ে, সেই জ্যাস্ত গোলক-ধাঁধার মধ্যে দিয়ে তারা এগিয়ে চলে।

—কৌন্ রে ?

হঠাৎ অঙ্ককার চিরে একটা গস্তীর আঙয়াজ আসে। একধারে  
এক খাটিয়ার ওপর চৌকিদার সাহেব লাঠী পাশে নিয়ে ঘুমিয়ে  
পাহারা দিচ্ছিলেন।

মুন্সু আর তুলসী ধমকে দাঁড়ায়।

চৌকিদার হাঁকে, চোর নাকি রে ?

—না, আমরা কুলি ! মুন্সু জবাব দেয়।

—আরে, এখান থেকে সরে পড়...এক্ষুণি সরে প...এ দোকানের  
সামনে কেউ শুতে পারবে না...লালা ভোতারাম দোকানের আশে-  
পাশে কাউকে থাকতে দেয় না...দোকানে তহবিল থাকে কিনা !

—জো হকুম মহারাজ !

চৌকিদার সাহেবকে অভিবাদন জানিয়ে তুলসী, মুন্সুর হাত ধরে  
উত্তরমুখে খানিকটা খোলা জায়গা দেখতে পেয়ে এগিয়ে যায়। কাছে



যেতেই মনে হ'লো অন্ধকারে মাটিতে, কারা বেন নড়ে উঠলো। কত লোক যে পাশাপাশি গড়াগড়ি দিচ্ছে...তার কোন আন্দাজই তারা করতে পারে না। তবে ঘুমোবার প্রাণান্ত চেষ্টায় তারা কেউই হুমোতে পারছে না। এ-পাশ, আর ও-পাশ ফিরছে...কাশছে...ধুতু ফেলছে... আর সেই অনড় অচল হৃদয় গরমকে অভিষেপ দিয়ে যে যার ইষ্টদেবতার নাম স্মরণ করছে...রাম-রাম...হরি-হরি...মহাদেও...

ঠাকুর-দেবতার নাম শোনবার মত মনের অবস্থা তখন মুন্সুর ছিল না। বিশেষ ক'রে, আজ একটু আগেই প্রভুদয়ালের হৃদয় দেখে তার মনে ঘোরতর সন্দেহ এসে গিয়েছিল, সত্যি সত্যি ভগবান বলে মাথায় ওপরে কেউ আছে কিনা...আর থাকলেও, লোকে কেন তাকে দয়াময় বলে!

তুলসীকে সেখান থেকে হাত ধরে টেনে নিয়ে কিছুদূর অগ্রসর হতে না হতে মুন্সুর দেখলো এক জায়গায় রাশীকৃত ভক্তি বস্তা থাকের পর থাক উচু হয়ে পড়ে আছে। তার ওপর একটা মন্তবড় তেরপলিন ঢাকা দেওয়া হয়েছে। হঠাৎ মুন্সুর মাথায় একটা মন্তলব এসে গেল... এর ওপর তো দিব্য স্তম্ভে থাকতে পারা যায়! বনবিড়ালের মত সে বস্তায় ওপর পা রেখে রেখে ওপরে গিয়ে উঠলো এবং হাত বাড়িয়ে তুলসীকেও তুলে নিল। একবার চারদিকে চেয়ে দেখলো, না, চৌকীদার দেখতে পায়নি।

সেইখানেই শ্রান্ত দেহ কোন রকমে হেঁকি এলিয়ে দিল।

রাত্রির স্তম্ভোট কেটে কখন ধীরে ধীরে উঠেছে উষ্ণর মৃদু-মন্দ বাতাস....

ঘুমের মধ্যে তা লক্ষ্য না করলেও, সেই ঠাণ্ডা হাওয়ায় ঘুম নিবিড় হয়ে ওঠে... মুন্সু আরামে গমে-ভক্তি বস্তাকেই জড়িয়ে ধরে, যেন বস্তা নয়, মিত্রা-তপ্ত নারীর কোল। বাইরে তখন পাশের তাঁতি-পাড়ায় মোরগেরা নিত্য-কর্ম-পদ্ধতি অমুঘায়ী প্রভাতী বন্দনার ডাক তুলছে, দোকানের চালে, গাছের ডালে চড়ুই পাখীরা স্রু করছে কিচিরমিচির, প্রভাতের এই প্রাথমিক ঐক্যতান-বাসরে কাকেরাও হয়েছে জমায়েৎ। অভ্যাসবশে কুলিরা সেই শব্দে ঘে-বার মাটির বিছানা ছেড়ে উঠে পড়েছে... সেই সঙ্গে পাড়ার খোঁড়া কুকুরটা, গরুর গাড়ীর গরুগুলো এবং স্থানীয় ভক্তিমান সব হিন্দু আড়ংদাররাও জেগে ঘে-বার কাজ স্রু করে দিয়েছে। জাগতে পারেনি শুধু তুলসী আর মূর্।

কিন্তু কিছুক্ষণ পরেই সূঁচের মত সকালের তাজা রোদ তাদের দেহে এসে বিধেই, মুন্সু ধড়মড় করে উঠে বসলো... গলা শুকিয়ে কাঠ... ঠাণ্ডায় চোখ গিয়েছে জুড়ে... সারা অঙ্গ ব্যথায় ভারী। কোন রকমে হাত দিয়ে সে তুলসীকে ঠেলে তোলে।

চোখ রগড়াতে রগড়াতে তুলসী উঠে বসে।

মুন্সু চারদিকে চেয়ে দেখে, ভাবে, এখন কি ক'রে স্রু করা যায় কাজ।

আড়তে তখন দিনের কাজ আরম্ভ হয়ে গিয়েছে। বিস্মিত হয়ে মুন্সু দেখে, এমন বিচিত্র মানুষের সংমিশ্রণ সে এর আগে আর কখনও দেখে নি। হিন্দু কুলি সে অনেক দেখেছে কিন্তু হিন্দু, মূলমান, শিখ, বিভিন্ন জাতের এবং বিভিন্ন ধর্মের এত লোক, এত কাছাকাছি এমনি ভাবে সব এক সঙ্গে উঠছে, বসছে, খাচ্ছে, শুচ্ছে সে ধারণাই করতে পারে না। সকলের চেয়ে তার আশ্চর্য লাগলো, কৈ কেউ তো জাতি গেল বলে কোন প্রতিবাদ করছে না! প্রতিবাদ যে করছে না, তাতে মুন্সু মনে মনে খুশীই হয়। এই খুশী হবার পেছনে, একটা ব্যক্তিগত

কারণ লুকিয়ে ছিল। রোজ বাজারের পথ দিয়ে যেতে সে দেখতো, মুসলমান সরাইওয়ালার দোকানে গোস-রুটি...দেখে দেখে তার জিভে জল আসতো! সেই ফুলো ফুলো মোটা মোটা রুটিগুলো যেন স্তাকে ডাকতো। একদিন সে লুকিয়ে একটা দোকানে ঢুকে পড়ে এবং আকাঙ্ক্ষাকে পরিতৃপ্ত ক'রে যখন বেরিয়ে আসে, তখন সে নিজের মনে আশ্চর্য বিচার ক'রে দেখেছিল...বিশেষ কোন একটা বিপর্যয় কাণ্ড ঘটে গেল বলে তার মনে কোন বৈলক্ষণ দেখা গেল না...শুধু একটা নতুন অভিজ্ঞতা তার হলো, মাংসটা হিন্দুদের চেয়ে মুসলমানেরাই স্বাধে ভাল। তাই আজ যখন সে চোখের সামনে দেখলে, একজন রাজপুত্র হিন্দু-কুলি বিনা বিধায় একজন দাড়িওয়ালা মুসলমান কুলির মুখের হকোটেনে নিয়ে আরামে ধোয়া বার করছে, তার স্পষ্টই মনে হলো, জাত গেল বলে এদের মনে তো কোন হুশিষ্ঠাই নেই!

হঠাৎ সে চিন্তা-স্রোত ব্যাহত হয়। নিজের ভাবনাটাই বড় হয়ে ওঠে...কি ক'রে কাজ আদায় করা যায়?

তুলসীকে ঠেলে সে বলে ওঠে, আরে, চল, চল, তুলসী! ঐ দেখ... ঐ দোকানটা খুলছে...দলে দলে কুলি ছুটছে...আমরাও যাই...

সেখান থেকে লাফিয়ে পড়ে তারা সেই দোকানের দিকে ছুটে চলে।

দোকানের সামনে এসে দেখে, এমন ভিড় লেগে গিয়েছে যে দরজার কাছে পৌঁছবার কোন উপায়ই নেই। সবাই পাগলের মত চেষ্টা করছে আগে গিয়ে ঢুকবে বলে। ঢোকবার জন্তে পেছন থেকে মুন্নু নানা রকম কসরৎ করে কিন্তু বলিষ্ঠতার কুলিদের ধাক্কাধ সে বারবার ছিটকে বাইরে গিয়েই পড়ে। হঠাৎ তার মাথায় এক ফন্দী এলো। পায়ের তলা দিয়ে যদি গলে যাওয়া যায়! কিন্তু দু'একপা এড়িয়ে যাওয়ার পরেই সে বুঝলো, আর চেষ্টা করলে তাকে কুলিদের পায়ের

তলাতেই থেকে যেতে হবে। অগত্যা তাকে ফিরে আবার পেছনেই আসতে হলো। দরজার সামনে ভখন কুলিরা চীৎকার শুরু ক'বে দিয়েছে।

দরজার ওপারে লাঠী হাতে অড়ুদার গালাগাল দিয়ে উঠছে, পিছু হট্ট বাও...হট্ট বাও শূয়ার কি বাচ্চা...

কে একজন চীৎকার ক'রে আবেদন জানায়, লালাজী...আমি স্বপ্ন...কাল আমিই হজুরের মোট বেয়েছিলাম...ও লালাজী...

লালাজী তাদের সকলকে একসঙ্গে উত্তর দেয়, হট্ট বাও...হট্ট বাও হারামজাদা !

—আরে লালাজী...ওরা কি মোট নেবে...আমি একা হু'মণ একবারে নেবো—ও লালাজী...

—এমনি হেঁড়াহড়ি করলে কোন শালাই পাবে না...হট্টো...হট্টো বদমাস...

—লালা—আরে লালা...এক আনায় এক মোট...যেখানে যেতে বলবি যাবো...আরে লালা...

—ফের...চিল্লাও মত...হট্টো...হট্টো শূয়ার কি বাচ্চা !

—লালাজী...আরে লালাজী...

পেছন থেকে মুন্নু দাঁড়িয়ে দাঁড়িয়ে শোণে...

কয়েক সেকেন্ড পরে, সেই সঙ্গে কাণে আসে খালি গিঠে...সুকণো হাড়ে লাঠীর আওয়াজ।

এমন সময় কে একজন বলে ওঠে, আরে, লালা ঠাকুরদাসের আড়ৎ খুলছে...

কথা শেষ হতে না হতে সেই দঙ্গল উল্টে ঠাকুরদাসের দোকানের দিকে ছুটতে আরম্ভ করে।

তুলসী বলে, চল...আমরাও যাই !

মুন্নু বলে, চূপ...ওরা থাক না...ভিড় কমে যাবে...তখন আমরা  
এখনেই কাজ পাবো।

মুন্নুর কথাই ঠিক হয়। ভিড় কমে আসে—মাত্র জনা শাতেক  
কুলি থাকে।

লাঠীটা একপাশে রেখে দিয়ে, কপালের ঘাম মুছতে মুছতে আড়ৎ-  
দার বলে ওঠে, ব্যাটারদের জালায় সকাল বেলা গায়ে ঘাম বেরিয়ে  
গেল...আয়...ঐ রহমতের মোষের গাড়ীতে মোট তোলা...ষ্টেশনে  
যাবে...

আড়তের ভেতরে গিয়ে স্তূপীকৃত বস্তার সামনে দাঁড়িয়ে মুন্নু দেখে  
প্রত্যেক বস্তার গায়ে লেখা, র্যালি ব্রাদার্স এক্সপোর্টার...করাচী...  
প্রেসক—গোকুলচাঁদ মেহেরলাল।

মুন্নু মনে মনে বৃথাই চেষ্টা করে কথাগুলির সম্পূর্ণ অর্থ হৃদয়ঙ্গম  
করতে...ভারতবর্ষ থেকে কোন অর্থনীতির নিগূঢ় নির্দেশে ইংলণ্ডে চালান  
যায় গম...তা বোঝবার মত বিজ্ঞা-বুদ্ধি তার ছিল না। শুধু “র্যালি”  
কথাটা সে বার বার নিজের মনে আওড়াতে থাকে...কথাটার যেন  
একটা নিজস্ব সুর আছে...বলতে ভাল লাগে...

একে একে কুলিরা বস্তায় কাঁধ লাগায়। তুলসীও। মুন্নু দাঁড়িয়ে  
দেখে, কি ক’রে মোট তুলতে হয়। দেখে, বস্তা তোলার সঙ্গে সঙ্গে  
তাদের দেহ যেন কেমন বিচিত্র ভাবে ভেঙ্গে গেল...কারুর দেহ কেঁপে  
উঠলো...তবু কাঁপতে কাঁপতে তারা কেমন এগির চলে...

মুন্নু তাদের দেখাদেখি প্রথমে থুঁ দিয়ে হাতের তেলোটা ভিজিয়ে নিল  
...তারপর ঠিক তাদের মতন, জোরে একটা দম নিয়ে নীচু হয়ে বস্তার  
কাছে কাঁধ নিয়ে গেলো কিন্তু তুলতে গিয়ে দেখে, যেখানকার বস্তা  
সেইখানেই থেকে যাচ্ছে। কিছুতেই তার কাঁধে আর উঠছে না।  
অনেকক্ষণ চেষ্টার পর মুন্নুর মনে হলো, বোধ হয় কুলিরা একটা কিছু

গোপন কার্যদা জানে, মেটা সে ঠিক লক্ষ্য করেনি, যার জন্তে সে কিছুতেই তুলতে পারছে না। নিজেই সে চেষ্টা করে, চেষ্টা করতে করতে যদি সে কার্যদাটা বেরিয়ে পড়ে। ঘামে তার সারা দেহ ভিজে উঠলো কিন্তু কিছুতেই সে কার্যদার খোঁজ সে পেলো না। বস্তাও তুলতে পারলো না।

একদফা তুলে দিয়ে কুলিরা তখন দোসরা দফার জন্ত এসেছে। মুন্নু তখনও প্রাপ্যস্ত চেষ্টা করছে।

তার ছরবস্থা দেখে একজন কুলি বলে উঠলো,

—আরে...একি তোঃ কাজ? মারা পড়বি...তার চেয়ে তরিকারির বাজারে যা...সেখানে হাক্কি মোট পাবি...বুঝলি?

মুন্নুকে রোজগার করতেই হবে...তার মনিব আর মনিবানীর আজ বড় অভাব।

তুলসীকে ডেকে বলে, এই, তুই আমার পিঠে বস্তাটা তুলে দেতো একটু!

তুলসী তাই দেয়।

মোট নিয়ে মুন্নু কাঁপতে কাঁপতে সোজা হয়ে দাঁড়াতে চেষ্টা করে। মনে হয়, ওপর থেকে কে যেন দেহটাকে মাটির দিকে টানছে। শরীরের সমস্ত শক্তি জড় ক'রে সে পা বাড়ায়...এক পা...দু পা...তিন পা। তারপর বোঝার ভারে সে আপনা থেকে খানিকটা এগিয়ে যায়। দরজার কাছে এসে বাধা পড়ে। দরজাটা ডিঙিয়ে যেতে হবে। ডিঙোতে গিয়ে পায় পা জড়িয়ে যায়। মোট শুক মুন্নু মাটিতে ছিটকে গিয়ে পড়ে।

সঙ্গে সঙ্গে দোকানের ভেতর থেকে আড়ংদার ফেপে ছুটে আসে, মুন্নুর মা এবং বোনের সঙ্গে সকল রকম সম্পর্ক স্থাপন ক'রে সে চাঁৎকার ক'রে ওঠে, ব্যাটার ছেলে, মার পেট থেকে বেরিয়ে এসেই মোট বইতে

এসেছ! কে তোকে বস্তার হাত দিতে দিলে রে হারামজাদা!  
বেয়ো... বেয়ো এখুনি...নইলে খুন ক'রে ফেলবো....

কোথায় লাগলো তা' দেখবার কোন চেষ্টাই না ক'রে, কোনও রকমে  
উঠে দাঁড়িয়ে মুন্সু ছুটতে আরম্ভ করে...বার দোকানের সামনে দিয়ে  
যায়, সে-ই হৈ হৈ ক'রে গালাগাল দিয়ে ওঠে। মুন্সু প্রাণভয়ে  
ছুটতে আরম্ভ করে।

কিছু দূর চলে আসবার পর পেছন ফিরে দেখে সে দাঁড়িয়ে পড়ে।  
দর দর ধারায় তখন সারা দেহ থেকে ঘাম ঝরে পড়ছে। সে স্পষ্ট  
অনুভব করে সারা দেহ দিয়ে যেন আগুণ বেরুচ্ছে। একটা বাড়ীর  
ছায়ায় সে বসে পড়ে।

মনে ভাবে, তুলসীর বরাৎ ভাল...সে মোট বইছে....চার আনা  
নিশ্চয়ই সে রোজগার ক'রে বাড়ী নিয়ে যাবে....আর আমি কিছুই নিয়ে  
যেতে পারবো না ?

নিজের দুর্বলতায় নিজের ওপর ভয়ানক রাগ হয়। কবে  
বড় হবো....দরকার হলে এমনি মোট অনায়াসে বইতে পারবো ?

হঠাৎ তার মনে হলো, রাস্তা দিয়ে যারা যাচ্ছে, তারা সবাই যেন তার  
দিকে চেয়ে চেয়ে দেখছে। লক্ষ্য ক'রে দেখে বুঝলো, এটা বাজার  
যাবারই পথ। সকাল বেলা লোকে বাজারে চলেছে। মনে পড়লো  
সেই কুলির কথা—বাজারে হাক্কা মোট বইগে বা....

মুন্সু ঠিক করলো, বাজারেই সে যাবে....যশা না নিয়ে সে বাড়ী  
ফিরবে না।

বাজার চুকে সে চারদিকে চেয়ে দেখে। ফলের দোকানের সামনে  
দিয়ে যেতে যেতে দেখে, ঝুড়ি ঝুড়ি সব পাকা আম। পাকা আমের  
মিষ্টি গন্ধ নাকে এসে লাগে। গাছ পাকা....তাজা....স্টোনালী হলদে  
রঙ....মুন্সুর শুকনো জিভ সজল হয়ে আশে....

—আরে...এই....., ছুটো পয়সা পাৰি...এই মোটটা নিয়ে যেতে পারবি ?

মুন্সু ফিরে দেখে এক কলওয়ালা একটা ঝুড়ি নিয়ে তাকে ডাকছে। কিন্তু তার সাড়া দেবার আগেই কোথা থেকে আর পাঁচ জন মুটে ছুটে গিয়ে দোকানের ওপর ঝাঁপিয়ে পড়লো।

—আমি বাবো...হজুর...

—আমি বাবো...রাজা...

মুন্সু সোজা গিয়ে ঝুড়িটাকে ঝাঁকড়ে ধরে। ফলওয়ালার হাত থেকে টেনে নিয়ে মাথায় তুলে নেয়। এতে আর কোন হাঙ্গামা নেই... দ্বিবা হাঙ্গা। কিন্তু মাত্র ছুটো পয়সা!

মুন্সু ফলওয়ালাকে অল্পসরণ ক'রে চলে। পথ চলতে চলতে তার মনে পড়ে, স্কুলে একটা প্রবাদবাক্য সে পড়েছিল, হায় ভগবান! তোমার রাজ্যে এক মুঠো অল্প...সে এমনি দুর্ঘর্ষ্য...আর মানুষের প্রাণ, সে এতই সস্তা!

প্রতিদিন প্রভাতে মুন্সু ঘুম থেকে উঠেই বাজারে চলে আসে, তুলসী ষায় গমের আড়তে। দিনের শেষে তাদের ছ'জনের রোজ্জগার মিলিয়ে কোনদিন আট-আনার বেশী হয় না। তুলসীর ছ'আনা...মুন্সুর ছ'আনা। তাই রোজ্জগার করতে চলে ষায় তাদের সব মেহনৎ... তাতেও হয় না, যদি না থাকে আবার ভাগ্য!

ছোট্ট বাজার...নির্দিষ্ট দোকান। সে অল্পপাতে মুটের সংখ্যা প্রচুর এবং সে সংখ্যা নিত্যই চলেছে বেড়ে। মোট না পেনে না খেয়ে থাকতে হবে সারাদিন সারারাত...তাই মোটের দিকে তারা যখন হাত বাড়ায়,



পেটে তখন তাদের জলতে থাকে আশুপ...সে আশুপের আড়নার ফুলে যায় তারা অপরের কথা...একজনকে ঠেলে কেলে দিয়ে আর একজন এগিয়ে যেতে চায়...পাগলের মত। মোট নয়...অন্ন...লাঠীকে পিঠে কাল-শিরা পড়ে...মুন্নু নিজেকে দেখেছে, একদিন আড়ৎদারের লাঠীর আঘাতে একজনের একটা দাঁতই গেল ভেঙ্গে। শুধু এক আনা পয়সা... তাও যদি না জোটে...তারা প্রতিবাদ করে না...নিঃশব্দে মেনে নেয় সে-পয়সাজয়...ভাগ্যে নেই, তাই জুটলো না। তাদের ভাগ্য থাকে আড়ৎদারদের খেয়ালের ওপর। যারা বলিষ্ঠ, সমর্থ, তাহাই যে মোট পাবে এমন কিছু স্থিরতাও নেই। যে কোন লালাজী বা তাঁর বালক-পুত্র, যাকে খুসী তাকে দিতে পারে...বা না দিতে পারে...এক আনার এক মোট না দিয়েও অবস্থা বুঝে ছ'পয়সাতেই এক মোট বঘাতে পারে।

মুন্নু ক্রমশ দেখলো বাজারে এত বেশী মুটে যে মোট পাওয়ারও কোন নিশ্চয়তা নেই। সেইজন্তে সে মাথা থেকে একটা নতুন বুদ্ধি বার করলো। বাজারে না ঢুকে, বাজারে আসবার আগে-পাশের ছোট গলিতে সে ঘুরে বেড়াতে লাগলো। যখন কোন ভদ্র-মহিলাকে দেখে মনে হতো যে বাজার করতে যাচ্ছেন, অমনি তাঁর সামনে বোকা-হাবার মতন মুখ ক'রে গিয়ে দাঁড়াত', ষতছর সম্ভব মিষ্টি ক'রে ছোট গলায় বলতো, বাজার করতে যাচ্ছেন বুঝি মা?

তার পর হাত জোড় ক'রে বলতো, আপনার বাজার আমি বসে দেবো, কেমন?

উপযাচক বুঝে কোন কোন মহিলা বলে বসতেন, এক পয়সায় যদি নিয়ে যাস্তো দিতে পারি!

—দোহাই গো মা...ছটো পয়সা...ছটো পয়সা মাগো!

মোট আদায় করবার জন্তে সে ইচ্ছে ক'রেই মা ডাকটা ভাল ক'রে

আয়ত্ত ক'রেছিল এবং বলবার সময় রীতিমত চেষ্টা ক'রে বারবার সেই একটা কথা উপরেই জোর দিত। অনেক সময় তাতে কাজ হতো!

নিছোড়বান্দা দেখে কেউ কেউ বলে উঠতেন, মর ছোঁড়া... আয়!

তখন মহিলাটির হাত থেকে বাজারের থলে বা ঝুড়ি সে তখনি হাতিয়ে নিত...সেটা সামনে বাড়িয়ে রেখে সে অল্প কুলিদের সগর্বে জানিয়ে দিত যে, আজ অস্বস্ত এ-ক্ষেত্রে মোট বইবার তার অধিকার সুপ্রতিষ্ঠিত হয়ে গিয়েছে।

ক্রমশ এ কায়দাটা অল্প মুটেদের নজরে পড়লো। কয়েকদিন পরেই মুন্নু দেখে, আশেপাশের গলিতে মুটেরা তার মতন মা-মা ক'রে বেড়াচ্ছে।

অল্প উপায় কিছু বার করতে হয়। তীব্র প্রতিযোগিতা।

একদিন হঠাৎ সুযোগ বুঝে সে মুটে-মহলে প্রচার ক'রে দিল, কাল বাজার বন্ধ থাকবে।

পরের দিন ভোর না হতেই বাজারে গিয়ে দেখে যে তার ফন্দী ফলেছে। মুটেরা বিশেষ কেউ আসেনি। কিন্তু দু'একবার এ রকম করতেই সে ধরা পড়ে গেল। মুটেরা বাজারে না এলেও বাজারের আশেপাশেই তারা থাকতো, ঘুরতো, ফিরতো, আড্ডা দিত। বেলা হতেই তারা জানতে পারতো বাজার রীতিমত বসেছে। এ শুধু সেই ছোঁড়াটার বদমায়েসী। এইভাবে বাজারের মুটে-মহল বদমায়েস ফন্দীবাজ বলে মুন্নু'র নাম রটে গেল।

বাধ্য হয়ে তখন মুন্নুকে রীতিমত মাথা ঘামাতে হয়। একটা জিনিস সে লক্ষ্য করেছিল। যখন কোন সুন্দরী স্বাস্থ্যবতী মহিলা বা কোন তরুণী বাজার ক'রতে আসতো মুটেরা তার পিছু পিছু সকলে ছুটতো,—মোট পাবার সম্ভাবনা না থাকলেও, শুধু তার দিকে চেয়ে থাকবার সৌভাগ্য তো জুটতো! মুন্নু ঠিক করলো, সব চেয়ে কুৎসিত

যে সব বুড়ী আসবে, তাদের শরণাপন্ন সে হবে। সেখানে প্রতি-  
যোগিতা কম। তবে কিছু দিন পরেই বুঝতে পারলো, তাতে অহুবিধা  
অনেক। সাধারণত এই ধরণের বুড়ীরা আধ-ঘণ্টা ধরে দর কষাকষি  
করবে...তারপর আধ-পয়সায় যদি হয় একটা পয়সা দেবে না...  
সারা দিন ধরে এ-দোকান সে-দোকান ঘুরবে...যে-দোকানে বাবে,  
সেখানেই পয়সা গুণতে আরো আধ-ঘণ্টা লাগিয়ে দেবে...তারপর ঠুকু  
ঠুকু ক'রে হয়ত ছ'মাইল পথ হাঁটিয়ে নিয়ে গিয়ে ছেড়ে যখন দেবে  
তখন আর বাজারে এসে অল্প মোট বইবার সময় থাকে না।

এই ভাবে সারাদিনের পর তুলসী আর সে বে-আনা-আঠেঁক পয়সা  
রোজগার ক'রে নিয়ে আসতো, তাতে সকলের কোন রকমে হুন-ভাত  
আর শাক-চচ্চড়ী জুটতো।

প্রভুদয়ালের গায়ের ব্যাথা সারতে এবং জ্বর ছাড়তে কিছু সময়  
লাগলো কিন্তু জ্বর থেকে উঠেই সে আবার বিছানা নিতে বাধ্য হলো।  
নীলামে একটা একটা ক'রে তার কারখানার সব জিনিস তার চোখের  
সামনে বিক্রী হয়ে গেল। তার ফলে তার মায়ু একেবারে ভেঙ্গে পড়লো  
এবং পক্ষাঘাত রোগীর মতন অবশ হয়ে সে শয্যা নিল।

সম্পূর্ণ অসহায় ভাবে শুয়ে শুয়ে সে যখন ভাষতো, তুলসী আর মুন্সু  
তার জন্তে কুলিগিরী ক'রে পয়সা নিয়ে আসছে,—সে আরো অবশ হয়ে  
পড়তো। নিজের পূর্ব-অভিজ্ঞতা থেকে সে জানতো, কুলিগিরী করা  
মানে কি।

ক্রমশ তার অবস্থা দিন-দিন শোচনীয় হয়ে উঠতে লাগলো।  
ডাক্তার যারা আসতেন, ভিজিটের অভাবে তাঁরা আসা বন্ধ ক'রে  
দিলেন। এবং শেষজন বাবার সময় উপদেশ দিয়ে গেলেন, শহর থেকে  
সরিয়ে না নিয়ে গেলে বাচার আর কোন আশাই নেই।

বহু কষ্টে প্রভুদয়ালকে গায়ের বাড়ীতে বাবার জন্ম রাজী করানো

হলো। ঠিক হলো তুলসী রেল পাঠানকেটি পর্যন্ত সঙ্গে বাবে...  
সেখানে গরুর গাড়ীতে তুলে দিয়ে সে ফিরে আসবে। মুন্সুও সেই সঙ্গে  
যেহেঁকারে কিস্ত সকলের রেল-ভাড়া বোগাড় হয়ে উঠলো না। পরে সময়  
মত মুন্সু তাদের কাছে গিয়ে উঠবে।

বিদায়ের দিন এলো অসহ্য বেদনা নিয়ে।

পার্কী আর প্রভুদয়াল শিশুর মত কেঁপে উঠলো।

মুন্সু জীবনে প্রভুদয়ালের বয়সের লোককে কান্দতে দেখেনি।  
যে মুখ সর্কনাই তার দিকে চেয়ে হেসেছে, আজ রোগে শোকে সেই মুখ  
স্নান, শীর্ণ, বিবর্ণ হয়ে গিয়েছে...তাই যখন প্রভুদয়াল বালকের মতন  
কান্দতে লাগলো, সে-মুখের বিচিত্র রেখা দেখে মুন্সু স্তম্ভিত হয়ে  
গেল...তার কাছে পর্যন্ত সে এগুতে পারলো না।

কিন্তু সেই পার্কী বিদায়ের জন্ত তার কাছে এসে দাঁড়ালো, অমন  
সে তার বুকে ঝাঁপিয়ে পড়লো...মনে হলো তার বুকের ভেতর যেন  
একটা ছোট্ট ভীষণ পাখী স্নান মস্তক অন্ধকারে অসহায় ভাবে ডানা ঝাপট  
দিয়ে মরছে...মনে পড়লো, যেদিন সে প্রথম এই বাড়ীতে এসে দাঁড়িয়ে-  
ছিল, একটি শিশু স্নান মুখ শুধু একটু খানি হেসে তার মনের সব ভয়  
দূর করে দিয়েছিল...বিপুল বিশ্ব সে হাসি-টুকুর মধ্যে নিমেষে সে খুঁজে  
পেয়েছিল তার মিজের ঘর...আজও সে অসুস্থ করে তার অসুস্থের  
সময়ে সেই উত্তপ্ত স্পর্শ যা....

সহসা সে আশ্র-সচেতন হয়ে ওঠে...নিজেকে বাস্তব বন্ধন থেকে ছিন্ন  
ক'রে নেয়। পার্কী ডুকরে কেঁদে ওঠে।

তুলসী এসে খবর দেয়, একটা গরুর গাড়ী সে ঠিক করেছে...  
গাড়ীটা গলির মোড়েই দাঁড়িয়ে আছে, সেখানে গিয়ে উঠতে হবে।

তুলসী আর মুন্সুর কাঁধের ওপর ভর দিয়ে, প্রভুদয়াল যাবার জন্ত  
উঠে দাঁড়ায়। ঘরের বাইরে পা বাড়ানোর আগে, পেছন ফিরে সে

একবার দেখে নেয় ঘরখানা, তার সৌভাগ্য-দিনের সব মুহূর্তগুলি কেটেছে যেখানে। সেখান থেকে চোখ ফিরিয়ে নিয়ে দেখে, সামনে একটা কুলি মোট নিয়ে দাঁড়িয়ে...মোট বলতে শুধু একটা বাস আর বিছানা। ঠিক এমনি একটা বাস আর বিছানা নিয়ে একদিন সে এই বাড়ীতে চুকেছিল। আর আজ এই বাড়ী ছেড়ে চলে যাবার সময়ও, তার সঙ্গে তার ষাণ্ডা-সর্ব্ব্ব ব'লতে সেই ছুটা জিনিস। মাঝখানে সে যা কিছু পেয়েছিল, সবই বেন নিরর্থক।

রোগশীর্ণ ম্লান মুখ ঈষৎ বঁকিয়ে দার্শনিকের মত সে বলে ওঠে, এই ভাল...এমনি ধারাই ঠিক...খালি হাতে পৃথিবীতে আমরা আসি... খালি হাতেই সেখান থেকে চলে যেতে হয় একদিন। একটা কুটোও সঙ্গে ক'রে নিয়ে যেতে পাবে না কেউ...পথ চলতে বোঝা যত হালকা হয়, ততই ভাল।

মুন্সু আর তুলসীর কাঁধে ভর ক'রে প্রভুদয়াল রাস্তার দিকে মুখ ক'রে দাঁড়ায়...ক্লান্ত...পরিশ্রান্ত...পরাজিত। ধীরে অতিধীরে পা ফেলে এগিয়ে চলে।

মাথায় ঘোমটা দিয়ে পেছনে মত মস্তকে চলে পার্কভী।

পাড়ার ছেলে-মেয়ে সবাই উঠোনে নীরবে দাঁড়িয়ে।

—রাম...রাম...প্রভুদয়াল ভাই...

—রাম...রাম...

—সব ঠিক হয়ে যাবে ভাই! আমরা বলছি তোমার সব আবার ফিরে আসবে...শরীরটা সারিয়েই তুমি চলে এসো...

—দেউলের বদনাম দূর ক'রে যদি ফিরে আসতে পারি...তবেই... বাইরে গাডোয়ান দেবী দেখে হাঁক দেয়। সে মনে মনে আঁচ করছিল, নিশ্চয়ই কোন বড় রইস্ হবে...রীতিমত ছ'পয়সা বখশিস আদায় করতে হবে। কিন্তু যখন দেখলো একদল কুলির সঙ্গে একজন কুলির মতন

লোক মাত্র একটা ছোট্ট বাক্স নিয়ে গাড়ীতে উঠলো, রাগে তার সর্ব শরীর জলে উঠলো। প্রভুদয়াল সদলে গাড়ীতে ওঠার সঙ্গে সঙ্গে সে গাড়ী হাঁকিয়ে চলো...কোন রকমে তাড়াতাড়ি স্টেশনে ফেলে দিয়ে নতুন সোওয়ারীর সন্ধান তাকে করতে হবে। চাবুকের তাড়ায় গরুহুটী ফিণ্ড হয়ে ছুটেতে আরম্ভ করলো এবং রাস্তার স্তম্ভে গাড়ীতে এমন ঝাঁকুনি শুরু হলো যে আরোহীদের আসনে বসে থাকা দায় হয়ে উঠলো। একে এসব গাড়ীতে কোন স্প্রিং-এর বন্দোবস্ত থাকে না, তার ওপর অতিরিক্ত জোরে চালানোর জন্তে ঝাঁকুনিতে প্রভুদয়াল রীতিমত কাত্তর হয়ে পড়লো। যোগশয্যার দুর্কলভা তখনও তার বিন্দুমাত্র কাটেনি, মনে হচ্ছিল এই বৃষ্টি “হার্টফেল্” করে। কিন্তু মুখে সে কোনকিছুই প্রতিবাদ জানালো না। সব প্রতিবাদকে সে আজ স্বীকার ক’রে নিয়েছে।

কিন্তু মুগ্ধ স্থির থাকতে পারলো না। গাড়োয়ানকে খুসী করবার জন্তে সে মুখ বাড়িয়ে বলে উঠলো, শেখ সাহেব....বলি ও শেখ সাহেব.... দয়া ক’রে ভাই একটু আস্তে চালাও !

গাড়োয়ান চাবুক হাঁকাতে হাঁকাতে জবাব দেয়, আরে, রাখ্ রাখ্, আমি তোর বাপের চাকর, না ? তোর জন্তে বোধে মেলের প্যাসেঞ্জার আমি “মিস্” করবো, না ?

মুগ্ধর রাগ হয়। কিন্তু নিষ্ফল রাগ। মনে মনে ভাবে, তার মনিবের মতন এমন ভাল লোকের ওপর লোকে ক’ক করে এমন নিষ্ঠুর হতে পারে ?

স্টেশনে এসে মুগ্ধ দেখে থার্ড ক্লাশের যাত্রীরা একটা খাঁচার মতন ছোট জায়গায় সবাই গানাগাদি ক’রে জড় হয়ে আছে। বাক্স, পৌটলা, মাছব...সব এমন ভাবে সেই ছোট্ট জায়গাটুকুর মধ্যে ঠাসাঠাসি হয়ে আছে যে দেখে মনে হয়, একুনি বৃষ্টি দম আটকে সবাই মারা যাবে।

ট্রেন ছাড়বার মাত্র পাঁচ মিনিট আগে দরজা খোলা হবে। মুন্সু দেখলো সেই ভিড় ঠেলে যদি প্রভুদয়াল আর পার্কটীকে নিয়ে যেতে হয়, তাহলে প্রভুদয়ালকে আর ট্রেনে চড়াতেই হবে না...সেই খানেই তার এয়ারকার মত ভবষাত্রা শেষ হয়ে যাবে।

কি ক'রে এই কারাঘন্ত্রণার থেকে মুক্তি পাওয়া যায়, তার সন্ধানে মুন্সু এদিক-ওদিক ঘুরে বেড়ায়—যদি কোথাও কোন ছিদ্র-পথ মিলে যায়।

হঠাৎ দেখে সামনে দিয়ে নিকেলের-বোতামওয়াল শাদা পোষাক পরা একজন টিকিট কলেক্টর যাচ্ছে...সগরু পদক্ষেপে তিনি খুঁজে বেড়াচ্ছেন, কোথা থেকে ঘুষ আদায় করতে পারা যায়। মুন্সুর চোখে চোখ পড়তেই, বহুদিনের অভিজ্ঞতা থেকে তিনি অনায়াসেই বুঝে নিলেন এই ছেলেটা তাঁর খদ্দের।

মুন্সুর পাশে এসে কানে কানে বলেন, ছ'আনা...ছ'আনা পেলেই তোকে গাড়ীতে তুলে দেবো...আর একটা দরজা আছে...

এই কদিনের উপার্জন থেকে মুন্সুর কাছে তখন মাত্র চার আনা পয়সা ছিল। দ্বিক্রি না ক'রে মুন্সু ছ'আনা লোকটার হাতে গুঁজে দিল কিন্তু দিয়ে ফেলেই তার মনে ভয় হলো, যদি লোকটা কথা না রাখে!

মুন্সুর বরাৎ ভাল...লোকটা গরীব...ঘুষ নিলো বটে...কিন্তু কথায় মানুষ। কথামত পাশের একটা ছোট দরজা দিয়ে সে মুন্সুর দলকে প্লাটফর্মে ঢুকিয়ে দিল। গাড়ী তখন দাঁড়িয়েই ছিল।

তাদের হুজুনকে গাড়ীতে তুলে দিয়ে মুন্সু নীচে জানালার কাছে চুপট ক'রে দাঁড়িয়ে থাকে। অন্ধকারে যেন তার ভেতরটা ধম্ ধম্ করতে থাকে।

এমন সময় প্রভুদয়াল জানালার ভেতর দিয়ে ম্লান পঙ্ক মুখ বার ক'রে মুন্সুকে ডাকে—তার হাতটা ট্রেনে নিয়ে হাতে একটা টাকা গুঁজে

দেয়। অশ্রুভরাক্রান্ত কণ্ঠে বলে, এই দ্বিবে বতদিন চলে...এ মাসের  
বাড়ী ভাড়া আমি চুকিয়ে দিয়ে এসেছি...তুই এ'কদিন বাড়ীতেই শুবি!

হার্তজোড় করে মুন্নু বলে, জয়দেব!

ট্রেন নড়ে ওঠে।

মুন্নুর মাথায় হাত রেখে প্রভুদয়াল বলে, দাঁড়াবি হও!

হাত সরে যায়। পার্কর্ভী চোখের জল মুহূর্তে মুহূর্তে আশীর্বাদ  
করে, সুখী হও বাছা!

ট্রেন চলতে আরম্ভ করে। মুখ বাড়িয়ে তুলসী বলে, ভাবিস্না  
মুন্নু, আমি ছ'দিন পরেই ফিরে আসছি!

ট্রেন প্লাটফর্ম ছেড়ে চলে যায়।

মুন্নু সেখানে দাঁড়িয়ে থাকে। তার স্থির বিশ্বাস, প্রভুদয়ালের মত  
এ-রকম ধার্মিক লোক সে আর দেখেনি...কি ক'রে সে এত ধার্মিক  
হলো? রোজ সে দেখেছে প্রভুদয়াল নিয়মিত মন্দিরে যেতো। মন্দিরে  
গেলে তাহলে মানুষ ধার্মিক হয়...আমিও রোজ সন্ধ্যাবেলায় যাব...ভগৎ  
হরদাসের মন্দিরে শুনেছি নাকি বিনা পরসায় খেতেও দেয়...ঠাকুরের  
প্রসাদ... ভালই হবে, পেটও ভরবে... ধর্মও হবে...

ঘুরতে ঘুরতে সে যখন ভগৎ হরদাসের মন্দিরে গিয়ে পৌঁছল তখন  
সন্ধ্যা হয়ে এসেছে। ক্ষিদেয় পেটের ভেতর জ্বলছে। ধর্মের চেয়ে তখন  
বেশী টান ধরেছে রুটির—এক টুকরো রুটির। মন্দিরের সামনে একটা  
পুষ্করিণী, তার ওপারে সান-বাঁধানো ভগৎ হরদাসের সমাধি-চত্বর।  
প্রতি সন্ধ্যায় সেখানে গরীব দুঃখীদের রুটি আর শাক চচ্চড়ী বিতরণ  
করা হয়। ষ্টেশন থেকে বেরবার সময় ধর্মের ঐকান্তিক আকর্ষণে  
সে মনে মনে ঠিক করেছিল যে, মন্দিরে ঠাকুরের পায়ে ছড়াবার জন্তে  
ছ'এক পরসার ফুল কিনে নেবে। কিন্তু সন্ধ্যার মুখে সূধার আঙুণে  
সে ধর্মবোধ ধোয়া হয়ে মিলিয়ে যায়।



পুকুরের ধারে অবসন্ন দেখে সে বসে পড়লো। জলের দিকে একদৃষ্টিতে চেয়ে থাকতে থাকতে দেখে, মন্দিরের চূড়াগুলো যেন জলে নেমেছে, তাঁদের প্রতিবিম্বের সঙ্গে খেলা করতে। সেখান থেকে দৃষ্টি ফিরিয়ে নিয়ে সেই বিরাট মন্দিরের দিকে নির্বাক বিস্ময়ে চেয়ে থাকে... চেয়ে থাকতে থাকতে কি এক অজানা আন্তরিকতার মনকে পেয়ে বসে... মনে হয় যেন, কে এক বিরাট পুরুষ অদৃশ্য ভাবে এই জায়গাটাতে ভ্রম করে রয়েছে...ভয়ে সে উঠে দাঁড়ায়...সেখান থেকে পালিয়ে যেতে পারলে যেন বাঁচে...সমাগত ভক্তদের ভিড় ঠেলে সে দ্রুত অগ্রসর হতে চেষ্টা করে। তবে ভিড় কাটিয়ে কি ক'রে তাড়াতাড়ি সরে পড়তে হয় সে-বিজ্ঞা সে দৌলংপুরের বাজারে মুটেগিরি করবার সময় ভাল ভাবে আয়ত্ত্ব করেছিল।

সেখান থেকে কিছু দূর গিয়ে সে মন্দিরের আর এক উঠোনে এসে পড়লো। সেখানে দেখে, এক ধারে একজন ব্রাহ্মণ জল বিতরণ করছে। অবশ্য এই জল বিনা পয়সাতেই দেওয়া হয়, কিন্তু দাঁড়িয়ে দাঁড়িয়ে মুন্সু লক্ষ্য করলো, যারাই জল পান করছে, পানশেষে তারা একটা করে পয়সা ঘরের ভেতর ছুঁড়ে দিচ্ছে। অর্থাৎ পরোক্ষ ভাবে তৃষ্ণার জল এক পয়সায় বিক্রী হচ্ছে। তৃষ্ণায় তখন মুন্সুর গলা শুকিয়ে কাঠ হয়ে এসেছিল। সোজা সে ব্রাহ্মণের সামনে গিয়ে জল চাইলো এবং সকলের মত সে-ও জল পেলো। কিন্তু ব্রাহ্মণ যখন দেখলো যে পয়সা না দিয়ে পান চলে যাচ্ছে, মুন্সুর দিকে ফিরে ত্রুষ্ণ দৃষ্টি নিক্ষেপ ক'রে গালাগাল দিয়ে উঠলো, দেবস্থানে একটা পয়সাও দিতে পার না... মরে না বেটারা!

অভিশাপে আর মুন্সু ভয় করে না। এই অল্প সময়ের মধ্যে অভিশাপ শুনতে শুনতে সে স্পষ্ট বুঝে নিয়েছে যে, তার মধ্যে কোনও দৈব-শক্তি বা কোন বাহু নেই।

কিন্তু প্রসাদ কোথায় দিচ্ছে? নিশ্চয়ই সেখানে কোন পয়সার  
বালাই নেই!

এমন সময় দেখে একজন লোক একটা বালতি নিয়ে চলেছে আর  
তার পেছনে ঝুড়ি নিয়ে চলেছে আর একজন লোক। প্রথম লোকট  
হেঁকে চলেছে, ঠাকুরের পেসাদ!

হঠাৎ কোথা থেকে রাজ্যের ভিখারী দেখতে দেখতে লোকটাকে  
ঘিরে ফেলে। মুন্নু বুঝলো, এই সেই ব্যক্তি, যাকে সে খুঁজছে।

ছুটে লোকটির সামনে গিয়ে সে হাত পেতে দাঁড়ালো।

—তোর পাত কৈ? লোকটা জিজ্ঞাসা করে।

মুন্নু ইচ্ছা করে গলা কাঁপিয়ে বলে, পাত তো আমার নেই  
মহারাজ।

ততক্ষণে তার প্রশারিত হাতের ওপর ঝুড়িওয়ালা লোকটা ছ'খানি  
চাপাটা ছুঁড়ে ফেলে দিয়েছে এবং বালতীওয়ালা বালতী থেকে  
খানিকটা শাক দিয়েছে। খাবার নিয়ে বেরিয়ে আসতে গিয়ে কুখার্ত  
উদ্ভাদ জনতান্ন থাকায় হাত থেকে তা পড়ে যাবার উপক্রম হলো। বচ  
কশয়ৎ ক'রে কোন রকমে মাটিতে পড়তে না দিয়ে সে ভিড় ঠেলে  
বাইরে এলো।

সেখান থেকে বেরিয়ে বাগানের ধারে একটা ফোয়ারা দেখতে পেয়ে  
সেখানে বসে পড়লো। বাগান থেকে তখন সগুফোটা ফেমলী-চম্পকের  
গন্ধ বাতাসে ভেসে আসছিল।

তখন তার একমাত্র দৃষ্টি হাতের সেই ছ'খানি চাপাটির দিকে। ক্ষুধা  
দূর না হলেও ছ'খানি চাপাটিতে পেটের সেই জ্বালানিটা বন্ধ হলো।  
তখন সে চোখ তুলে চারদিকে চেয়ে দেখলো।

দেখলো, যেখানে সে বসে আছে, তার সামনেই একটা ছোট,  
বাগান-বাড়ী, টানের আলোয় তার খানিকটা স্পষ্ট দেখা যাচ্ছে, আর

খানিকটা আবছায়া স্বাক্ষর। সেখানে বসে মস্তিস্ক-মস্তক গৌরিকধারী এক যোগী এক দৃষ্টিতে ঝর্ণার দিকে চেয়ে আছেন। পদ্মাসনে বসে তিনি হাটুর ওপর হাতটা অতি সন্তর্পণে রেখেছেন, সামনে গুতলাহু একজন বৃদ্ধা...বৃদ্ধার পাশে স্থলচ্ছিত্তা এক তরুণী। বৃদ্ধা ও তরুণী চুপচাপ করে বসে আছে, যোগীবরের ধ্যান ভাঙ্গবার অপেক্ষায়। মুন্সেখান থেকে গুটি-গুটি যোগীর সামনে এগিয়ে আসে।

—কে হে তুমি বালক? এটা হলো যোগীর আশ্রম...এখানে তোমার কি প্রয়োজন? যাও, তোমার সমবয়সীদের সঙ্গে খেলা করো গে যাও।

সে-কথার কোন জবাব না দিয়ে উণ্টে মুন্সে জিজ্ঞাসা করে, যোগীজি, চোখের গাতা না ফেলে আপনি এ-রকম চুপচাপ করে বসে থাকেন কেন?

বৃদ্ধা ধমকে উঠলো, পালা, পালা ছোঁড়া।

যোগীজনস্থলভ অমায়িক মাদুর্য্যে ডান হাতটা তুলে যোগীবর ব'লে উঠলেন, শান্তি! শান্তি! আহা...অতি শুভ-লক্ষণ, অতি শুভ-লক্ষণ আপনার পুত্র-বধুর যে সন্তান হবে, এই বালক হলো তার অগ্রদূত ভগবান আমার প্রার্থনা শুনেছেন...তাই স্বয়ং বালককে পাঠিয়ে দিয়েছেন...ভগবানের দূত...একে কি তাড়াতে আছে মা?

মুন্সে অধীরভাবে বলে ওঠে, যোগীজি, আমিও ভগবানকে খুঁজছি... আপনি আমাকে শিখিয়ে দেবেন, কি করে তাঁর দেখা পাওয়া যায়?

যোগীবর বলেন, তুমি এখনও বালক, অপ্রাপ্ত বয়স্ক। তবে তোমার অমুরাগ দেখে মনে হচ্ছে, তুমি পারবে...আমি তোমাকে শিখ্য করে নেবো...গুরুর কথা যদি যথায়ুক্তভাবে পালন কর, আমি বলছি তুমি কালে একজন সাধু পুরুষ হবে!

যোগীবরের পাশে স্থপীকৃত ফল এবং নানাবিধ খাদ্যসম্ভারের দিকে

চেয়ে মূর্খ বলে উঠলো, সত্যি...আমি খুঁজছি একজন গুরু...আমাকে  
আপনার শিষ্য করে নিন্।

—বেশ...তাই হবে...এই জিনিসগুলো তুলে নিয়ে আমার সঙ্গে  
সঙ্গে তা'হলে আয়।

আসন থেকে উঠে দাঁড়িয়ে বৃদ্ধার কাণে কাণে চুপি চুপি বলেন,  
আজ পূর্ণিমা...বীজ ষপনের আজ উপযুক্ত লগ্ন। তুমি যা তোমার,  
পুল্লবধুকে সঙ্গে নিয়ে এই ছেলেটির পিছু পিছু এসো। আমি একটু  
আগিয়ে যাব। সামনেই আমার আস্তানা। সাবধান, লোকে যেন  
বুঝতে না পারে যে আমার সঙ্গে আসছো। কার মনে কি আছে কে  
বলতে পারে? বুঝলে? একটু দূরে দূরে আসবে...

তারপর মূর্খকে ডেকে আদেশ করেন, তুই আমার পিছু পিছু  
একশো হাত দূরে দূরে আসবি, বুঝলি? গুদের সঙ্গে করে নিয়ে  
আমার বাড়ীর পেছন দিককার সিড়ি দিয়ে উঠবি—আমি দেখিয়ে  
দেব'খন! খুব সাবধানে আসবি...যেন পথ হারিয়ে ফেলিস্ নি।

যোগীষরের ক্রি উদ্বেগ্য আর কিই বা ঘটছে মূর্খ তার কিছুই বুঝতে  
পারে না কিন্তু বোঝবার দয়কারই বা কি। সে বেরিয়েছে এ্যাডভে-  
ঞ্চারের খোঁজে...

তার গুণর তাজা পাকা সব ফল...একেবারে তার হাতের মুঠোর  
মধ্যে...তীব্র সুগন্ধ নাকে এসে লাগছে...আঙ্গুর, বেদানা, আপেল...  
তাজা পুষ্টি মর্তমান কলা...সুত্তরাং ভেবে কি লাভ? সাধু বাবার কথা  
সে অক্ষরে অক্ষরে পালন করবেই।

হঠাৎ গলির ধাঁকে এসে মূর্খ দেখে, সাধুবাবাকে সে হারিয়ে  
ফেলেছে...কি সর্বনাশ! এই তো সামনে বাচ্ছিলেন! কোথায়  
গেলেন? এ-দিক ও-দিক চোখ ঘুরিয়ে দেখতেই দেখতে পেলো,  
সামনের একটা বাড়ীর এক উল্লার জানালা থেকে তিনি হাতছানি

দিয়ে ডাকছেন। তখনও অচলসরণকারিনীরা পেছনে পড়েছিল.... একটু অপেক্ষা করতেই তারা এসে পড়লো। তাদের সঙ্গে নিজে মুন, হাতছানি লক্ষ্য করে অগ্রসর হল।

বাড়ীর সামনে আসতেই মুন দেখে, সাধুবাবা নিজে একটা লঠন নিয়ে তাদের অভ্যর্থনার জন্তে নীচে নেমে এসেছেন। আগে আগে লঠন ধরে তাদের নিয়ে সিঁড়ি দিয়ে তিনি ওপরের একটা ঘরে গিয়ে ঢুকলেন। ঘরের চারদিকে চেয়ে মুনর মনে হলো, যেন কোন বড়লোকের বাড়ীতে সে ঢুকেছে। ধবধবে শাদা বিছানা...পরিষ্কার পরিচ্ছন্ন গদী-আটা চেয়ার...মেজেতে ফরাস পাতা...চারিদিকে লম্বা লম্বা নলওয়ালা আলবোলা।

ঘরে ঢুকেই বৃদ্ধা সাধুবাবাকে বলে, আমি তা'হলে এখন আসি... ভোর না হতেই এসে বৌমাকে নিয়ে যাব, কেমন মোহন্ত মহারাজ ?

উত্তেজিত ভাবে মোহন্ত মহারাজ বলে ওঠেন, হাঁ...হাঁ...

কি বলবে বা কি করবে ঠিক করতে না পেরে মুন ফ্যালফ্যাল করে চেয়ে থাকে।

বৃদ্ধা চলে যাওয়ার সঙ্গে সঙ্গে যোগীবর সেই অবজ্ঞিতা তরুণীর কাছে এগিয়ে আসে...ছ'হাত বাড়িয়ে তাকে বুকে টেনে নেয়...গদগদ করে বলে উঠে, প্রানেশ্বরী, দয়া করে মুখ থেকে ঘোমটাটা একটু খোলো, ছোটো কথা বল...শুনে প্রাণ ঠাণ্ডা হোক...

মুনর মাথায় যেন কে হঠাৎ লাঠী মারে...কাঠ হয়ে সে লোকটার দিকে কটমট করে চায়..এতক্ষণ পরে সে সাধুবাবার আসল রূপ দেখতে পায়...সব তার কাছে স্পষ্ট হয়ে ওঠে।

লজ্জায় তার বুকের কাঁপুনি অতি দ্রুত ভালো উঠতে নামতে থাকে।

কি করবে ঠিক করতে না পেরে সে বাইরে ছুটে বেরিয়ে পড়ে...

বুড়ীটাকে যেমন করেই হোক ধরতে হবে...তাকে জানিয়ে দিতে হবে, সে নিজের চোখে এইমাত্র যা দেখলো...যা শুনলো....

অপ্রাপবিক্র কৈশোরের সহজ বুদ্ধিতে সে মনে করেছিল, এই ঘটনার কথা শুনলে বুড়ী নিশ্চয় তারই মতন বিশ্বয়ে ও রাগে ফিণ্ড হয়ে উঠবে। সে তখনও জানতো না, ধনী ব্যবসায়ীর নিঃসন্তান স্ত্রীদের দৈব-পুত্র লাভের ব্যবস্থা এই সব বৃদ্ধাদের ষোণাগাষণে এইভাবেই সংঘটিত হয়।....

সেদিন স্নাত্তিতে মুন্নু তাদের গলির কাছে একটা বন্ধ দোকানের বাইরের পাটাতনের ওপর শুয়ে কাটিয়ে দিল...প্রভুদয়ালের শূত্র বাড়ীতে গিয়ে শুতে তার সাহসে কুলোলো না...খালি বাড়ী, যদি ভূত এসে উপদ্রব করে? যদি চোর ব'লে লোকে তাকে সন্দেহ করে?

ভোর হতেই সে রেল ষ্টেশনে গিয়ে হাজির হয়...যদি মোট পাওয়া যায়।\*

ষ্টেশনে এসে যখন পৌছল তখন বেশ বেলা হয়ে গিয়েছে।  
\* তক্ষুনি প্লাটফর্মে লাহোর থেকে একখানা যাত্রী-ট্রেন এসে পৌছল। দলে দলে লোক ষ্টেশন থেকে বাইরে বেরিয়ে আসছিল। ধনীলোকের বাইরে এসেই ফিটন আর টোঙ্গার ওপর বসে পড়ে...মধ্যবিত্ত শ্রেণীর গৃহস্থ লোকেরা শেয়ারে মোষের গাড়ীতে বাবার সঙ্গে গাড়োয়ানদের সঙ্গে ধর কষাকষি শুরু করে...আর যারা দরিদ্র, অধিকাংশই চাষা শ্রেণীর...তার। যে-যার মোট মাথায় তুলে নিয়ে স্ত্রী-পুত্রের হাত ধরে হাঁটতে আরম্ভ ক'রে দেয়।

মুন্নু উৎসুক উৎকণ্ঠায় জনতার মধ্যে প্রত্যেকের মুখের দিকে চেয়ে চেয়ে ঘুরে বেড়ায়।

—কুলি চাই, লালাজী ?

—মা-জী...কুলি ?

কিন্তু কেউ সাড়া দেয় না । মনে মনে সে একটা মতলব ঠিক ক'রে নেয়, নিতান্ত রূপণ যারা, তারাই গাড়ীতে যেতে চাইবে না...অন্ন দরের মুটের মাথায় মোট চাপিয়ে পায়ে হাঁটবে...কিন্তু পরক্ষণেই তার মনে হলো, গাড়ীতে তো জন পিছু শেয়ার মাত্র এক আনা...সেক্ষেত্রে এমন কে রূপণ আছে যে পায়ে হেঁটে বাড়ী যাবে ?

এমন সময় দেখে, রেলের নীল জামা গায়ে ছ'জন কুলি দাঁড়িয়ে দাঁড়িয়ে চেষ্টাচ্ছে, কুলি ! কুলি !

তাদের ডাক শুনে ছ'জন লোক তাদের কাছে গিয়ে তাদের ঘাড়ের মোট চাপিয়ে দিল ।

দেখাদেখি, মুন্নু ও সেখানে দাঁড়িয়ে চেষ্টাতে লাগলো, কুলি ! কুলি !

সামনের গাড়ী-বারান্দার ভেতর থেকে কে একজন ডাকলো, এই...এদিকে আয় !

মুন্নু ছুটে ওপরে উঠতেই খাকি-পোষাকে একজন পাহারাওয়ালার ডাক শুনে দাঁত খিঁচিয়ে উঠলো, এই হারামজাদা, মোট নিতে এসেছিস...দেখি তোরা লাইসেন্স ?

ভয়ে মুন্নুর বুক দ্রুত কাঁপতে আরম্ভ ক'রে দেয় ।

—চূপ ক'রে রইলি যে, শূয়োরকি বাচ্চা ! দেখা লাইসেন্স...

সঙ্গে সঙ্গে হাতের লাঠাটা তুলে ধরে ।

মুন্নু কাঁপতে কাঁপতে কোন রকমে বলে, সরকার, আমি...আমি...

আইনের রক্ষক গর্জন ক'রে ওঠে, হারামজাদা আমার চোখে ধুলো দিবি ? একমাস ধরে দেখছি, তুই দিবি মজার রোজ এখন থেকে মোট বইছিস..

কাঁদ কাঁদ মুখে মুন্সু বলে, না হজুর...আপনি ভুল দেখেছেন...  
আমি মাস্তুর এই ছ'দিন এখানে এসেছি...

হজুর আরো জুঁক হয়ে ওঠেন,—বেটাচ্ছেলে...আমি মিথ্যে কথা  
বলছি... একমাস ধরে রোজ দেখছি নিজের চোখে...

—নিশ্চয়ই আমার মতন আর কাউকে দেখেছেন হজুর! কুলিদের  
দেখতে একরকমই কিনা!

মুন্সুর হাতটা মুচড়ে ধরে হজুর গর্জন ক'রে ওঠেন, চালাকী পেয়েছিল  
ব্যাটা...চল্ ফাঁড়িতে....

ফাঁড়ির নামের সঙ্গে সঙ্গে মুন্সুর মনে জেগে ওঠে কোতওয়ালীতে  
প্রভুদয়ালের সেই শাস্তির দৃশ্য! ভয়ে সে আর্ন্তনাদ ক'রে ওঠে, না  
না...না...

সজ্ঞারে হাতের লাঠির এক ঘা বলিয়ে দিয়ে হজুর বলে ওঠেন,  
বেরো বেটা...বেরো এখান থেকে...সরকারী হুকুম...বিনা লাইসেন্সে  
কেউ মাল ওঠাতে পারবে না....

ছাড়া পেয়েই মুন্সু ছুটতে আরম্ভ করে...একদমে খানিকক্ষণ ছোটোর  
পর সে পিছন ফিরে দেখে...হজুর নীল কোঁকড়া টোনে ঠিকঠাক ক'রে  
নিম্নে ধীর পাদক্ষেপে বিচরণ করছেন।

এতক্ষণ পুলিশের ভয়ে বা মনের তলায় চাপা পড়ে ছিল; নিরাপদ  
দূরত্বে চলে আসার ফলে, মাপনা থেকে তা মনে ক্ষেপে উঠলো। এই  
অত্যাচারের বিরুদ্ধে তার সমস্ত চেতনা জাগ্রত হয়ে ওঠে। নিজের  
মনে মনে ভাবে আর রাগে ফুলে ফেঁপে ওঠে,—টেশন থেকে আমাকে  
তাড়িয়ে দেবার ও কে? বদমায়েস পাজী! থাকি জামা গায়ে দিয়েছে  
ব'লে নিজেকে মনে ক'রেছে যেন লাট সাহেব...আমার চাচাও তো  
ইংরেজ সরকারের চাকর...সরকারের স্তত চাকর...উনি ভেবেছেন



উনিই যেন একমাত্র চাকর...আমি আমার মনিবের মত নই যে মুখ বুজে ওর হাতের মার খাব...মরে বাবো নে-ও ভাল....

নিফল আক্রোশে যাতনা বৈড়েই চলে :

হাঁটতে হাঁটতে মুদ্রু দেখে, সে সাহেব পাড়ার মধ্যে কখন চলে এসেছে। তার শহরের যে অংশে থাকে, তার সঙ্গে শহরের এই অংশের পার্থক্য আপনা থেকেই চোখে পড়ে যায়। চারদিক ফাঁকা ফাঁকা... পথঘাট পরিষ্কার পরিচ্ছন্ন...রাস্তায় গাড়ী চলে গেলে এখানে ধূলা ওড়ে না...রাস্তার দু'ধারে চমৎকার ছবির মতন সব বাড়ী...কে যেন লতায়, পাতায় আর ফুলে সাজিয়ে রেখেছে....

হঠাৎ একটা বিলিভী দোকানের সামনে সে দেখে, কাঁচের ভেতর একটা সুন্দর ফটো তারা টাঙ্গিয়ে রেখেছে...একটা ইংরেজ ছেলেমেয়ের ফটো....দাঁড়িয়ে দাঁড়িয়ে সে দেখে...কখন দেখতে দেখতে তার মনের মধ্যে এক দুর্বীর লোভ জেগে ওঠে, হয় ঐ রকম পোষাক যদি সে পরতে পারতো...ঐ রকম পরিষ্কার জামা...পাংলুন...মাথায় ঐ রকম টুপি। হঠাৎ নিজের ছিন্নভিন্ন ময়লা পোষাকের দিকে দৃষ্টি পড়তেই দিবাস্পন্ন ভেঙ্গে টুকরো টুকরো হয়ে যায়।

এমন সময় মিহি অগচ চড়া-গলায় কে যেন কি বলে উঠলো... পেছন ফিরে দেখে, এক মেম সাহেব....নাক উচু ক'রে তাকেই কি যেন বলছে।

মুখের দিকে চেয়ে মুদ্রুর বুঝতে এতটুকু কষ্ট হলো না, তার অস্তিত্বের সামান্য মেম-সাহেবের পক্ষে অত্যন্ত পীড়াদায়ক হয়ে উঠেছে; কিন্তু তাতে সে কোন অপমানই বোধ করলো না। কারণ শ্রামনগরে থাকবার সময়, সে তার নিজের চাচা এবং বাবু নাথু রামকে দেখেছে, সাহেবদের দেখে কি রকম ভয়ে জড়সড় হয়ে যেতো তারা। সেই থেকে শাদা চামড়ার প্রতি, একটা অতিরিক্ত শ্রদ্ধা তারও মনে গেঁথে

গিয়েছিল। সেইজন্য অপমান বোধ হওয়া দূরে থাকে সে মনে মনে খুশীই হলো যে মেমসাহেব তার সঙ্গে কথা বলেছে। বে-রাস্তা দিয়ে মেমসাহেবরা হেঁটে চলে, সেই রাস্তা দিয়ে তাদের পাশাপাশি একদিন যদি সে হেঁটে যেতে পারে! এই গৌরবময় ভবিষ্যতের সম্ভাবনায় ভরপুর হয়ে সে রেলের পোলের দিকে ছুটে চলে।

পোলের মুখে রাস্তার ওপর কুষ্ঠখ্যাতিগ্রস্ত ভিখারীরা তার দৃষ্টি আকর্ষণ করে। রাস্তার দু'ধারে অল্প সব ভিখারীরাও স্বাক্ষরিত পিছু পিছু ছুটে চলেছে, একটা পয়সা মিলে বাবা! তাদের দেখে সহসা মূর্খ মনে হয়, অল্পত সে এদের সঙ্গে নয়...এদের চেয়ে উচ্চস্তরের জীব সে। নিজের এই আত্মগরিমাবোধকে নিজের কাছেই সুপ্রতিষ্ঠিত ক'রবার জন্তে সে মনে মনে প্রমাণ সংগ্রহ করে, আমি স্কুলে পঞ্চম শ্রেণী পর্য্যন্ত পড়েছি...বাবুদের বাড়ীতে কাজ ক'রেছি...বে-নে বাবু নয়, যার বাড়ীতে সাহেব পর্য্যন্ত একদিন এসেছিল...

তার সমস্ত অভিজ্ঞতার মধ্যে মাত্র এই ছুটি গৌরবোজ্জ্বল ঘটনা, পর্ত-শৃঙ্গের মত জীবনের কুৎসিত অভিজ্ঞতার বহুবিস্তৃত প্রান্তরের উপর মাথা তুলে থাকে...এই ছুটি আলোকোজ্জ্বল রেখার ওপর হুঁমুড় ক'রে এসে পড়ে জীবনের আর সব বাকি ঘটনার ধুলো-কাদা...যেন ঢেকে মুছে দিতে চায় সেই ছুটি সূক্ষ্ম আলোক-রেখাকে। কিন্তু মুমু আজ কোন মতেই সে ছুটি রেখাকে মলিন হতে দেবে না...

আর কিছু দূর এগুতেই, পুরোনো সরাইখানার নামনে যে গাড়ীর আড্ডা ছিল, সেখানে এসে সে দাঁড়িয়ে পড়ে। চারদিক থেকে বিচিত্র কণ্ঠে বিচিত্র সব আওয়াজ আসছে...যেদিকেই চোখ ফেরায় সেদিকেই বিচিত্র সব মানুষের জনতা...চলন্ত ছবির পর ছবি...

পিঠে বোঁচকা নিয়ে একদল চাষী সরির জন্তে অপেক্ষা ক'রে আছে...রোদে তাদের গায়ের রঙ পুড়ে ঝলসে গিয়েছে...ময়লা এলোমেলো

পোষাক, দীর্ঘকায় একদল পাঠান রাস্তায় ছুরি-ছোরা আর গাছ-গাছড়া ফিরি ক'রে বেড়াচ্ছে—ভীমাকৃতি বিরাট চেহারা, দেখলে ভয় করে, মাথার সযত্নে বাঁধা কাপড়ের পাগড়ী, গায়ে সোণালী-পাড়-ওয়াল লাল-ভেলভেটের কোর্টা, পায়ের তলা পর্যন্ত ঝোলানো ধলের মত ঝলঝলে পা-জামা...পায়ে ইয়া মোটা কাবলী জুতা; কোথাও তৈল-সুচিকণ দেহে হিন্দু মিঠাইওয়াল ধাকে থাকে শাক্কানো মিষ্টানের খালার আড়ালে খন্দেবের সঙ্গে দর কষাকষি করছে; তার মধ্যে সুগভীর আলস্তে কোথাও অর্ধনিমীলিতচক্ষে ছোটো গরু শুয়ে জাবর কাটছে; চোখে মুখে ফেনা উদগীরণ করতে কবতে ছ্যাকরা-গাড়ীর ঘোড়া ধুকতে ধুকতে এসে দাঁড়াচ্ছে...অতি পরিচিত প্রতিদিনের নিত্য-দেখা সব ছবি। এসব থেকে মুগ্ন অতি সহজেই নিজেকে আলাদা ক'রে নেয়। কোন কিছুই বিশেষ ক'রে তার মনে কোন ছাপ ফেলে না। জাত-ভারতবাসীর সেই হলো মনের বিশেষত্ব। সব কিছুই সে সম্ভব বলে স্বীকার ক'রে নেয়। রাস্তার মধ্যে পাগল হাঁ ক'রে সূর্যের দিকে চেয়ে আছে, কিম্বা কলিত-শক্রর উদ্দেশ্য অকথ্য গালাগাল বর্ষণ করছে...অথবা কোথায় সম্পূর্ণ নগ্নদেহে সাধু-বাবা প্রকাশ-পথে বসে ধ্যান ক'রছেন...কিম্বা সঘনোতৈরী জ্যামিতিক-রেখায় নিখুঁত পোষাকে আদিম নগ্নতাকে হ্রসভ্য ভাবে ঢেকে ঘাড় উঁচু ক'রে সাহেব চলেছে...কোন কিছুই তার কাছে বিসদৃশ লাগে না। মুগ্ন রই বা লাগবে কেন? তবে কার একমাত্র চঃখ, সে ইংরেজ হয়ে কেন জন্মগ্রহণ করতে পারলো না!

কিন্তু একটা প্রশ্ন ধীরে ধীরে তার মনের মধ্যে ডাল-পালা মেলে বেড়ে উঠতে থাকে। কি ক'রে কাজ পাওয়া যায় এবং কোথায় পাওয়া যায়? বাজারে একপয়সা ক'রে মোট বইতে আর তার ইচ্ছা নেই, প্রকৃদয়ালের বাড়ীতেও ফিরে যেতে চায় না, অন্তত বর্তমিন না তুলসী ফিরে আসছে। তুলসী তো চালের মোট বয়ে যোজগায় করতে

পারে, আমি তা গু পারি না। কিন্তু একটা কিছু তো করতে হবে? কি করা যায়? শ্রামনগরে চাচার কাছে ফিরে যায? না... দয়ারামের সঙ্গে তার সব সম্পর্ক সে মন থেকে মুছে কেলে দিয়েছে... তার পৃথিবীতে দয়ারাম নেই...দয়ারামের পৃথিবীতেও সে আর নেই।

ভাবতে ভাবতে সে এগিয়ে চলে...এমন সময় হঠাৎ তার কাণে এসে লাগে...চাকের শব্দ...ডুম্ ডুম্...ডুম্...

চেয়ে দেখে, একটা বড় বাড়ীর সামনে দাঁড়িয়ে একজন লোক হাত মুখ নেড়ে কি বলছে আর তার আশে-পাশে একদল লোক দাঁড়িয়ে আছে। তাদের প্রত্যেকের গলার ভেতরে দিয়ে একটা চৌকো ছবির বাক্সের মতন জিনিস ঝোলানো...কাছে এগিয়ে যেতেই দেখে, সাহেবী পোষাকে একটা মেয়ের ছবি...মেয়েটার বুকের জামার সঙ্গে অনেকগুলো মেডেল ঝোলানো...আর হাতে একটা মস্ত বড় চাবুক...সেই চাবুক দিয়ে সে এক পাল বাঘ, সিংহ আর হাতীকে যেন ঠাণ্ডা ক'রে রেখেছে...আর একটা ছবিতে দেখে, সেই মেয়েটাই শুয়ে আছে, আর তার বুকের ওপর একটা মস্ত বড় পাথর; আর একটা ছবিতে দেখে সেই মেয়েটাই দাঁতে দড়ি দিয়ে মানুষ ভর্তি একটা গাড়ী টেনে নিয়ে চলেছে।

যে লোকটাকে দূর থেকে হাত মুখ নাড়তে সে দেখেছিল, হঠাৎ সে লোকটা চীৎকার ক'রে বলে উঠলো, মিস তারা বার্দি! মিস তারা বার্দি! মেয়ে নয় দানবী...কলিযুগের দানবী...দৌলতপুরে আজ শেষ খেল হচ্ছে...এমন সার্কাসের দল জগতে আর কারুর নেই...এমন কসরৎ সাব সাত-ছনিয়ায় আর কেউ কখনো দেখায়নি...যুরোপের যত রাজা আরাণী আছে, তাদের সব তাকু লাগিয়ে দিয়ে সারা গা ভর্তি মেডেল নিঃ এসেছেন...বনের বাঘ-সিংহীকে বেড়াল বানিয়েছেন...মিস তারা বার্দি...আর্টিষ্ট মহলের মহারানী...এই শেষ খেলা...দেখতে হয় তো এইব

দেখে নিন...আজ রাতেই দল বল নিয়ে বোম্বে চলে যাবেন...সেখান থেকে যাবেন বিলেত...আর ফিরবেন না বহু বছর...এই শেষ সুযোগ... দেখে আস্থান মিস তারা বার্তা...এ. ছুনিয়ার আশ্চর্য আউরৎ...ডুম্... ডুম্...ডুম্...

বলতে বলতে তারা এগিয়ে চলে। মুন্সুর চোখে মুখে হঠাৎ-খুশীর আলো ঝকমকিয়ে ওঠে!

—যেমন ক’রে হোক যাবো সার্কাসে...সেখান থেকে যাবো বম্বে...

ছবিওয়ালা লোকগুলো বিজ্ঞাপনের কাগজ বিলি ক’রতে ক’রতে চলেছিল। মুন্সুর একটা কাগজ নিয়ে পড়ে দেখে,

“মদনলালের ধিয়েটার বাড়ীর বাইরে, হল-গেটের সামনে...

মিস তারাবার্তা—মেয়ে হারকুউলিস্!

আশ্চর্য! অদ্ভুত! বিস্ময়কর! আজ পর্যন্ত পৃথিবীতে এমন খেলা আর কেউ দেখায় নি!”

মুন্সুর পা চালিয়ে চলতে আরম্ভ করে! তার মগজের মধ্যে ঘড়ির পেতুলামের দোলানির মত ছলতে থাকে, বম্বে...বম্...বম্...বে... সেই শব্দের অধুরণনের সঙ্গে সঙ্গে তার মনের মধ্যে জেগে ওঠে বম্বে সম্বন্ধে বা কিছু সে শুনেছিল। কিছুদিন আগেই বাজারে সে যখন মুটেগিরি করতো, সেই সময় এক মুটের কাছে সে শুনেছিল,... বম্বেতে যে-কোন লোক যে-কোন কারখানা থেকে মাস গেলে হেসে-খেলে পনরো থেকে ত্রিশ টাকা রোজগার ক’রতে পারে। সেই মুটেটাই তাকে বলেছিল, ময়বার আগে প্রত্যেকের অন্তত একবার সেই আশ্চর্য শহরে যাওয়া উচিত! সেখান থেকেই নাফি সব বড় বড় লোক কালাপানি পার হয়ে সাহেবদের দেশে যায়।

বম্বে—বম্...বম্...বে...মুন্সুর মগজে সমানে বেজে চলে। মনে পড়ে স্কুলে প্রাথমিক ভূগোলের বইতে সে পড়েছিল বম্বের কথা...বম্বে

হইল একটা বীপ...হাঁ...হাঁ...আজও তার মনে আছে, মালাবারের উপকূলে একটা বীপ...ববে...বম্...বম্...বে...

সার্কাসের সামনে এসে সে দেখলো, গেটের গায়ে টিকিটের সব দাম লেখা। সব চেয়ে নীচু সীটের দাম হলো আট আনা। তার কাপড়ের বাঁটে তখনও প্রভুদয়ালের দেওয়া সেই একটা টাকা বাঁধা ছিল। হাত দিয়ে একবার সে অমুভব ক'রে নেয়, টাকাটা স্বস্থানে আছে কিনা। কিন্তু আট-আনা পয়সা খরচ ক'রে সার্কাস দেখার বিলাসিতা তার মন অমুমোদন করে না। হঠাৎ সে ঠিক ক'রে ফেলে, সামনের দরজা দিয়ে নয়, অত্র কোন পথ দিয়ে সে ভেতরে ঢুকবে।

সদর দরজা পেরিয়ে তাঁবুর আশে-পাশে ঘুরতে ঘুরতে, এক জায়গায় তাঁবুটা একটু আলগা দেখে, তার তলা দিয়ে ঢুকে পড়লো।

ভেতরে ঢুকে কিছুক্ষণ সে চুপ ক'রে দাঁড়িয়ে রইলো। তারপর ডান দিকে ফিরে দেখে, একটা হাতী সামনের একটা তাঁবুর ভেতর থেকে বেরিয়ে আসছে। হাতীর ওপর কালো-মতন একজন মাহং বসে... হাতীর কাণের আড়ালে তার পা দেখা যাচ্ছে না। হাতীর পেছনে একদল ছেলে হৈ হৈ করতে করতে আসছে।

ছেলেগুলো বলাবলি ক'রছে জানিস, এই হাতীটা ঠিক মাহুঘের মতন সিঁড়ি দিয়ে উঠতে পারে, নাচতে পারে, মাউথ-অর্গ্যান বাজাতে পারে! স্তম্ভোপ বৃক্কে মূম্, ছুটে গিয়ে সেই ছেলের দলে ভিড়ে যায়।

এমন সময় হাতীটা কি মনে ক'রে সামনের দুটা পা উঁচু ক'রে তুলতেই, ছেলেরা মনে করলো হাতী বোধহয় বেগে গিয়ে তাদের তাড়া ক'রতে আসছে। হঠাৎ মূম্ দেখে, পাশ থেকে একটা ছেলে তার মাথা থেকে কাপড়ের ফালিটা তুলে নিয়ে হাতীর দিকে ছুঁড়ে দিল। এক টুকরো খড়ের মত হাতীটা পাগড়ীটাকে গিলে খেড়ে ফেলে দিল।

তৎক্ষণাৎ সেই ছেলেটার টুপি তার মাথা থেকে তুলে নিয়ে মুন্সু পাল্টা জবাব দেয়। সঙ্গে সঙ্গে মুন্সু অমুভব করে, পেছন দিক থেকে একটা বলিষ্ঠ হাত তার ঘাড়ের ওপর এসে পড়েছে—ঘাড় টিপে ধরেছে।

পাতলা দেহটাকে একবার ঝটকা মেরে নিয়ে মুন্সু ফিরে দাঁড়ায় এবং সঙ্গে সঙ্গে পা তুলে আক্রমণকারীকে সজোরে আঘাত করে। লোকটা ভাল রাখতে না পেরে সামনের নর্দামার ওপর হুমড়ি খেয়ে পড়ে যায়।

এক গা কাদা মেখে লোকটা নর্দামা থেকে উঠতেই ছেলের দল হৈ হৈ করে হেসে উঠলো। হাতীর ওপর থেকে মাছং মুন্সুকে গালাগাল দিয়ে শাসিয়ে ওঠে।

মুন্সু বুঝতে পারে, হঠাৎ ঘোরতর বিপদের মধ্যে সে পড়ে গিয়েছে। তাই নিজে থাকতেই বলে ওঠে,

—ঐ লোকটাই তো আগে শুরু করলো—

ততক্ষণে মাছং হাতীর ওপর থেকে নেমে পড়েছে...কান ধরে মুন্সুকে হাতীর স্তূড়ের দিকে টানতে টানতে নিয়ে যায়।

ভয়ে ছেলেগুলো চীৎকার করে ওঠে।

মুন্সুর মনে হলো, সে আর বাঁচবে না...ভয়ে আপনা থেকে তার চোখ বুজে এলো।

কিন্তু গজরাজ শুধু মশকে তার মাথার ওপর একটা ছোট খাটো দীর্ঘখাস ফেলে বিপুল দেহ নিয়ে আগিয়ে চলে গেল।

মুন্সু কাঠ হয়ে দাঁড়িয়ে বলে ওঠে, আমার অন্ত ভয় নেই!

মাছং হেসে ওঠে। বলে, বেশ...বেশ...তাহলে এক কাজ কর দেখি, ঐ যে ঘেসেড়াটা ষাচ্ছে, ওকে ডেকে নিয়ে আয় আমার কাছে!

মুন্সু মনে মনে খুশীই হয়। সে তো এই সুযোগই খুঁজছিল। সার্কাসের ভেতর ঢোকবার সে যে বায়না করবে, তার একটা কারণ থাকা তো চাই।

ছুটে গিয়ে বেসেড়াকে ডেকে নিয়ে আসে। মাছভের কাছ ঘেঁসে  
মুহু হেসে আবদার ক'রে বলে, আমি তামাসা দেখবো!

মাহুং সে কথায় কর্ণপাত না ক'রে বলে ওঠে, যা... এখন বিদেয় হ'!  
মুন্নু নড়ে না।

—বা রে, আমি বে তোমার হয়ে কাজ ক'রে দিলাম?

কোন উত্তর না দিয়ে লোকটা এগিয়ে চলে। মুন্নু তার পিছু  
ছাড়ে না।

—বারে, আমাকে দিয়ে শুধু-শুধু কাজ করিয়ে নিলে?

—ফের জালাতন করে! দেখতে হয় তো এই তাঁবুর ফাঁক দিয়ে দেখু!

লোকটা আর কোন কথা না বলে অদৃশ্য হয়ে যায়। মুন্নু ঘুরে ফিরে  
দেখে, কোথাও তাঁবুর ফাঁক আছে কি না। সৌভাগ্যবশত এক  
জায়গায় তাঁবুর গায়ে একটু ছেঁড়া ছিল। মুন্নু তার ভেতর দিয়ে চোখ  
বার ক'রে দেয়।

ভেতরে তখন খেলা শুরু হয়ে গিয়েছিল। অর্ধচক্রাকৃতি ভাবে  
ধাকের পর ধাকু চেয়ার সাজানো। কোথাও একটা আসন খালি  
পড়ে নেই। তাঁবুর ওপরে এই সবে মাত্র একদল খেলোয়াড় শূণ্ডে  
নানা রকমের লাফালাফির কসরৎ দেখিয়ে মাটিতে নেমে দর্শকদের  
অভিভাদন জানাচ্ছিল। উত্তরে দর্শকরা ঘন ঘন করতালি দিয়ে  
উঠলো। হাততালি ধামতে না ধামতে সমস্ত দর্শক এবার ডুমুল  
আনন্দ-ধ্বনি ক'রে উঠলো। এবার স্বয়ং মিস তারাবাসী খেলা দেখাবার  
জন্তে মঞ্চে চুকছেন। বিপুল দেহ নিয়ে হেলতে তুলতে মিস তারাবাসী  
দর্শকদের সামনে এগিয়ে আসছেন। মুন্নুর মনে হলো যে-হাতীটা তার  
পাগড়ী গিলে খেয়েছিল, তার কথা।

মিস তারাবাসী মঞ্চের একজায়গায় এসে শুয়ে পড়লো। কতক-  
গুলো লোক এসে একটা বিরাট পাথর তার পেটের ওপর চাপিয়ে



দিল। তারপর প্রত্যেকে এক একটা লোহার হাতুড়ি তুলে সেই পাথরের ওপর সজোরে আঘাত করতে লাগলো। মুন্সুর দম বন্ধ হয়ে আসবার মতন হলো। কিছুক্ষণ পরে মেয়েটা পাথরটাকে সুরিষে ফেলে দিয়ে শোভা উঠে দাঁড়িয়ে মাধানীচু ক'রে দর্শকদের অভিবাদন করলো।

বিশ্বয়ে মুন্সুর নেহ কাঠ হয়ে আসে।

মিস তারাবান্দি চলে যাওয়ার সঙ্গে সঙ্গে একটা শাদা ঘোড়া আসরে এসে দাঁড়ালো। সঙ্গে সঙ্গে একটা লোক এসে তার পিঠে লাফিয়ে উঠে পড়লো। ঘোড়াটা গোল হয়ে ছুটতে আরম্ভ করলো। মুন্সু অঁবাক হয়ে দেখে, লোকটা লাগাম না ধরে, ঘোড়াটার ওপর যখন খুশী উঠছে, বসছে, দাঁড়াচ্ছে।

উত্তেজিত হয়ে মুন্সু ভাবে, আমাকে যদি কেউ শেখায়, আমি এখন রাজী আছি....

খেলা চলতে থাকে...মুন্সুর বিশ্বয়ও বাড়তে থাকে। এমন সময় দেখে, একটা মস্ত বড় খাঁচার ভেতর একটা সিংহ....

মুন্সুর আর দেখা হয় না। পেছন থেকে টান পড়তেই মুন্সু দেখে, সেই মাছৎ।

—খুব হয়েছে, আর দেখে না....অনেক দেখেছিলাম....এবার আমার একটু কাজ ক'রে দে....এই জলের বালতিটা নিয়ে আয় আমার সঙ্গে....

তঁাবুর গায়ে সেই ছিদ্রপথ তার সমস্ত মনকে আকর্ষণ করতে থাকে কিন্তু ষার দয়ায় সে আজ এই অদ্ভুত খেলা দেখবার সৌভাগ্য পেয়েছে, তার আদেশ সে কি ক'রে অগ্রাহ্য করে? অনিচ্ছাসত্ত্বেও সে লোকটার পিছু পিছু চলে।

একটা কলের কাছে গিয়ে তারা থামে। সেখান থেকে বাঁসতিতে জল ভরে মুন্সু মাছৎকে দেয়, মাছৎ হাতীর গা ধোয়। তিন নালতি

জল তোলায় পর, মূর্খ মনে মনে ঠিক করে, এই লোকটাকেই সে ধরবে...বিলেত না হোক, অন্তত বসে পর্যাস্ত নিশ্চয়ই এ লোকটা তাকে নিয়ে নেতে পারে।

সাহসে ভর করে সে হঠাৎ জিজ্ঞাসা করে, তোমার সাক্ষরৎ ক'রে নিয়ে আমাকে বসে নিয়ে চল না ?

কাজ করতে করতে লোকটা জবাব দেয়, সাক্ষরৎ ! হাতী-চালান কি খেলা-কথা নাকি ? অনেকদিন অনেক মেহনৎ ক'রে তবে শিখতে হয়...একি ষে-সে পারে ? আর শেখাবার আমার সময় কৈ ! আমরা তো বসে থেকে কালাপানির ওপারে চলে যাচ্ছি...তবে তুই আমাদের ট্রেনে গা-ঢাকা দিয়ে বসে পর্যাস্ত যেতে পারিস্...তোব মতন বয়সে বিনা টিকিটে আমি বহৎ ট্রেনে ট্রেনে ঘুরেছি...

—সত্যি বলছো ?

—তা নাহো কি ? তুই এখানে থেকে যা...মালপত্রর ঝাঁপতে গোছাতে আমার সঙ্গে লেগে যা...তার জন্তে তোকে কিছু দেবো... তারপর ট্রেনে আমি তোকে লুকিয়ে তুলে নেবোখন !

কৃতজ্ঞতায় মূর্খর অন্তর ভরে আসে।—সত্যি...কি বলে তোমাকে ধন্যবাদ জানাবো ?

—জানাতে হবে না ! চুপ্ কর, কেউ হয়ত এখনি শুনেতে পাবে... যা...এঁখান থেকে কিছু ঘাস নিয়ে আয় !

সার্কাসপ্ল্যাট'র স্পেশাল ট্রেন ষ্টেশন ছাড়বার আগে তাঁর আর্ন্তনাদ ক'রে উঠলো একবার...তারপর ধীরে ধীরে প্ল্যাটফর্ম ছাড়িয়ে দ্রুত থেকে দ্রুততর/হতে লাগলো।

একটা খোলা মাল-গাড়ীতে পাটের তাঁবু আর নানান সব আসবাব-

পত্র একটার পর একটা গালা করা হয়েছে। তার মধ্যে এক কোণে মুন্সু আশ্রয় নিয়েছে গোপনে। ট্রেন অন্ধকারে হু হু করে এগিয়ে চলে, মুন্সু দেখে মাথার ওপর সেই সঙ্গে নীল আকাশে তারার দলও এগিয়ে চলে। অন্ধকারে মাঝে মাঝে বখন ট্রেন আর্ন্তিনাদ ক'রে ওঠে মুন্সুর ভয় করে...মনে হয় যেন এ শব্দের সঙ্গে রাতের অধিবাসী অদৃশ্য প্রেতাঙ্গাদের বুঝি কোন সংযোগ আছে।

সে চলেছে এক সম্পূর্ণ নতুন পৃথিবীতে...কত জনের কাছে কত ভাবে সে সেই বিরাট নগরীর কত আশ্চর্য্য সব কাহিনী শুনেছে...বড় বড় বাড়ী...লম্বা লম্বা রাস্তা...সুন্দর সুন্দর বাগান...মটর গাড়ী...জাহাজ...পথে পথে অলিতে গলিতে কোটিপতি লাখপতি সব ধনীরা আসছে যাচ্ছে...কুলীদের মুঠো মুঠো টাকা ছুঁড়ে ছুঁড়ে দিচ্ছে...

তার মাঝখানে মনের মধ্যে জেগে ওঠে, যে জগৎ সে ফেলে চলে যাচ্ছে, তার স্মৃতি...যে জীবন থেকে সে ছুটে চলেছে, তার বেদনাময় শত কুৎসিৎ অভিজ্ঞতার কথা...জোর ক'রে সে সব কথা সে মন থেকে তাড়িয়ে দিতে চায় আজ...কিন্তু তার শত চেষ্টা সত্ত্বেও তারা ভেলে ভেলে উঠছে...তাদের এই আক্রমণ থেকে রক্ষা পাবার জন্তে মুন্সু উপড় হয়ে শুয়ে চোখ বুঁজে থাকে...বুমোতে চেষ্টা করে...শেষকালে কখন ঘুমিয়ে পড়ে...

সকাল বেলা ঘুম ভাঙলো দিল্লী সেনট্রাল ষ্টেশনে। ট্রেন থেকে নেমে হাত-মুখ ধুয়ে সে লুকিয়ে আবার ট্রেনে উঠে পেলো। আর একবার ঘুমবার চেষ্টা করবে সে।

এমন সময় দেখে সেই মাহৎ তার গাড়ীর কাছে এসে দাঁড়িয়েছে...কোন রকমে ঘাড় কাৎকরে সে শোণে মাহৎ বলছে, এই খোলা গাড়ীতে দিনের বেলায় থাকতে পারবি না...রোদে পুড়ে মরে যাবি...একটা বন্ধ গাড়ীতে তোমার ব্যবস্থা করছি...এইনে খাবার...আয়...

মুন্নু লাক্ষিয়ে নীচে নেমে পড়ে। একটা মালগাড়ীর সামনে এসে তার দাঁড়ায়।

—নে, এই গাড়ীতে ওঠে পড়...আমি আবার রাটলামে এসে তোম খবর নেবো!

খাবার হাতে মুন্নু সেই মালগাড়ীর ওপর ঢুকে পড়ে। রাশীকৃত সব বাণ, তার মধ্যে মেঝেতে সে একটু জায়গা করে নেয়। ট্রেণ ছেড়ে দেয়। খেতে খেতে সেই মাহতের দয়ার কথা ভেবে তার মন কৃতজ্ঞতায় ভরে ওঠে। বিস্মিত হয়ে সে ভাবে, কেন একজন লোক এত ভাল, আর একজন এত খারাপ? প্রভুদয়াল আর সেই মাহৎ, এরাও মানুষ... আর গণপৎ আর সেই পুলিশ ইন্সপেক্টর, যে অকারণে তার মনিবকে ধরে ছিল, তারাও মানুষ...

ছ ছ শকে ট্রেণ এগিয়ে চলে...দিল্লীর উপকণ্ঠে ছবির পর ছবি দ্রুত সবে লবে যায়...অতীতের সাক্ষী ভগ্ন দুর্গ...জীর্ণ প্রাসাদের ভগ্নাবশেষ...ইটের আর পাথরের কঙ্কাল নির্মল আকাশের তলায় নিষ্করণ সূর্য্যকরে যেন সব দাঁড়িয়ে দাঁড়িয়ে পুড়ছে। মুন্নুর মনে শৈশবের স্মৃতি-পড়া দিনগুলির টুকরো টুকরো স্মৃতি ভেসে ওঠে। ভাবে, ইতিহাসে পড়েছি, রাজপুত্র-রাজার সব সূর্য্যের বংশের লোক...মুসলমানেরা এসে তাদের সিংহাসন কেড়ে নেয়...তাই আজ বুঝি সূর্য্য তাঁর বংশধরদের ওপর সেই অবিচারের প্রতিশোধ নেবার জন্তে তাদের প্রাসাদ, দুর্গ সব আগুনে পুড়িয়ে দিচ্ছে...

তাজা ছবির মত সবে সবে যায় স্মার এড্‌উই। লুটাইয়েনের গড়া লাল-ইটের নয়া-দিল্লী...ধাকের পর ধাক সাজানো...এদেরও ওপর কি একদিন সূর্য্য এমনি প্রতিশোধ নেবে? মুন্নুর মনে সন্দেহ জাগে...না, আংরেজ সরকারের তৈরী এই সব বাড়ী সূর্য্য পোড়াবে না...কারণ, ইতিহাসে তাকে পড়তে হয়েছে বৃটীশ সাম্রাজ্যের ওপর সূর্য্য কখনো অস্ত যায় না।

দৃশ্য বদলে যায়....

তৃণহীন, বৃক্ষহীন, বালুময় সমতল ভূমি....সমানে রৌদ্রকরে পুড়ছে...  
মাঝে মাঝে কোথাও সামান্ত গুল্ম....মরুভূমির মধ্যে ঘন ক্ষুদ্র তৃণোদ্ভিদ...

আতপ্ত প্রাস্তরে সহসা জেগে ওঠে ঘূর্ণী হাওয়া...রৌদ্রে ঝলসানো  
মাঠের বুক থেকে টেনে তোলে ধূলা আর বালির ঘূর্ণী...ঘুরতে ঘুরতে  
তারা অদৃশ্য হয়ে যায় কোন্ গহ্বরে কে জানে ?

মুগ্ধ স্তনেছে, মৃত ব্যক্তিদের ব্যথিত আত্মা এমনিধারা বিজন  
প্রাস্তরে ঘুরে বেড়ায় ঘূর্ণীর মূর্তি ধরে....এমনি ঝড়ো হাওয়ায় কেঁদে মরে  
তাদের অশরীরী আত্মা। তাই সেই ঘূর্ণীর দিকে চেয়ে চেয়ে মুগ্ধ মনে  
হয় যেন, রাজপুত্রবীরদের অশরীরী আত্মা আজ তার সামনে দিয়ে  
এমনি ভাবে ঘুরে বেড়াচ্ছে...ভয়ে তার গা ছম্-ছম্ ক'রে ওঠে কিন্তু  
পরমূহুর্তে সে যখন ভাবে সে-যেখানে বসে আছে, সেখানে তারা  
পৌঁছতে পারবেনা...তাদের চেয়েও ঢের জোরে ছুটে চলেছে এইইংরেজ  
সরকারের রেল-গাড়ী...মাটীকে তুচ্ছ ক'রে, আকাশকে তুচ্ছ ক'রে, ঐ  
সর্বগ্রাসী অনলবর্ষী সূর্য্যকেও তুচ্ছ ক'রে। মনে মনে সে বলে উঠে,  
সত্যি, কি আশ্চর্য্য জিনিস এই রেলগাড়ী...যদি এই রেলের এঞ্জিন না  
ধাকতো তা'হলে তো আজ এমনি অবলীলাক্রমে সে দৌলতপুর থেকে  
পালাতে পারতো না...বস্বেতেও আসতে পারতো না...এতদূর পথ পায়ে  
হেঁটে আসা কি সম্ভব।

সেই সঙ্গে তার মনে প্রশ্ন জেগে ওঠে কিন্তু বোধে তো বাচ্ছি,  
সেখানে গিয়ে করবো কি ? সেখানে কাউকেই আমি চিনি না, জানি  
না। সেই যে বাজারের মুটে বলেছিল মাস গেলে ত্রিশটাকা বে-সে  
রোজগার করতে পারে, তাবই বা সন্ধান দেবে কে ? শব্দের রাস্তায়  
গিয়ে বিকানীরদের মস্তজোঁক পেতে ভিক্ষে করতে পারবো না !

বিকালের দিকে গাড়ী কোঠা জংসনে এসে থামলো। ১ সেই বন্ধ

গাড়ীতে সারা ছপুর রোদের তাপে সে একসকল আধ-সিদ্ধ হয়ে গিয়েছিল।

এমন সময় দেখে, মূর্তিমান দয়ার মত তাঁর উদ্ধার কর্তা সেই মাহত।

—এই নে, কিছু মিষ্টি আর দুধ নিয়ে এসেছি আর এই থলোটা নে—রাত্রিতে পেতে শুবি, খুব সাবধান বাইরে বেরুবি না!

পূরের দিন ট্রেন বন্ডের ভিক্টোরিয়া ষ্টেশনের বাইরের দিককার এক প্রাটফর্মে এসে থামলো। ট্রেনটা বতই বন্ডের কাছে এগিয়ে আসছিল, ততই এক অনির্দিষ্ট চাঞ্চল্য মুন্ডকে যেন আচ্ছন্ন করে ফেলছিল। গলা শুকিয়ে কাঠ হয়ে আসতে লাগলো...চোখের সামনে সমস্ত দৃশ্য ঘেন আবছায়া হয়ে এলো...মনে হলো ঘেন তার কথা বলবার শক্তি পর্য্যন্ত নেই।

এখন সে কি করবে? এমনি চুপটি ক'রে বসে থাকবে স্বত্বকণ না তার উদ্ধারকর্তা এসে তার খবর নেয়? না, সে নিজেই বেরিয়ে পড়বে? মুন্ড অস্থির হয়ে ওঠে।

এমন সময় বাইরে পরিচিত কণ্ঠস্বর শোনা গেল।

—নেমে পড় ভাই...এই তোমার প্রাণের বন্ডে। আমাদের গাড়ী এখান থেকেই বালার্ড পিয়ার...এ চলে যাবে...সেখান থেকে আমরা কাহাজে উঠবো...এই নাও, কিছু খাবার...কাজে লাগবে...এখন আর তোকে লুকিয়ে একটা গোপন পথ দিয়ে বার ক'রে দি!

মুন্ড গাড়ী থেকে লাফিয়ে পড়ে।

নীরবে তার উদ্ধারকর্তার পিছনে পিছনে চলে।

গাড়ীর তলা দিয়ে হামাগুড়ি দিতে দিতে তারা একটা গুদামের সামনে প্রবেশ পড়ে।

মুন্সুকে উপদেশ দিয়ে মাহুৎ বলে, মনে রাখিস্ ভাই, বত ভারী শহর  
 তত কড়া তার মেজাজ...ইঁট কাঠি যেখানে বত বেশী, শাহুবের জায়গা  
 সেখানে তত কম...এখানে মাহুৎ যে নিখাস নেয়, তারও দাম দ্বিগুণ হয়  
 ...আদায় করে নেয়, ছাড়ে না...তবে, তুই খুব কড়া ছেলে! তুই পারবি।  
 মুন্সু কি বলবে ঠিক করতে পারে না।

—যা...সামনের গুদাম দিয়ে সবাই যেমন যাচ্ছে, তেমনি চলে যা  
 ...ভগবান তোর ভাল করুন।

মুন্সু মুখ তুলে লোকটার দিকে চেয়ে দেখে। বসন্তের দাগে ভরা,  
 কালো কুৎসিত মুখ। মুন্সুর মনে হলো, সেটা যেন ছদ্মবেশ। ওর  
 আড়ালে নিশ্চয়ই সুন্দর দিব্য মুখ লুকিয়ে আছে। সময় নেই, সে  
 এগিয়ে চলে। চলতে গিয়ে পায়ে পায়ে সে অমূল্যব করে তার বুকের  
 ভেতরটায় কি যেন ভারী হয়ে উঠছে। একদিকে কৃতজ্ঞতা, আর  
 একদিকে ভয়। সে এগিয়ে চলে।

ভিক্টোরিয়া ষ্টেশন থেকে বেরিয়ে মুন্সু অবাক হয়ে তার অস্তরের  
 সেই স্বপ্ন-নগরীর দিকে চেয়ে থাকে...সে নড়তে পারে না...

বহুজাতির আশ্রয়দায়ী বহুরূপময়ী বিচিত্রা নগরী...এক-পা  
 এক-পা ক'রে সে এগিয়ে চলে...কোন ঠিকানা নেই...কোন লক্ষ্য  
 নেই...চোখের সামনে দিয়ে যা চলে যায়, তাই পরম বিশ্বয়ের মত  
 তার অস্তরকে দোলা দিয়ে যায়...

ঘুরতে ঘুরতে সে ক্লান্ত হয়ে পড়ে...

হঠাৎ একটা বড় দোকানের সামনে এসে সে দাঁড়িয়ে পড়ে...কাঁচের  
 ভেতর দিয়ে দেখে, থাকের পর থাক সোডা আর লেমনেডের বোতল  
 শাজানো...ভেতরে এক একটা গোল টেবিলের সঙ্গে অনেকগুলো ক'রে  
 চেয়ার পাতা...কোন কোন চেয়ারে লোক বসে আছে, গল্প করছে।  
 তার মনে পড়ে যায়, দৌলতপুরে একবার বাজারে কি কাজ করতে

গিয়ে একটা সোডার বোতল কিনে মিষ্টি জল খেয়েছিল....হঠাৎ তার ইচ্ছা হলো, সেই মিষ্টি জল এখন একটু খেলে হয় না? দরজার বাইরে থেকে সে দেখলো, ঘরের ভেতর চেয়ারে বসে ঘারা আছে, তাদের পোষাক-পরিচ্ছদের সঙ্গে তার অঙ্গ-আবরণের বিশেষ কোন সামঞ্জস্য নেই। একটা সোডার বোতলের দাম মাত্র এক আনা, তার কাছে এখনো একটা টাকা আছে। নাইবা থাকলো তার ভাল পোষাক, তা বলে একটা সোডা সে খেতে পাবে না?

নিজের মনে শক্তি সঞ্চয় ক'রে নিয়ে দোকানের ভেতর ঢুকতে গিয়েই দরজায় হেঁচট লেগে গেল। কোন রকমে সামলে নিয়ে সে ধীরে ধীরে ভেতরে এগিয়ে চললো। তার মনে হতে লাগলে, সবাই যেন তার দিকে চেয়ে আছে। তাই কারুর দিকে না চেয়ে একটা খালি টেবিলের সামনে চেয়ারের ওপর সে বসে পড়লো। বসার সঙ্গে সঙ্গে তার মনে হতে লাগলো যেন মহাশূতে সে ঝুলছে....কোন অবলম্বন নেই তার...মাথার ভেতর তার যেন কিঁকিঁ পোকা ডাকছে হঠাৎ একি সে ক'রে বসলো? এখন কি করবে সে? হাত দিয়ে কপালের ঘাম মুছে স্তব্ধ হবার চেষ্টা করে। মনকে বোঝায়, এমন ভয়ঙ্কর সে কিছুই করেনি, অতএব স্বাভাবিক ভাবেই সে বসে থাকবে। ঐ তো সামনেই লোকে নির্বিবাদে কেটলী থেকে কাপে গরম চা ঢেলে খাচ্ছে। সুতরাং—

—এই, তুই কে?....কুলি?

মুন্ন ঘাড় ফিরিয়ে দেখে, পাশে এক লম্বা লোক....ধব-ধবে সাদা পোষাক-পরা....মাথায় চুল রীতিমত তেল চকচকে এবং পরিপাটি ক'রে মাঝখানে ছুঁয়া করা...তাকেই প্রশ্ন করছে।

মুন্নর বুকের ধুকধুকানি যেন ধেমে যায়। কি উত্তর দেবে ঠিক করলোনা পেরে সত্য কথাই বলে, হ্যাঁ....আমি কুলি....



রীতিমত বিরক্ত হয়ে তর্জনী আফালন ক'রে লোকটা বলে ওঠে  
চেয়ারে বসা হয়েছে! নেমে মেঝেতে বোস্...

কোন কথা না বলে মুন্সু আস্তে আস্তে চেয়ার ছেড়ে সিমেন্টের  
মেঝের ওপর গিয়ে বসে।

—কি চাই তোর?

—একটা মিষ্টি সোডা!

কাছাকাছি যারা চেয়ারে বসে চাপান ক'রছিলেন, তাঁরা একসঙ্গে  
সকলে এমন ভাবে মুন্সুর দিকে ফিরে তাকালেন যেন সে কুষ্ঠরোগী!  
যে-বেয়াঘাটা চা পরিবেশন ক'রছিল, ভদ্রলোকদের সেই নীরব অবজ্ঞার  
দৃষ্টির অর্থ বুঝতে তার দেবী হয় না...ঈশ্বর ব্যঙ্গের হাসি হেলে বলে  
ওঠে, দেখুন না হুজুর, কুলি ব্যাটার আস্পর্ক!

রাগে মুন্সুর সর্বদেহ জ্বলে উঠে কিন্তু চিরকাল সে শুনে এসেছে  
ধোপ-দোস্ত দামী পোষাক-পরা ভদ্রলোকরা উচ্চশ্রেণীর জীব স্তরার  
সর্বদাই তাঁদের মাত্র ক'রে চলা উচিত, তাই অসহবোধ হলেও সে মনের  
রাগ মনেই চেপে রাখে। তার মনে হলো, ঘর শুদ্ধ গোক যেন তার  
দিকেই চেয়ে আছে, আস্তে আস্তে উঠে দাঁড়িয়ে সামনের দরজা দিয়ে  
সে রাস্তায় বেরিয়ে পড়ে।

দরজার বাইরে আসতেই দেখে, বেয়াঘাটাও তার সঙ্গে সঙ্গে বাইরে  
এসেছে।

—বার কর হু'আনা পয়সা, সোডা দিচ্ছি!

মুন্সু প্রথমটা চমকে উঠেছিল। তারপর যখনই মনে হলো, লোক  
গুলো তারদিকে হয়ত এখনও চেয়ে আছে, সে আর কোন কথা না  
বলে কাপড়ের খুঁট থেকে সেই টাকাটা বার ক'রে তার হাতে দিয়ে দিল।

লোকটা এক গেলাস মিষ্টি সোডা এবং সেই সঙ্গে চোদ্দ আনা পয়সা  
ফেরৎ এনে দিল।

তুষায় তখন গলা শুকিয়ে এসেছিল। সেই বহুকাঙ্ক্ষিত মিষ্টি-জলের স্বাদ এক চুমুক নেওয়ার সঙ্গে সঙ্গে আপনা থেকে তার চোখ ফেটে লোণা জল বেরিয়ে আসে। এঁত দিন পরে আবার সেই মিষ্টি জল খাবার সুযোগ তার ঘটেছে... একটু একটু ক'রে, প্রত্যেক চুমুকের স্বাদ নিয়ে ধীরে সুস্থে বসে সে যদি খেতে পারতো! কিন্তু তার কোন সম্ভাবনাই নেই! তাদের জন্ম নিষিদ্ধ ভদ্রলোকদের জগতে হঠাৎ ঢুকে পড়ে সে যে বোরস্তর অন্ডায় করেছে, তার ধাক্কা সামলাতে সে তখন এত বিব্রত যে, কোন রকমে এক চুমুকে শেষ ক'রে পালাতে পারলে বাঁচে।

গেলাস শেষ ক'রে দরজার এক কোণে ভয়ে ভয়ে নামিয়ে রাখে।

—যা ব্যাটা... যা...

মুন্নু ততক্ষণে ছুটেতে আরম্ভ করে দিয়েছে যেন কে তাকে খুন ক'রতে আসছে।

কিছুদূর গিয়ে সে পেছন ফিরে দেখে সত্যি কেউ পিছু পিছু আসছে কি না। যখন দেখলো কেউ আসছে না, তখন সে নিশ্চিত হলো। কিন্তু মনে মনে নিদারুণ আপশোষ হতে লাগলো, কি কুক্ষণেই না দোকানে ঢুকেছিল! হু'আনা পয়সা নষ্ট হয়ে গেল। তার ওপর সেই লোকটার কুৎসিত ব্যবহার নিম-তেতোর মত তার জিভে যেন বিষ হতে লাগলো।

পথ চলে আর আপনার মনে ভাবে,—কুনি তা' কি হয়েছে? আমি তো বিনা পয়সায় খেতে যাই নি... আর তা' ছাড়া আমি তো অস্পৃশ্য নই! আমি হিন্দু কত্রিয়... রাজপুত... কুলি হলেও আমার মধ্যে আছে কত্রিয়-রক্ত...

নিজেই আহত চিন্তে নিজেই সে প্রলেপ দিতে চেষ্টা করে।

সে যে রাজপুত কত্রিয়, সে কথা মনে উদয় হওয়ার সঙ্গে সঙ্গে, তার

আত্মলজ্জা দূর হয়ে যায়। যে জাতে সে জন্মগ্রহণ ক'রেছে, তারা বীর, তারা যোদ্ধা, তারা হাসতে হাসতে বুদ্ধে প্রাণ বিসর্জন দিতে পারে... তবে কেন সে নিজেকে এত ছোট মনে করে কষ্ট পায়? ধীরে ধীরে তার আত্মলজ্জা ফিরে আসে। শ্রম গতি-ভঙ্গী বদলে যায়... মাথা উঁচু ক'রে সোজা পা ফেলে সে হাঁটতে আরম্ভ করে। হঠাৎ রাস্তার ধারে সিনেমার একটা বিরাট রঙীন বিজ্ঞাপন দেখে সে দাঁড়িয়ে পড়ে... একদৃষ্টিতে সেই বিজ্ঞাপনের ছবির দিকে চেয়ে থাকে... মার্গিন ডিয়াট্রিকের ছবি... গভীর আয়ত চোখে কামনা-আতুর আমন্ত্রণ... হৃৎ-গুড় দেহের নিরঙ্কুশ নগ্নতা শুধু মুক্তাবর্ণ ক্ষীণ কড়ি-বাসে ঈষৎ অসম্পূর্ণ... মূর্খ দৃষ্টি ফেরাতে পারে না... হঠাৎ তার মনে পড়ে যায়, তার চোখের সামনে এই যে স্বপ্ন-পরী, হয়ত তার দিকে এইভাবে চেয়ে থাকা কুলিদের নিষিদ্ধ... জোর ক'রে সে দৃষ্টি ফিরিয়ে নেয়... আড়-চোখে একবার দেখে, অত্ন কেউ তাকে লক্ষ্য ক'রছে কি না। না, কেউ আর নেই দেখানে। তবুও সেখানে দাঁড়িয়ে থাকতে তার ভয় করে কিন্তু ছবিটাকে ছেড়ে দিয়ে একবারে চলে যেতেও সে পারে না... একটু দূরে সরে গিয়ে একটা জায়গা বেছে নিয়ে দাঁড়ায়, যেখান থেকে সে লুকিয়ে ছবিটাকে স্পষ্ট দেখতে পায়... মার্গিন ডিয়াট্রিকের সেই বৃত্তাকৃত দৃষ্টি তার দেহ ভেদ ক'রে তার রক্তে তুলেছে চেউ...

এমন সময় হঠাৎ তার পিছন দিক থেকে নোটর গাড়ার হর্ন, ট্রামের ঘণ্টা, ফিটনওয়ালাদের গালাগাল... একসঙ্গে তাকে আক্রমণ ক'রে উঠলো। নিজের তন্ময়তায় সে লক্ষ্যই করেনি যে সে রাস্তার মাঝখানে এসে দাঁড়িয়েছে। হঠাৎ সেই সম্মিলিত শব্দের আক্রমণে যখন সে বুঝতে পারলো যে পথের মাঝখানে রাস্তা আটকে যে দাঁড়িয়ে আছে, ভয়ে এক নিমিষের মধ্যে তার যেন বুদ্ধি-গুদ্ধি লোপ পেয়ে গেল। তার মনে হলো, আর রক্ষা নেই, চাপা যদি এখনও না পড়ে

ধাকে, তবে পড়তে দেবীও নেই। আশ্চর্যকার স্বাভাবিক প্ৰেরণায় সে ঘুরে দাঁড়িয়ে ছুটেতে আরম্ভ করলো! 'ফুটপাতের কাছে এসে ফিরে দেখে, বিপদের আর কোন সম্ভাবনা নেই, কিন্তু তার সামনে ফুটপাতের ওপর হঠাৎ একজন স্ত্রীলোক চীৎকার ক'রে কঁদে উঠলো...তার সঙ্গে সঙ্গে একটা বালক ও একজন বৃদ্ধও হৈ হৈ ক'রে উঠলো। মুন্মু তাদের দৃষ্টি অগ্রসরণ ক'রে দেখে, রাস্তার মাঝখানে চলন্ত গাড়ী-ঘোড়ার মধ্যে একটা ছোট্ট মেয়ে বিপন্ন হয়ে পড়েছে।

গাঁয়ের বুনো হৃদ্যন্ত যে ছেলটী এতদিন তার মধ্যে অচেতন হয়ে পড়েছিল, হঠাৎ সেই মুহূর্তে সে জেগে উঠলো। কোন দৃকপাত না ক'রে মুন্মু সেই চলমান গাড়ীর ভিড়ের মধ্যে থেকে মেয়েটীকে হ'হাত দিয়ে বৃকে তুলে নিয়ে ছুটে ফুটপাতে চলে এলো।

স্ত্রীলোকটী ছুটে গিয়ে মেয়েটীকে বৃকে তুলে নিয়ে মুক্তকণ্ঠে মুন্মুকে আশীর্বাদ করে, দীর্ঘজীবী হও বাছা...দীর্ঘজীবী হও...

তারপর বৃদ্ধের দিকে চেয়ে ঝংকার দিয়ে বলে ওঠে, ভাল জায়গায় নিয়ে এসেছ আমাদের!

তেমনি ঝংকার দিয়ে বৃদ্ধ উত্তরে বলে, থাম্ মাগী, মেয়েটীকে আর একটু হলে মেরে ফেলেছিল তো?

—বটে...আমি মেরে ফেলেছিলাম? তুমি নিঃশব্দে দিব্যি রাস্তা পেরিয়ে এলে...মেয়েটীকে হাত ধরে নিয়ে আশ্রমে পারনি? উটে আমার ওপর চাপ!

মুন্মু দু'জনের মাঝখানে দাঁড়িয়ে ঝগড়া মিটিয়ে দেবার জতে মুকুর্বিয়ানা ক'রে বলে ওঠে, থাক গিল্লী মা, থাক...চূপ করুন।

মুন্মু পিঠ চাপড়ে, কৃতজ্ঞতায় গঙ্গগঙ্গ কণ্ঠে বৃদ্ধ বলে ওঠে, তোমার জতাই ভাই...নইলে এ ডাইনী আজ নিশ্চয়ই গাড়ী চাপা পড়তো

মোদন গাড়ী তো নয়...চাকাওয়াল দৈত্য!

বুড়োর হাতে একগাদা জিনিস-পত্র দেখে মুন্নু বলে ওঠে, ইস, এত জিনিস-পত্র আপনি বইতে পারবেন কেন? কোথায় যাবেন? দিন, আমি পৌছে দিচ্ছি!

বুদ্ধ বলে, আমার কথা যদি জিজ্ঞেস করলে ভাই, তবে শোন! দেশে গিয়েছিলাম...এই এদের নিয়ে আসবার জন্তে...এর আগে স্তারজাবাইট (স্তার জঞ্জি হোয়াইট) মিলে কাজ করতুম...কাজকর্ম এখন কিছুই নেই, সংসার-পত্র বলতে যা কিছু, সব এই আমাদের সঙ্গেই! বাড়ীঘর দোর তো নেই! এখন চলেছি শহরের মধ্যে কোথাও কোন দোকানের বাইরে কিংবা ফুটপাতে কোথাও রাত কাটাবার মত একটু জায়গা খুঁজে যদি পাই...তারপর সকালে উঠে যাবো মিলের দিকে, যদি কাজকর্ম মিলে...গরীব...বুঝতেই তো পারছো ভাই...রাম রাম...তাহলে আসি এখন?

বুদ্ধের সহজ আত্মপ্রকাশ মুন্নুর অন্তর স্পর্শ করে। আগ্রহভরে বলে ওঠে, আমিও এই শহরে আজ নতুন এসেছি...আমিও বা হোক একটা কাজ খুঁজছি। আপনি যে মিলের কথা বলেন, সেখানে আমার কোন কাজ হতে পারে বলে মনে করেন? আমরা গাঁয়ের লোক...কুলিগিরি করি।

বুদ্ধ খুশীই হয়।

—বেশ, বেশ...তা' ভাই রাতটা যদি আমাদের সঙ্গে কাটিয়ে দিতে পার, তাহলে সকালে দু'জনে মিলেই বেরুতুম বাজের সন্ধ্যানে...হেড মিস্ত্রীর সঙ্গে আমার পরিচয় আছে। তার কাছেই তোমাকে নিয়ে যাব। তারপর যদি কাজ জুটে যায়, মিলের কাছে একটা কুঁড়ে ঘর দু'জনে মিলে ভাড়া নেবো, কেমন?

মুন্নু যতদূর সম্ভব গম্ভীর ভাবে বলে, খুব ভাল কথা...আমিও তাই খুঁজছিলাম! তারা ক্রমশঃ পা-পা এগিয়ে চলে।

পশ্চিম পাড়ার সাহেবদের বড় বড় আফিসের তলা দিয়ে...বৃদ্ধ-  
নগরীর গগণচুম্বী সব প্রাসাদের ছায়া মাড়িয়ে, একটা মন্ত বড় খেলা  
মাঠ পেরিয়ে, তারা ক্রমশঃ গিরগাঁওয়ার পাঁচমিশিলী পূব-পাড়ায় এসে  
চোকে।

শহরের সেই জনতার অরণ্যে সহসা এইভাবে মনের মন্ত সঙ্গী পেয়ে  
মুন্সুর মনের স্বাভাবিক স্বচ্ছন্দতা ফিরে আসে। বৃড়ো আগিরে পথ  
দেখিয়ে চলেছিল। মুন্সু ছুটে বৃড়োর পাশে গিয়ে জিজ্ঞাসা করে,  
তোমার নামটা কি দাদা ?

—আমার নাম হরি...লোকে ডাকে হরিহর...বৃদ্ধ দাঁড়িয়ে পড়ে।  
মুন্সু বুঝতে পারে ক্রান্তিতে বৃদ্ধ আর চলতে পারছে না। জিজ্ঞাসা করে,  
কতদূর আর যেতে হবে ?

—আর বেশী দূর নেই...এই ভেণ্ডীবাজার হয়ে চৌপাটা যাব...

এমন সময় দেখে, স্ত্রীলোকটা বহু পিছনে পড়ে রয়েছে। সেও আর  
চলতে পারছিল না।

—এখানে একটু বসে জিরিয়ে নাও মতির মা!

স্ত্রীলোকটা ঘাড় নেড়ে অসম্মতি জানায়। কোমরে যে ছোট্ট টিনের  
বাক্সটা ছিল, সেটা কোমর বদলে নেয়।

মুন্সুও বিজ্ঞের মত বলে, সন্ধ্যা হয়ে আসছে...ছেলেমেয়ে ছুটোও  
নেতিয়ে পড়ছে...ধামা এখন উচিত হবে না।

—তবে ভগবানের নাম নিয়ে এগিয়েই চল...

বৃদ্ধ আবার তাদের পথ দেখিয়ে আগে আগে চলতে থাকে...

মুন্সু যত এগিয়ে চল, ততই অবাক হয়ে দেখে, যে যেন আর এক  
বয়ে শহর...এতো তার স্বপ্ন-নগরী নয়! পদে পদে ভিথিরী...পদে পদে  
ব্যাপিগন্ত দীন দরিদ্র আর্ন্তলোক...একটা পয়সার জন্তে, এক মুঠা অন্নের  
জন্তে কৈঁদে কৈঁদে বেড়াচ্ছে! আপনা থেকে একটা দীর্ঘশ্বাস পড়ে।

মুনে মনে ভাবে, তাহলে যা শুনেছি, সব গল্প-কথা...কই, এর পথে পথে  
তো পরমা পড়ে নেই...এখানেও সেই ছেঁড়া ময়লা কাপড় আর সেই  
একটা-পরমা দাও-না-বাবা ।

বাজার এবং বস্ত্র পেরিয়ে তারা ভঙ্গলোকদের পাড়ায় এসে ঢোকে ।  
ছ'ধারে বড় বড় বাড়ী ।

মুন্সু বলে, দাদা, এইখানে কোথাও একটু জায়গা খুঁজে নিলে  
হয় না ?

হরি উত্তরে জানায়, আরে সর্বনাশ ! এখানে দেখছো না সব বড়  
লোকের বাড়ী ! এখানে রাত কাটানোর বিষম বিপদ...জানইতো  
বড় লোকদের বাড়ীতে চুরি-চামারি প্রায়ই হয় । রাতে যদি এই রকম  
কোন কাণ্ড ঘটে, তাহলে পুলিশের লোক আগে আমাদের ধরবে ।  
আমরা গরীব, চাল-চুলো নেই স্ততরাং আমরা চোর...এখানে নয়...  
এখানে নয়...আরো একটু এগিয়ে চল...সামনেই দোকানপাট সব  
আছে । একটু রাত হতেই তারা দোকান বন্ধ ক'রে বাড়ী চলে  
যায়...তখন সেই সব বন্ধ দোকানের পাটাতনে কোথাও রাত কাটানো  
যাবে ।

ছেলেটা আর মেয়েটা তখন ঘুমে আর নড়তে পারছিল না । মুন্সু  
বেশ ক'রে তাদের ছ'জনকে ছ'কোলে তুলে নেয় । সেই অবস্থায়  
আধ-অন্ধকারে নিজের ভার রাখতে না পেরে, কিসের ওপর ধাক্কা খেয়ে  
মুন্সু পড়ে যায় । দেখে, একরাশ ছেঁড়া কাঁথার ভেতর একজন কুষ্ঠরোগী  
—থাকড়া দিয়ে তার পায়ের দগদগে ঘা বাঁধছে :

ভয়ে আর ঘুণায় মুন্সু আড়ষ্ট হয়ে পড়ে । কোনরকমে শিশু দুটীকে  
সামলে নিয়ে সে আবার চলতে আরম্ভ করতেই দেখে, কার পায়ের ওপর  
সে পা দিয়ে ফেলেছে । অন্ধকারে ফুটপাতের ওপর এক ভিখারী তার  
শিশু-পুত্রকে বুকের কাছে আগলে নিয়ে শুয়ে ছিল । সে নড়াচড়া না,

কোন আহা-উহাও করলো না। শুধু অন্ধকারে তার চোখ ছটো বাঘের চোখের মত একবার জলে উঠলো।

মুন্সু মনে মনে লজ্জিত এবং সঙ্কুচিত হয়ে পড়েছিল। কিন্তু কোন প্রতিবাদ এলো না দেখে, নীরবে এগিয়ে চলতে থাকে।

ঘুরতে ঘুরতে তারা একটা বন্ধ দোকানের সামনে এসে দাঁড়ায়। দোকানের সামনে হাত চারেকের মতন একটা কাঠের পাটাতন পড়ে আছে—খালি। এতক্ষণ খোঁজাখুঁজির পর এইটুকু খালি জায়গা চোখে পড়েছে। সেইখানেই কি ক'রে কি ব্যবস্থা করা যায়, তারা দাঁড়িয়ে জল্পনা-কল্পনা করে।

এমন সময় হঠাৎ অন্ধকারে কার যেন দীর্ঘশ্বাস শোনা যায়। মুন্সু ফিরে চেয়ে দেখে, এককোণে অন্ধ-নগ্নদেহ একটা জীলোক বসে রয়েছে... হুঁহাত দিয়ে মাথাটা এমন ভাবে ধরে আছে, দেবলেই মনে হয় যে, কি ভীষণ যন্ত্রণাই না তার হচ্ছে। মাহুঘের সাড়া পেয়ে জীলোকটা সেই অবস্থায় ঘাড় তুলে তাদের দিকে চেয়ে দেখে... একদৃষ্টিতে কিছুক্ষণ চেয়ে থাকবার পর হঠাৎ সে ফুঁপিয়ে কেঁদে ওঠে, কাল রাত্তিরে এইখানে আমার সোয়ামী মারা গিয়েছে!

দীর্ঘশ্বাস ফেলে বৃদ্ধ বলে, মরেছে, না বেঁচে গিয়েছে! ভালই হয়েছে, তার খালি জায়গায় আমরা থাকতে পাবো!

সেই অন্ধকারে, সেই জীলোকটির স্থির দৃষ্টির দিকে চেয়ে দেখতে দেখতে মুন্সুর মনে জেগে ওঠে মৃত্যুর আতঙ্ক। একবার দৌলতপুরে একটা দোকানে সে একটা ছবি দেখেছিল, সমরাজ তার শিপুল নীলবর্ণ দেহ নিয়ে দণ্ড হাতে রক্ত-সাগরের তীরে দাঁড়িয়ে আছে। আর সেই রক্ত-সাগরে হাবডুঝু খাচ্ছে যত সব পাপী-তাপী লোক। আজ সহসা সামনের অন্ধকারে তার মনে হলো যেন সেই নীলবর্ণ অতিকায় পুরুষ ভাঁটার মত লাল চোখ বাগ্নি ক'রে দাঁড়িয়ে আছে। ভয়ে তার অঙ্গ হিম হয়ে আসে।



কাঁথের ওপর ঘুঘু শিশুর শুণ্ড ঘাসে যেন ফিরে পায় জীবনের মহা-  
আখ্যাস।

হরিহর বলে শুটে, জামি ভূতের ভয় করি না!

স্রীলোকটা তখনও এসে পৌঁছয় নি। তাই এ-সব কথা সে শুনতেই  
পায় নি।

সে এসে পড়তেই হরি বলে, লক্ষ্মী, এখানেই আজকের মত  
ডেরা গাড়লুম...মালপত্র নামিয়ে পা ছড়িয়ে একটু বোস্...

কোল থেকে টিনের বাক্স আর বোঁচকা নামিয়ে লক্ষ্মী বসে পড়ে।

মুন্নুর কাঁধে হাত রেখে বৃড়ো বলে, ওদের ছ'জনকে ঐ কাঠের  
ওপর শুইয়ে দাও ভাই...ওদের মার সঙ্গে ওরা ওখানেই শু'ক...আমরা  
ফুটপাতের ওপর শোব'খন!

শিশু ছটীকে কাঠের ওপর শুইয়ে দিয়ে মুন্নু দেয়ালে ঠেস দিয়ে  
ফুটপাতের ওপর বসে পড়ে। সারাদিনের রোদে পুড়ে ফুটপাতের  
পাথর তখনও গরম হয়ে আছে। এবার আশে-পাশে চার দিকে চোখ  
তুলে মুন্নু দেখে, তারা নিতান্ত সঙ্গহীন নয়। আশে-পাশে ফুটপাতের  
ওপর গায়ের কাপড় হুড়ি দিয়ে সারিসারি সব মানুষ শুয়ে আছে।  
মুন্নু মনে মনে ভাবে, অভ্যেসে সব সয়ে যায়...আমারও একদিন অভ্যেস  
হয়ে যাবে...

ক্রমে রাতের অন্ধকার গভীর হয়ে আসে। আশে-পাশে সবাই  
ঘুমিয়ে পড়ে। মুন্নু একা জেগে থাকে! ঘুম তার আসে না। মনে  
হয় যেন সে একা, একান্ত একেলা।

ঠাঁৎ কোথা থেকে একটা গরম দমকা ঠাওয়া আসে...ঠাওয়ার  
সঙ্গে অদ্ভুত পচা গন্ধ...ঘী...চন্দন...প্রস্রাব...মাছ...পচা ফল...সব  
মিলে একটা উৎকট দুর্গন্ধ...ঘাড় তুলে সে দেখতে চেষ্টা করে কোন্  
দিক থেকে গন্ধ আসছে। কিন্তু কিছুই দেখতে পায় না...তার বদলে

একটা চাশা দীর্ঘশ্বাস, এক টুকরো কান্না তার কাশে এসে লাগে। অন্ধকারে কে নড়ে ওঠে...মড়ারা কি পাশ ফিরে? সেদিক থেকে চোখ ফিরিয়ে নিয়ে উল্টো দিকে চায়...একটা কুলি ছটফট ক'রছে আর আপনাদের মনে কি বকে বাচ্ছে। মূগু আশা পূষ্টি সুরিয়ে নেয়। পাশেই হরি ঘুমিয়ে পড়েছে...তার ওধায়ে সেই সত্ত্ব বিধবা স্ত্রীলোকটা অন্ধকারে তখনও ঠিক সেই ভাবে মাথায় হাত দিয়ে বসে আছে। তার ওপাশে সারি সারি সব পড়ে আছে...বেন চাদর-চাপা সব মড়া।

সহসা তার মনে আবার আতঙ্ক জেগে উঠে নিদ্রাহীন নিশীথের আতঙ্ক...নিশ্চল নিশ্চূপ দেহের হুজুয় আতঙ্ক...

জোর ক'রে চোখের পাতা বন্ধ ক'রে সে ঘুমবার চেষ্টা করে... নিজেকে বোঝাতে চেষ্টা ক'রে, আজ রাতে তার আশে-পাশে বারা শুয়ে রয়েছে, তারা তারই মতন সব মাহুৰ...মড়াও নয়...ভূতও নয়...কিন্তু কিছুক্ষণ পরেই দেখে, আপনাকে থেকে চোখের পাতা খুলে গিয়েছে... অন্ধকারে একা সে চোখ চেয়ে জেগে আছে। কাতর ভাবে সে বলে ওঠে, আয় ঘুম, আয়...পাশে চেয়ে দেখে, বৃদ্ধ হরি কি ভাবে ঘুমচ্ছে। হয়ত ফুটপাত্তে ঘুমবার একটা আলাদা কায়দা আছে। বৃদ্ধ ঠিক যে ভাবে শুয়েছিল, মূগু ঠিক সেই ভাবে চেষ্টা ক'রে শোয়...কিন্তু তবুও কে ঘুম তো আসে না! চোখ ভারী হয়ে আসে, দেহ ক্লান্তিতে নড়তে পারে না, তবু চোখে আসে না ঘুম। গায়ের ঘামে পাথর ভিজে ওঠে। অসহ্য গরম। কোথাও এতটুকু কিছু নড়ছে না। মূগুর মনে হয়, যেন সে ছুটে চলে যায়, যেখানে একটুখানি বাতাস আছে, এই রাস্তার বাইবে, এই বাড়ী-ঘর দোর ছাড়িয়ে, খালি মাঠের মধ্যে যেখানে অবাবে বইছে অফুরন্ত হাওয়া। কিন্তু ছুটে যেতে গিয়ে, তার ভয় হয়, পদে পদে সে ঘুমন্ত মাহুৰদের হস্ত মাড়িয়ে ফেলবে...তখন হয়ত একটা তুমুল গুণ্ডগোল বেধে বাঁবে। জোর ক'রে সে চোখ বন্ধ ক'রে থাকে। উপুড় হয়ে

পাথরের ওপর দেহের সমস্ত চাপ দেয়...বায়ুহীন নিশ্চিন্ত অঙ্গকার নিবিড় হয়ে আসে...

ভোরের দিকে বাস্তার ওপর দিয়ে ঠাণ্ডা বাতাস বয়ে যায়।

ছেঁড়া কাপড় আর শতছিন্ন কাঁধার ফাঁক দিয়ে ভোরের বাতাস অসীম উদারতায় সকলের অঙ্গ স্পর্শ ক'রে যায়,—ভিখারী, কুলি, কুষ্ঠরোগী, অনাথ, আতুর সকলকেই সমান ভাবে ছুঁয়ে ছুঁয়ে যায়।

ঘুমের মধ্যে তারা কুণ্ডলী পাকিয়ে গিয়েছে...সান্নিধ্যের উত্তাপের আকর্ষণে এখন পরস্পর পরস্পরের গা ঘেঁষে চলে এসেছে...শীতের কাপুনিতে কেউ কেউ ধনুকের মত হয়ে গিয়েছে...হাঁটু হুমড়ে মাথায় গিয়ে ঠেকেছে।

এমন সময় জোরে এক ঝটকা বাতাস তাদের কাঁপিয়ে দিয়ে যায়।

নগদেহ কুষ্ঠরোগীটি কেঁপে কেঁপে ওঠে...ঘে-যার ছেঁড়া কাপড় বা কাঁধা ভাল ক'রে গায়ে জড়িয়ে নেয়...কেউ বা ভোরের ঘুম ভেঙে উঠে অভ্যাসবশত বলে ওঠে, রাম...রাম...হরি...হরি...

সমুদ্রের ঝড়ো হাওয়া ক্রমশঃ জল-ভার-সিক্ত হয়ে ওঠে। কুটপাত-শায়ীদের মুখে রাম-নাম ঘন ঘন উচ্চারিত হতে থাকে। তারা একে একে জেগে উঠে বসে। কেউ কেউ তখনও শুয়ে থাকে। কিন্তু বেশীক্ষণ আর তা' সম্ভব হয় না। দেখতে দেখতে সূর্যোদয়ের সঙ্গে সঙ্গে আইনের রক্ষকদল লাঠী হাতে কুটপাত পরিষ্কার ক'রে চলে।

হরি জেগে উঠে মুনুকে ঠেলে তুলে বলে, চল ভাই, এবার কারখানার দিকে এগুনো যাক্!

হরি টিনের বাসুটা ঘাড়ে তুলে নেয়...মুনু ছোট্ট কেলেটাকে

কোলে করে...লক্ষ্মীর কোলে মেয়েটা ওঠে...বাতীরা আবার চলতে শুরু করে...

মহানগরী তখন একটু একটু ক'রে জেগে উঠছে। রাস্তায় একজন 'জু'জন ক'রে দেখতে দেখতে লোক ভরে ওঠে। শাদা লোক, লাল লোক, কালো লোক, আধ-কালো লোক...সব রঙের লোকে রাস্তা ভরে যায়। তাদের মধ্য দিয়ে বাতীরা আশ্তে আশ্তে চলে, তখনও তাদের অঙ্গ থেকে ঘুম ছাড়ে নি।

ক্রমশঃ বৃষ্ণের উচ্চ-শির সব বাড়ীর অন্তরাল রেখা থেকে সূর্য্য মাথ-আকাশের দিকে এগিয়ে আসে...রোদের তেজ বাড়ার সঙ্গে সঙ্গে মুন্সুর মনে হয় যেন তার পেটের ভেতরটাও জ্বলছে...গলা শুকিয়ে আসছে...রোদ দিয়ে সূর্য্যদেব তার চলার শক্তি যেন শুষ্ক নিচ্ছে।

গোল গোল চোখ ছোটো বার ক'রে হরি বলে, আর বেশীদূর নয়...মাইল খানেক !

বুড়োর কপাল দিয়ে বাম ঝরে পড়ছে...প্রত্যেক পা ফেলার সঙ্গে যেন তার দম ফুরিয়ে আসছে।

মুচকে হেসে মুন্সু বলে, আমাদের উত্তরে দেশের মাইল থেকে তোমাদের দোখুণে দেশের মাইল দেখছি ঢের বড় !

লক্ষ্মী কেবলে এগিয়ে এসে বলে, হাঁ গা, এত যে সব বড় বড় বাড়ী ...এর কোথাও একটা ঘর পাওয়া যায় না ?

হরি ধমকে ওঠে, থামো...কাজ জোটে কি না আগে তাই দেখো !

একে এই দীর্ঘ পথের ক্লান্তি—তার ওপর যত পথ বেগিয়ে আসছে, হরির মনে ততই ভয় বেড়ে উঠছে, ফোরম্যান সাহেবের সঙ্গে কি ক'রে কথা বলবে !

কিছুক্ষণ চম্চার পর, সামনে একটা বিরাট পাঁচিল-ঘেরা বাড়ী তাদের

সামনে দেখা দিল। আঙ্গুল দিয়ে দেখিয়ে হরি বলে, 'ঐ...ঐ হলো সারজাবাইট কারখানা...'

হঠাৎ একদল কাকের চীংকারে মুন্নু দেখে, একদল লোক এই সব স্নান ক'রে উঠে সূর্য্যাকে প্রণাম ক'রছে। কাছে-ভিত্তে কোথাও কোন জলের কল দেখতে না পেয়ে মুন্নু ভাবে, এতগুলো লোক স্নান করলো কোথায়? ভাল ক'রে এদিক ওদিক দেখতে, মুন্নু লক্ষ্য করলো, এক সারি ভেঙ্গে-পড়া খোলার-ঘরের পাশে,—একটা ছোট পাহাড়ী চিপির তলায় খানিকটা ঘোলাটে নীল জল জমা হয়ে রয়েছে। জলের ওপর এক থাক পুরু সর জমে আছে। তার মধ্যে মানুষের সঙ্গে গরু আর মোষ নির্বিবাদে একসঙ্গে স্নান ক'রছে। কতকগুলো মোষ জলের ধারেই ঘাসের ওপর শুয়ে আছে। তাদের ঘাড়ের ওপর দল বেঁধে ধসে কাকেরা ঘাড়ের ক্ষতস্থান থেকে খাণ্ডসংগ্রহ ক'রছে।

একপাল ছোট ছেলে তারই মধ্যে লাফাচ্ছে, ঝাঁপাচ্ছে। তাদের খেলা দেখে মুন্নুর মনে পড়ে যায়, নিজের ফেলে-আসা গ্রামা-জীবনের কথা, বিয়াসের জলে কত না খেলা! দুর্দমনীয় লোভ হয়, এই মুহূর্তে, কাপড়টা খুলে রেখে, জলে ঝাঁপিয়ে পড়ে।

সেই নীল জল থেকে যে দুর্গন্ধ উঠছিল, উৎসাহের ঝাঁকে তখন তা' আর তার নাকে লাগে না। আগ্রহভরে হরিকে বলে, এসো না দাদা, এখানে স্নানটা সেরে নি!

হরি বাধা দেয়, আরে এখন নয়, এখন নয়...এখন সময় নেই... যদি একটা কাজ জোটে, তাহলে এখানেই তে। একটা ঘর ভাড়া নিতে হবে, তখন ছু'বেলা, তুমি এখানে নেয়ো!

অগত্যা মুন্নু ভাই-ই মনকে বোধ্যায়।

একটু এগিয়েই সামনে মস্ত বড় লোহার গেটের ওপর বড় বড় অক্ষরে লেখা, 'স্মার জর্জ হোয়াইট কটন মিল।'

গেট দিয়ে ভেতরে ঢুকতে যাবে, এমন সময় পাঠান দারোগ্যান বনুক ঠুকে চেঁচিয়ে ওঠে, ধামো !

ভয়ে লক্ষ্মীর কোল থেকে ছেলেটা পড়ে যাবার মতন হয়। তাকে কোন রকমে সামলে নিয়ে ভয়ে সে কাঁপতে থাকে।

সম্মটা একটু অতিরিক্ত মাত্রায় দেখিয়ে হরি বলে ওঠে, সালাম, খাঁ সাহেব ! আমাকে চিনতে পারছেন না হজুর ? আমি হরি...চারমাস আগে এখানে কাজ করতাম...দেশে গিয়েছিলুম হজুর, পরিবার আনতে...একবার ফোরম্যান চিমটা সাহেবের সঙ্গে দেখা করবো !

“আচ্ছা” বলে পাঠান নাদির খান পাশের টুলে উপবিষ্ট একটা ছোট ছেলেকে হুকুম করে, লালকাকা, ভেতরে গিয়ে চিমটা সাহেবকে খবর দে, একজন বুড়ো কুলি কাজের জন্তে দেখা ক’রতে এসেছে !

লালকাকা ভেতরে অদৃশ্য হয়ে যায়। দরজার বাইরে তারা নীরবে অপেক্ষা ক’রে থাকে। মিনিট কুড়ি অপেক্ষা ক’রে থাকার পর যখন ভেতর থেকে কোন উত্তর আসার লক্ষণ দেখা গেল না তখন হরি মুনুকে আশ্বাস দেবার জন্তেই বলে, সাহেব বড় ভাল লোক !

• একজন সাহেবের সামনে দাঁড়িয়ে কথা বলবার সৌভাগ্য আবার হবে, এই আশাতে মুনুর বৃকের ভেতর তখন হুঁলছিল। শ্রামনগরে তার মনিবের বাড়ীতে প্রথম তার সে সৌভাগ্য দেও দেয়... এখনও স্পষ্ট মনে পড়ে মিঃ ইংলণ্ডের সেই ছোট্ট লাল মুখ...তারপর প্রভুদয়ালের বাড়ীতে যখন পুলিশের ইন্সপেক্টর সাহেব আসে...মুনু ইংরেজীতে তাঁকে অভিবাদন জানিয়েছিল। মনে মনে অতীতের সেই সৌভাগ্যের সঙ্গে আজকের সম্ভাবনাকে সে মধুর ভাবে জুড়তে চেষ্টা করে।

লক্ষ্মীরও মনের ভেতর অসুস্থ একটা তীব্র আকাঙ্ক্ষা বৃকের ধুক-

ধুকুনিকে বাড়িয়ে চলেছিল। এতদিন বোমটার দূরত্বের ভেতর দিয়ে কচিং কখন যে লাগ-মুখ সে দেখেছিল, আজ সামনাসামনি তা' দেখার সৌভাগ্য হবে। এ-আনন্দ বহু কষ্টে সে চেপে রেখে চুপচাপ ক'রে আছে। ছেলেটা আর মেয়েটা কোল থেকে নেমে রাস্তায় হুড়ি নিয়ে খেলা করছে। হয়ত তাতে তারা ক্ষিদের কথা ভুলে আছে।

এমন সময় নাতির খাঁ বন্দুক তুলে গর্জন ক'রে উঠলো, এই খবরদার...টিল ছুঁড়ে মত্ !

ভয়ে তারা ছুটে লক্ষ্মীর পেছনে এসে কাপড় ধরে দাঁড়ায়। লক্ষ্মী তাদের কোলের কাছে টেনে নিয়ে জড়িয়ে ধরে।

এমন সময় দরজার ভেতরে এসে উপস্থিত হলো জিমি টমাস। একদা ল্যান্ডসায়ারের কোন মিলে মিল্কীর কাজ করতো; এখন ভারতবর্ষের অশ্রুতম বৃহত্তম এক মিলের ফোরম্যান সে। বিরাট দেহ...মুখটা বুল-ডগের মতন বড় আর চ্যাপটা...টক্ টক্ করছে লাগ।

কপালে হাত ঠেকিয়ে মাথা নীচু ক'রে হরি অভিবাদন জানায়, স্যালাম হজুর...স্যালাম চিমটা সাহেব...

চিমটা সাহেব চোখ তুলে একবার দেখে নিয়ে ইংরেজী-হিন্দুস্তানীতে বলে, টোম্ হারি ? ফিব্ আয়া ?

উল্লসিত হয়ে হরি বলে ওঠে, জী হজুর ! তারপর হাত জোড় ক'রে বলে, হজুর মা-বাপ...আমি শুধু একা আদি নি...আমার বউ আর ছেলেদেরও নিয়ে এসেছি...একটা ছোঁড়াও এনেছি...সবাই আমরা কাজ করবো হজুর !

—বলি তোমার গাঁয়ের সব লোককে নিয়ে আসতে পারিস্ নি হারাম্জাদা !

হস্তভাগ্য হরি সাহেবের বিক্রম বুঝতে পারে না। আনন্দে বউ ওঠে,

হজুর যদি ভরসা দেন, তাহলে এখুনি চিঠি লিখে গায়ের কয়েকজনকে আনিয়ে নিতে পারি !

এবারে আর সাহেবের ধৈর্য থাকে না। গলগল ডিয়ে তর্জন ক'রে উঠে, উল্লুক কাঁহাকার...চাকরী নিয়ে আনি বসে আছি, না ? ভাগো !

হঠাৎ মুন্সুর দিকে নজর পড়তে, সাহেব হেসে বলে ওঠে, ঐ ছেঁড়াটার জন্তে হয়ত কিছু হতে পারে !

যুক্তকর সাহেবের দিকে আগিয়ে দিয়ে হরি কে... ফেলে, হজুর... গরীবের অন্নদাতা...মা-বাপ...দয়া ক'রে আমাদেরও একটু ব্যবস্থা ক'রে দিন!

—আচ্ছা...আচ্ছা...সবগুণ্ডু মাসে ত্রিশ টাকা...তোর দশটাকা... ঐ ছেঁড়াটার দশটাকা...ঐ মেয়ে লোকটা পাঁচ টাকা...আর আড়াই টাকা ক'রে ঐ দুটো বাচ্ছা...

হরি এবার সাহেবের বুটের কাছে এগিয়ে যায়। গরুর চামড়ার বুটে কপাল ঠেকিয়ে হরি আকুল মিনতি জানায় হজুর, আর একটু মেহেরবাণী করুন ! ভেবে দেখুন হজুর...ঘর ভাড়া...এতগুলো লোকের খাওয়া...জিনিষ-পত্বর এত মাগ্গি...

—তা' আমি কি করবো ? আমার জন্তে কি করেছিন্ খে আমি তোর জন্তে করবো ? গাঁ থেকে ব্যাটা এলি, মেমসাহেবের জন্তে কিছু এনেছিন্ কি ? একবারও ব্যাটা মেমসাহেবকে কি আমাকে ভেট দিয়েছিন্ ? যদি ঐ টাকাতে থাকতে পারিন্ তো থাক...নইলে...গেট্ আউট্।

—দেখবেন হজুর, আপনাকে খুশী ক'রে দেবো...একটু ভেষে দেখুন আপনি, আগে এইখানেই আমি পনোরো টাকা পেতাম।—

সাহেব তেড়ে ওঠে, মজা পেয়েছিন্ না ? যখন খুশী চলে বাবি...



আর এখন খুসী আসবি...আর সেই মাইনেই তোকে দিতে হবে ?  
আবদার, না ? বড় সাহেবের হুকুম, যে কুলি কাজ ছেড়ে চলে যাবে,  
তাকে আর কাজ দেওয়া হবে না...আর তোর মতন বুড়ো অঁকেজো  
লোককে নেওয়াই বারণ...তবুতো শালা তোকে আমি বহুং মেহেরবাণী  
ক'রছি।

হরি দমে না,—দোহাই হজুর, এই বাচ্চাদের মুখের দিকে চেয়ে  
দয়া করুন !

সাহেব ঠোঁট বেকিয়ে বলে ওঠে, তুই ব্যাটা মজা ক'রে শ্বেপের  
মত ছেলে-মেয়ের জন্ম দিবি...আর আমি তাদের খোরাক জোগাব, না ?  
যত সব কালা আদমী...

আর থাকতে না পেরে মুন্সু বলে ওঠে, হজুর সাহেব ! দৌলতপুরে  
আমি শুনেছি, এখানে কুলিদের সব চেয়ে কম মাইনে হলো ত্রিশ  
টাকা !

সাহেব গর্জন ক'রে ওঠে, ঝুটা বাত্ !

হয়ত সাহেব রাগে ফেটে পড়তো কিন্তু লালকাকা ঠিক সেই  
মুহুর্তে সাহেবের সই-এর জন্তে একটা খাতা এনে ধরলো।

হরিকে কনুই-এর গুঁতো দিয়ে ইসারা ক'রে মুন্সু কাণে কাণে বলে,  
দাদা, চল অল্প জায়গায় চেষ্টা দেখি !

হরি ভালরকমই জানতো অল্প জায়গায় গিয়ে বিশেষ কোন সুবিধা  
হবে না। দেখতে শুনে আর বাকি ছিল না তার কিছু।

গোঁফে মোচড় দিয়ে সাহেব শেষ কথা বলে ওঠে, বল্ কাজ করবি  
কি না ? কোথাও আর কাজ মিলছে না ! এমনি হাজার হাজার  
কুলি বস্বতে বেকার ঘুরে বেড়াচ্ছে...আমি যে তোদের নিতে চাইছি,  
তার কারণ, তুই এখানে কাজ ক'রে গিয়েছিস...আর এ-হোঁড়াটাকে  
মনে হচ্ছে চটপটে...

—হুজুর, আমরা কোথাও যেতে চাইনা—তুমি আমার আশ্রয়েই কাজ করতে চাই—একবার ভেবে দেখুন হুজুর—চাল কত মাগুগি হয়ে গিয়েছে—হরি হাত জোড় করে জানায়।

—আচ্ছা...আচ্ছা...তোকে আর ঐ ছোঁড়াটাকে পনেরো টাকা করেই দেবো—মনে রাখিস্ ব্যাটা, এবারের মত মাক করলুম—কিছু সেবারে আমাকে কিছুই ঠেকাও নি—এবার তা' চলবে না, বলে রাখছি আগে থেকে।

হঠাৎ কি মনে করে, একটু ধেম্, কর্তব্যর একটু নামিয়ে সাহেব বলে ওঠে, হাঁ, এখন নিশ্চয়ই কাছে টাকা-পয়সা কিছু নেই? সে আমি জানি! আচ্ছা, তার ক্ষত্রে ভাবনা নেই—আমি দশটাকা আগাম দিচ্ছি...কিন্তু মনে থাকে যেন, টাকা পিছু চার তানা সুদ—আর মাসে মাসে মাইনে পেলে আমার কমিশন—কেমন, রাজী তো? দাঁড়া, আমি টাকা এনে দিচ্ছি!

সাহেব চলে যেতেই বিরস মুখে নাদির খাঁ বলে ওঠে, আরে, টাকা ধার নিবি তো আমার কাছে নিলিনা কেন? আমি খুব কম সুদ নি—মাত্র টাকার দু'তানা!

হরি বিব্রত হয়ে পড়ে, পাছে নাদির খাঁ আবার অসন্তুষ্ট হয়।

কাতর ভাবে বলে ওঠে, কি করবো খাঁ সাহেব, সাহেবকে যে কথা দিয়ে ফেলেছি!

নাদির খাঁ কোন কথা না বলে কি দরকারে গুমটা ঘরের ভেতর চলে যায়। সেই ফাঁকে মুন্স বলে, এ কি কাণ্ড! ফোরম্যানকে মাসে মাসে কমিশন দেবো কেন? আর তা' দাঁড়া এত চড়া সুদে টাকা ধার করলে কেন?

মুখ বেঁকিয়ে হরি জবাব দেয়, সব জাঙ্গাল এই—ফোরম্যানকে

কমিশন দেওয়া মানে চাকরী বজায় রাখা...বলতে গেলে ফোরম্যানই হলো কারখানার সব....

মুন্সু মনে মনে ভাবে, তা' হযত হবে...তবে সাহেবটার পোষাক এত ময়লা কেন? সাহেবের পোষাক সন্ধক্কে তার একটা স্বতন্ত্র ধারণা ছিল। হায়, মুন্সু তখনও পর্যাপ্ত জানতো না, যে ঐ ময়লা-পোষাক-পরা ফোরম্যানই হলো কারখানার ভাগ্যবিধাতা। কারখানার সব ব্যাপারের সঙ্গেই সে জড়ানো। সে জানতো না যে মালিকদের পক্ষ থেকে তারই একমাত্র অধিকার লোকজন নেওয়া...এবং তারই প্রসন্নতার ওপর নির্ভর করে চাকরী থাকা না থাকা—মুন্সু জানতো না যে কুলিদের কাজকর্ম তদারক করবার ভার তারই ওপর, এবং শুধু কুলি কেন, কারখানায় যে সব যন্ত্রপাতি চলছে, সেগুলোকেও সচল রাখবার দায়িত্ব তারই। মালিক আর কুলিদের মধ্যে সেই হলো যোগ-সূত্র...কারণ কুলিদের কোন কিছু হুকুম ক'রতে হলে মালিকরা তারই মারফৎ সে কাজ ক'রে থাকেন। তাই প্রত্যেক কুলিকেই কাজ পাওয়ার জন্তে অথবা কাজ বজায় রাখার জন্তে তাকে একটা মূল্য দিতে হয়... এবং কাজের চাহিদার চেয়ে লোকের চাহিদা যখন বেড়ে যায়, তখন স্বভাবতই সে-মূল্যের হারও বেড়ে যায়। এত কাজ ক'রেও, আর একটা কাজ তাকে করতেই হয়...মহাজনী কারবার। সে-ও এই কুলিদের জন্তেই। এবং এই কুলিদের জন্তেই সে প্রায় শত-খানেক চালাঘরও তৈরী করেছে...যখন কুলিরা ঘুরে-ফিরে অল্প কোথাও জায়গা পায় না, তখন বাধ্য হয়েই বেশী ভাড়া দিয়ে তার ঘর ভাড়া নিতে বাধ্য হয়।

টাকা নিয়ে যখন সাহেব ফিরে এলো, তখন সে আর ফোরম্যান নয়, বাড়ীওয়ালা।

—সাহেবের গলিতে আমার একটা চালা-ঘর আছে...ভাড়া মাসে

পাঁচ টাকা মাত্র। এখন ঘরটা খালিই আছে। যা, এখুনি সেখানে গিয়ে ঢুকে পড়—নইলে কে আবার ভাড়া নিয়ে নেবে, বুঝলি ? যা, আমি'তোর জন্তে কমিয়ে তিন টাকা ক'রে দিলাম।

করতল দিয়ে কপাল স্পর্শ ক'রে হরি বলে ওঠে, ছজুরের দয়ার প্রাণ...আমার মা-বাপ আপনি !

গম্ভীর ভাবে গৌফে মোচড় দিতে দিতে জিমি টমাস সাহেব নিজের উদারতায় যেন নিকেই মুগ্ধ হয়ে যায়, বলে, খুব হরয়েছে—যা এখন, কাল ভোর বেলা পয়লা সিটি বাজতে না বাজতে হাজির হওয়া চাই ! যা....

যাত্রীর দল ফিরে চলে।

একপাশে খোলা পাচা নর্দমা...আর তার ধারে ধারে বহুদিনের সঞ্চিত আবর্জনার স্তুপ...

গলির মুখে দাঁড়িয়ে হরি বলে, এই হলো সাহেবের গলি ! ঐ বোধ হয় আমাদের ঘর...এই বলে সারি সারি কতকগুলি চালাঘরের একপাশে একটা ঘরের দিকে আঙুল তুলে দেখায়। লম্বা প্রায় ছ'ফিট হবে, আর চওড়ায় পাঁচ ফিট।

তারা সদলবলে সেই দিকে এগিয়ে চলে। ঘরের সামনে এসে দেখে দরজায় একটা ছেঁড়া চট পর্দার মতন ঝুলছে। চট সরিয়ে বৃদ্ধ ঘরের মধ্যে উঁকি মেরে দেখে...ঘর নয়, একটা অন্ধকার গর্ত...

পুরোণো চালা ঘুণ-ধরা বাঁশের আশ্রয় অবস্থা ক'রে মাটির দিকে ঝুলে পড়েছে...মুন্নু বা লক্ষ্মীর দাঁড়াতে গেলেই মাথায় লাগে। সেদিক থেকে হরির বরাং ভাল ছিল কারণ বয়স তাড়ৎ আগে থাকতেই কুঁকো

ক'রে দিয়েছিল। ঘরের মেঝে বাইরের রাস্তার চেয়ে প্রায় আধ হাত নীচু...তার ওপর ফুটো চালা থেকে বৃষ্টির জল পড়ে দিব্যি ঘাস জন্মেছে। দেয়ালে মাটির ফাটল ছাড়া কোথাও আর একটু ফাঁক নেই যে আলো-বাতাস আসতে পারে কিংবা ঘরের ভেতরের ধোঁয়া বাইরে যেতে পারে। তবে চিমটা সাহেবের অল্প ঘরগুলোর চেয়ে এই ঘরটির একটা স্বতন্ত্র গর্বের জিনিস ছিল, দরজায় চটের পর্দা...ঘরের আক্রমণে রক্ষা হবে।

হরির কাছে এ-সব কিছু নতুন লাগে না। তাই ঘরে চুকে সহজ ভাবেই সে বলে, যাক্, এবার একটু হাত-পা মেলে বস। যাক্!

জ্বীকে ডেকে বলে, লক্ষ্মী, খাবার যা আছে, ভাগ ক'রে সকলকে দে।

সেই অন্ধকার ঘরের ভেতর মুন্সু শুক্ন হয়ে দাঁড়িয়ে থাকে...সোজা ভাবে নদ্র...একটু ভুয়ে। চারদিক থেকে সেই অন্ধকারে একটা ভাবসা পাচা গন্ধ তার নাকে এসে লাগে...সব স্বপ্ন তার ভেঙ্গে চুরমার হয়ে যায়।

হঠাৎ দাঁড়িয়ে থাকতে থাকতে তার মনে হলো ঘামে সারা মুখ ভিজ়ে উঠেছে...মাথাটা লাট্টুর মত ঘুরছে। ক্রমশঃ চোখের সামনে অন্ধকার আরো নিবিড় হয়ে ওঠে। নিঃশ্বাস নিতে গিয়ে দম্ব আটকে আসে। স্নান হেসে সে মাটির ওপর বসে পড়ে...নইলে সে মুচ্ছিত হয়ে পড়েই যেতো।

লক্ষ্মী তখন প্যাটরার ভেতর থেকে বাসি মিষ্টি-কুলুরী বার করছিল। হঠাৎ মুন্সুকে অসাড় হয়ে বসে পড়তে দেখে ছুটে তার পাশে গিয়ে বসলো।

কিছুক্ষণ পরে মুন্সু নিজেই উঠে দাঁড়ায়। হরির সঙ্গে বাজার করতে বেরোয়। বুলি-পাড়ার বাজার, নামেই বাজার।

বাজারে ঢুকতে, ছ'একজন চেনা লোকের সঙ্গে হরির দেখা হয়। আগে এই বাজার থেকেই হরি জিনিস-পত্র কিনতো। সেই হুত্রে সেখানকার কুনিদের সঙ্গে তার আলাপ ছিল।

একটা দোকানের সামনে একদল কুলি বসে ছিল! দোকানী একজন শিখ। তার সামনে সারা উর্দী-পরা একজন লোক একটা চাদর বিছিয়ে চাল কিনছিল। দোকানী গুণে গুণে ওজন ক'রে তেলে দিচ্ছিল, একা...হুয়া...একা...হুয়া...

হঠাৎ হরিকে দেখে কুলিদের মধ্যে একজন বলে ওঠে, আরে এই যে হরি ভাই, কবে এলে?

হাত-জোড় ক'রে অভিবাদন জানিয়ে হরি বলে, এই ভাই পরন্ত এসেছি!

—তোমার বউ-ছেলেপুলে সব ভালো তো?

—হাঁ ভালই আছে একরকম...তাদের এবার সঙ্গে ক'রে নিয়ে এসেছি...

—তাই নাকি? বেশ...বেশ...

এমন সময় দোকানী পাল্লা নামিয়ে রেখে চাঁৎকার ক'রে ওঠে, বলি, এটা দোকান, না তোদের আড্ডাঘর...? কাজের সময় যত সব ঝামেলা...দুর্ হ...হাঁ...একা...হুয়া...জিয়া...

দোকানী আবার পাল্লা তুলে নিয়ে মাপতে শুরু করে।

কুলিরা চুপটা ক'রে বসে থাকে।

চাল ওজন করা শেষ হয়ে গেলে দোকানী ক্রেতাকে জিজ্ঞাসা করে, বল হে, চিমটা সাহেবের আর কি কি দরকার?

চিমটা সাহেবের বেয়াড়া উত্তরে জানায়, দুটা ডবল রুটা...এক ডজন ডিম...আর দুটা মুরগী...

দোকানের ভেতর থেকে দুটা শাদা বড় পাউরুটা এনে ধরে দেয়।

মুন্সু চেয়ে চেয়ে দেখে, হাঁ এই রকম শালা পাঁউরুটা সাহেবরাই খায় বটে।

—আর কি ? এক ডজন ডিম, না ? এই নাও...এক...দুই... তিন...এই এক ডজন...হাঁ...দুটো মুরগী...না ?

এই বলে সেখান থেকে উঠে কুলিদের একপাশে একজন চাষী দাঁড়িয়ে ছিল, তার কাছে এগিয়ে যায়। চাষীটার বগলে দুটো মুরগী।

—বলি এই শস্ত্রু...হতুম পাঁচার বাচ্চা...বল্...বল্...জলদি বল্... এ দুটো কততে দিবি ?

একটা মুরগী দোকানীর হাতে তুলে দিয়ে শস্ত্রু সগর্বে বলে, একবার মুরগীটা টিপে দেখ...তারপর দাম বলবো !

মুরগীটার গুণ্ডু ধরে এ-দিক ও-দিক ঘুরিয়ে দোকানী বলে ওঠে, দূর বেটা, কোথা থেকে একটা বুড়ো মুরগী নিয়ে এসেছে...ওটাতো দেখছি তেমনি শোলায় মত হাঙ্কা...একটুও মাস নেই গায়ে...শুধুই হাড়...বল্...বল্...কি দিতে হবে ?

শস্ত্রু কাতরভাবে বলে, কি আর বলবো, হুজুর ! হুজুর মা-রাপ ! ভেবে-চিন্তে উচিত যা দাম বিবেচনা করেন, দিন...নিজেরা না খেয়ে, এই দুটোকে খাইয়েছি !

তারসঙ্গে আর কোন কথাবার্তা না বলে, মুরগী দুটোকে নিয়ে এসে চিমটা সাহেবের বেয়ারার হাতে তুলে দেয়...এই নাও...বদরুদ্দীন সাহেব...

কি দামে বেচছে, সেটা যাতে, যার কাছ থেকে এখুনি কিনলো, তার সামনে আলোচিত না হয়...সেইজন্তে তাড়াতাড়ি বলে ওঠে, দাম এখন থাক...সাহেবের নামে খাঁতায় লিখে রাখলাম।

তারপর দোকানীর ভেতর গিয়ে একটা কাঁচের বোতল থেকে

কতকগুলো চকলেট-জাতীয় জিনিস নিয়ে এসে বদরুদ্দীনের হাতে দেয়, বলে, আমার নাম ক'রে মেমসাহেবকে দিও...আর তোমার পাওনা...একদিন ছুপুরে সময় ক'রে এসো...হিসাব ক'রে যা হোক বন্দোবস্ত করবো।

মুরগী দুটোকে বগলে পুরে চিমটা সাহেবের বেয়ারা বদরুদ্দীন গা হুলিয়ে চলতে শুরু করে...শাদ সাহেবের কালা চাকরেরা ঠিক যেমন ভাবে চলে।

বদরুদ্দীন দৃষ্টি-সীমার বাইরে চলে গেলে শিখ দোকানী শব্দকে ডাকে; মুরগীর দামের বদলে চাল নিবি না পয়সা নিবি ?

শব্দ দীনভাবে জানায়, কিছু পয়সা দিন, আর কিছু চাল ডাল দিন !

—আচ্ছা, এই নে চার আনা পয়সা...আর আঁচল পাত্...এক মের চাল দিচ্ছি....

শব্দ ছুটে গিয়ে দোকানীর হাঁটু জড়িয়ে ধরে, কি বলছো সর্দারজী ! এক একটা মুরগীর দাম যে এক এক টাকা ! বাড়ীতে আমার বউ এ দুটোকে না খাইয়েছে, তাতে আমাদের অস্বস্ত এক হস্তার খোরাকী চলে গিয়েছে ! আমি তো বলেছিলাম, বেচবো না। কিন্তু কি করবো, নগদ পয়সা যে একটাও নেই ! সর্দারজী ! হক দাম যা, তাই দাও !

সর্দার এবার রেগে ওঠে।

—কি ! আমি তোকে ঠকাচ্ছি ? হক দাম, মানে ? মুরগী দুটো থেকে ভেবেছিস্ আমি বুঝি খুব লাভ করলাম ? আরে ব্যাটা, ও দুটো আমাকে এমনি বকশিস্ দিতে হলো সাহেবকে ! ঘুস না দিলে সাহেব এখন থেকে মাল নেবে কেন ? ও-থেকে এক পয়সাও আমি লাভ করছি না !

হাত-জোড় ক'রে শব্দ বলে, ছজুর, তুমিও মনিব, সাহেবও মনিব। তোমারা ছ'জমেই বড়লোক—তোমরা ইচ্ছে করলে ষ্ খুসী তাই বকশিস্



করতে পার। আমিও পরে একদিন হুজুরকে একটা মুরগী বকশিস্ ক'রে যাব! তবে দোহাই সর্দারজী, এখন এই ছোটো মুরগী ছাড়া আমার আর কিছু নেই। বাড়ীতে একটা দানা নেই যে বউ-ছেলের মুখে দি! এক সের চালে একদিন ও যাবে না... আর চার আনা পয়সায়, বছের মত শহরে কি কিনবো বলো? বিচার ক'রে একটা কথা বল। অন্তায় করো না সর্দারজী!

সর্দারজীর গলা সপ্তমে চড়ে যায়।

—কি! আমি অন্তায় করছি? ঠকাচ্ছি তোকে? জানিস্ গুরু-গ্রন্থ রোজ পূজা করি আমি! কাকে কি বলতে হয়, ভেবে-চিন্তে বলবি হারামজাদা! যা, আর হু' আনা বেশী দেবো—আর গোলমাল করবি না—তোকে নিয়ে পড়ে থাকলেই তো চলবে না—অন্ত খন্দের দেখতে হবে!

শস্তুর চোখ আপনা থেকে জলে ভিজ়ে আশে। হাত জোড় ক'রে বলে, হুজুর, আমি তো বেশী চাইচি না! যা ত্রায্য দাম, আমাকে তাই দিন!

দোকানীর হাতের কাছে একটা কাঠের হাতা ছিল। সেটা তুলে সজোরে শস্তুর কাঁধে এক-যা বসিয়ে দেয়।

—যা ব্যাটা পাজী...দূর হয়ে যা আমার সামনে থেকে! ব্যাটারদের যতই দাও...ততই নাকে কাগ্না!

আহত হয়ে শস্তুর সরে আসে। ছোট ছেলের মতন অলহায় ভাবে কঁপিয়ে কাঁদতে থাকে।

মুন্সু সামনেই বসে ছিল। যেন মাটির লজ্জ কে তাকে গোঁধে দিয়েছে। সামনে যে কি হচ্ছে, তা' সে শুনেও বেন শোনে না, দেখেও যেন দেখে না।

মার খেয়ে শব্দ বসে পড়ার সঙ্গে সঙ্গে কুলিরা তার কাছে গিয়ে তাকে হাত ধরে টেনে তোলে।

—কাঁদিস না...চুপ্ কর...বাটা ছেলে কঁাদছিস্ কি রে ?

কুলিরা প্রকাশ্যে তার বেশী সহানুভূতি দেখাতে পারে না কারণ সর্দারজীর দয়ার ওপর তাদের জীবিকা নির্ভর করছে।

সর্দারজী বিরক্ত হয়ে বলে ওঠে, এইনে, আর এক আনা...আর এই এক সের চাল... শোর পেটে ভরাগে যা !

মুখ দিয়ে তখন রক্ত গড়িয়ে পড়ছিল। এক হাতে দিয়ে রক্ত মুছতে মুছতে, আর এক হাতে সেলাম জানিয়ে, শব্দ অগত্যা সেই পরমা আর চাল তুলে নেয়। চলে যাবার জন্তে পা বাড়াতে গিয়ে ফিরে দাঁড়িয়ে অশ্রু-ভারাক্রান্ত কণ্ঠে কঁদে বলে ওঠে,

—দোহাই সর্দারজী...অপরাধ নিয়ো না...মাফ করো আমার—মাফ করো সর্দারজী !

সঙ্ঘার ঘনায়মান অন্ধকারে ধীরে ধীরে সে অদৃশ্য হয়ে যায়। \*

কুলিদের দিকে ফিরে তখন সর্দারজী জিজ্ঞাসা করে, কি চাই তোদের ?

—সওদা কিছু চাই না হজুর !

—তবে ?

—যদি কোন মোট থাকে...

—না...না... আজ কোন মোট নেই...

তারপর হঠাৎ মূগুর দিকে দৃষ্টি পড়তে, জিজ্ঞাসা করে,

—কি চ্যইরে তোর ?

হরি এগিয়ে গিয়ে বলে, ও আমার সঙ্গে এসেছে সর্দারজী ! মিলে কাজে ঢুকেছে...ওর ইচ্ছে, আপনার লোকান থেকেই কিছু মাল খাতায় লিখে যদি পায়...অবিলম্বে বরাবর আপনার সঙ্গেই লেন-দেন চলবে...

আমাকে তো চিনতে পারছেন হজুর ? আমি হরি...গতবছর  
এইখানেই কাজ করতুম...

সর্দারজী বলে ওঠে, এ-বছর-আমি স্ত্রদের হার চড়িয়ে দিচ্ছি !

—আমি টাকা ধার নিতে আসিনি হজুর....আমি বলছিলাম কি, যদি  
ছ'টাকার চাল আর এক টাকার ডাল ধারে দেন....আপনার কেনা  
গোলাম হয়ে থাকবো....আর যা দরকার, তা' না হয় নগদই কিনবো !

সর্দারজী জানিয়ে দেয়, ধারে মাল নিলে, টাকা পিছু এক আনা  
ক'রে স্ত্র দিতে হবে !

হরি কৃতার্থ হয়ে বলে, তা' হজুরের যা ইচ্ছে...আমি না বলবো না !

—তা' হলে কাপড় পাত....আর কি কি জিনিস দরকার ?

—ময়দার দর কি রকম সর্দারজী ?

সর্দারজী নামতা পড়ার মত তাড়াতাড়ি যেন মুখস্থ বলে যায়। ময়দা  
টাকা টাকা সের, চাল আট আনা, ঘা পাঁচটাকা, খাঁটি সর্ষের তেল  
এক টাকা....গুড় চার আনা....ইংরেজী চিনি আট আনা...নাও....জলদি  
বল কি কি চাই ! অল্প খন্দের দাঁড়িয়ে আছে !

উল্লসিত মনে হরি ফর্দ বলে চলে, দশ সের ময়দা, পনেরো সের চাল,  
পাঁচ সের ডাল, এক সের তেল, এক সের দেশী চিনি...

মাসের শেষে এই ফর্দের দরুন তাকে কত যে দিতে হবে, সে বিষয়ে  
সে একটুও ভাবে না, কারণ কততে কত হয়, সে-ধারণা তার ছিল না।

কত টাকা যে খরচ হচ্ছে, যুন্নু তা' জানতেও 'য় না কারণ মাসের  
শেষে পনেরো টাকা সে পাবে, সেই ঐশ্বর্যের সম্ভাবনা ইতিমধ্যেই তাকে  
বেপরোয়া ক'রে তুলেছে।

ভোরের আবছা অন্ধকারে তখন ঘুম-পাড়ানো হাওয়া বইছে, সেই সময় পাতলা আকাশ চিরে হঠাৎ বেজে উঠলো কারখানার বাঁশী।  
তীব্র দীর্ঘ শব্দ।

তাড়াতাড়ি ঘুম থেকে উঠেই লক্ষ্মী একরকম বেসামল কাপড়-চোপড়ে হাঁড়ি থেকে বাসি ভাত আর ডাল বার ক'রে সকলের সামনে ধরে। মাটির হাঁড়ি থেকে খুঁটে খুঁটে শেষ ভাতটা বার করতে করতে, কপালে বিন্দু বিন্দু ঘাম আপনা থেকে ফুটে ওঠে। কিন্তু সেই বন্ধ ঘরের পচা গরমে যে তার কোন অসুবিধা হচ্ছে, তা' দেখলে মনে হয় না। লক্ষ্মীর মুখ দেখলে মনে হয় না যে সে দুই ছেলের মা...পল্লীর মুক্ত জীবন তার সহজ যৌবন-শ্রীকে এখনও অটুট রেখে দিয়েছে। হয়ত প্রতিদিনের জীবনের তিস্ততা সম্বন্ধে সে সম্পূর্ণ উদাসীন...নয়ত... পরিপূর্ণ স্বাস্থ্যের আভ্যন্তরিক জ্যোতিতে বাইরের কোন ছাপ পড়তে পায় নি...তার দুটা ঘন কালে চোখে এখনও আলো ঝিকমিক করে...গালের ছ'ধারে দুই গুণ্ড এখনও তামাটে লাল। ঈষৎ-মুক্ত দুই ওষ্ঠে ভয়হীন, কুষ্ঠাহীন, সত্ত্ববিকশিত সহজ হাসি...সে-হাসি নিজেকেও জানে না...জগৎকেও চেনে না।

বনের মধ্যে হঠাৎ যখন হরিণী শোনে সিংহের গর্জন...ভেতর থেকে কি যেন তখন তাকে চঞ্চল ক'রে তোলে...সেই কারখানার সেই লৌহ-গর্জন লক্ষ্মীর কাণে এসে পৌছতেই সে ঝল হয়ে ওঠে। যেন কোন দূর আশঙ্কার হিম-শিহরণ তার পেটের ভেতর থেকে উঠে সমস্ত শরীরে ছড়িয়ে পড়ে...তার ধাক্কা সামলাতে গিয়ে অকারণে সে হেসে ওঠে। সে-অশোয়াস্তি সহ্য করতে না পেরে স্বামীর কাছে ছুটে আসে...ছোট ছেলে যেমন বিপদে পড়লে মা-বাপের কোলে ছুটে গিয়ে পড়ে। ডান-পায়ের বুড়ো আঙ্গুলটা নেড়ে স্বামীকে আগাতে চেষ্টা

করে...জোরে নাড়তে গিয়েও বেশী জোর দিতে পারে না, পাছে কিছু অসঙ্গম দেখায়।

—উ...হু...হু...

চোখ চেয়ে নানারকম অলুনারিক শব্দ করতে করতে হরি উঠে পড়ে।

চাপা গলায় লক্ষ্মী বলে, কাজে বাবার সময় হয়েছে...কারখানার বাশী বেজে গিয়েছে...

তারপর ছেলের কাছ গিয়ে লক্ষ্মী তাদের ঠেলে ঠেলে তুলে, কাপড়ের খুঁট দিয়ে চোখের পিচুটী মুছিয়ে দেয়।

মুগ্ধকে ধাক্কা দিয়ে হরি ডাকে, ওঠো হে ভায়া!

মুগ্ধ আস্তে আস্তে চোখ খুলে চায়, হু'একবার পাশ-মোড়া দিয়ে নেয়, তারপর সোজা উঠে বসে সামনে চাইতেই দেখে, লক্ষ্মীর অনবগুণ্ঠিত সম্পূর্ণ মুখ। বীয়াস নদীর তীরে বহুদিন বহুপ্রভাবে সে দেখেছে, লক্ষ্মীরই মতন যুবতী সব নারী, অমনি দেহ-সৌষ্ঠব, অমনি তাম্রাভ তপ্ত রঙ। দৃষ্টি-সীমার মধ্যে সুন্দরী নারীর অস্তিত্বের আনন্দে তার অজ্ঞাতে তার সর্বদেহ পুলকিত হয়ে ওঠে।

লক্ষ্মীকে সামনাসামনি না ডেকে অথচ তাকেই উদ্দেশ্য করে সে বলে, মুখ ধোবায় জল একটু পেতে পারি?

মুগ্ধর দিকে চেয়ে, লক্ষ্মী এক মুখ হেসে ওঠে তারপর চোখ ঘুরিয়ে নিয়ে মাটির কলসী থেকে এক গেলাস জল নিয়ে দরজার ধারে রেখে আসে।

—না, কাল বাশী বাজবার আগেই উঠতে হবে...নইলে দেবী হয়ে যাবে...

বলেই হরি সোঁজা উঠে দাড়িয়ে সেই অবস্থায় বেরিয়ে পড়ে।

মুহুর্তে কোন বকমে কাপড় দিয়ে মুখটা মুছে নিয়ে তাকে অসুস্থ করে।

ছেলেমেয়েদের খাইয়ে গোছ-গাছ ক'রে, বেরের এটা-সেটা ক'রতে লক্ষ্মীর দেবী হয়ে যায়।

বাইরে থেকে অর্ধেক হয়ে বরি বেগে চীংকার ক'রে ওঠে, বেরিয়ে আয় মাগী! তোর জন্তে সকলের দেবী হয়ে যাবে...

ছেলেমেয়েদের টানতে টানতে লক্ষ্মী বেরিয়ে পড়ে।

পথে পুকুরের ধারে এসে, তারা ঘে-ঘার প্রাতঃকৃত্য সেরে নেবার জন্তে আলাদা আলাদা যায়গায় পুকুরের পাড়ে আশেপাশে বসে পড়ে। চারদিকে তখন তাদেরই মতন আরও অনেকে প্রকৃতির আহ্বানে সাড়া দিতে বসে গিয়েছে। অসহায় দৈন্ত তাদের প্রাথমিক লজ্জাবোধ কেড়ে নিয়েছে কখন, তা' তারা নিজেরাই জানে না।

এমন সময় কারখানার দ্বিতীয় বাঁশী বেজে ওঠে।

তাড়াতাড়ি পুকুরে হাত-মুখ সব ধুয়ে তারা আবার চলতে আরম্ভ করে। কারখানার দরজার কয়েক গজের মধ্যে যখন এসে পড়েছে, তখন শেষ বাঁশী বেজে উঠলো। দলে দলে অল্প সব কুলিরাও তখন ভীড় ক'রে দরজার দিকে এগিয়ে চলেছে। তারা সেই দলে মিশে যায়। ভোরের শিশিরে শুকিয়ে-ষাওয়া কাদা আবার ভিজে উঠেছে। খালি-পায়ে কাদা-চটকানোর শব্দ উঠতে থাকে। নিদ্রা-শ্লথ অনিশ্চিত ক্লান্ত পদে তারা এগিয়ে চলে। কারুর মুখ কোন কথা নেই। প্রত্যেকের কপালে ভয় যেন চিরকালের মত দাগ কেটে চলে গিয়েছে... দুশ্চিন্তার গুরু-ভারে প্রত্যেকের মাথা আপনাকে থেকে নীচের দিকে ঝুঁকতে পড়েছে। হঠাৎ কেউ পা পিছলে গিয়ে, বা অসাবধানতায় রাস্তার গর্তের মধ্যে জমানো কাদা-জলে পড়ে গিয়ে, গালাগাল দিয়ে ওঠে। হয়ত বা কোন বুড়ো কুলি পরিচিত অল্প কোন সহকর্মীকে

দেখে অভিবাদন জানায়, রাম রাম ভাই! ছেলে-ছোকরাদের মধ্যে কেউ হয়ত সামনের স্লথবাত্রীকে হাত দিয়ে ধাক্কা মেরে দ্রুত চলবার ইঙ্গিত করে। সমবেতভাবে তারা এগিয়ে চলে, কিন্তু তাদের গতির মাত্রা অতি ধীর, অতি শাস্ত।

মুন্সু দরজায় ঢুকতেই দেখে, কারখানার ঘড়িতে ছোট কাঁটাটা ছাঁটার ঘরে গিয়ে সবে দাঁড়িয়েছে।

কারখানা ঘরে ঢোকবার সেডের মুখে জিমি টমাস সাহেব দাঁড়িয়ে আছে। হুঁপা ফাঁক ক'রে, দীর্ঘ গোঁফের স্বল্প প্রাপ্ত হুঁটা হাত দিয়ে মোচড়াতে মোচড়াতে অগ্রসর-মান জনতার দিকে স্থির দৃষ্টিতে চেয়ে আছে। তার সামনে এসে প'ড়ে, যেই কুলিদের দৃষ্টি তার ওপর গিয়ে পড়ে, কলের পুতুলের মতন তাদের হাত কপালে উঠে যায়, সেলাম জানায়, তারপর ছায়াভয়-ভীত শাবকের মত দৌড়ে কারখানার সেড়ে চুকে পড়ে।

চিমটা সাহেব গর্জন ক'রে ওঠে, হারামজাদারা দেবী ক'রে আসবে আর এখানে এসে ছুটবে! অসভ্য বাদরের দল! এক একজন ক'রে আস্তে আস্তে....

সকলের পিছনে আসে হরি...চিমটা সাহেবের সামনে প'ড়ে সসজ্জমে অভিবাদন জানায়, সালাম সাহেব!

সেদিকে অক্ষিপ না ক'রে মুন্সুদের দিকে চেয়ে চিমটা সাহেব বলে ওঠে, এই নতুন কুলিগুলো...তোরা আমায় সঙ্গে আয়....তোদের কি করতে হবে দেখিয়ে দিচ্ছি!

লক্ষ্মী আর তার ছোট ছেলে-মেয়েদের একটা ঘরে ঢুকিয়ে দিয়ে চিমটা সাহেব মুন্সুর ঘাড় ধরে টানতে টানতে তাকে হরি আর একজন আধাবয়সী লোকের মাঝখানে একটা খালি কাঠের টুলের ওপর বসিয়ে দিয়ে বলে, এইখানে, তুই ওদের কাছে কাজ শিখবি।

মুন্নু ঘাড় ফিরিয়ে দেখে, চিমটা সাহেব অসংখ্য যন্ত্র-পাতির মধ্যে অদ্ভুত হয়ে গেল। একটা শোয়াপতির নিঃশ্বাস আঁখানা থেকে বেরিয়ে এলো।

গরমে মুন্নু ঘেমে উঠেছিল। এইবার সে আশ্চর্য হ'য়ে তার নতুন পারিপার্শ্বিকের চারদিকে চোখ ঘুরিয়ে ঘুরিয়ে দেখে। সামনে বহু কুলি কাজ করছিল। মুন্নু তাদের মুখের দিকে বিস্ময়ে চেয়ে দেখে, শুক বিবর্ণ মুখে কোন ভাবের অভিব্যক্তি নেই। সেখান থেকে চোখ তুলে যন্ত্রপাতির দিকে চায়, গোল, চৌকো, লম্বা, ত্রিভুজ, নানা আকারের নানা ধরণের সব যন্ত্র। প্রথমটা মন্দ লাগে না। হঠাৎ যন্ত্রগুলো সব একসঙ্গে চলতে আরম্ভ করে। তাদের অসংখ্য উত্থান-পতনের উন্মাদ গর্জন হঠাৎ কাণে তালা লাগিয়ে দেয়। দেখতে দেখতে হঠাৎ তার মনে হলো যেন সে একটা খাঁচায় বন্ধ হয়ে আছে। সেই চিন্তার সঙ্গে সঙ্গে তার ঘেন দম আটকে আসতে থাকে। বহু চেষ্টা ক'রে মন থেকে সেই ধারণা দূর করতে চেষ্টা করে। সমস্ত দেয়াল তুলোর আঁশে আর কর্ণালিতে কালো হয়ে গিয়েছে...সে বিচিন্ত্র কালো যেন চোখে এসে বেষে। সেখান থেকে দৃষ্টি তুলে দেখে, মাথার ওপরে দেয়ালের এক ফাঁকে একটুখানি ছিদ্র-পথ দিয়ে দু'এক ফালি সূর্যের আলো যেন লুকিয়ে চুরি ক'রে এসে পড়েছে। যত বেলা বাড়ে ততই ভেতরকার হাওয়া গরম হতে থাকে। তেল আর তুলোর মিলে একটা ভারী গন্ধ নিঃশ্বাস আটকে দেয়। ঘামে গায়ের জ্বালা ভিজে যায়। মনে হয় সে ঘেন একা, সকলেয় সঙ্গে বিচ্ছিন্ন। ঐ একঘেয়ে শব্দ বোধ হয় ওকে পাগল ক'রে দেবে।

হরি বলে ওঠে, মুন্নু, এই দেখ, জ্বামি ডান হাত দিয়ে যেমন ঘুরাচ্ছি, এই হাণ্ডেলটা তেমনি ক'রে এখানে দাঁড়িয়ে ঘোরা...যখনি স্তো ছিঁড়ে বাবে...তাড়াতাড়ি গেরো দিয়ে দিবি।'



মুন্সু মনে মনে আশ্বস্ত হয়, অন্তত এ কাজটা খুব লোজা !

কিন্তু হাওেল ঘোরাতে গিয়ে প্রথম প্রথম তার ভয় করে, সে অতি সন্তর্পণে ঘোরাতে থাকে ।

—আর একটু জোরে ঘোরাও, ভায়া ! হরি বলে ওঠে ।

জোরে ঘোরাতে গিয়ে স্ততো ছিঁড়ে যায় । কি ক'রে গেরো দেবে মুন্সু ঠিক ক'রতে পারে না । শাশের লোকটা এসে দেখিয়ে দেয় ।

তারপর আর কোন অসুবিধা হয় না । স্ততো ছিঁড়ে গেলে মুন্সু নিজেই জোড়া দিয়ে নেয় ।

একটা নতুন কাজ সে শিখেছে, সেই আনন্দে খানিকটা তার মনের অবসাদ কেটে যায় । কিন্তু এ-কাজে দেহের পরিশ্রমের চেয়ে, সে বুঝলো, বেশী দরকার, সজাগ দৃষ্টি । সর্বদাই একদৃষ্টিতে চেয়ে থাকতে হবে স্ততোর দিকে । তার ফলে, কিছুক্ষণ পরেই মাথা ধরে যায় । চারিদিক থেকে যন্ত্রের আওয়াজ....কোনটা টিক্-টিক্ ক'রছে, কোনটা গুম্-গুম্ ক'রছে....নানা যন্ত্রের নানা শব্দ...অবিরাম, অবিচ্ছেদ্য....তার সঙ্গে তাদের বিচিত্র গতি....কোনটা উপর-নীচু চলছে, কোনটা গোল হয়ে ঘুরে ঘুরে আসছে...সেই সঙ্গে তেল আর নতুন তুলোর গন্ধ....সব মিলে তার মনকে যেন অবসন্ন ক'রে ফেলে....কিছুক্ষণ পরে সে স্পষ্ট অনুভব করে, এক ঘন-কুৎস-ছায়া যেন তার অদৃশ্য লোহার আঙুল দিয়ে তার গলা আঁকড়ে ধরছে । মুন্সুর মনে পড়ে, আরো ছেলেবেলায়, তাদের গাঁয়ে, তাঁতিদের ভাঙ্গা তাঁতশালায় কলুদের অন্ধকার ঘানি-গাছের আশে-পাশে, যেখানে চোখে কাপড় বেঁধে বলদেরা হয়ত আজও ঘুরে বেড়াচ্ছে....এমনি ধারা কি এক অস্পষ্ট ছায়ামূর্তি সে মাঝে মাঝে দেখতে পেতো !

টিফিনের ঘণ্টা বাজার সঙ্গে সঙ্গে কুলিরা কাজ ফেলে উঠে দাঁড়ায় । মুন্সুও তাদের সঙ্গে সঙ্গে উঠে পড়ে বাইরে যাবার জন্তে উদ্বিগ্ন হয়ে

ওঠে। ঘামে সমস্ত জামাটা ভিজে গিয়েছিল। চলতে চলতে জামাটা তাই খুলে ফেলে। এমন সময় হঠাৎ পাশের এক বস্তুর ঘুরন্ত চাকায় লেগে জামাটা তার হাত থেকে মুহূর্তের মধ্যে সরে যায়...দেখতে দেখতে জামাটা চাকায় টুকরো টুকরো হয়ে পড়ে। জামাটা হাত থেকে আচমকা সরে যেতেই মুন্সু সেটাকে বাঁচাবার উদ্দেশ্যে তক্ষুণি ছ'হাত বার করে সেই ঘুরন্ত চাকার দিকে বাড়াষ...অমনি...কজন কুলি চীৎকার করে ওঠে—

—হাত দিস্নি...হাত দিস্নি, হারামজাদা...

মুন্সু ভয়ে থমকে দাঁড়ায়।

—বেটার মাথা খারাপ নাকি! চাকায় হাত ঠেকলে আর পৈত্রিক প্রাণটা ফিরে পেতে না বাছাধন!

হরি তাড়াতাড়ি ছুটে এসে মুন্সুকে ঘর থেকে বাইরে টেনে নিয়ে যায়। যেতে যেতে পেছন ফিরে সেই ঘুরন্ত চাকার দিকে মুন্সু একবার চেয়ে দেখে। মনে মনে ভাবে, বহু-বাহু, আর বহু-শির যন্ত্র-দেবতা আজ তার মত দরিদ্র লোকের ময়লা জামাটা কেড়ে নিয়ে একি রসিকতা ক'রলো!

মুন্সুর কাণে কাণে হরি বলে, টিফিন টাইম!

এই ছ'টা হিংরেজী কথা সে কারখানা থেকে শিখেছে...

সারা কারখানার মধ্যে কুলিদের হাঙ-মুখ-ধোবার কোন ব্যবস্থাই নেই। পেছনের দিকে, রাশীকৃত টিনের কেন্দ্রস্থলে আর তেলের ড্রামের মধ্যে একপাশে একটা পাম্প...সেখানেই শ'খানেক কুলি এক সঙ্গে জড় হু'য়েছে, এক আঁচলা জল খাবার জলে!

টিফিন!

কিন্তু টিফিন খেতে পারে এমন কোন ব্যবস্থাই নেই...কোন হোটেল নয়, কোন খাবারের দোকান নয়...কোন খাবারওয়ালো নয়...শুধু

কারখানার গেটের বাইরে একজন ফিরিওয়াল হু' বুড়ি সস্তা তেল-  
ভাজা গজা জাতীয় জিনিস আর মুড়ি নিয়ে বসে আছে।

কিন্তু কুলিদের স্ত্রীরা যে বার আপনার লোকের জন্তে বাড়ী থেকে  
খাবার নিয়ে এসেছে...ভাত আর ডাল। একটা গাছ তলায় বসে গো-  
গ্রাসে তাই তারা শেষ ক'রে ফেলে।

অপরের স্ত্রী-ভাগ্যের প্রত্যক্ষ নিদর্শন সামনে দেখে হঠাৎ হরির  
নিজের স্ত্রীর কথা মনে পড়ে যায়।

—কৈ! সে তো এখনো এলো না? কি হলো তার? হরি  
কারখানার ভেতর ছুটে যায় দেখবার জন্তে।

এমন সময় কারখানার বাঁশী বেজে উঠলো, টিফিন শেষ।

দলে দলে আবার সেডের ভিতর গিয়ে বে বার জায়গায় বসে  
পড়লো।

মুন্নু ভেতরে তার জায়গায় গিয়ে দেখে, হরি তখনও আসে নি।  
কিছুক্ষণ পরে দেখে, হরির জায়গায় অল্প আর একজন লোক এসে কাজ  
ক'রছে। হরির কি হলো? দেখতে দেখতে বিকেল হয়ে এলো কিন্তু  
তখনও হরির দেখা নেই।

কিছুক্ষণ পরে হাঁফাতে হাঁফাতে হরি এলো...ভয়ে যেন তার মুখ  
শুকিয়ে গিয়েছে।

মুন্নু র দিকে চেয়ে কঁাদ-কঁাদ কণ্ঠস্বরে বলে উঠলো, ছোট ছেলেটার  
ডান হাতটা কলে ভেঙ্গে গিয়েছে...বেচারি জানে তো কিছু...ভুল  
ক'রে একটা ঘুরন্ত বেণ্টে হাত দিতে গিয়ে তার এই দুর্দশা!

শুনে মুন্নু র মনে তীব্র কষ্ট হয় কিন্তু সে-কষ্ট সে বোঝাতে পারে না।  
নিরর্থক ভাবে শুধু হরির মুখের দিকে চেয়ে থাকে...মুখ দিয়ে একটাও  
সহায়ত্বভিত্তিক কথা বেরায় না...ভেতর থেকে তার বুক টনটন ক'রতে  
থাকে।

পাশের একজন কুলি জিজ্ঞাসা করে, ডাক্তার দেখিয়েছ ?

কাঁদতে কাঁদতে হরি বলে, না, ভাই ! মিলে তো কোন 'ডাকদার' নেই। তবে চিমটা সাহেব আমাকে ছুঁটি দিয়েছে, ছেলেটাকে শহরের হাসপাতালে নিয়ে যাবার জন্তে, কিন্তু আমার চাকরী বোধ হয় আর থাকবে না...পয়লা দিনই পুরো কাজ করলুম না...সাহেব তো খুব রেগে গিয়েছে !

এই দ্বিধা-বিভক্ত কর্তব্যের মধ্যে কোনটী তারপক্ষে শ্রেয় হবে, ঠিক ক'রতে না পেরে হতাশ হয়ে সে বসে পড়ে। মনে হয়, এত লোকজনের মধ্যেও সে যেন একলা। কিছুক্ষণ পরেই সে আবার উঠে দাঁড়ায়। না, ছেলেটাকে নিয়ে যেতেই হবে। কয়েক পা গিয়ে আবার ফিরে আসে, যেন কি ফেলে গিয়েছে। মুন্সুর কাছে এসে বলে, ভাই, বাড়ী ফেরবার সময়, ছেলের মাকে তুই সঙ্গে ক'রে নিয়ে যাস্...সে বেচারী পথঘাট তো কিছুই জানে না !

হরি চলে যাওয়ার সঙ্গে সঙ্গে মুন্সুর মনে হয়, এমনি তার বসে থাকা উচিত হয় নি। এই কারখানা থেকে শহরের দূরপথে এই বোনে ছেলেটাকে কোলে ক'রে নিয়ে যেতে বড়ো মান্বষের খুব কষ্ট হবে...সে তো খানিকটা সে-কষ্ট লাঘব ক'রতে পারতো, ছেলেটাকে বয়ে নিয়ে গিয়ে ! মুন্সু যেন দেখতে পায়, পথ দিয়ে টলতে টলতে হরি চলেছে...এ-রাস্তা সে-রাস্তা দিয়ে, পুকুর-পাড় দিয়ে, এতক্ষণে সে শহরের ধারে গিয়ে পৌঁছিয়েছে...সেখান থেকে শহরের লোকের ভীড়ের মধ্যে হারিয়ে যায়...মুন্সু আর দেখতে পায় না...হঠাৎ মনে জাগে, যদি ছেলেটা পথেই তার কাঁধে মারা পড়ে ? সেক্ষেত্রে হরির সঙ্গে একত্র বাস করা তার আর চলবে না, কারণ তারা নিশ্চয়ই ভাববে, তারই জন্তে তাদের এই দুর্ভাগ্য ঘটেছে। সে অপরায়। তবু তো আজও পর্য্যন্ত তারা জানে না

তার মা-বাপ কেউ নেই, সে অনাথ। জানলে হয়ত অপয়া বলে আগে থাকতেই তারা ভাড়িয়ে দিত।

কে যেন মনের মধ্যে জিজ্ঞাসী ক'রে ওঠে, সত্যিই কি আমি অলুক্ষণে অপয়া? আমার জন্মানোর সঙ্গে সঙ্গে বাপকে খেয়েছি...তারপর মাকে হারিয়েছি...আমার জন্মেই প্রভুদয়াল ভিটে ছেড়ে চলে গিয়েছে... এখানে এলাম...এখানেও হরির এই দুর্ভাগ্য! তাহলে নিশ্চয়ই আমি অলুক্ষণে! যদি অলুক্ষণে তবে বেঁচে থাকি কেন? আমার মৃত্যুতে অন্তত জগৎ থেকে একজন খারাপ লোক সরে যাবে...

হরি তার পাশে নেই...তার মনে হলো, কারখানার মধ্যে তার কেউ নেই। এখানে কারুর সঙ্গে তার কোন সম্পর্ক নেই। তার ওপর যন্ত্রেয় সেই কাণে-তালা-লাগা একঘেয়ে গর্জন...সে অস্থির হয়ে ওঠে। ক্ষিদেতে তার পাজরার ভেতর জ্বালা ক'রতে থাকে...যেন একটা ইঁদুর, মস্ত বড় ইঁদুর, তার পেটের ভেতর ঢুকে ভেতর থেকে তাকে কুরে কুরে খাচ্ছে। তারঙ্গের পর তারঙ্গের সংঘাতে যেমন ফেনা জেগে ওঠে, তেমনি ভেতর আর বাইরের আক্রমণে তার মগজের মধ্যে ভাবনাগুলো যেন সব ফেনার মত একাকার হয়ে যায়...আর সেই ফেনার মধ্যে তার ছোট্ট প্রাণটুকু কোন রকমে ডুবে না গিয়ে ভেসে চলে...কিন্তু কোথা থেকে ঝড় উঠে তাকে আর ভেসে থাকতেও দেয় না...বৃষ্টি ডুবে যাবে এবার একেবারে।

তবুও সে প্রাণপণ চেষ্টা করে নিজেকে তুলে ধরতে। শহরে ঢোকবার সময় যে-সব বড় বড় বাড়ী সে দেখেছে, রাস্তায় দামী দামী পোষাকে যে-সব সাহেব আর ধনী রইসদের সে লক্ষ্য করেছে, দোকানে থাকে-থাকে-সাজানো হরের রকমের যে সব আনন্দের উপকরণ তার নজরে পড়েছে, প্রত্যেকটা তার অজ্ঞাতে তার অন্তরের গভীর গহনে অদৃশ্য এক বৈচিত্র্যময় জীবনের ভোগ-স্বহাকে জাগিয়ে দিয়েছিল...

জীবনের কুৎসিৎ বাস্তবতার আড়ালে তার মনে মধুর স্বপ্নের হোঁচড়া দিয়ে গিয়েছিল। তারপর যখন সে কারখানায় এসে চিমটা সাহেবের মুখে তার মাইনের কথা শুনলো—এতটাকা এক... সে আর কখনো হাতে পায় নি...সেই অনাগত রক্ত-খণ্ডগুলির কথা ভাবতে ভাবতে তার সে স্বপ্ন আরো প্রগাঢ় হয়ে ওঠে...সেই অর্থ দিয়ে সে যে-সব অমূল্য জিনিস কিনবে, আগে থাকতেই তাদের স্পর্শ সে রোজ মনে মনে অনুভব করে...কালো চক্ চকে বুট, বুর-কাছে-টিকটাক-করা ঘড়ি, ঘড়ির চেন, পোলো-টুপি, রেশমের পোষাক...সাহেবিয়ানার ষাণ্ডায় উপকরণ। অন্তরের অন্তরতম স্থলে অতি সযত্নে সে লালন ক'রে আসছে এই সংগোপন বাসনাকে...বাইরে প্রকাশ ক'রে তার মাধুর্য নষ্ট করতে পর্যাস্ত সে শঙ্কিত হয়ে ওঠে।

পাছে এই স্বপ্নের ধন বৃদ্ধি নষ্ট হয়ে যায়, মাঝে মাঝে তাই সে নেড়ে-চেড়ে দেখে। নাড়তে চাড়তে কখন আবার মনের মধ্যে জেগে ওঠে বাঁচবার আশা, আলোর আকাঙ্ক্ষা...সেই আকাঙ্ক্ষার আলোয় মানস-নয়নে সে যেন স্পষ্ট দেখতে পায়, বিচিত্র হরফে-লেখা জীবনের আনন্দ-বেদ...নিজেকে উৎসাহ দেবার জন্তে নিজেই বলে ওঠে, আমি বাঁচতে চাই, আমি জানতে চাই, কাজ ক'রতে চাই...

এতক্ষণ পর্যাস্ত সহকর্মী যে কুলিটিকে সে ভালো ক'রে দেখে নি... আধাবয়সী...পালোয়ানের মত চেহারা...তাকে বেন ভাল লাগে...

লোকটা আপনা থেকে অস্বাভাবিক করে, আশ্চর্য নাম রতন! পাঞ্জাবে বাড়ী। তোমাকে দেখে মনে হচ্ছে, পাহাড়ী, না?

মুন্সু খুশী হ'য়ে উত্তর দেয়, ঠিক তাই। তবে এর আগে আমি শ্রামনগর আর দৌলতপুরে কাজ ক'রে এসেছি!

—বেশ...বেশ...তোমার নামটা?

—মুন্সু।

মুন্নুর ভাল লাগে, লোকটির আলাপ করবার ধরণ, সহজ আন্ত-  
রিকতা। এতক্ষণ পরে তার মনে হয়, সে একা নয়।

এমন সময় ছুটির বাঁশী খেজে উঠলো। হাঁপাতে হাঁপাতে, শেষ  
দম ছেড়ে, কর্কশ শব্দে, কাঁপতে কাঁপতে যন্ত্রগুলো থেমে গেল। কুলিরা  
কাজ ছেড়ে লাফিয়ে উঠলো, যেন বনের বাঘ অদূরে কোথাও কাঁচা  
মাংসের গন্ধ পেয়েছে।

ফেরবার মুখে তাঁতশালার ভেতর দিয়ে আসবার সময় মুন্নু দেখে,  
কারখানার কামীনরা...কারো পিঠের সঙ্গে ছেলে বাধা...কাকুর বা  
কোলে...কেউ বা মাটিতে ছেড়ে রেখে দিয়েছে...সেইখানেই ধূলাতে  
পিষ্টন, রড্‌ আর সিলিগারের লোহার-থাবার মুখে গড়াগড়ি দিচ্ছে।

মুন্নু অবাক হয়ে ভাবে, ছেলেগুলো অক্ষত আছে কি ক'রে...  
কোন মেসিনই তার দিয়ে ঘেরা নয়...তাদের হাত-পা বা মাথাগুলো  
এখনো আশ্রয় আছে কি ক'রে!

লক্ষ্মী এক কোণে বসে আপনার মনে কাঁদছিল, এমন সময় মুন্নু  
খুঁজে গিয়ে উপস্থিত হলো। মুন্নুর সঙ্গে সঙ্গে সে বেরিয়ে এলো।  
মুন্নুরও কাঁদা পাচ্ছিল কিন্তু তবুও তার চোখে জল এলো না। নীরবে  
ছ'জনে পাশাপাশি চলে।

গেটে নাদির খাঁর গুমটা ঘরে ঘড়ির দিকে চেয়ে মুন্নু হিসেব ক'রে  
দেখে, এগারো ঘণ্টা আগে তারা এইখান দিয়ে কারখানায় আজ  
চুকেছিল।

মাথার ওপর থেকে সূর্য্য নেমে গিয়েছে...খাল্লে আশ্রয় সন্ধান  
অন্ধকার নেমে আসছে...যেন কে একটা বিরাট ময়লা পর্দা আকাশ  
থেকে ঝুলিয়ে দিচ্ছে।

শনিবার কুলিরাও আধবেলা ছুটি পায়। লক্ষ্মীর বড় সাথ, শহরের দোকান দেখবে। যুগ্মরও আগ্রহ কম ছিল না...যে-সব উপকরণ দিয়ে সাহেবদের জগৎ গড়ে উঠেছে, সে-শুলো...মনকে ঘেন দড়ি দিয়ে টানতে থাকে।

বিকেলের দিকে দল বেঁধে তারা বেরিয়ে পড়ে। প্রথমে হাসপাতাল। ছোট ছেলের যা তখনও সারে নি। রোজ গিয়ে ধুইয়ে আসতে হয়। সেখানে ডাক্তার এবং নাসের অনুগ্রহ-দৃষ্টির জন্তে অপেক্ষা ক'রে থাকতে থাকতে যথেষ্ট দেৱী হয়ে গেল।

হাসপাতাল থেকে বেরিয়ে রাস্তায় নেমে কয়েক পা অগ্রসর হতে না হতে, হঠাৎ মাথার ওপর মহাগর্জনে আকাশ ফেটে পড়লো...যেন একসঙ্গে একদল সিংহ গর্জন ক'রতে ক'রতে মত্তকরীদের ঘাড়ে লাফিয়ে পড়লো। শুল্লের মহারণ্য সহসা জেগে উঠলো আর্জনাতে। সঙ্গে সঙ্গে দুর্মদ বেগে ক্ষিপ্ত অশ্বের দল উদ্ভাষ হুয়ারবে ছুটে চলে... তাদের পায়ের লোহ-পাছকার সংঘর্ষে মেঘ-প্রস্তরে ঠিকরে ওঠে বিদ্রো-বক্ষি...আরোহীর হস্ত-নিক্ষিপ্ত স্নাতীক্ল বর্শা ভেদ ক'রে পলাতক-শিকারের বক্ষ...ভিন্ন-বক্ষ থেকে হিম-রক্তের স্রব ঝ'রে পড়ে বৃষ্টির বিন্দু...অজস্র ধারায়...দীর্ঘ সরল রেখায়...

সুবিপুল সেই বৃষ্টি-ধারায় সহসা পরিপ্লুত হয়ে ওঠে বণী। বহুদিনের নিরুদ্ধ বাষ্প আজ বন্ধন-হার্য বৃষ্টি-ধারায় স্নিগ্ধ ক'রে য় মাতীর তৃষিত বক্ষ। নিরুদ্ধ ঘরে, অন্ধকার গর্ভে, মানব ও পশু সত্যে অপেক্ষা ক'রে থাকে।

ছ'ঘণ্টা পরে, বৃষ্টির ধারা কথঞ্চিৎ প্রশমিত হলে, হরি ভিজে ভিজেই অহুচরদের নিয়ে বস্তির দিকে রওয়ানা হলো। রাস্তা আর নয়, নদী...



শহরের বাইরে শুধু প্রান্তর আজ সম্পূর্ণ জলমগ্ন....বস্তির ধারের পুকুর  
কুল ছাপিয়ে চারধারের সমস্ত ভাঙ্গা কুঁড়ে ঘর গুলিকে ভেঙ্গে ভাসিয়ে  
নিয়ে গিয়েছে।

জলে গায়ের চামড়ার ভেতরটা পর্য্যন্ত যেন ভিজে গিয়েছে...অনাবৃত  
দেহে কাঁপুনি লাগে। চারদিকে বৃষ্টির বিম্ব-ঝিম আঙয়াজ...মাঝে  
মাঝে হঠাৎ বজ্রের গর্জন...সঙ্গে সঙ্গে বিদ্যুতের ঝলসানো নীল আলো...  
পায়ের তলায় মাটিতে পা রাখলে পা আপনা থেকে পিছলে যায়...ভয়ে  
জড়সড় হয়ে তারা একটা কলাবাগানের তলায় আশ্রয় নেয়। ভেজা  
অন্ধকারে আস্তে আস্তে চারপাশ থেকে দলে দলে অল্প সব কুলিরা এনে  
জড় হয়, তাদেরও ঘর ভেঙ্গে গিয়েছে।

আপনার মনে হরি বলে ওঠে, রাম! রাম!

কলাবাগান ছাড়িয়ে তারা এগিয়ে চলে। আশ্রয় তো চাই। মুন্সু  
চুপটা ক'রে পিছু পিছু চলে। বিদ্যুতের চমকানির সঙ্গে সঙ্গে লক্ষ্মী  
চমকে চমকে ওঠে। ছেলে মেয়েগুলো ভিজে বেড়াল ছানার মত  
গোঁঘাতে থাকে।

মুন্সু কোলে ক'রে হরির ছোট মোষটাকে নিয়ে চলেছে।  
সময় অন্ধকারে ভাঙ্গা কর্কশ গলায় তার নাম ধরে কে কে ডেকে  
উঠলো। মুন্সু তখন মনে মনে ভাবছিল, ছেলেবেলায় এমনি যখন  
তাদের গাঁয়ে বৃষ্টি নেমে আসতো, তার মা সেদিন পিঠে তৈরী  
ক'রতে বসতো....

এমন সময় সেই কণ্ঠস্বর আবার হেঁকে উঠলো, ওহে মুন্সু...বলি  
মুন্সু হে....

মুন্সুর মনে হয় যেন পরিচিত কণ্ঠ। অন্ধকারে চারদিকে চেয়ে  
দেখে।

এমন সময় কণ্ঠস্বর খুব নিকটে ধ্বনিত হয়ে উঠলো, স্নমধুর আহ্বান

ক'রে কে যেন বলে উঠলো, এই শালা...বুকেছি...ঘর ভেঙ্গে গিয়েছে তো...?

মুন্সু এবার চিনতে পারে। কারখানার পালোয়ানের মত যে লোকটার সঙ্গে তার আলাপ হয়েছিল, রতন!

হরিকে ডেকে বলে, হরিভাই, রতন ডাকছে....

ততক্ষণে রতন সামনে এসে পড়েছে। হরি চেয়ে দেখে, তার চোখ ছটো যেন জ্বলছে, মুখে একগাল হাসি...মদের গন্ধ মেশানো। ভয় হয়, বৃষ্টি রতন এই সুযোগে তাদের নিয়ে রক্তরস করে। কেন না কারখানায় তার সে পুনাম আছে। দিলটা তার দরাজ তাই সকলের সঙ্গে সে মজা করে।

মুন্সুর কাঁধ ধরে বেপরোয়া ভাবে একটা ঝাঁকানি দিয়ে রতন বলে ওঠে, চল, আমাদের চউলে...চল রে শালা...জানি আমি, কোথাও আর তোর যাগগা নেই যাবার!

মুন্সু সঙ্কুচিত হয়ে বলে, কিন্তু আমার সঙ্গে হরিভাই আর তার পরিবার রয়েছে যে!

রতন আজ মহা-উদার।

—তাতে হয়েছে কি! সবাই চল! যাবি ন কি রে ভিখিরীর বাচ্ছা? সারাদিন মাথার ঘাম পায়ে ফেলে খা...আর রাত্রিরে...মাথা গোঁজবার একটা গর্তও নেই! হ্যাঁ, যাবার শুধু একটা জায়গা আছে, তাড়ির দোকান!

আপনার মনে সে অট্টহাস্ত ক'রে ওঠে। মুন্সুকে ইতস্তত ক'রতে দেখে তার পৌকষে যেন আঘাত লাগে। হৃৎকার দিয়ে ওঠে, কি ভাবছিস রে ব্যাটা? আমি রতন...হিন্দুস্থানের কস্তাম...আমি ইচ্ছে ক'রলে তোদের সকলকে জায়গা দিতে পারি! আমার চেয়ে বড় পালোয়ান কোন্ শালা আছে? আমার কাছে থাকবি, ভয় কি?

নিজের উক্তিকে নিজেই সমর্থন করবার জন্তে যেই হুঁহাত দিয়ে বুক চাপড়াতে বাবে, অমনি পিছল মাটিতে পা রাখতে না পেয়ে টলে পড়ে যায়। তক্ষুনি উঠে দাঁড়িয়ে ওপরের দিকে চেয়ে অদৃশ প্রুতিরক্ষীকে লক্ষ্য ক'রে গালাগাল দিয়ে ওঠে, এই শালা বৃষ্টি...ভগবান বেটা জল ছাড়ছে...বুঝেছিন্ ?

হঠাৎ হেঁচকি উঠতে আরম্ভ করায় বিত্রস্ত হয়ে পড়ে। মনে পড়ে যায়, হয়ত কথাবার্তা গুলো ঠিক স্থানকালোচিত হচ্ছে না। হাত জোড় ক'রে হরিকে ডেকে বলে, কিছু মনে করো না ভাই! বুড়ো রতনকে আজ ক্ষমা ক'রে দিও...একটু আনন্দ করেছি কি না ? তবে, ভয় করো না, আমি ঠিক আছি...বিলকূল ঠিক আছি... নির্ভাবনায় আমার সঙ্গে চলে এসো...আমি রাজার হালে তোমাদের রেখে দেবো...আমি হিন্দুস্থানের রুস্তাম...লোকের দায়ে অদায়ে কেউ না থাকুক, আমি আছি...চলে এসো...

রতন বড় বড় পা ফেলে আগিয়ে চলে। হরিভাই-এর দল সন্ডয়ে তাকে অনুসরণ করে।

রতন তাদের নিয়ে যে চউলে গিয়ে উঠলো, সেটা টা তিনতলা বাড়ী! কোনরকমে কতকগুলো ঘর একটার পর একটা বেঁধে তোলা হয়েছে। তার চারদিকে ঠিক তেমনি সব বাড়ী। মাঝখানে এক গজও জায়গা ফাঁক নেই।

একটা ঘোরানো লোহার সিঁড়ি দিয়ে তেতলার ঘে-ঘরের সামনে গিয়ে তারা দাঁড়ালো, আয়তনে সেটা পনেরো ফিট লম্বা এবং দশ ফিট চওড়া হবে।

ঘরের ভেতর এত ধোঁয়া যে ভেতরে কি আছে না আছে তা' ভাল ক'রে দেখা যায় না। কিছুক্ষণ ভাল ক'রে লক্ষ্য ক'রে দেখে মুগ্ধ বুঝলো, সেই ধোঁয়ার ভেতর একজর্জন বকালসার পুরুষ যেন নড়ছে...আর মেঝেতে একটা ছোট্ট ছেলেকে কোলের কাছে নিয়ে একটা শীর্ণ স্তান মেয়ে জড়সড় হয়ে বসে আছে।

মুগ্ধ দেখলো, ঘরের ভেতর বারা ছিল, তারা শূগন্ধীর নীরবতার তাদের আবির্ভাবকে গ্রহণ করলো। এই ধরণের নীরব আপ্যায়নে প্রথম প্রথম মুগ্ধ ভীত হয়ে উঠতো কিন্তু কুলিদের সঙ্গে সঙ্গে মিশতে মিশতে ক্রমশ সে লক্ষ্য করেছিলো, ওটা ওদের স্বভাবে পরিণত হয়ে গিয়েছে। পরস্পর পরস্পরকে জানবার কোন আগ্রহ বা কৌতূহল তাদের নেই। এক গজের মধ্যে ঘোরাফেরা করলেও তারা কেউ কাউকে জানতে চায় না।

রতন গৃহস্থামীকে ডেকে বলে, তুই আধখানা ঘর ভাড়া দিবি বলেছিলি না শিবু? আমি একটা দলকে নিয়ে এসেছি...সাহেব পাড়ার গলিতে এদের ঘর ভেঙ্গে গিয়েছে।

হঁকোতে টান দিতে দিতে শিবু বলে, আচ্ছা!

দরজার কাছ থেকে ঘাড় নীচু ক'রে হরিভাই তার দলবল নিয়ে ঘরে ঢোকে।

—তোমার ঐ কুঁড়ে ঘরের চেয়ে এ ঘর চের ভাল, রতন বলে।

হরি উত্তর দেবার আগেই মুগ্ধ বলে ওঠে, নিশ্চয়ই! গোড়ায় যদি এখানে এসে উঠতাম, তা'হলে জিনিস-পত্তরগুলো আর নষ্ট হতো না।

হরিভাই এবার কথা বলে, কিন্তু আমি ভাবছি—চিমটা সাহেবের কথা...তার ঘর ছেড়ে দিয়েছি বলে নিশ্চয়ই রাগ ক'রবে...গোটা মাসের ভাড়া তো নিশ্চয়ই আদায় ক'রে নেবে।

রতন তখন একটু ধাতস্থ হয়েছে। জিজ্ঞাসা করে, সেখানে কত ভাড়া দিতে ?

—তিন টাকা !

—এখানে আর মাত্র দু'টাকা বেশী দিতে হবে, রতন জানায়।

হরি দীর্ঘনিঃশ্বাস ফেলে জবাব দেয়, চিমটা সাহেব তো দশ টাকা এমনি পাবেই...ধার দিয়েছে...এখন দেখছি, ঘাট-বাটি কেনবার জন্তে আরো কিছু ধার ক'রতে হবে...দেখি, কাল সকালে গিয়ে যদি কিছু উদ্ধার ক'রতে পারি ! বিধি বাদ সাধলে মানুষ আর কি ক'রবে ?

—ও সব কথা ছাড়ানু দাও ভাই ! শিবু আশ্বাস দেয়। তার ঘরের ভাড়া পাঁচ টাকা কমে গেল, এই সুখে সে উদার হয়ে ওঠে, ও সব কথা এখন থাক ! কিছু তো খেতে হবে ! আমার বউ কিছু চাপাটী তৈরী ক'রেছিল...এখন তাই ভাগ ক'রে খাওয়া যাক ! তারপর ও ভাত চড়িয়ে দিয়েছে...খেয়ে দেয়ে শুয়ে পড় ! সকাল বেলা রুটি খামলে, আমরা সবাই মিলে যাবো'খন, দেখি তোমার জিনিস-পত্র কিছু উদ্ধার হয় কি না !

হরি কুজিত হয়ে বলে, বড় মেহেরবাণী...তোমার ভাই এত বড় সংসার...আবার আমাদের জন্তে রান্নাবান্না...

শিবু বাধা দিয়ে বলে, থাক, থাক, ও সব কথা থাক...না হয় আমরা গরীব, এখন বধে শহরে আছি...তবু আমরা সবাই পাহাড়ী গেঁইয়া লোক...সে কথা ভুলে চলবে কেন ? এই নাও চট্টা...এটা পেতে নাও !

হরি হাতজোড় ক'রে বলে, দেখতো, অকারণে তোমাদের কত কষ্ট দিলাম !

শিবু উত্তেজিত কণ্ঠে বলে ওঠে, সে কি কথা ! বাপের বেটা যে হবে, সে মানুষকে দেখবে ! চল্লিশ বছর ধ'রে এই সংসারের

উঠতি-পড়তির মধ্যে ভাই শুধু এই একটা কথা শিখেছি, যদি এমন একটা কোনও কাজ ক'রে যেতে পারো, যা দিয়ে মাহুস তোমাকে ভালবেসে, মনে রাখবে, তাহলেই এই মানব-জন্ম সার্থক !

রাত্রিবেলা মনের মধ্যে যে শাস্তি নিয়ে মুনু ঘুমিয়ে পড়েছিল, সকাল বেলা ঘুম ভাঙতেই দেখে সে-শাস্তি কিসের এক তীব্র বদ-গন্ধে যেন উবে যাচ্ছে। এত কাছে কোথা থেকে আসছে এ-রকম তীব্র বদ-গন্ধ ?

রতনও ঘুম ভেঙ্গে উঠে একটা ছঁকো নিয়ে বসেছিল। মুনু তাকে গিয়ে জিজ্ঞাসা করতে, অশ্রুমনস্ক ভাবে সে উত্তর দিল, কি জানি, বোধ হয়, ঐ গলির কাছে কোথা থেকে আসছে !

নাকে কাপড় গুঁজে মুনু জানালার কাছে গিয়ে গলির দিকে উকি মেরে দেখে...দেখে, বাড়ীর নীচেই একটা খোলা ড্রেণ...ময়লা ভ'রে গিয়ে উপচে উঠছে।

মুনু চাঁৎকার ক'রে ওঠে, রতন ভাই, এতো গলি নয়...এ যে পচা খাল...

অবিচলিতভাবে রতন জানায়, তা' হবে ! এই বাড়ীতে প্রায় দুশো লোক আছে...তাদের জন্তে নীচে ঐ গলিতে মাত্র সাতটা পায়খানা আছে...মেথর বলতে একজন আছে...সে দয়া ক'রে স্বপ্ন পরিষ্কার করে, তখনই কিছুক্ষণের জন্তে পরিষ্কার থাকে। তোমার স্বপ্ন পায়খানা যাবার দরকার হবে, মেথরকে ডেকে এক আনা পয়সা দিয়ে বলা, আলাদা যে পায়খানা আছে, সেটা যেন তোমাকে ব্যবহার ক'রতে দেয়...বুঝলে ? আমি এখনই যাচ্ছি...এসো...তোমাকে দেখিয়ে দিই !

নীরবে বারান্ধা দিয়ে, স্তূপীকৃত জঞ্জাল, হেঁড়া স্নাক্‌ড়া, ভাঙ্গা কলসী, ভাঙ্গা খেলনা পেরিয়ে, মুন্সু নীচের দিকে চলে।

নীচে হাঁটু-পর্যন্ত কাপড় তুলে মেথর বসেছিল। দুর্গন্ধে মুন্সুর গা ঝিম্‌ঝিম্‌ ক'রে উঠতে থাকে।

রতন তার কাছে গিয়ে জিজ্ঞাসা করে, পায়খানা ঠিক আছে তো ? মাথা নত ক'রে অভিবাদন জানিয়ে মেথর বলে, হ্যাঁ, পালোয়ানজী ! মুন্সুর দিকে চেয়ে রতন বলে ওঠে, তুমিই আগে যাও...

তারপর মেথরকে ডেকে জানিয়ে দেয়, এই ছেলেটা আমাদের দেশ-অঞ্চল থেকে এসেছে...এর জন্তে রোজ পায়খানা সাফ ক'রে দিবি !

—জো হুকুম ! বলে মেথর মুন্সুকে পথ দেখিয়ে নিয়ে চলে।

কিছুক্ষণ পরে মুন্সু ফিরে এলে, রতন তাকে কল-তলায় নিয়ে ধায়।

—সারা বাড়ীতে এই একটা কল-তলা...সেই জন্তে হয়ত মাঝে মাঝে দাঁড়িয়ে থাকতে হবে একটু...

কল-তলায় হাত-মুখ ধুয়ে যখন সিঁড়ি দিয়ে ওপরে উঠছিল, সেই সময় দেখে হরিভাই নেমে আসছে।

—যাই দেখি, জিনিস-পত্র কিছু উদ্ধার ক'রতে পারি কি না !

মুন্সু বলে, বেশ...চল...আমিও যাব...পুকুরে স্নানটা সেবে আসবো !

পরের দিন সেডে ঢোকবার মুখে জিমি টমাস সাহেব, ছ'হাত দিয়ে মোম-দিয়ে স্‌'চের-মতন-সরু-করা গোফের দুই প্রান্ত পাকাতে পাকাতে, ছ'পা ফাঁক ক'রে বিরাট প্রস্তরমূর্তির মত স্থির হয়ে দাঁড়িয়েছিল। কবাই-এর দোকানে সপ্তকটি কাঁচা মাংসের মত মুখের রঙ...হুইস্কীর

প্রসাদে তাতে চাপ-চাপ রক্ত জমা হয়ে...তার মধ্যে নীল-শিরাগুলো একে বেকে চলে গিয়েছে...নতুনটা পর্যাস্ত।

দূর থেকে সাহেবকে দেখে, সেইখান থেকেই সাহেবকে সালাম জানাবার জন্তে সে নিজেকে তৈরী ক'রে নিতে চেষ্টা করে...সাহেব বস্তুকে সালাম জানাতে গেলেই মুন্সুর বীতিমত তোড়জোড় করতে হয়...কেন যে তা' হয়, তা' সে বুঝতে পারে না।

কিছুদূর অগ্রসর হতে না হতে তার কারণটা যেন সে বুঝতে পারে। দরজার মুখে যেই কুলিরা ঢুকছে, অধিকাংশই পাশ কাটিয়ে পাদিয়ে ভেতরে ঢুকে পড়বার চেষ্টা করছে, কিন্তু অনেকেই সাহেবের স-বুট লাথির আঘাতে ছিটকে পড়ছে...আঘাত সামলে সাহেবের ক্রোধ-রক্তিম মুখের দিকে চেয়ে হমাগুড়ি দিয়ে তারা আবার ঢুকছে।

মুন্সুর বুক ধড়াম্ ক'রে উঠলো...সে দেখে, হরিভাই সাহেবের লাথিতে পড়ে গিয়েছে...কোন রকমে কাঁপতে কাঁপতে উঠে দাড়িয়ে হাত জোড় ক'রে হরিভাই সাহেবের করুণা ভিক্ষা করছে।

—শুভাশুভ বাচ্ছা! হারামজালা! ঘর ছেড়ে দিবি তো আগে আমাকে জানালি না কেন?

• মুন্সু শুধু শুনেতে পায়, আহত অসহায় শিশুদের মত, কুলিরা একসঙ্গে সবাই কঁদে উঠে বলছে, দোহাই হজুর! দোহাই হজুর!

কঁদতে কঁদতে হরি বলে, হজুর, ঘরের ছাদ এতেবারে ভেসে গিয়েছিল—তার ওপর বৃষ্টিতে—

পা তুলে আঘাত করবার ভঙ্গীতে সাহেব গর্জন ক'রে ওঠে, মিথো কথা! আমি কাল নিজে গিয়ে দেখে এসেছি, কোথাও জল নেই!

হরির কণ্ঠস্বরে আর কান্না নেই। সে সোজা প্রতিবাদ ক'রে জানায়, কাল জল হয়েছিল, আমার সমস্ত জিনিস-পত্রের তাতে ভেসে যায়...বহুকষ্টে পরে তার মধ্যে থেকে কিছু কিছু উদ্ধার ক'রে আনি!



সাহেবের সামনে দাঁড়িয়ে সাহেবের কথার ওপর কথা বলতে শুনে মুন্সু হরিভাই-এর ওপর প্রক্লান্ত হয়ে ওঠে....আপনার মনে বলে ওঠে, সাবাস, হরিভাই, সাবাস !

তখন হরির পশ্চাতে সজোরে একটা লাথি মেরে সাহেব রেগে তেড়ে উঠেছেন, তবে রে হারামজাদা, আমি মিথ্যে বলছি !

মুন্সু উদ্ভেজনায আর নিজেকে ধরে রাখতে পারে না। সেইখানে দাঁড়িয়েই বলে ওঠে, সাহেব, হরিভাই সত্যিকথাই বলছে, আমি দেখেছি, জলে ও-র ঘর ভেসে গিয়েছিল ! আমি ওর সঙ্গেই ছিলাম !

মুন্সুকে তেড়ে মারতে গিয়ে সাহেব বলে ওঠে, চুপ রও কুহু-বাচ্ছা !

অন্ত সব কুলি-রমণীদের সঙ্গে লক্ষ্মী ছেলেমেয়েদের নিয়ে চুপটা ক'রে দাঁড়িয়ে ছিল। মুন্সুকে তেড়ে আসতে দেখে, সে কঁদে উঠলো।

মুন্সু হু'পায়ে সোজা দাঁড়িয়ে বলে, মিথ্যে নয় সাহেব, আমি সত্যি কথা বলছি !

সাহেব যেই মুন্সুকে আঘাত করবার জন্তে হাত তুলেছে, অমনি রতন গম্ভীর ভাবে সাহেবের সামনে এসে দাঁড়িয়ে পড়ে।

—ছেড়ে দাও, সাহেব ! মেরো না !

রতনের বিরাট দেহে চাঞ্চল্যের কোন লক্ষণ নেই....তাকে চঞ্চল ক'রে তুলতে হলে বুঝি অনেক কাঠ-খড় লাগে। তবে সেই বিরাট শক্তি-পুঞ্জের মধ্যে কোন অনিশ্চয়তাও নেই।

সংঘত গান্ধীর্যে সে জানায়, শনিবার রাত্রিরে আমি যখন ওদের দেখতে পাই, জলে ওরা তখন গ্লাতা হয়ে গিয়েছে...সমস্ত মাঠ ভেসে গিয়েছিল....আর ওদের ঘরের ছাদ যে ভাঙ্গা ছিল, আমি আগেই দেখেছি....বুঝেছ ? আমাকে মিথ্যাবাদী বলতে যেয়ো না....তাহলে জীবনের মত শিক্ষা দিয়ে দেবো !

শেষ কথাগুলো বলবার সময় সে বীতিমত জোর গলা ক'রেই

বলো.....চোখ ছুটো জ্বলে উঠলো.....সাহেব শুনতে পেলো, তার দাঁতের  
ওপর দাঁত পড়ে রীতিমত আওয়াজ হচ্ছে।

একবার আপাদমস্তক রতনের বিরাট হট্টাক দেখে নিয়ে চিমটা  
সাহেব ছুঁপা পিছিয়ে বলে উঠলো, যা, যা, নিজের কাজে যা! এখানে  
দাঁড়িয়ে বদমাযসী করবি তো লাথি মেরে ঠিক ক'রে দেবো! আমার  
ঘর, আমি ওদের ভাড়া দিয়েছি.....তোর কি? তুই বেটা এর মধ্যে  
কেন কথা বলছিস্?

রতন গজ্জন ক'রে উঠলো, বেশ করবো বলবো! ওরা আমার  
লোক! ভাল চাপ তো সাহেব তোমার বাংলোর ফিরে যাও.....নইলে  
মাথা গুঁড়িয়ে দেবো।

কুলির দল চীৎকার ক'রে ওঠে.....রতন.....রতন.....দোহাই,  
সাহেব!

—বলি তোর মাথা খারাপ হয়ে গেল না..... জানিস আমি তোর  
উপরিওয়ালো? উপরিওয়ালো সাহেবকে অপমান করা?—চিমটা  
সাহেব গর্জে ওঠে।

—সাহেবই হও আর ষেই হও.....তুমি ফোরম্যান আছ তা' হয়েছে  
কি? তা' বলে তুমি কারখানার কুলিদের লাথি মারবে?

নিষ্ফল আক্রোশে চিমটা সাহেব প্রত্যাবর্তন করাই বৃক্তিসম্বত  
বিবেচনা করে। কিন্তু ফেরবার মুখে হরিকে শাসিতা যায়, আমি কিন্তু  
ছাড়াবো না, পুরো মাসের ভাড়া দিতে হবে.....দাঁড়িয়ে দেখছিস্ কি?  
যাও.....যে যার কাজে যাও!

সাহেব আর পিছন ফিরে তাকায় না।

রতন সাহেবকে শুনিয়ে শুনিয়ে বলে, তা' না হয় তুমি ঘেমন ক'রে  
পার' আদায় ক'রে নিও! কিন্তু ওদের কাকর গায়ে হাত দিয়ে  
কি তোমার একদিন না হয় আমারই একদিন!

এই সময় পাঠান দারোয়ান নাদির খান এসে রতনকে টেনে সেডের ভেতর নিয়ে যায়,—আচ্ছা, আচ্ছা, খুব হয়েছে পালোয়ানজী!

কুলিরা ভয়ে জড়সড় হয়ে সেডের ভিতর ঢুকে পড়ে।

মুন্সু নিজের যায়গায় ঝাবার সময় দূর থেকে হাতের ইঙ্গিতে রতনকে অভিবাদন জানায়।

সেডের ভেতর রতনের পাশে একজন কুলি রতনের কাণে কাণে বলে, খুব সাবধানে থাকবি...সাহেব তোকে ভুলছে না...ঠিক এক সময় প্রতিশোধ নেবে!

অবজ্ঞার হাসি হেসে রতন ব'লে ওঠে, ওর মতন অনেককে দেখেছি আমি...রেখে দে, রেখে দে! বহুৎ মেহনৎ ক'রে পালোয়ান হ'তে হয়েছে...অমনি নাকি?

কাজ-কর্ম শুরু হয়ে গেলে মুন্সু রতনের কাছে এসে বলে, রতনভাই, কি ভয়ঙ্কর ব্যাপার আর একটু হ'লে হয়ে যেতো বলতো!

—আরে, ভয় পাচ্ছি নাকি? ওর মতন ঢের ঢের লোক আমি দেখেছি! তখন আমি জামসেদপুরে টাটার কারখানায় কাজ করি... সেখানে একসঙ্গে পঞ্চাশ হাজার লোক কাজ করে...একবার আমাদের মাইনে কেটেছিল ব'লে আমরা ধর্মঘট করি...কোম্পানী কিছুতেই মুইবে না...শেষকালে...এই ধর্ম্মীর জন্তেই কোম্পানীকে মুইতে হলো...

বলেই নিজেকে বাহবা দেবার জন্তে নিজের বুক নিজেই চাপড়ায়।

একটা ছেঁড়া স্তোত্র গেরো দিতে দিতে মুন্সু িজ্ঞাসা করে, তা'হলে টাটার কারখানা ছেড়ে এলে কেন?

—সে আর একবার ধর্ম্মঘট হ'লো...বেশী ঘণ্টা কাজ করিয়ে নেয়... কুলিদের সঙ্গে মন্দ ব্যবহার করে...ধাকবার জায়গা ভাল জোটে না... এই সবের দরুণ। ধর্ম্মঘটের যারা নেতা ছিল, কোম্পানী তাদের ভয় দেখিয়ে, কাউকে রা উচু চাকরী দিয়ে হাত ক'রে নিল। বিশ্বাস-

ঘাতকদের মধ্যে একজনকে আমি ধরলাম এবং বেশী উত্তম-মধ্যম ছ'ব: দিয়ে দিলাম। তারপর বুঝলে কি না, চাকরী বড় পলয়ন...ধর্মঘট তবুও চলতো কিন্তু সেবার ধর্মঘট যারা ক'রেছিল তারা মস্ত বড় একটা ভুল ক'রে বসলো। একটা ধর্মঘট ভালভাবে ঠিকরে যাওয়ার অত কাছাকাছি আবার ধর্মঘট করতে নেই। তা'ছাড়া, সেখানকার কাজটাও আমার মনের মত ছিল না...বড় বেশী খাটতে হতো।

মুন্সু অবাক হয়ে শোনে। বলে, লোহার কারখানায়, আমার কিন্তু কাজ করতে বড় ইচ্ছে যায়। সেখানে তোমরা বড় বড় লাইন তৈরী করতে? রেলের লাইনের মত? মস্ত বড় বড় সব উলুন, না? তার ধারে বসে থাকতে কি মজা? এখানে, শুধু বসে বসে হুতো টানো আর গেরো দাও!

মুন্সুর কথায় রক্তনের পূর্ক-স্মৃতি জেগে ওঠে। বলে, তখন আমার আঠারো বছর বয়স...সেই কারখানায় বখন গিয়ে ঢুকি। অবশ্য তার আগে আশুপ নিয়ে কাজ করেছিলাম, দৌলতপুরে...আমাদের জাত-ব্যবসাই হলো! তামার কাজ কিন্তু জামসেদপুরে গিয়ে বুঝলুম সে-সব আশুপ হলো ঠাণ্ডা বাতাস। জামসেদপুরের কারখানায় আশুপের আঁচ, সে যে কি ভয়ঙ্কর তা' তোকে কথা দিয়ে কি বোঝাবো...সদাই জলছে...এক মুহূর্ত রেহাই নেই। চোখের সামনে যেন আশুপের চের্ড ঘুরছে, ফিরছে, নামছে...চোখ ঝলসে যায়...দিনেও যেমন, রাত্তিতেও তেমনি...গ্রীষ্মকালেও যেমন শীতকালেও তেমন। যেন বৃষ্টি আসতো, গরম ছাউনীতে পড়বার সঙ্গে সঙ্গে সে জল উবে যেতো...আর হিহু হিহু শব্দে ধোয়া উঠতে থাকতো।

মুন্সু মনে মনে ভাবে যদি কোন রকমে সেখানে একবার ঢোকা যায়। কল্পাসা করে, সেখানে কাজ পেয়েছিলে কি ক'রে?

—কাজের দরকার, তাই কাজ পেয়েছিলাম। দরকার গিয়ে

দারোগানকে ধরতে, দারোগান বলো, ফোরম্যানের সঙ্গে দেখা ক'রতে। আমার তো বিশ্বাসই হয় না! তখন কোথায় যেন মস্ত বড় যুদ্ধ বেঁধেছিল, তাই কারখানায় বড় বড় রেল তৈরী হচ্ছিল। বিস্তর কাজ অথচ তেমন লোক পাওয়া যাচ্ছিল না। তার কারণ, যত সব কুলি ছিল তারা তাড়াতাড়ি মরবার জন্যে পাগলের মত ছুটেছিল সৈন্স হতে। যুদ্ধে মরার মধ্যে একটা গৌরব আছে তো?

—কারখানার কাজ কি খুব শক্ত?

—কি বলি? শক্ত? ভোর ছ'টা থেকে সন্ধ্যা ছ'টা...হুয়ায় সাতদিন। বিরাট খোলা উলুন...রাতদিন জলছে...তার ওপর বড় বড় চৌবাচ্চার মত কড়ায় জলের মত পাতলা গরম গলানো ইম্পাং টগবগ ক'রে ফুটেছে...আমার মাথার ওপরে চেন্-ম্যান কপি-কলে সেই জলস্ত কড়া তুলে, বাঁ হাত দিয়ে মুখ ঢেকে চীংকার ক'রে উঠতো...সাবধান...গরম লোহা! গরম বটে...মেঘের ফাঁক দিয়ে সূর্য্য-ডোবার সময় আকাশ ষে-রকম লাল হয়, ঠিক সেই রকম লাল...আধ ঘণ্টার পর একটু একটু ক'রে রঙ বদলে কালো হতো। যখন কালো হয়ে যেতো, তখন যদি ভুল ক'রে, বা আচমকা তাতে হাত পড়তো, যেখানটায় ঠেকেতো, সেখানটা জলে যেতো। অনেক দিন আবার ডবল কাজ ক'রতে হতো চব্বিশ ঘণ্টা। একদিন আমার বদলি যে লোকটা ছিল, সে এলো না, আমাকেই এক নাগাড়ে ছত্রিশ ঘণ্টা কাজ ক'রতে হলো।

অবাক হয়ে মূগু বলে ওঠে, বলো কি! ছত্রিশ ঘণ্টা! যুঁ পেরতো না?

—অবশ্য ছত্রিশ ঘণ্টাই সমান কাজ ক'রতে হয় নি। ছত্রিশ ঘণ্টার মধ্যে সবসুদ্ধ বত্রিশ ঘণ্টা কাজ করেছি...বাকি চার ঘণ্টা রাত্রির বেলা কোম্পানীকে ফাঁকি দিয়ে ঘুমিয়ে নিয়েছি। তবু তাও এক সঙ্গে চার ঘণ্টা নয়...দশ পনেরো মিনিট ক'রে যখনই সুযোগ পেয়েছি...একটা

কাঠ পড়ে থাকতো... তার ওপর ইট মাথায় দিয়ে শুয়ে পড়তাম।  
পাশেই টাইম-কিপারের ঘাঁটি ছিল। ব্যাটা আফিং-খোর...ঝিমুতো...  
তা' ছাড়া তার বিশ্বাস ছিল যে আগুন-ঘরে কেউ ঘুমুতে পারে না।

শুনতে শুনতে বিষ্ময়ে মুন্সুর দুটো চোখ ভাঁজ মতো বড় হয়ে ওঠে।

মুন্সুর মুখের দিকে চেয়ে রতন বুঝতে পারে, ছোকরার ভাল  
লাগছে। তাই সে বলে চলে, তা' বলে তুমি জামসেদপুরে যাবার কথা  
মনে ঠাই দিয়ে না। এখানে যেমন সূতোর কাঠিম ঘোরাচ্ছ তেমনি  
ঘোরাও। সেখানে একটু যদি অসাবধান হয়েছ, অমনি একটা না  
একটা কিছু বিপদ ঘটে গিয়েছে... মাথার ওপর দিয়ে কপিকলে  
অনবরত চলছে ইয়া ভারী ভারী ইম্পাং...এক একটার ওজন যে কত  
টন তা' কে জানে...যদি একবার একটা কোন রকমে পড়ে যায়...  
বাস্...

এমন সময় দরজার ফাঁকে দেখা যায় চিমটা সাহেব... মুখ...চীৎকার  
ক'রে সকলকে শাসিয়ে যায়...আজ্ঞা না মেরে যে-যার কাজ জলদি  
সারো!

রতনের কাণে কাণে মুন্সু চাপা গলায় বলে, ব্যাটা, আমাদের বাগে  
পেলে কিছুতেই ছাড়বে না!

ছাড়েওনি। তবে তার পরের দিন নয়, তার পরে একপ্তাহেও নয়,  
পরের মাসেও নয়...এক মাস পনেরো দিন পরে...বেদিন মাসের  
পাওনা মাইনে কুলিদের দেওয়া হচ্ছিল।

শনিবার বিকেল বেলা। বর্ষা-অস্তে নিকরুণ সূর্য তখন কারখানার  
থোলা মাঠে সমবেত নগ্ন-দেহ কুলিদের কালো চামড়ায় বার্ণিস দিচ্ছিল  
আর বারান্ডার তলায় উপবিষ্ট চিমটা সাহেবের লাল মুখকে আরো

লালচে ক'রে তুলছিল। তেল-কালি মাখা ময়লা প্যাণ্টে আর ময়লা সাঁটে চিমটা সাহেব বারাণ্ডার এক ধারে বসে...পাশে দেহরক্ষীরূপে দাঁড়িয়ে পাঠান নাদির খাঁ।

কতকগুলো অসভ্য মাছি সাহেবের পোবাকের তেল-কালির গন্ধে আর গৌফের মোমের আকর্ষণে তখন অনবরত সাহেবকে বিরক্ত ক'রে তুলছিল। হ'হাত দিয়ে তাদের ভাড়াতে ভাড়াতে সাহেব হেঁকে উঠলো, হারি!

হরি তখন একমনে দেখছিল, রতন আর মুন্নু মাটিতে ঘর কেটে বাঘবন্দী খেলছে। তার নাম যে সাহেবের মুখে হারিতে রূপান্তরিত হয়েছে, সে তা' ঠিক ক'রে উঠতে পারে নি। তাই সে চুপ ক'রে খেলা দেখতেই লাগলো।

অধীর অসহ্যুতায় সাহেব আবার হেঁকে উঠলো, হারি!

কোন উত্তর নেই। অল্প কুলিরা এদিক ওদিক চাইছে। পাছে দেবী হ'লে সাহেব আবার রেগে যায়। রেগে গেলে কার ওপর যে সে রাগের ঝাঁঝ পড়বে, তাতো ঠিক নেই!

আসন থেকে উঠে দাঁড়িয়ে সাহেব গর্জে উঠলো, হারি!

মুন্নুর কাণে আওয়াজ যেতেই সে চমকে হরিকে ঠেলে বলে উঠলো, হরিভাই! আরে যাও, সাহেব তোমাকে যে ডাকছে!

তৎক্ষণাৎ হরি লাফিয়ে উঠলো।

হরিকে আসতে দেখে সাহেব চীৎকার ক'রে উঠলো, জলদি! জলদি! আমি কি ব্যাটা তোমার বাপের চাকর যে, ছজুরের হাতে মাইনে তুলে দেবো বলে এখানে সারাদিন দাঁড়িয়ে থাকবো? দেখি বুড়ো আঙ্গুল!

—মাই বাপ! বলে কপালে হাত ঠেকিয়ে কাঁপতে কাঁপতে হাতের

বুড়ো আঙ্গুলে কালির প্যাড থেকে কালি মাখিয়ে নেয়। তারপর কাপতে কাপতে হাতটা বাড়িয়ে দেয়।

চিমটা সাহেব কোন রকমে তাচ্ছিল্য ভরে হাতটা নিজের হাতে তুলে ধরে, যেন কুষ্ঠরোগীর অঙ্গ স্পর্শ করতে হচ্ছে। আঙ্গুল ধরে খাতায় টিপসই দিয়ে নিয়ে ছেড়ে দেয়। তারপর গুণে ছ'খানা পাঁচটাকার নোট আর দশটা টাকা তার হাতে তুলে দেয়।

—দাঁড়া...দশটাকা ধার শোধ...এক টাকা সুদ...এক মাসের ঘর ভাড়া তিন টাকা...ঘর মেরামতের দরুণ এক টাকা...কারখানার কাপড় নষ্ট করার দরুণ পাঁচ টাকা ক'রে কাটান...বুঝলি? বাকি এই কুড়ি টাকা...তোর হাতে দিচ্ছি...তোর, মন্নুর, তোর বউ-এর আর বাচ্চা ছোটোর মাইনে...

নগদ...সুদ...কাটান...ভাড়া...দীর্ঘ অভিজ্ঞতা থেকে হরিয় এ সব শব্দ গুলোর অর্থ জানা ছিল। মনে মনে কষ্ট হলেও, বাইরে কোন কথা উচ্চারণ করবার মত সাহস তার ছিল না। নিঃশব্দে সেই কুড়িটা টাকা নিয়ে, সাহেবকে সালাম জানিয়ে, হটতে হটতে চলে আসে।

মন্নুর কাছে এসে দাঁড়াতেই তার ছ'চোখ দিয়ে টস্ ক'রে জল ঝরে পড়ে। অব্যক্ত স্বপ্নায় শীর্ণ মুখ যেন দড়ির ওপাক খেয়ে খেয়ে উঠে।

মন্নু জিজ্ঞাসা করে, কি হলো হরিভাই ?

কক্ কঠে হরি বলে, কিছু না! কিছু না! কাপড় নষ্ট করার দরুণ পাঁচ টাকা ক'রে কেটে নিয়েছে...তার ওপর ধারের টাকা...সুদ...বাড়ী-ভাড়া...সব শুদ্ধ মিলিয়ে আমাদের পয়তাল্লিশ টাকা থেকে এই মাত্র কুড়ি টাকা পেলুম! এই নাও তোমার দশ টাকা!



মুন্নু বাধা দিয়ে বলে, না...ও টাকা তো আমি নিতে পারি না।  
আমার খাওয়া ও থাকা বাবদ ও তোমারই প্রাপ্য।

হরি ভবুও বলে, তা' হয় না! আমার জন্তে তুমি কেন কষ্ট পাবে?  
তোমার মাইনে তুমি নাও!

আপোষ নিষ্পত্তি স্বরূপ রতন বলে, বেশ, হাত খরচের জন্তে পাঁচ  
টাকা ও-কে দে!

এমন সময় এলো ডাক—রটন!

রতন অঙ্গ ছুলিয়ে চিমটা সাহেবের সামনে মাইনের টেবিলের সামনে  
গিয়ে হাজির হলো। চিমটা সাহেব বলবার আগেই সে বলে উঠলো,  
কাপড় নষ্ট করার দরুণ কাটান ছাঁটান আমার নেই...সুন্দও নেই...আমি  
অমন ধারণ করি না!

চিমটা সাহেব টাকা গুণে বলে ওঠে, উনিশ টাকা...দেবী ক'রে  
আসার, দরুণ এক টাকা ফাইন।

দেহের সমস্ত শক্তি একত্র ক'রে নিয়ে, পালায়ান চীৎকার ক'রে  
ওঠে, কুড়ি টাকা...তার এক আধলা কম নয়!

চিমটা সাহেব মুখ তুলে রতনের চোখের দিকে চেয়ে দো  
সেখানে তখন আঙণ জলে উঠেছে। আপনা থেকে সাহেবের হাত  
গোঁপে উঠে যায়...পাল মুখ আরো লাল হয়ে ওঠে।

নিজের মর্যাদা বজায় রাখবার জন্তে বলে ওঠে আচ্ছা! এবার  
মাফ করলুম...দেখি আঙুল!

রতন গম্ভীর ভাবে বলে ওঠে, আমি লিখতে জানি।

কলমটা এগিয়ে দিয়ে, সাহেব ছ'খানা দশটাকার নোট আগিয়ে  
রেখে দেয়। লোকটা বিদেয় হলে যেন বাঁচে।

রতন ধীরে স্নেহে হিন্দুস্থানীতে গোটা গোটা ক'রে তার নাম শই  
ক'রে...তারপর টাকাটা ভাল ক'রে দেখে নেয়।

—মেহেরবাগী সাহেব! বলে সোজা সাহেবের সামনে পেছন ফিরে ঘুরে দাঁড়িয়ে চলে আসে। এ ভাবে পৃষ্ঠ-প্রদর্শন করিয়ে সাহেবের সামনে দিয়ে চলে আসা কুলিনের রীতি-বিরুদ্ধ!

রতন ফিরে এসে দেখে মুন্সু আর হরি নেই। ভাবলো, নিশ্চয়ই বাড়ী চলে গিয়েছে। সে-ও বেরিয়ে পড়ে।

কারখানার বাইরে মাঠের সামনে দেখে, একটা লম্বা পাঠান হরিকে ঘাড় ধরে টানছে আর একটা বেঁটে মুসলমান রাইফেলের বাঁট তুলে তাকে শাসাচ্ছে। কাছেভিতে মুন্সু নেই।

হরিকে ঘাড় ধরে চেপে পাঠানটা বলছে, ব্যাটা, চোখে খুলো দিয়ে পালাবি ভেবেছিলি? ভেবেছিলি পায়ে পায়ে লুকিয়ে থাকলে আর দেখতে পাবো না? দে ব্যাটা, নাদির খাঁর টাকা শোধ ক'রে দে...সে এখানে নাই বা রইলো...আমরা তো আছি!

হরি কাপড়ের খঁট থেকে খুলে একটা পাঁচ টাকার নোট পাঠানটার হাতে দিতেই, পাঠানটা এক লাথি মেরে তাকে মাটিতে ফেল দিল। কাপড় ছিড়ে, দাঁতে দাঁত লেগে হরি মাটিতে পড়ে গেল।

—পাঁচ টাকা! পাঁচ টাকা তো শুধু স্কন্দ! আসল টাকা কই! ব্যাটা, খোল কাপড়...কাপড়ের ভেতর নিশ্চয়ই ব্যাটা লুকিয়ে রেখেছিল...!

হাত জোড় ক'রে তার ভেতর অণু নোটখানা লুকিয়ে রেখে হরি বলে, দোহাই খাঁ সাহেব, এমাসে সব কেটে নিচ্ছে...সামনে মাসে নিশ্চয়ই দিয়ে দেবো...এ মাসে আর দিতে পারবো না...

হাত ধরে টানতেই হাতের নোটটা পড়ে গেল। মুসলমানটা সেটা তুলে নিয়ে যেই লাথি মারবার জন্তে পা তুলেছে অমনি রতন পেছন দিক থেকে এসে তার গলার জামা টেনে ধরলো।

—ছেড়ে দে ওকে...বদম্মাসের দল!

পাঠানটা বিরক্ত হয়ে বলে, এর সঙ্গে তোমার কি আছে পালোয়ান ?

—সব কিছু আছে, হারামীর বাচ্ছা! তোদের টাকা তেু দিয়ে দিয়েছে...আবার কি ? একটা বুড়ো মাহুঘের ওপর জোর ফলাতে লজ্জা করে না ব্যাটা ? আয় না, কত তাকৎ আছে...আয় আমার সঙ্গে !

পাঠানটা তন্তক্ষণে হরিকে ছেড়ে দিয়েছে।

—আচ্ছা! আচ্ছা! বাকি যা রইলো তা' নগদের সঙ্গে খাতায় জুড়ে দেবো...যা...আজ্ঞা যা !

ছাড়া পেয়েই হরি ভয়ে ছুটতে আরম্ভ ক'রে দিল। কিন্তু হুর্কল-শরীর নিয়ে ছুটতে গিয়ে সে হুমড়ি খেয়ে পড়ে গেল!

রতন ছুটে এসে তাকে তুলে ধরে।

—ভয় নেই হরি...আমি রতন !

হরির তখনও মনে হচ্ছিল যেন পাঠান ছুটো তার পেছনে পেছনে আসছে।

কোন কথা না বলে তারা হু'জনে ঘরে ফিরে এলো।

সিঁড়ির সামনে মুন্নু আর চৌকিদার দাঁড়িয়ে।

তাদের দেখে মুন্নু আগিয়ে এসে জানায়, চৌকিদার ভাড়ার জন্তে এসেছে...আমি বলেছি, শিবুর কাছ থেকে নিতে !

কাপড়ের খুঁট থেকে তিনটা টাকা বার ক'রে হরি বলে, তুমি আর ছুটো টাকা দাও...তার পর শিবুর সঙ্গে আনয়া বোঝাপড়া ক'রে নেবো'খন !

মুন্নু ছুটো টাকা দিয়ে দেয়।

রতন ও ছুটো টাকা চৌকিদারের হাতে দেয়, আমার ভাড়া !

হরি কোন রকমে সিঁড়ি দিয়ে ওপরে উঠে ঘরে পৌঁছয়। ঘরে

চুকেই দীর্ঘশ্বাস ফেলে মেঝের ওপর বসে পড়ে। লক্ষ্মী তাড়াতাড়ি তার কাছে এসে তার পা টিপতে আরম্ভ করে।

রতন বাইরে একটা বিড়ি ধরায়।

মুন্সুর সাধ যায়। কিন্তু টানতে গিয়েই গলায় ধোঁয়া আটকে যায়। কাশতে আরম্ভ করে। রতন হো হো করে হেসে ওঠে।

শিবু সেই সময় ঘরে এসে ঢোকে।

—আমার ও মাইনে থেকে পাচ টাকা কেটে নিয়েছে, কাপড় নষ্ট করার দরুণ...হাসতে হবে না আর...এসময় ভাল লাগে না হাসি!

রতন হাসি ধামিয়ে বলে, কই, আমার মাইনে থেকে তো ও-সব বাজে অজুহাতে কাটতে সাহস করে না! তোমরা ভয় পাও...তাই ওরা অত্যাচার করে! আমার মত বুক ফুলিয়ে দাঁড়াতে পার না? তা' যদি না পার, আমার সঙ্গে চলো, যুনিয়নে নাম লেখাবে চলো... অমন কুঁড়ে হলে কি চলে?

মুন্সু লাফিয়ে ওঠে, আমি যুনিয়নে নাম লেখাবো! বল কোথায় যেতে হবে?

রতন বলে, বেশ চলো...আমি নিয়ে যাবো...দেবী করলে চলবে না!

লক্ষ্মীর সেবার ফলে হরি ততক্ষণে কণ্ঠস্থ হয়ে উঠেছিল। উঠে দাঁড়িয়ে সে-ও বলে, আমিও যাবো—আমিও নাম লেখাবো!

—আমিও যাব, শিবু বলে।

সকলকে নিয়ে রতন বেরিয়ে পড়ে, সিঁড়ি দিয়ে নামতে নামতে হেসে বলে, নাম লেখার পর, ভাড়িখানায় গিয়ে সবাই মিলে এক পাত্র খেয়ে ফিরবো। কেমন?

দেখতে দেখতে মুন্সুর আর রতনের মধ্যে প্রগাঢ় বন্ধুত্ব জন্মে ওঠে... সহজ, সরল, তাজা হৃদয় পাঞ্জাবীর মধ্যে যে-রকম বন্ধুত্ব গড়ে ওঠা সম্ভব। যেমন তাড়াতাড়ি 'এই বন্ধুত্ব গড়ে উঠেছিল, তেমনি তা' গভীরও হয়ে উঠেছিল...যেন তারা—যাকে বলে ছাংটো বেলাকার বন্ধু।

যে পারিপার্শ্বিকতার মধ্যে তারা হৃদয়ে এসে পড়েছিল...তাতে ক'রে আপনা থেকে এই বন্ধন আরো সুগভীর হয়ে ওঠে। সেই প্রাণহীন শব্দ-সঙ্কুল কারখানার মধ্যে, কিম্বা বাড়ীতে সেই বন্ধুহীন জনতার মধ্যে, জীবনের তিক্ততা যেখানে পায়ে পায়ে কাঁটার মত ফুটতো, সেখানে একমাত্র অন্তরের তাগিদেই এই ভ্রাতৃত্ব সম্বন্ধ গড়ে উঠেছিল।

দিনে বারো ঘণ্টা যদি খাটতে হয় লোহাও ক্ষয়ে যায়...মাসুকের জীবন তো অতি ক্ষণভঙ্গুর!

আর যদি পনেরো ফিট লম্বা আর দশ ফিট চওড়া একটা ঘরে বাজা-বন্দা হয়ে বাস করতে হয়, যদি ধোঁয়া আর রান্না আর ময়লা আর পাইখানার গন্ধে, এক ঘরে, এক কলে, এক সিঁড়িতে এক উঠানে, একই ছেঁড়া বালিশ আর ময়লা চটে দু'বেলা জীবনকে বহন করতে হয়, আপনা থেকেই তা' এনে দেয়, মৈত্রী-স্পৃহা...সঙ্গ-তৃষ্ণা....

তাই এই নরকের বাইরে, যে-কয়েক ঘণ্টা তারা ছুটি পেতো, সেইটুকুতেই ছিল তাদের মন-লেন-দেনের আসল আনন্দ।

সকাল বেলা ঘুম থেকে উঠতে মুন্সুর রীতিমত কষ্ট হতো। কারখানায় হেঁটে যেতেই হয় এবং বাড়ী থেকে কারখানায় যেতে কম পক্ষে এক ঘণ্টা সময় লাগে। তার মধ্যেই প্রাতঃকৃত্য, স্নান ইত্যাদি সেরে নিতে হয়। তা'হলে বিছানা থেকে উঠতে হয়, তোর সাড়ে চারটে কিম্বা বড় জোঁর পাঁচটার সময়।

সন্ধ্যাবেলা আবার যখন ছ'টার বাঁশী বেজে উঠতো, তখন আবার সেই বাড়ী ফিরে আসা। মেয়েরা সারাদিন কারখানায় ষেটে আসার পর, বাড়ীতে রান্না করতে বসতো। রান্না সারতে ন'টা বেজে যেতো। স্নাতকরাৎ আটঘণ্টা যদি ঘুমতে হয়, তৎক্ষণাৎ বিছানায় শুয়ে পড়তে হয়। অবশ্য শুয়ে পড়লেই এদের ঘুম এসে যায়। এদের একমাত্র সৌভাগ্য, ঘুম আনবার জন্তে কোন নিদ্রাকর্ষক ওষুধ খেতে হয় না। দিনে বারো ঘণ্টা খাটুনীই ঘুমের সব চেয়ে বড় ওষুধ।

কিন্তু মুমূর মত ছেলে ন'টার সময় বিছানায় কিছুতেই শুতে যায় না। যেদিন থেকে রতন তাকে বাইরের জগতের সঙ্গে পরিচয় করিয়ে দিচ্ছে, সেইদিন থেকে তাকে নিত্য টানে, বাইরের খোলা মাঠ, তাড়ির দোকান, শহরের রঙমশাল। তাই অধিকাংশ দিনই শব্দ্য নিতে মধ্যরাত্রি হয়ে যেতো।

কিন্তু রাত্রির এই ক'টা ঘণ্টা, চক্ৰিশ ঘণ্টার মধ্যে সেইটুকুই শুধু বেঁচে থাকা! পাঁচজন লোকের সঙ্গে মিশে, পাঁচজন লোকের সঙ্গে আলাপ আলোচনা ক'রে, সেইটুকু সময় সে যেন বেঁচে থাকবার একটা মানে খুঁজে পেতো। সেই সময়টাতে সে স্পষ্ট বুঝতে পারতো, শৈশবের অর্থহীন অসহায়তা থেকে ক্রমশঃ সে বড় হয়ে উঠছে। এবং একদিন হয়ত সে সম্পূর্ণ বড় হয়ে উঠবে। তাই এই ক'ঘণ্টা বাইরের জীবনের মধ্যে সে যা কিছু বলতো, শুনতো, করতো, তাই তার কাছে মহামূল্যবান বোধ হতো।

তাই ছুটির দিন সে আনন্দে ফেটে পড়তো। দলে দলে কুলিরা তখন শহরে বেড়াতে বেরতো, তাদের সঙ্গে সে-ও ভিড়ে যেতো। শহরের মধ্যে তাকে সব চেয়ে বেশী টানতো, বড় বড় দোকানে সাজানো জীবনের নানা বিচিত্র সব উপকরণ। দাঁড়িয়ে দাঁড়িয়ে সে দেখতো, করনায় তাদের স্পর্শ-স্বাধ অমুভব করতো....সেই সঙ্গে মনে জেগে উঠতো ভীত

আশা, অদূর ভবিষ্যতে একদা সেই সব উপকরণ দিয়ে সত্যি সত্যি সে সাজিয়ে তুলবে তার জীবনকে।

সাধারণত শনিবার বিকেল বেলা মুন্নু আর রতন একসঙ্গেই বেরুতো।

তাদের বাড়ীর কাছ দিয়ে যে-রাস্তা মাঠের ভেতর দিয়ে বসে শহরে গিয়ে পৌঁচেছে, কুলিদের পায়ে পায়ে তার মরা ধূলো তখনকার মত যেন বেঁচে উঠতো। কোথাও কাঁচা চামড়া তৈরী হচ্ছে, তার পচা গরু, পথের ধারে কোথাও হ'দিনের মরা কুকুর পড়ে আছে...আস্তাকুঁড়ের ওপর কোথাও বেড়ালে ঝগড়া করছে...মানুষ, গরু, বোড়া, ছাগলের পবিত্যস্ত দেহ-মল মাঠের ফাটলে, রাস্তার গর্ভে পড়ে পড়ে শুকোচ্ছে... ক্রমশঃ সে-দৃশ্য সে-গরু পেছনে পড়ে যায়। তার পরিবর্তে দেখা দেয় পাম-খেঁচা ছায়া-বাঁধি...শ্লিষ্ট শ্রামল লতায়-পাতায় ঢাকা মনোরম অঙ্গণ...গোলাপে আর চামেলীতে-ছাওয়া লতা-বিতান। ক্রমশঃ চোখের সামনে মাথা তুলে ওঠে মেঘচূষা প্রাসাদ, গোল্ড-মোহরের সোপ্রালী-ফুলে ছাওয়া ভ্রমণ-উঠান। শীর্ণ-দেহ, গলিত লোল-চন্দ্র শুষ্ক মুখ কুলিরা ক্রমশঃ মিশে যায় সিক-আর-সুন্দর-ভ্রতায় মোড়া পদচারী সম্ভ্রান্ত নাগরিকদের দলে। পথ ভরে ওঠে মোটরে, বাসে, ভিক্টোরিয়া গাড়ীতে। সন্ধ্যার আলো-আধারীতে কুলির দল শহরের বাজারে বাজারে ছড়িয়ে পড়ে।

ভাঁড়ির ধোকানে বসে রতন হুটু হুসি হেঁসে মুন্নুর কাছে প্রস্তাব ক'রে, আজ তোকে একটা তামাসা দেখাষো...

এক বোতল মুরী বিয়ার ঢক্ ঢক্ ক'রে শেষ ক'রে মুন্নুকে পাশে নিয়ে সে বেরিয়ে পড়ে। আবহুল রহমান ষ্ট্রীটের বিজলী-বাতির তলা দিয়ে, ভেঙা বাজারের 'গ্যাসের পোষ্ট পেরিয়ে একটা ছোট্ট ব্লক আলোকিত গলির ভিতর দিয়ে তারা গ্রাণ্ট ষ্ট্রীটের ওপর এসে পড়ে।

মুন্নুও এক গেলাস বিয়ার খেয়েছিল। গোলাপী নেশায় উৎসাহে সে রতনকে অমুসরণ ক'রে চলে...পুরোণো, সফু স্যাংসৈতে গলি... অন্ধকার তার হু'পাশের ময়লা জঞ্জাল ঢাকা পড়ে গিয়েছে...ছোট ছোট খুপরীতে ফুলওয়াক্সবা বসে...তাদের ফুলের গন্ধে রাস্তার দুর্গন্ধ বেন লুকিয়ে পড়েছে...ক্রমশ আশে-পাশের ভাঙ্গা-চোরা বিসদৃশ দৃশ্যের বদলে চোখে পড়ে, জানলার ধারে, বারান্দায় টুলের ওপর বসে নকল-গয়নায়-সারা-গা-মোড়া বিচিত্র-মূর্তি সব নারী...রাস্তায় পান চিবোতে চিবোতে বারা ঘুরে বেড়াচ্ছে তাদের দিকে মুচকে হেসে চোখের ইঙ্গিতে নিমন্ত্রণ জানাচ্ছে...

রতন মুন্নুকে দেখিয়ে বলে, কেমন, সুন্দর না? সত্যি বল, ভাল লাগছে তো? কোন মেয়েটাকে তোর পছন্দ হয়?

মুন্নু বিস্মত হয়ে পড়ে! অকারণে হেসে ওঠে। রতনের কথার ইঙ্গিতে তার দেহের মধ্যে যেন রক্তে দোলা লাগে। উত্তপ্ত পরিতৃপ্তিতে সে বন্ধুর দিকে চায়। চোখে তার জলে ওঠে নিঃসঙ্গ স্তম্ভ আলো। রেশমী-উত্তরীর মত তার অঙ্গকে ঘিরে দোলে উ... কামনার আতুর স্বপ্ন...

মুন্নুর উত্তরের অপেক্ষায় না থেকে রতন বলে ও... আয়, আমি জানি কোথায় যেতে হবে...পিয়ারী জান...পিয়ারী জ! ঘরে যাব, চল!

মুন্নু, নীরবে অমুসরণ করে।

সাদা, কালো, ভামাটে, বিচিত্র বর্ণের বিচিত্র সব মাসুকের দল রাস্তা দিয়ে এগিয়ে চলে। আনন্দ-মুখর...চঞ্চল...জীবন্ত কামনার চলমান তরঙ্গের, পর তরঙ্গ...যেন কোন্ অনাহত নীরব সঙ্গীতের ছন্দে ছলে উঠেছে সমস্ত সরণী! কামনার আদিম সঙ্গীত...অন্তরের নিঃসঙ্গ নিঃসঙ্গতার হাত থেকে, নৃত্যে, সুরে, প্রেমে, সুকোমল স্পর্শে যঃ এনে



দেয় মুক্তি...মধুর মৃত্যু...সুমধুর পরিসমাপ্তি...হোক তা' ফদির, হোক  
তা' অসম্পূর্ণ...

এই আনন্দ-সরণীতে এই যে মাসুকের ভিড়...এরা যে কত হুখী,  
কত ভাগ্যহত...তেতরে বাইয়ে কত রিক্ত...তা' মুনুর ধারণায় ছিল না।  
এই ছদ্ম-সমারোহের ওপরের চাকচিক্য তার মনকে ভুলিয়ে দেয়...তার  
মনে প'ড়ে যায়, তার দেশে, বৎসর অন্তে যে সব মেলা বসতো...দলে  
দলে মেয়ে-পুরুষ জড় হতো, বার ষা ভাল পোষাক লোক-দেখানোর  
জন্তে সেদিন তারা বার করতো। তার নিজের কোন বিশেষ উদ্দেশ্য বা  
লক্ষ্য ছিল না তাই সে ভেবে নিয়েছিল তার আশে-পাশে যারা ভিড়  
ক'রে আসছে যাচ্ছে, তাদেরও বৃষ্টি কোন উদ্দেশ্য বা লক্ষ্য নেই।

ইতিমধ্যে রতন একটা গলির ভেতর দিয়ে অন্ধকার সিঁড়ি পেরিয়ে  
বৈঠকখানার মত একটা বড় ঘরে মুনুকে নিয়ে হাজির হয়। ঘরের  
ভেতর ঝাড় লঠনের আলো...দরজায় কাগজের কুলের মালা ঝোলান...  
দেয়ালে সম্রাট সপ্তম এডওয়ার্ড আর তাঁর পৌত্রের একটা বড়  
রঙীন ছবি...তার পাশে ভক্ত-রাজ হুম্মানের একটা পট...সেই সঙ্গে  
সুবেশা এক তরুণী নারীর একখানি ফটো চিত্র। চিত্রখানি ১৫এর  
বর্তমান অধিকারিনী পিয়ারী জানের যৌবনের প্রতিকৃতি...তখন বৎসর  
বড় বড় সওদাগর আর রইস তার নৃত্য উপভোগ করবার জন্তে সমবেত  
হতো...তখন গ্রান্ট স্ট্রীটে পিয়ারী জানের নিজস্ব আলাদা আড্ডাখানা  
ছিল। এখন ভয়-দেহ...বয়োবৃদ্ধা...নিশেষিত-রস ক ছোবড়া...  
পথচারীর অমুকম্পার জন্তে রোজ সন্ধ্যায় নকল-গয়না আর সস্তা রঙীন  
পোষাকে জানালার কাছে সেজে গুজে বসে থাকতে হয়।

—আরে, এসো, এসো পালোয়ানজী! বলি এতদিন কোথায়  
গা ঢাকা দিয়ে ছিলে? মাইরি 'বলছি, তোমার জন্তে পথ চেয়ে চেয়ে  
চোখ দুটো ফুয়ে গেল একেবারে...

এক গাল হেসে পিয়ারী জান সাদর আমন্ত্রণ জানায়।

—আরে ভাই, বড় কাজ পড়েছিল....তার ওপর ফোরম্যান ব্যাটা গেলো-মাসের মাইনে থেকে বিস্তর কেটে নিলে!

মুচকে হেসে পিয়ারী বলে, এক মাসের মাইনে কাটেনি নিশ্চয়!

পিয়ারীর কথার উদ্দেশ্য বুঝতে রতনের দেয়ী হয়না। তাই তার ষোগ্য উত্তর সে দেয়, আরে, না, না....তোমার ষা পাওনা, তার জন্তে ভেবো না! সে ঠিক আছে!

কথাটা পালটে নিয়ে মুচুকুকে দেখিয়ে বলে, এই দেখ, তোমার জন্তে ষাপশুকুৎ একটা তাজা ছোঁড়া নিয়ে এসেছি!

মুচুর কাছে এগিয়ে গিয়ে তার মাথার ওপর হাত রেখে পিয়ারী বলে ওঠে, বাঃ...সত্যি তো, ষেন পটের দেবতা....দিব্যি চেহারা! তোমার ছেলে বুঝি?

রতন বলে ওঠে, দূর মাগী! আমার ছেলে কেন? তোঁর, পীষিতের লোক....আমার হুযম্ন!

- সেই ঝলমল গয়না আর রঙচঙে পোষাক....সেই সঙ্গে আতরের মষ্টি গন্ধে মুচু ষেন মুহম্মান্ হ'য়ে পড়ে। এখনো ষার দেখা পায় নি তার স্বাদ নেবার জন্তে তার দেহ-মন উন্মুখ হ'য়ে ওঠে। বহু কষ্টে উন্মজনাতে দমন ক'রে সে দাঁড়িয়ে থাকে।

—বসো, দাঁড়িয়ে রইলে কেন পালোয়ানজী, তোমার সব তাতেই ঠাট্টা!

ফরস্য-চাদরের ওপর আরাম ক'রে বসে রতন উত্তর দেয়, তা'হলে তোমার আড্ডায় ভাঁড়ের চাকরীটা তো পাব?

—সে কি কথা! তুমি হলে আমার মালিক! আমি তোমাে চাকরী দেবো? আমি যে তোমার দাসী গো!

বাজে রসিকতা বাদ দিয়ে কাজের কথায় আনবার জন্তে পিয়ারী জান সুর পালটে জিজ্ঞাসা করে, তাহলে হুজুরের যদি ফরমাস হয়, সরবৎ নিয়ে আসি...সরবৎ খেয়ে হুঁখানা গান শোন...কেমন ?

আমার ভেতর থেকে এক বোতল মদ বার করে পিয়ারীর সামনে ধরে উল্লাসে রতন বলে ওঠে, হাঁ...হাঁ...সরবৎ চাই বইকি ! তবে এই সরবৎ না হলে কি বিবিজানের ভাল লাগবে ?

আপ্যায়িত হয়ে পিয়ারী বলে ওঠে, এমনি না বলে পালোয়ানজী ! মাইরি ভাই, তোমার দিল যেন হাতেম তাই-এর দিল ! দরজা ! দাঁড়াও, গ্লাস নিয়ে আসি !

সামনে চমৎকার কাঠের কাজ করা একটা খাটের ধারে কুলুঙ্গী থেকে গোটা চারেক ছোট গ্লাস নিয়ে আসে। দরজা থেকে মুখ বাড়িয়ে হাঁকে, জানকী...শুলাব জান...বুদী খাঁ...

রতন বুঝতে পারে, তাহলে একটু নাচ হবে দেখছি ? মাইরি জান, আমার জন্তে তুমি বড় মেহনৎ করছো...একটু আমার পাশে এসে বসো তো আগে !

অঙ্গ ছলিয়ে নাচতে নাচতে মুচকি হেসে পিয়ারী রতনের কোলের ওপর বসে পড়ে।

চোখের সামনে কামনার এই প্রত্যক্ষ অভিব্যক্তিতে মুগ্ধ সচকিত হয়ে ওঠে। স্ত্রী-পুরুষকে এইভাবে এত কাছাকাছি সে আর কখনো দেখে নি। দেশেতে তার খুড়ো আর খুড়ী এক বিছানাতে শুতো না। প্রভুদয়ালের বাড়ীতেও, পাশা-পাশি ছোটো আলাদা খাটে তাদের স্বামী-স্ত্রী হুঁজনকে সে শুতে দেখেছে—কখনও পরস্পর পরস্পরকে ছুঁতে পর্যন্ত দেখে নি। হরি আর লক্ষ্মী সম্বন্ধেও তাই, তারা যেন হুঁজনে হুঁশহরে থাকতো। তাই চোখের সামনে সেই অন্তরঙ্গ দৃশ্য কিছুকণ দেখার পরেই তার মনে হলো, তার শরীরের ভেতর যেন কেমন

ক'রছে। মদের চেয়ে মাদক কি এক অপূর্ব স্নিগ্ধরসে যেন তার সব ভাবনাগুলো গলে গলে যাচ্ছে।

এমন সময় ছ'টা সুন্দরী তরুণী ঘরের খাটটুকু পড়েই থমকে দাঁড়ালো। পরণে গোলাপী রঙের সিল্কের চিলে পায়জামা আর গায়ে আঁট পিরাম। সামনের দিকে স্পষ্ট ভাবে একবার দেখে নিয়ে তারা বুদী খাঁর জন্তে পিছন দিকে ফিরে চায়। সঙ্গে সঙ্গে দস্তহীন, ক্ষীণ দৃষ্টি, ভাঙ্গা-গাল কৃষ্ণকায় একজন বৃদ্ধ সেলাম করতে করতে প্রবেশ করে। দেখলেই বোকা যায়, এ অঞ্চলের দালাল! বুদীখাঁ।

—সেলাম, সেলাম, পালোয়ানজী! ওঃ! বহুৎ বহুৎ দিন বাদে পায়ের ধুলো পড়লো আপনার! ভাল ক'রে আজ হুজুরকে খুশী ক'রতে হবে...কি বলিস্ রে ছুঁড়িরা?

বুদী খাঁ দেবী না ক'রে সোজা এগিয়ে গিয়ে হারমোনিয়াম খুলে বাজাতে আরম্ভ ক'রে দেয়।

পিয়ারী কোলের কাছে তবলা টেনে নেয়। সঙ্গে সঙ্গে গান ধরে।

গানের প্রথম কলি গাওয়া শেষ হওয়ার সঙ্গে সঙ্গে মেয়ে ছ'টার পায়ের ঘুঙুর বেজে ওঠে...রঙিন ওড়না উড়িয়ে তারা চলে আরম্ভ করে। সঙ্গীতে, সুপূরে, নৃত্যে দেখতে দেখতে সব ঘরটা ভরে ওঠে।

রতন উচ্ছ্বসিত হয়ে ট্যাঁক থেকে একটা টাকা বার করে বুদী খাঁকে দেয়, বাহবা, বাহবা, ওস্তাদজী! দিল্ ঠাণ্ডা ক'রে দিলে!

তারপর নেশায় অবশ দেহে পিয়ারীর ঘাড়ে চলে পড়ে—

—পিয়ারী! মেরী জান্....

আদর পেলে বিডাল যেমন সমস্ত দেহটা বিচিত্র ভঙ্গীতে কুঁকড়ে কোল ঘেঁসে বসে, পিয়ারী ঠিক তেমনি ক'রে রতনের কোলে গিয়ে উঠে

বসলো...গলা জড়িয়ে ধ'রে বলে উঠলো, আমার বরাং ভাল, তোমাকে খুশী করতে পেরেছি! তবু আমাকেও খুশী ক'রতে হবে!

ইঞ্জিতটা বুঝতে পেরে রতন উচ্ছ্বসিত কণ্ঠে উত্তর দেয়, তবে কি বুধাই লোকে আমাকে হিন্দুস্থানের রুস্তাম বলে?

মেয়ে দু'টি খিল্ খিল্ ক'রে হেসে ওঠে।

মুন্সুর মনে হচ্ছিল যেন তার দেহের ভেতর থেকে হৃদয় বলে পদার্থটি বাইরে এসে গলে গিয়ে চারদিকে ছড়িয়ে প'ড়েছে...তরঙ্গের মত ব্যাকুল হয়ে ছুটে চলেছে সেই দু'টি তরুণীর দেহ-তট স্পর্শ করবার জন্যে...কিন্তু কিসে যেন ব্যাহত হয়ে বার-বার ব্যর্থ হয়ে ফিরে আসছে।

চোখের ইসারায়ে বুদী খাঁকে বাজনা বাজাতে ইঞ্জিত ক'রে, পিয়ারী বিলোল-কটাক্ষে হাতের চুড়ির আওয়াজের তালে আর একটা গান ধরে।

নেশার আবেশে রতন আদেশ করে, আর একবার নাচ হোক... আমার খাতিরে...

পিয়ারীর ইঞ্জিতে মেয়ে দু'টি আবার নাচতে শুরু ক'রে দেয়-  
পিয়ারী গান গায়...

টিক সোমের মাথায় রতন বাঁহবা দিয়ে ওঠে। গান শেষ হওয়ার সঙ্গে সঙ্গে আর একটা টাকা ট্যাক থেকে বার ক'রে গামনের খালার ওপর ছুড়ে দেয়।

পিয়ারীর সঙ্গে মেয়ে দু'টির চোখে-চোখে কি কথা হয়ে যায়, তারা উঠে ঘর থেকে বিদায় নেয়। সঙ্গে সঙ্গে বুদী খাঁও অদৃশ্য হয়ে যায়।

মুন্সু এতক্ষণ পাথরের মত চূপ ক'রে বসে ছিল। হঠাৎ মেয়ে দু'টিকে ঘর ছেড়ে চলে যেতে দেখে সে চঞ্চল হয়ে ওঠে। সে স্পষ্ট অনুভব করে, তার সারা গা থেকে আগুন বেরুচ্ছে।

রতনের দিকে চেয়ে মুচকী হেসে মুন্সুকে লক্ষ্য ক'রে পিয়ারী বলে ওঠে, 'আহা, বাছার বড় কষ্ট হচ্ছে।

সে-ইঙ্গিত বুঝতে রতনের দেবী হয় না।

—মুন্সু ভাই...তুই এবার বাড়ী যা...অনেক রাত হয়ে গিয়েছে... আমি একটু পরেই যাচ্ছি...যা...

এতদিন জীবনে যা জানা হয় নি, আজ তাই জানবার জন্তে সে আকুল আগ্রহে এতক্ষণ অপেক্ষা ক'রে ছিল। সহসা তা' থেকে বঞ্চিত হওয়ার মুন্সু একেবারে ভেঙ্গে প'ড়ে। এতক্ষণ ধরে সে যেন একটা কিছু অপেক্ষায় বসে ছিল...কিন্তু কি তা, সে নিজেই জানতো না। এখন বাধ্য হয়েই তাকে উঠে দাঁড়াতে হলো। পিয়ারী উঠে এসে তার মাথায় হাত দিয়ে যেন আশীর্বাদ করলো। আচ্ছন্নের মত সে ঘর থেকে ছুটে বেরিয়ে প'ড়লো...তখন মধ্যরাত্রি হয়ে যাচ্ছিল। বোধের নিদ্রাহীন রাজ-পথের আশে-পাশে, ফুটপাতের ওপর, নিত্যকালের গৃহহীন কুলির দল শয্যাহীন হিম-প্রস্তরে তখন ঘুমুবার ব্যর্থ চেষ্টায় গড়াগড়ি দিচ্ছে...গল্প ক'রছে,—গ্যাসের মৃত্যু-পাগুর ম্লান আলায়ে উদ্ভা আর চঃস্বপ্নের মধ্যে তুলছে।

শহর ছাড়িয়ে মুন্সু গাঁয়ের রাস্তায় এসে প'ড়ে। আকাশে টান নেই, তবুও পায়ে-হাঁটা সরু রাস্তাগুলো রূপোর পাতের মত জ্বলা...মাঝে মাঝে কোথাও অন্ধকারে জোনাকীর ক্ষীণ আলো অন্ধকারেই আরো স্পষ্ট ক'রে তুলছে...কাছে কোথাও ঘোপের ভেতর থেকে নিশাচর পেচকের দল কঠিন কর্কশ কণ্ঠে গেয়ে উঠছে নিশীথের নিকর সঙ্গীত...

বুকের ভেতর যেন কি একটা ভারী জিনিস ভেতর থেকে তাকে অবশ্য ক'রে তুলছে...দৃশ্চিন্তার প্রেতমূর্ত্তির মত অন্ধ-জাগরিত বাসনার অতৃপ্তি শিরা-উপশিরা দিয়ে মগজে এসে সব যেন গুলিয়ে

ধোঁয়ার মত ক'রে দিচ্ছে...মাঝে মাঝে সন্দেহ হচ্ছে, বুঝি তার ঘাড়ের ওপর মাথাটাই নেই।

কোন রকমে ভারাক্রান্ত দেহকে টেনে নিয়ে সে এগিয়ে চলে। চলতে চলতে নিজেকেই জিজ্ঞাসা করে, কি চাই তার? কি চেয়ে ছিল সে, যা পায় নি ব'লে আজ তার মন এমনি ক'রে মরে যাচ্ছে? কিন্তু সে-প্রশ্নের কোন সঠিক উত্তরই সে দিতে পারে না। ক্রমশ তার নিজের পায়ের শব্দে সে নিজে ভীত সচকিত হয়ে ওঠে...নির্জন প্রান্তরের সেই পুঞ্জীভূত অন্ধকার যেন প্রেত-স্পর্শে সজীব হয়ে ওঠে— সে ছুটতে আরম্ভ করে...যতক্ষণ না বাড়ীর সামনে এসে দাঁড়ায়। দরজার ভেতরে ঢুকে সে হাঁফ ছেড়ে বাঁচে...রাত্রির পিশাচিনীরা আর তাকে ধরতে পারবে না! কিন্তু তখনও তার হাড়ের ভেতরে যেন কাপতে থাকে অন্ধকারের বিভীষিকা...সিঁড়ি দিয়ে উঠতে তার দম ফুরিয়ে আসে।

ঘরের মধ্যে লক্ষ্মী ছাড়া আর সকলেই তখন নাক ডাকিয়ে ঘুমুচ্ছিল। সেই বায়ুহীন বন্ধ ঘরে দেয়ালে ঠেস দিয়ে, মাটির প্রদীপের আলোর লক্ষ্মী তখনও পর্যাস্ত জেগে ছেঁড়া কাপড় মেলাই করছিল। আসলে সে মুন্সুর অপেক্ষাতেই জেগে বসেছিল।

মান ব্যথিত দৃষ্টিতে মুন্সুর দিকে চেয়ে সে কাতর ভাবে জিজ্ঞাসা ক'রে, এতক্ষণ কোথায় ছিলে?

মুন্সু কোন কথা বলতে পারে না, শুধু চেয়ে থাকে। পিয়ারী জান বখন তার মাথায় হাত দিয়েছিল, তখন তার উদগত অশ্রু-ধারা চোখের পাতার আড়ালে এসে থেমে গিয়েছিল...সেখানেই এতক্ষণ তা' জমা হয়েছিল...লক্ষ্মীর স্নেহ-দৃষ্টির আকর্ষণে যেন তা ফেটে বেরিয়ে এলো। তাই লক্ষ্মীর দিক'থেকে চোখ ঘুরিয়ে নিয়ে, তার শোবার জামগার দিকে চেয়ে দেখে। কতক্ষণ সে এমনি চোখ ঘুরিয়ে ফিরে

দাঁড়িয়েছিল, তা' সে নিজেরই অনুমান করতে পারে না, যখন আবার  
লক্ষ্মীর দিকে চাইল, দেখে, লক্ষ্মীর সমস্ত দেহ তার দেহের ওপর ঝুঁকে  
পড়েছে...সে স্পষ্ট অনুভব করে, সে-আনর্ত-দেহ ধর ধর ক'রে কাঁপছে  
...চোখে তার বিহ্বল-বহি !

স্পর্শ-ব্যাকুল হ'য়ে ওঠে অন্তর, তবু অভ্যাসবশত সে মাথাটা  
সরিয়ে নেয়, যেন লক্ষ্মীর স্পর্শ সে এড়িয়ে থাকতে চায়। তাকে  
বিন্দুমাত্র বিচলিত না হ'য়ে, লক্ষ্মী কোমল, অতি কোমল স্পর্শ হাত দিয়ে  
তার চিবুক তুলে ধরে...জননী যেমন অতি সহজেই বোঝে সন্তান কি  
চায়, নারীর সেই সহজাত বেদনাতুর অন্তর্দৃষ্টি দিয়ে লক্ষ্মী নিমেষে বুঝতে  
পারে, তার সামনে সেই মৌনমূর্ত্তি কিশোরের দেহমনের কি আন্তি...  
তপ্ত-ওষ্ঠ তার কপালে রেখে—মৃদু, অতি মৃদু কণ্ঠে, যেন কোন গুপ্তমন্ত্রের  
মত কাণে কাণে বলে, ওগো, দুঃখ কি ! তুমিও দুঃখী, আমিও দুঃখী...  
দুঃখই আমাদের সব !

আর দাঁড়িয়ে থাকতে না পেরে মূগ্ধ তার নির্দিষ্ট জায়গায় গিয়ে  
সুয়ে পড়ে। নীরবে লক্ষ্মী তার পাশে গিয়ে শোয়, দু'হাতে তাকে বুকের  
মধ্যে টেনে নিয়ে প্রাণপণে জড়িয়ে ধরে...সেই তপ্ত সান্নিধ্যের নীরব  
অভিষেক সে যেন মূচ্ছিত হ'য়ে পড়ে...অসহ যন্ত্রণায় জেগে ওঠে,  
ইন্দ্রিয়ের সব দ্বার ভেঙ্গে জাগ্রত-যৌবনের সমস্ত নিকর কামনা...অসহ  
পীড়নে ভেঙ্গে গুঁড়িয়ে দিতে থাকে তার সারা দেহ...অবশেষে উষার  
মধুর লগ্নে নিশাবসানের সেই মায়া-মুহূর্ত্তে, সেই অসহ জ্ঞান আপনি  
খুঁজে নেয় তার মুক্তি, মধুর মরণ...নারীর তপ্ত দেহে পুরুষের ক্ষণিক  
দেহাবসান !



তাই সোমবারের সকাল বেলাটাকে সহজভাবে গ্রহণ ক'রতে তারা পারে না। একটা দিনের ছুটি, তারি মধ্যে তারা পুরোপুরিভাবে আশ্বাদ ক'রে নিতে চায় অথচ সব দিনের বঞ্চিত মানবীয় ক্ষুধা...এই একটা দিন তারা বুঝতে চায়, তাদেরও দেহের ভেতরে আছে মানুষের প্রাণ। তাই সেদিনটার আশ্বাবিলাসের পর, সহসা যখন বেজে ওঠে আবার সোমবারের বাণী, মনে হয়, যেন সে আহ্বান জীবন-শেষেরই আহ্বান।

তবু উঠতে হবে, যেতে হবে কারখানায়। ঘর থেকে তাই কারখানার দিকে পা বাড়াতাই তাদের মনে হয়, যেন কোন্ অদৃশ্য প্রেতমূর্তি আবার তাদের মরণ-আলিঙ্গনে আশ্বাস ক'রে নিলো...তারা এঁগিয়ে চলে, যেন পক্ষাঘাতে সন্মোহিত হ'য়ে গিয়েছে সারা দেহ...উদাসীন...প্রাণহীন...চোখে, মুখে স্পষ্ট ফুটে ওঠে অব্যক্ত বেদনার বিভীষিকা... মুখ নয়, যেন মুখোস্!

মুন্সুর কাঁচা দেহ থেকে তখনও কারখানা সব রস গুণে নিতে পারে নি...একটা রবিবারের উৎসবের পর ষথেষ্ট উদ্বৃত্ত তেজ তখনও দেহ-ভাণ্ডে সঞ্চিত থাকে। তাই সোমবার কারখানা-যাত্রী কুলিদের স্নান মুখের দিকে চেয়ে সে বিশ্বয়ে ভাবে, কেন তারা এত বিষন্ন?

কাঁপতে কাঁপতে, দুর্বল দেহে, রেখান্বিত কুৎসিত মুখে, পা থেকে মাথা পর্যন্ত ময়লা মেখে, নির্বিকার-চিত্তে, শির-দাঁড়া-ভাঙ্গা পুতুলের মত সন্ত্রস্তপদে তারা কোনরকমে এগিয়ে চলে...চোখ চেয়ে থাকে বটে, কিন্তু সে-চাওয়াতে যেন কিছুই দেখা যায় না। মাঝে মাঝে বোকার মত ধুম-লাঞ্ছিত আকাশের দিকে চেয়ে "রাম রাম" অথবা অথ কোন দেব-দেবীর নাম উচ্চারণ ক'রে ধীরস্থল ফেলে...সর্বশক্তিমান তাদের বাঁচিয়ে রেখে যে করুণা দেখিয়েছেন, তার জন্তে কৃতজ্ঞতা জানায়। মুন্সুর মনে পড়ে, দৌলতপুরে প্রভুদয়াল প্রায়ই বলতো, সবই ভগবানের দান...গণপতের দুর্ক্যবহার, পুলিশের সেই অকারণ নিষ্ঠুর প্রহার, এমন কি

প্রহারের ফলে মরণ-সমান সেই জ্বর, সবই ভগবানের দান, কৃতকর্মের ফল! হয়ত তার চোখের সামনে নতমুখ পুঁনি এই কুলির দল, তারাও তাই ভাবে। অন্তত হরিকে প্রায়ই সেই ধরণের কর্মফলের কথা বলতে সে শুনতো; হরির বিশ্বাস জীবনে সে অনেক ভাল কাজ করেছে, তার ফলে একদিন না একদিন তার ভাগ্য নিশ্চয়ই সুপ্রসন্ন হবে। একমাত্র রতন এই ধরণের কথা শুনলে হেসে উঠতো, কোন কিছুতেই ভেঙ্গে না পড়ে একমাত্র তাকেই সে দেখেছে, হাসিমুখে বুক ফুলিয়ে চলতে।

চিমটা সাহেব রোজ সকালে কুলিদের কারখানায় ঢোকবার সময় সেডের মুখে দাঁড়িয়ে থেকে সেলাম আদায় করতে। তাদের অভিবাদনের উত্তরে কখনো হয়ত একটু হাত তুলতো, নতুবা অধিকাংশ সময়ই গালাগাল দিয়েই প্রত্যুত্তর দিত। কাজে ঢোকবার মুখে সাহেবের সেই বাঁড়ের মতন বিপুল দেহ দেখে, কুলিদের মনে আপনাকে থেকে ইষ্ট-দেবের কথা জেগে উঠতো, কাজ করবার একটা তাগিদ তারা খুঁজে পেতো। মাঝে মাঝে চিমটা সাহেব সেলামের বদলে বুটভুক্ত পায়ের লাধি দিয়ে প্রত্যভিবাদন জানাতো। যেদিন সকাল থেকেই প্রভু রক্ত থাকতেন, কিম্বা বাড়ীতে মেমসাহেবের সঙ্গে ঝগড়া করে আসতেন, অথবা সকালবেলাকার খবরের কাগজ খুলে যেদিন দেখতেন, জাতীয় দলের লোকেরা অত্যন্ত বাড়াবাড়ি করছে, কিম্বা কোথাও কোন বিপ্লবী কাউকে খুন করতে চেষ্টা করেছে, অথবা সাম্যবাদীরা শ্রমিকের সঙ্ঘবদ্ধ হবার জন্তে প্রচার করছে, সেই দিনই তিনি হাতের চেয়ে পায়ের ব্যবহারটাই বেশী করতেন। তাঁর ধারণা, যেহেতু শাসক-সম্প্রদায়ের লোকের গায়ের রঙের সঙ্গে তাঁর গায়ের রঙের মিল আছে, সেই হেতু এই সব জাতীয় অভ্যুত্থানের চেষ্টা যেন ব্যক্তিগতভাবে তাঁকেই অপমান করবার উদ্দেশ্যে করা হচ্ছে। একদা ল্যান্ডাশায়ারের কোন কারখানায়

কালি-ঝুলি যেখে তিনিও যে এমনি কুলিদের লাক্ষিত জীবন ধাপন করতেন, সে-কথা আজ তিনি সম্পূর্ণভাবে বিস্মৃত হয়ে গিয়েছেন।

কিন্তু একমাত্র রতন, সে কোনদিন মাথা নীচু ক'রে চিমটা সাহেবকে অভিবাদন জানায় নি। তার নিজের শক্তির ওপর তার প্রভূত ভরসা ছিল, তার ভরসার আর একটা প্রধান কারণ ছিল, শ্রমিকদের যুনিয়ন। সে জানতো, কারখানার কাজে তার এতটুকু খাফেলতী হয় না। সুতরাং মাসের শেষে তার পুরো মাইনে, সে পাবে না কেন? যখনই সময় মত মাইনে পেতো না, বা দেখতো চিমটা সাহেব তার মাইনে কার্টবার ফন্দী করছে, সে রীতিমত আন্দোলন শুরু ক'রে দিত।

তা' বলে বাইরে থেকে দেখলে কারুরই বোঝবার কোন সাধ্য ছিল না যে, তার আর চিমটা সাহেবের মধ্যে কোন মনোমালিঞ্জ আছে।

চিমটা সাহেবের পাশ দিয়ে সেডের ভেতর ঢুকতে ঢুকতে রতন চোখ টিপে হেসে বলে ওঠে, সেলাম সাহেব!

সাহেব চাপা গলায় ডাকে, এদিকে এসো।

যেন সাহেবের একান্ত বাধ্য, এমনি একটা ভঙ্গী ক'রে ছুটে তার সামনে এসে দাঁড়ায়, হজুর!

—চাকরী থেকে তুমি বরখাস্ত হ'য়ে গিয়েছ, চিমটা সাহেব স্থিরভাবে জানায়।

রতন অবাক হ'য়ে যায়।

—আমার অপরাধ?

....যা—ও—ও....!

রতন প্রথমটা শাস্তভাবেই সাহেবের মুখের দিকে চেয়ে থাকে....ক্রমশ তার মুখের চেহারা বদলাতে থাকে....চোখের কোণে আলো ঝিলিক মেরে ওঠে....সোজা হয়ে দাঁড়িয়ে ভেঁতরের ঘুমন্ত দৈত্যটাকে যেন জাগিয়ে তোলে। বিদ্রোহ-আহতের মত এক নিমেষে সে বুঝতে পারে, সাহেবের

সেই ক'টা কথার পরিণাম তার জীবনে কি হতে পারে...বুঝতে পারার সঙ্গে সঙ্গে আঘাত করবার জন্মে তার হাত উঠে যায়। কিন্তু চিমটা সাহেব তখন পেছন ফিরে দ্রুত নাদির খানের ঘরের দিকে এগিয়ে চলে, তাই পেছন দিক থেকে শত্রুকে আঘাত করতে তার পালোয়ানের নীতিতে বাধলো। বিজ্ঞানে সেই উত্তোলিত মুষ্টির বোঝা শূন্যে আক্ষালন ক'রেই হাক্কি ক'রে ফেলে। সমস্ত অজ-প্রত্যজ আঘাতের জন্মে সংহত হয়ে উঠেছিল, সেগুলো আপনা থেকে আবার আলগা হয়ে যায়। বুক থেকে রক্ত ঝলক দিয়ে উঠে চোখে ছড়িয়ে পড়েছিল...চোখের পাতা ফেলতে, দেখলো, সে-রক্ত গরম লোনা জল হয়ে ঝরে পড়েছে।

মুগ্ধ তাকে শাস্তনা দিয়ে বলে, লোকে বলে শুনেছি, ঘোড়ার পেছন দিয়ে আর অফিসারের সামনে দিয়ে নাকি যেতে নেই! তুমি পারবে না জানি, আমি তোমার হয়ে চিমটা সাহেবের কাছে গিয়ে হাতে-পায়ে ধরছি...

স্থিরভাবে রতন বলে, না...আমার জন্মে কারুর হাতে-পায়ে ধরতে হবে না...সে কত বড় সাহেব আমি দেখে নেবো...তুই দাঁড়া...

এই বলে সে ছুটে বেরিয়ে পড়ে। আধ মাইল দূরে নিখিল ভারত ট্রেড যুনিয়ন ফেডারেশনের অফিস। তার বিশ্বাস, ফেডারেশনের প্রেসিডেন্ট লাল্য গুহানার কাছে কাছে যদি তার ব্যাপার সে জানাতে পারে, তা'হলে নিশ্চয়ই তিনি এর একটা বিহিত করবেন।

কমিটির অফিসের একজন কেরাণী বারাণ্ডায় বসে ছিল তাকে দেখে রতন বলে, প্রেসিডেন্টের কাছে আমার একটা মালিশ আছে।

আপাদমস্তক তাকে একবার দেখে নিয়ে নিস্পৃহভাবে কেরাণীবাবু জানানেন, তিনি এখন কাজে ব্যস্ত আছেন।

রতন কোন কথা না বলে তার হাতে একটা আধুলি গুঁজে দিল। কেরাণী তৎক্ষণাৎ উঠে গিয়ে, সামনের দরজার পর্দাটা তুলে একবার

টিক মেয়ে দেখেই ফিরে এলো, সাহেব বাজেন, তিনি এখন বড় ব্যস্ত...  
তামার যদি খুব জরুরী দরকার থাকে, তাহলে একটা কাগজে লিখে  
নাও...নিজে যদি না লিখতে পার, একটা টাকা দাও আমি লিখে  
দেচ্ছি!

রাগে রতনের সর্ব-শরীর জ্বলে উঠলো। ইচ্ছা হলো, এই মুহূর্তে  
লাকটার ঘাড় ধরে মটকে দেয়। কিন্তু বহু কষ্টে নিজেকে সংযত  
করে ট্যাঁক থেকে একটা টাকা বার করে তার হাতে দিল। কেরাণী  
হাসিমুখে কাগজ-কলম নিয়ে লিখতে বসলো, রতন বলে যেতে লাগলো।

দেখতে দেখতে কুলি-মহলে খবরটা ছড়িয়ে পড়লো, পালোয়ানজীকে  
স্বথাস্ত করা হয়েছে। তাকে খুঁজে বার করে, কুলিরা দলে দলে এসে  
সহানুভূতি জানিয়ে যায়। দিনের পর দিন এই অভ্যচার তারা সহ  
করে এসেছে। উণ্টে রতনও তাদের সহানুভূতি জানায়।

কিন্তু তারা শুধু পারে চুপটা করে দাঁড়িয়ে দীর্ঘশ্বাস ফেলতে। উঃ-  
দৈন্তে তাদের মেরুদণ্ড ভেঙ্গে গিয়েছে, কোন কিছুতেই আর তাদের নেই  
উৎসাহ, তাই তারা মুখ বুজে শাস্তভাবেই সব সহ করে! রক্তহীন  
পাণ্ডুর চোখে ফ্যাল ফ্যাল করে চেয়ে থেকে, বড় জোর তাদের মধ্যে  
কেউ একান্ত নম্রভাবে তাদের সান্তনার যা বাঁধা বুলি আছে, তাই বলে,  
ভেবে আর কি হবে ভাই! এ সবই ভগবানের খেলা! কেউ কেউ  
বলে, কষ্ট হয় বটে কিন্তু এ ছনিয়ার ধারাই এই...বদমায়েস যে হবে,  
সেই পায়ের ওপর পা দিয়ে থাকবে আর ভাল লোক মার খাবে!

ছঃখ সহিতে সহিতে তাদের দেহ-মন থেকে প্রাণ-শক্তি এমনভাবে  
নিঃশেষে ক্ষয়-প্রাপ্ত হয়ে গিয়েছে যে, সন্দেহ হয়, বৃষ্টি তাদের দেহে প্রাণ  
আর নেই...শুধু তাদের ম্লান বিবর্ণ মুখের মধ্যে দেখা যায় বেদনার

স্বস্তির একটা ক্ষীণ আভাস...রোগ-পঙ্কু শয্যাশায়ীর দৈহিক অসহায়তার মতন, শিশুর মুখের কোমলতার মতন, মুক্ প্রাণীর চোখের দৃষ্টির পরনির্ভরতার মতন ।

সাড়ে আট-টা নাগাদ দু'জন দেশী সাহেব, মুজাফর আর মুজাফর, আর একজন বিলিভী সাহেব, ষ্টানলা জ্যাকসন, এসে উপস্থিত হলো । প্রায়ই মিলের ময়দানে তাদের বক্তৃতা দিতে কুলিরা দেখেছে ।

সউদা জিজ্ঞাসা ক'রে, শুনলুম তোমাকে নাকি বরখাস্ত করেছে, রতন ?

'যেন কিছুই হয়নি এমন একটা ভাব দেখিয়ে রতন সংক্ষেপে উত্তর দেয়, হাঁ !

ভাদ্রা হিন্দুস্থানীতে বিলিভী সাহেব জিজ্ঞাসা ক'রে, ফোরম্যান টোমকো, কুছ্ বাৎলায়া...কাহে নোকড়ী গিয়া ?

—না, সাহেব ! আমার চাকরীটা খাবার জন্তে অনেক দিন থেকেই তাক্ ক'রেছি। চাকরী গিয়েছে তাতে আমার তত মনে লাগে নি সাহেব, বত মনে লেগেছে আমাদের যুনিয়নের প্রেসিডেন্ট লাল। ওকরনাথের ব্যবহার...তিনি আমার সঙ্গে দেখাই করলেন না !

• মুজাফর বলে, তুমি আমাদের কাছে এলে না কেন ? আমাদের সঙ্গে মেশো বলেই লালাজী তোমার সঙ্গে দেখা ক'রে নি...ভয় নেই... আমরা তোমার পেছনে আছি !

রতন সরল ভাবেই জানায়, অথ কোন মিলে হয়ত এটা চাকরী জুটে যেতে পারে, এই ভরসাতেই ছিলাম । তাই আপনাদের কাছে আসি নি । আপনাদের কাছে গেলেই ব্যাপারটা সব কারখানায় জানাজানি হয়ে যেতো, তখন কোন মিলেই আমাকে আর কাজ দিত না !

হঠাৎ ওাদের ঘরে লাল-ঝাঙা যুনিয়নের সাহেবদের আপতে দেখে

প্রথমে একটু হকচকিয়ে গিয়েছিল। চুপটা ক'রে তাদের কথা-  
ভা শুনছিল! রতনের স্ত্রীর স্তনে সে বলে উঠলো, তুমি চিমটা  
সাহেবের কাছে গিয়ে হাতে-পায়ে ধরলেই পারতে।

হাত নেড়ে উত্তেজিতভাবে সউদা বলে ওঠে, না, না.....সে কখনই  
নয়.....এত অপমান ভোগ ক'রেও তোমাদের শিক্ষা হলো না? এত যে  
লাঞ্ছনা, এত যে নির্যাতন, তাতেও কি তোমাদের মাথা তুলে দাঁড়াতে  
শেখালো না? তোমাদের গুঁড়িয়ে ওরা ধুলো ক'রে দেবে.....জ্যাস্ত  
তোমাদের দেহ থেকে চামড়া ছিঁড়ে নেবে।

এতক্ষণ ধমুকের মত পিঠ বঁকিয়ে হরি চুপটা ক'রে বসেছিল।  
সউদার কথায় ঘাড় নেড়ে বলে ওঠে, ঠিক বলেছ সাহেব!

সউদা আবার বলতে শুরু করে, এই যে-ঘরে তোমরা বাস করছো,  
ভাল ক'রে এটাকে দেখেছ কোন দিন? এটা কি ঘর? হাজারে  
হাজারে তোমরা এমনি গত্তে রাতের পর রাত দিনের পর দিন কাটিয়ে  
দিচ্ছ.....কিন্তু এইভাবে কতদিন মানুষ বেচে থাকতে পারে? বড় জোর  
আর ছ'মাস.....তারপর অর্ধেক পঙ্গু হয়ে যে-যার দেশে ফিরে যাবে, মরবার  
জন্তে! আর তোমাদের ছেলেমেয়েরা যারা এখানে পড়ে থাকবে, এক  
আনা পয়সা রোজগার করতে তারা সারাটা দিন মাথার ঘাম পায়ে  
ফেলবে.....বয়স হবে তাদের, অর্থচ বাড়বে না.....রতদিন যাবে, ততই যেন  
তারা শুকিয়ে ছোট হয়ে আসবে। আর কবে চেতনা হবে তোমাদের?  
কবে আর জাগবে তোমরা?

সউদার কথার মধ্যে যে-আঘাতটুকু ছিল, পাছে তাতে এরা ক্ষুণ্ণ  
হয়ে ওঠে, সেই জন্তু মুজাফর কথাটা অশ্রুভাবে বোঝাতে চেষ্টা করে,  
সাহেবের কথা শুনে তোমরা রাগ করো না, সাহেবকে ভুল বুঝো না!  
সাহেব তোমাদের ভালবাসে বলেই তোমাদের এ ভাবে বলতে পারে।  
তোমাদের মত সাহেবকেও একদিন হুঃখকষ্ট পেতে হয়েছিল, সাহেবের

ইচ্ছে, যেভাবে তিনি চেষ্টা ক'রে সেই সব দুঃখ দূর করতে পেরেছেন তোমারাও সেইভাবে দুঃখকষ্টের হাত থেকে/উদ্ধার পাও।

জগদগন বলে ওঠে, তোমাদের ছেলেমেয়েদের জন্তে উনি স্কুল ক'রে দেবেন।

সউদা বাধা দিয়ে বলে ওঠে, স্কুল কেন, তার চেয়েও বা বেশী দরকার...তা' হচ্ছে, খাওয়া। তোমাদের দরকার, দু'বেলা পেট ভরে খেতে পাওয়া। তোমাদের হাত থেকেই এই সব কলে তুলো থেকে স্নুতো বেষ্ণায়, কাপড় তৈরী হয়। দেশে তোমাদেরই আপনার জন মাঠে ঘাটে তুলোর চাষ করে। তোমরাই বন সাক্ষ ক'রে পথ বার করছো...খনি থেকে মণি তুলছো, জঙ্গলে সোনা ফলাচ্ছো। আর তোমাদের মালিক বড় সাহেব, তোমাদের কাছ থেকে তোমাদেরই উৎপন্ন সব জিনিস আদায় করে নিয়ে বিলেতে পাঠিয়ে দিচ্ছে, তার বদলে তোমাদের দিন-ভাতা যা দিচ্ছে, তা' দিয়ে তোমাদের খেতে-পরতেই কুলোয় না... ঘর ভাড়া; দেনা-শোধ তো দূরের কথা। তোমরা প্রত্যেকেই তোমাদের মেয়াদ মত্ত বুকের বৃক্ষ হিম ক'রে খেটে, কাজ ছেড়ে যখন দেশে ফিরে যাও, তখন শুধু মরবার মত শক্তিটুকুই পড়ে থাকে। তোমাদের শৃঙ্খলার, আবার নতুন লোক আসে...আবার চলে সেই ব্যাপার। তার মধ্যে যদি এলো কলেরা, দলকে দল উজাড় ক'রে নিয়ে চলে গেল। তাই জিজ্ঞাসা করছি, বল, তোমরা চাও যে এইভাবে তোমাদের মালিকরা তোমাদের জীবন নিয়ে ছিনিমিনি খেলুক ?

রতন বিহ্বলের মত বলে, না...কথ'খনোই নয়...ভগবানের দোহাই দিয়ে বলছি, কথ'খনোই নয়।

একজন কুলি তাদের ঘরে বেড়াতে এসেছিল। সে জিজ্ঞাসা ক'রে উঠলো, কিছ আমরা কি করতে পারি সাহেব? তোমরা লেখা-পড়া-জানা লোক...সাহেবদের মতই...সেইজন্তে তোমরা অস্ত



সাহেবদের সঙ্গে লড়তে পারো—কিন্তু আমরা কে? কি সাহসে আমরা প্রতিবাদ করবো?

উত্তেজিত কণ্ঠে সউদা জবাব দেয়, কি সাহসে আবার! জেঁমরাও মানুষ—সেই তোমাদের সব চেয়ে বড় দাবী। নিজের ইচ্ছাং ভুলে গেলে চলবে কেন? কেউ যদি তোমার মাথা থেকে পাগড়ীটা টেনে নিয়ে ফেলে দেয়, তুমি তাকে প্রতিবাদ করবে না?

উত্তেজিত সাহেবের মুখের দিকে চেয়ে কুসিটি নির্বিকারভাবে উত্তর দেয়, না!

সউদা ক্ষিপ্ত হয়ে বলে ওঠে, তা'হলে বলবো তোমার ইচ্ছাং নেই! মান-অপমানের জ্ঞান নেই—মনুষ্যত্ব নেই!

রতন বুকে হাত দিয়ে বলে ওঠে, আমি কিন্তু মরদের বাচ্চা!

—তাই তো তোমার চাকরী আগে গেল, হেসে ওঠে মুন্নু।

হঠাৎ মুন্নুর সেই বাঙ্গ-উক্তি শুনে সকলেই হেসে ওঠে। ঘরের মধ্যে বে-উত্তেজনা জমা হয়ে উঠছিল, তা'র ঘন একটু হান্কা হয়ে যায়। বাড়ি চলিয়ে, অনেক ভেবে-চিন্তে হরি বলে, আমাদের কিন্তু কাজ করতেই হবে—চিমটা সাহেবের কাছে না হোক, অন্য কারুর কাছে!

—হাঁ, হাঁ, কাজ তো করতেই হবে! কাজ করা তো ভাল! কিন্তু এগারো ঘণ্টা রক্ত জল ক'রে যদি তার উপযুক্ত মাইনে না পাও? আমি যা বলি, সেই রকম যদি চলো, তা'হলে আমি বাচ্চি, তোমাদের খাটুনির মেয়াদ কমে যাবে এবং মাইনেও বাড়বে!

হরি জিজ্ঞাসা করে, কি করতে হবে তুমি?

সউদা বলে, তোমরা এক সঙ্গে সকলে মিলে কাজ ছেড়ে দিয়ে মিল থেকে বেরিয়ে পড়। যতক্ষণ না তোমাদের মাইনে বাড়বে, খাটুনির ঘণ্টা না কমে, যতক্ষণ না তোমাদের ছেলমেয়েদের লেখাপড়া

শেখানোর কোন ব্যবস্থা হয়, তোমাদের থাকবার উপযুক্ত ঘর-দোর দেয়, ততক্ষণ তোমাদের কাজ ছেড়ে দলবদ্ধ হয়ে থাকতে হবে!

জ্যাকসন সংক্ষেপে সেই কথাটাই বলে, অর্থাৎ তোমাদের ধর্মঘট করতে হবে!

রতন তৎক্ষণাৎ জানায়, আমি রাজী!

মুন্সু তাকে ক্ষেপায়, তুমি তো সকলের আগেই ধর্মঘট ক'রে আছ!

ঘরে আর যে-সব কুলি ছিল, তারা চূপচাপ বসে থাকে। সড়দার প্রত্যেক কথাটা যে সত্য, তা তারা মনে-প্রাণে বুঝতে পারে কিন্তু তাদের ভাবনা, ধর্মঘটের মধ্যে তারা থাকবে কি? তাদের ছেলে-পুলেরা কি ক'রে উপোস দিয়ে থাকবে? এ প্রশ্নের কোন সহজত্তর তারা খুঁজে পায় না...খুঁজতে গিয়ে তারা আতঙ্কিত হয়ে ওঠে। তাই মাথা নীচু ক'রে তারা নীরবে বসে থাকে।

মুজ্জাফর বুঝতে পারে। শাস্তভাবে তাদের শেষ-আবেদন করে বলে, বেশ ভাল ক'রে তোমরা ভেবে দেখ! ইতিমধ্যে, রতন, তুমি বরঞ্চ কাল আমাদের সঙ্গে একবার দেখা করো, তোমার সম্বন্ধে কি করতে পারি দেখবো'খন!

কুলিরা উঠে দাঁড়িয়ে সেলাম জানায়।

কম্বানিষ্ট তিনজন সিঁড়ি দিয়ে নামতে শুরু করে!

—সালাম, সালাম, সালাম....

মুন্সুর অন্তরে অব্যক্ত এক মহাচাঞ্চল্য জেগে ওঠে....

সড়দা, মুজ্জাফর এবং জ্যাকসন রতনের জন্তে অল ইণ্ডিয়া ট্রেড-ইউনিয়ন কাউন্সিলের প্রেসিডেন্টকে শরণ র ক'রে স্তার জর্জ হোয়াইটমিলের কর্তৃপক্ষের কাছে একটা আবেদনে পাঠাবার বন্দোবস্ত করলো।

আবেদনে লেখা হলো, যাতে রতনকে আবার কাজে বাহাল করা হয়।

মিলের সাহেবের সেক্রেটারী-মিঃ লিটলের কাছে সেই আবেদন-পত্র গিয়ে পৌঁছিল। কিন্তু অফিসের বিরাট, দফতরের চাপে এক কোণেই তা পড়ে রইলো। মিঃ লিটল জরুরী কাগজ-পত্রে আগে হাত দিলেন, জরুরী বলতে সবপ্রথম বোঝায়, আর জর্জ হোয়াইটের নিজস্ব ফাইল।

স্বভাবতই মিঃ লিটল একটু অসহিষ্ণু প্রকৃতির লোক ছিলেন। তার ওপর বোম্বের চাপা গরমে সর্বদাই তাঁর মুখমণ্ডল খেমে নেয়ে উঠতো... তাতে সাহেবের অসহিষ্ণুতা এবং সেই সঙ্গে রাগের মাত্রাও বেড়ে যেতো।

ফাইলগুলো টেনে নিয়ে, তিনি হেঁকে উঠলেন, জুগুয়ালা!

সঙ্গে সঙ্গে দরজা ঠেলে একজন অল্পবয়স্ক দেশী কেরানী ঘরে এশে ঢুকলো। পরনে সস্তাদামের সাদা বিলাতী পোষাক কিন্তু মাথায় কালো রঙের দেশী টুপি। বিলাতী পোষাক পরার অপরাধ যেন জাতীয় পোষাকের প্রতীক টুপিটুকু পরে কাটান দেওয়া হয়েছে।

ঘরেতে ঢোকবার সময় তার মুখের চেহারা দেখলেই বে কেউ বুঝতে পারবে যে, সাহেবের সামনে আসতে তার ভয় ক'রছে। একবার হর্ণাব রোডের মোড়ে এক সাহেবের পদাঘাত অবাচিত পুরস্কাররূপ পাবার সৌভাগ্য তার ঘটে। বেচারার অপরাধ, কৌতূহল বশতঃ সাহেবের মুখের দিকে একদৃষ্টিতে চেয়েছিল। সেই থেকে কোন সাহেবের সামনে যেতেই তার ভয় করে।

ভাত সন্তুষ্ট মুখে টেবিলের সামনে এসে কাঠ হয়ে দাঁড়িয়ে থাকে।

মিঃ লিটল ঝংকার দিয়ে ওঠে, মাই গড্! ভূতের মত দাঁড়িয়ে থেকে আমার বস্তু বা ডাক্তারকে বলেছে তোমাকে? বোসো!

ইয়াস্ স্যার! বলেই ধপ্ ক'রে সামনের চেয়ারে বসে পড়ে।

—লেখো....

স্টিক-হ্যাণ্ডের খাতাপত্রগুলো ঠিক ক'রে, নিতে একটু সময় লাগে, সাহেব স্বাধীন হয়ে ওঠে, বলি, ঘুমিয়ে পড়লে নাকি ?

—না স্তার !

—নাও, আরম্ভ করো, ওপরে লেখ, নোটিশ....বানান হলো, N....  
...O...T...I...C...E...

ঠিক সেই সময়ে একটা বেরণিক মাছি সাহেবের নাকের ডগার ওপর এসে বসে। সাহেব হাত দিয়ে সরিয়ে দিয়ে যেই কথা বলবার জন্তে মুখ হাঁ ক'রবে, মাছিটা অমনি আবার ফিরে এসে ঠিক সেই জায়গায় বসে।

সাহেব চীৎকার ক'রে ওঠে, লালকাকা !

—হুজুর... বলতে বলতে পর্দার ওপার থেকে অফিসের পার্সী 'বয়' ঘক্রেচুকে সেলাম ক'রে দাঁড়ায়।

বালক-কৃত্তোর হাতে একটা ছড়ি দিয়ে সাহেব হুকুম দেয় ঘবেতে যেখানে মাছি বসতে দেখবি, এই ছড়ি দিয়ে মেরে ফেলবি !

—জী হুজুর ! লালাকাকা যেন একটা মহং কাজের দায়িত্ব পেলো ...আনন্দে সাহেবের হাত থেকে ছড়িটা নিয়ে নেয়।

—নাও, জুওয়ালা, এবার লেখো—

জুওয়ালা পেনসিল নিয়ে লিখে চলে, সাহেব ধীর, স্থীরভাবে বলতে থাকে,—

বর্তমান বিশ্বব্যাপী বাণিজ্য মন্দা এবং মুদ্রা-সঙ্কটের দরুণ, মিলের ডিরেক্টর মহোদয়গণ অত্যন্ত স্তির করিয়াছেন যে, বাহাতে মিলের যন্ত্র না থামিয়া চলিতে থাকে, সেইজন্ত মিল এখন হইতে কম সময় চলিবে এবং অবস্থা অনুযায়ী মিলের খরচও কমাইতে হইবে। সুতরাং অল্প নির্দেশ না দেওয়া পর্য্যন্ত এখন হইতে প্রত্যেক মাসের চতুর্থ সপ্তাহ

কাজ বন্ধ থাকিবে। যে সপ্তাহ মিল বন্ধ থাকিবে, সে-সপ্তাহের মাহিনা ফুলিরা পাইবে না। কিন্তু মিলের কর্মীদের মঙ্গলচিন্তা কর্তৃপক্ষদের সর্বদাই স্মরণে আছে, সেইজন্য তাহাদের যথোপযুক্ত ভাতা দিবার বন্দোবস্ত করা হইবে। ১০ই মে হইতে এই আদেশ কার্যকরী হইবে।

(স্বাক্ষর) স্মার রেজিষ্ট্রাল্ড হোয়াইট, বাট, প্রেসিডেন্ট, স্মার কর্তৃক হোয়াইট মিলস।

ঠিকমত লেখা হলো কি না, জুওয়ালারা যেই তা প'ড়ে শোনাতে বাবে, অমনি আবার সেই মাছিটা এবার সাহেবের বিস্মৃত কপালের ওপর এসে বসলো। সাহেব বিরক্ত হ'য়ে জুকুটা বিস্তার ক'রে লালকাকার দিকে চাইলেন।

লালকাকা মাছিটাকে আক্রমণ ক'রবে কি না একটু ইতস্তত করছিল কিন্তু সাহেবের জুকুটা-ইঙ্গিতে তার সে দিখা দূর হ'য়ে গেল। জুকুটা তুলে শোজা সাহেবের কপালে বসিয়ে দিল।

—ডাম্ ফুল! ব্লাডি ব্যাস্কেল...সাহেব গর্জন করতে করতে চেয়ার ছেড়ে লাফিয়ে উঠলো। একহাতে কপাল ঘসতে ঘসতে, আর এক হাত শূন্যে আফালন ক'রে সাহেব লালকাকাকে তার কর্তব্যপরায়নতার পুরস্কার দেবার জন্তে সবুট পা তুলতেই টেবিলের ওপর টেলিফোনটা জোরে বেজে উঠলো...

সাহেবকে অগ্র কাজে ব্যস্ত দেখে জুওয়ালার সিঁড়ারটা তুলেছিল বটে, কিন্তু সাহেব উত্ত-পা নামিয়ে নিয়ে এক ষটকা মেরে তার হাত থেকে রিসিভারটা কেড়ে নিয়ে কাণে লাগালো—হ্যালো...হ্যালো...ও... স্মার রেজিষ্ট্রাল্ড...গুডমর্নিং স্মার...নিশ্চয়ই...নিশ্চয়ই...এইমাত্র সটহাণ্ডে লেখালাম...হাঁ স্মার...জিমিকে ডেকে তার হাতেই দিয়ে দেবো... নিশ্চয়ই স্মার...কখন স্মার? 'লাঞ্চের আগে? আমি থাকবো স্মার... নিশ্চয়ই স্মার...গুড মর্নিং স্মার...গুডমর্নিং...

লালকাকা তখন ভয়ে আড়ষ্ট হয়ে দরজার কাছে দাঁড়িয়ে ছিল।  
বিস্তার নামিয়ে রেখে সাহেব আদেশ করলো, শূরোর-কি-বাচ্ছা,  
জলদী জিমি সাহেবকো সেলাম দেও !

লালকাকা ছুটে গিয়ে তৎক্ষণাৎ জিমি সাহেবকে ডেকে নিয়ে আসে।

—হ্যালো জিমি, সামনের হপ্তা থেকে মিলে কমতি-রোজ শুরু  
হবে !

জিমি সাহেব আনন্দে বলে উঠলো, মরলো ব্যাটা নিগারঙলো !  
ঠিক হয়েছে ! একটা পেগ খেতে ইচ্ছে ক'রছে !

—ঐ ডয়রটা টানো...হুইস্কীর বোতল আছে...আমারও তেষ্ঠা  
পাচ্ছে...গলাটা অনেকক্ষণ থেকে কাঠ হয়ে আছে !

বোতল থেকে গেলাসে ঢালতে ঢালতে জিমি সাহেবের নজর  
ক্লেয়ারের ওপর গিয়ে পড়তে জিজ্ঞাসা করে, কি ব্যাপার ?

—সেই নোটিশটাই লিখছে—জবাব দেয় মিঃ লিটল।

একটা গেলাস আধাআধি নির্জলা হুইস্কী দিয়ে ভর্তি ক'রে জিমি  
লিটলের সামনে তুলে ধরে, এই নাও !

লিটল গেলাসটা তুলে নিতে নিতে জিমিকে সাবধান ক'রে দেবার  
লজ্জা জানায়, কিন্তু সাবধান ! বেশী নয় ! রেজী লাফের আগে  
এখানে আসছে !

• —তোতে তুমি সরবে...আমার কি ? আমাকে তো তুমি খাতা  
সাজিয়ে হিসেব বোঝাতে হবে না ?

সেকপার কোন জবাব না দিয়ে লিটল নোটিশটার কথা তোলে,  
দেখো, সাহেব চলে গেলে নোটিশটা কুলিদের জানিয়ে দেবে। ব্যাটারদের  
দলে কতকগুলো হুজুগে বদমায়েস আছে তো ?

—কতকগুলো নয়...একটা...সেটাকেও আমি ঘাড় ধরে বার ক'রে  
দিয়েছি ! ব্যাটা লাল-ঝাঙাদের উদ্ভানিতে বড় বাড়াবাড়ি শুরু ক'রে

দিয়েছিল। তবে লোকটা কাজের লোক ছিল, কিন্তু তাব'লে তো কারখানার মধ্যে বিপ্লবী পুষতে পারি না !

—আরে দাঁড়াও, দাঁড়াও, বোধ হয় সেই লোকটার সম্বন্ধে ট্রেড যুনিয়নের কাছ থেকে একটা আবেদন পেয়েছি। ওরা বলেছে, লোকটাকে আবার কাজে বহাল ক'রে নেবার জন্তে। ব্যাপারটা কি বলতো ? এই সব পাজী নছারগুলোই তো চারদিকে অসন্তোষ ছড়িয়ে বেড়াচ্ছে...সত্যি, আমি ভেবে পাই না, গভর্নমেন্ট চূপ ক'রে বসে আছে কেন ? বিশ্বয়ে প্রশ্ন করে লিটল।

পাত্রে এক চুমুক দিয়ে জিমি বলে, আরে ওদের মধ্যে আবার হুঁটো দল হয়ে গিয়েছে। একটা হলো ট্রেড যুনিয়ন ফেডারেশন, তার কর্তা হলো ঙংকারনাথ। আর একটা হলো রেড-ফ্ল্যাগ্ যুনিয়ন, সেটা সম্প্রতি মাঞ্চেষ্টার থেকে জ্যাকসন বলে কে একটা লোক এসে গড়ে তুলেছে !

লিটল সাহেব জুঙ্গ গর্জনে ফেটে পড়ে, সব ব্যাটারদের ধরে নিয়ে গিয়ে দেওয়ালের সামনে সারি সারি দাঁড় করিয়ে গুলি ক'রে মেরে ফেল উচিত !

এমন সময় বাইরে মোটর গাড়ীর হর্নের চীৎকারে লিটল সাহেবের উচ্ছ্বাস বন্ধ হয়ে যায়। তাড়াআড়ি চেয়ার ছেড়ে বাইরে বেরিয়ে পড়ে। বোতল এবং গেলাস ড্রায়ের ভেতর লুকিয়ে ফেলে জিমি সাহেবও পর্দা সরিয়ে বারান্ডায় গিয়ে দাঁড়ায়।

—এই যে, গুডমর্নিং লিটল, গুড মর্নিং জিমি,—শ্রার রেজিষ্ট্রাল্ড এগিয়ে এসে ঘরে ঢোকেন।

—নোটীশটা দেওয়া হয়েছে ?

জিমি উত্তর দেয়, না, শ্রার! এখনো দিই নি...

শ্রার রেজিষ্ট্রাল্ডের মোটরের শব্দ শুনে জিমি সাহেবের মৈম সামনের

বাংলোয় বারাণ্ডায় এসে দাঁড়িয়েছিল। স্মার রেজিষ্ট্রাল্ডকে কারখানায় দেখার সৌভাগ্য তো খুব বেশী ঘটে না !

জিমির দিকে চেয়ে হেসে স্মার রেজিষ্ট্রাল্ড বলে ওঠেন, জিমি, তোমার বউকে বলো, আমি বলেছি, বারাণ্ডায় দাঁড়াবার সময় সেনে বেন কামা-কাপড় আর একটু বেশী ব্যবহার ক'রে !

জিমি লজ্জায় লাল হ'য়ে ওঠে...কটমট ক'রে একবার বাংলোর দিকে চায়...তারপর শাস্ত দৃষ্টিতে স্মার রেজিষ্ট্রাল্ডের দিকে চেয়ে স্ত্রীর ক্ষীণ-বস্ত্রের ত্রুটির জন্তে ক্ষমা প্রার্থনা ক'রে।

স্মার রেজিষ্ট্রাল্ড কাজের কথা পাড়েন,—হাঁ...এই নোটিশ সম্পর্কে বলছিলুম...ডিপার্টমেন্টের হোম থেকে যা খবর পাচ্ছেন, তাতে খুব খুশী হবার কিছু নেই। তা' ছাড়া, শুধু এই মিলের দরুণ নয়, কলকাতা এবং মাদ্রাজে যে সব মিল আছে, তাদের শেয়ার-হোল্ডারদের মুখের দিকে চেয়ে আমাকে বাধ্য হ'য়েই এই পছন্দ নিতে হ'লো। আমাদের অবস্থা এখন ঠিক কি, তা' জানবার জন্তে হোম থেকে এবং ক্লাইভ ষ্ট্রট থেকেও জরুরী তাবে খবর আনাবার ব্যবস্থা করেছি...যদি এই রকম দু'দিন...

লিটল সাহেব বাধা দিয়ে বলে ওঠে, এখানকার হিসেব-পত্র অডিটররা এখন দেখছেন...তবে আমার মনে হয়, এখানে আমাদের অবস্থা ভালই। গত মাসে যা অর্ডার পেয়েছি, তা' ভালই বললে হবে। কিন্তু বাইরের প্রতিযোগিতা বেড়ে গিয়েছে বলেই—

—এ সম্বন্ধে একটা ডেলিগেশন নিয়ে আমি ভাইসরয়ের সঙ্গে দেখা ক'রতে যাচ্ছি...দেখি, কতদূর কি ক'রতে পারি। এখন আমাদের বা অবস্থা হচ্ছে...তাতে তুলোর মিলের কারবারে ভারতবর্ষীয়েরা প্রায় শতকরা ৭৫ ভাগ দখল ক'রে নিতে চলেছে...বাই হোক...এখন আর



আমার বেশী সময় নেই... লিটল, তুমি শিগগির হিসাবটা আমাকে পাঠিয়ে দেবে... শুভ বাই !'

সাহেব গাড়ীতে ওঠার সঙ্গে সঙ্গে জিমি সাহেব কুলিদের ডেকে নোটিশের খবর জানিয়ে দেয়। কুলিদের মাথায় যেন বাজ ভেঙ্গে পড়ে। তারা দেখে, বড় সাহেবের ডিম্‌লার গাড়ীখানা কটক দিয়ে এই মাত্র বেরিয়ে গেল...নইলে তারা সবাই মিলে বড় সাহেবের পায়ে লুটিয়ে পড়তো। কিন্তু যখন তার আর কোন সম্ভাবনাই নেই, তখন তারা দল বেঁধে জিমি সাহেবের পায়ে লুটিয়ে পড়বার জন্তেই অগ্রসর হয়।

জিমি সরে দাড়িয়ে জানিয়ে দেয়, যদি ঐ নোংরা হাত দিয়ে তারা তার পা ছুঁতে আসে, তাহলে লাগি মেরে সে মাথা শুড়ে ক'রে দেবে।

কিন্তু তবুও তারা ফিরে যায় না! হাত জোড় ক'রে সবাই মিলে একসঙ্গে তারা কেঁদে ওঠে, কাতুর ভাবে অনুনয় ক'রে, সাহেবের সামনে মাটিতে সারাদেহ লুটিয়ে দেয়। তারা বড় সাহেবকে জানে না, তারা জানে জিমি সাহেবই তাদের দেবতা, তাদের হঠাৎকর্তাবিধাতা। তাদের মারতে বা বাঁচাতে সেই পারে।

বেগতিক দেখে চিমটা সাহেব বাংলার জেতার ঢুকে পড়ে। সঙ্গে সঙ্গে নাদির খান এসে তাদের ছত্রভঙ্গ ক'রে দেয়।

শেয়ার-হোল্ডার, বড় সাহেব, ডিরেক্টর, এসব ব্যাপার মূর্খ কিছুই জানতো না। তার মনে হলো, রতনকে ছাড়িয়ে দেওয়া হয়েছে বলেই, এত সব গণ্ডগোল। তাই নিজের সহজ বুদ্ধিতে সে ঠিক ক'রলো, সে

নিজে গিয়ে চিমটা সাহেবকে ধরবে, পা ধরে অস্থির করবে, রক্তনকে ফিরে নাও কাজে !

মনে মনে এই স্থির ক'রে, কাউকে কিছু না জানিয়ে সে চিমটা সাহেবের বাংলোর দিকে অগ্রসর হলো ।

বারাণ্ডার সিঁড়ি দিয়ে ওঠবার সময় তার বৃকের ভেতর কাঁপুনি যেন শতশুণ বেড়ে যায় । এমন সময় দেখে, বারাণ্ডার সামনে ঘরের পর্দা সরিয়ে মেম সাহেব দাঁড়িয়ে—নিশ্চয়ই চিমটা সাহেবের স্ত্রী !

কপালে হাত ঠেকিয়ে কম্পিতকণ্ঠে মুগ্ধ বলে, সালাম !

মেমসাহেব মূঢ়কণ্ঠে প্রত্যুত্তরে সালাম জানায় । ঘরের ভেতর জিমি সাহেব তখন বোতল থেকে গেলাসে মদ ঢালুছিল । পর্দা সরিয়ে মেমসাহেব তিস্তকণ্ঠে বলে ওঠে, ঘরে বসে বসে মদ খেয়ে মাতাল হচ্ছে, আর বাইরে যে তোমার কুলিরা....

জিমি সাহেব আর কোন কথা শোনবার জগে অপেক্ষা না ক'রে, হাতের বোতলটা সোজা বাইরে মুগ্ধর দিকে সজোরে ছুড়ে মারে । মেমসাহেবের কথায় সে ধরে নিয়েছিল যে, কুলিরা তার ওপর চটে গিয়ে বাংলোয় ধাওয়া করেছে....নিশ্চয়ই তাকে খুন করবে....

জিমি সাহেবের বোতল সৌভাগ্যবশত মুগ্ধর গায়ে না লেগে, খামে মশকে ফেটে যায় ।

মেমসাহেব কি হচ্ছে, না হচ্ছে, বুঝতে না পেরে তারম্বলে াংকার ক'রে ওঠে, খুন ! খুন ! পুলিশ !

জিমি সাহেব যখন বুঝলো, মাঝখান থেকে তার বোতলটাই নষ্ট হয়ে গিয়েছে, তার সব রাগ গিয়ে পড়লো মেমসাহেবের ওপর । রাগে অন্ধ হয়ে মেমসাহেবকে শিক্ষা দেবার জগে মুষ্টিবদ্ধ হাত তুলে জিমি সাহেব অগ্রসর হয়....আত্মরক্ষার স্বাভাবিক প্রেরণায় মেমসাহেব

সামনের একটা চায়ের কেটলী তুলে নিয়ে সজোরে স্বামীকে লক্ষ্য ক'রে ছোঁড়ে....

অবস্থা দেখে মূর্খ নিঃশব্দে সরে পড়ে।

সেদিন বিকেলবেলা স্মার জর্জ হোয়াইট মিলের কুলিরা মিলের সামনের মাঠ দিয়ে ভূতের মতন যে-ধার গর্ভে ফিরে এলো।

হঠাৎ সেই নোটিশের ধাক্কায় তারা একদম অসাড় হয়ে গিয়েছিল। জীবনে তাদের একটা মাত্র সৌভাগ্য আছে, সে-সৌভাগ্য হলো, কাজ করা...হাঁ, কাজ করা...কাজ ক'রলে, তবে তারা মাইনে পাবে...কাজ না ক'রলে, উপবাসে শুকিয়ে মরতে হবে। তাই সে-সৌভাগ্য পেকে বঞ্চিত হলে, তাদের জীবনে আর কিছু অবশিষ্ট থাকে না। তাই কাজ ক'রতে তাদের এতটুকু অলসতা নেই। গুদাম-ভাঙি তুলোর জাঁস ছাড়াতে, পরিষ্কার করতে, তুলোর জাঁসে যদি নিঃখাস বন্ধ হয়ে যায়, তাতেও তারা কিছু মনে করে না। সেই তুলো থেকে সূত্র তৈরী করতে, মেশিনের সঙ্গে মেশিন হয়ে যেতে, যদি তাদের জীবন থেকে সব সূর্যের আলো মুছে যায়, তাতেও তাদের কোন আপত্তি নেই! যতক্ষণ তারা হাত পাতলে মাইনে পাবে, তা দিয়ে তারা ছ'বেলা ছ'মুঠো ডাল-ভাত খেতে পায়, ততক্ষণ তারা সব কিছুই ক'রতে পারে। কিন্তু সেই কাজ যদি বন্ধ ক'রে দেওয়া হয়...!

সেই চিন্তার সঙ্গে সঙ্গে তাদের মধ্যে জীবনের যেটুকু ঐচ্ছিক তখনও পর্য্যন্ত বেঁচে ছিল, হঠাৎ যেন তা নিভে গেল। সেই মুহূর্তে তাদের দেখলে মনে হয় না যে তারা মানুষের জাত। তারা যেন অজ্ঞ কোন স্বতন্ত্র জীব-জগতের বাসিন্দা...ব্রহ্ম চোখের দৃষ্টি...সে-চোখ কোটরে কোথায় চুকে গিয়েছে...জ'ধারে গাল ভুবড়ে গর্ভ হয়ে গিয়েছে...বুকের

পাজরা চামড়া ফুড়ে বেরিয়ে আসছে... শুকণো... স্নান... শূণ্ড। বেদনারও সীমা ছাড়িয়ে তারা যেখানে গিয়ে দাঁড়িয়েছে, সেখানে তারা সম্পূর্ণ নিশ্চেষ্ট, উদাসীন... কোন কিছু ভাববধর শক্তিও তাদের আর নেই।

মুন্সু ফিরে গিয়ে রতনকে বলে, চিমটা সাহেবের কাছে গিয়েছিলাম... তোমার হয়ে বলবো বলে... রেগে আমাদের বোতল ছুঁড়েই মেরে দিল... তোমার ওপর এত রেগে গিয়েছে যে আমাদের সকলের কমতি-রোজ ক'রে দিল!

রতন তাকে বুঝিয়ে বলে, বোকা... আমার ওপর রাগের জন্তে নয়... আর হুকুম দেবার সেই বা কে? আমাদের কমতি-রোজ হয়েছে... বড় সাহেবের হুকুমে... জালার মত পেটে খিদের অন্ত নেই বার! আমার সঙ্গে মিটিং-এ চল... সেখানে সব কুলিরা যাবে... সেখানে গেলে সব বুঝতে পারবি! ট্রেড-ইউনিয়ন থেকে ধর্মঘটের ব্যবস্থা করা হচ্ছে!

মুন্সু বিস্মিত হয়ে বলে 'ওঠে, তা' হলে তো আমার অন্তায় হয়েছে... চিমটা সাহেবকে মিছিমিছি আমি দোষী...

রতন বাধা দিয়ে চীৎকার ক'রে ওঠে. মিছিমিছি নয়... সে' আসল বদমায়েস... দেখবি কি ক'রে তার মাথা আমি ভুঁড়িয়ে ফেলি... শুধু তার নয়... ঐ বড় সাহেবেরও... মোটর গাড়ী ক'রে এসে আমাদের মাইনে কেটে নেওয়া... আমি দেখে নেবো!

বাংলো-বাড়ীর পেছনে মস্ত বড় যে মাঠটা পড়ে ছিল, সেইখানে দলে দলে কুলিরা এসে জড় হতে লাগলো।

সেই বিরাট জনতার মধ্যে থেকে মাঝে মাঝে হঠাৎ সমবেত কণ্ঠে ফরিষাদ জেগে ওঠে—দূর করো ইউনিয়নজ্যাক... উড়াও লাল-ঝাণ্ডা!

আবার তৎক্ষণাৎ সব নিস্তব্ধ হয়ে যায়। সন্ধ্যার সময় ঘন-ঘনে হঠাৎ ঘেমন ঝাঁ ঝাঁ ডেকে উঠে ধেমে যায়।

বহুদিন ধরে তিল তিল ক'রে তাদের অন্তরে যে ঘৃণা আর প্রতি-  
হিংসার বাসনা নিষ্ক্রিয়ভাবে জমা হয়েছিল, এই উন্মাদ চীৎকারে তাকে  
মুক্তি দিয়ে তারা যেন ভার লাঘব করে....নিকর জ্বালার উত্তাপে তাদের  
চোখ মুখ রক্তিম হয়ে ওঠে....

—এযুগের বাতাসে আছে পাপ!—দীর্ঘশ্বাস ফেলে এক বৃদ্ধ  
কারিকর বলে, যেন তার বৃকের পঁজরার ভেতর থেকে এই কথাগুলো  
বেরিয়ে এলো।

একজন আদাবয়সী কুলি বৃদ্ধকে সমর্থন করে, সত্যিই কত্তা! এর  
মধ্যে আমরা বাঁচি কি ক'রে?

ছোকরা-মতন একজন উত্তর দেয়, বাঁচবার একমাত্র উপায় হচ্ছে,  
প্রতিবাদ করা....

বৃদ্ধ ঘাড় নেড়ে বলে, আজকালকার ছেলে কাউকে মানতে  
চায় না!•

প্রত্যুত্তরে যুবক বৃদ্ধকে বোঝাতে চেষ্টা করে, ঠাকুরদা, রোজ  
সকাল বেলা আমি তোমাকে পেন্নাম করি কি না বল? কিন্তু তা  
বলে মোটর-ওয়ালার বড় সাহেবের সামনে আমি ভূমিষ্ট হতে পারবো না।  
তিনি তো মজায় মোটর গাড়ীতে চড়ে কারখানা বেড়াতে আসেন....  
আমাকে রোদে পুড়ে ধুলো মেখে পায়ে হেঁটে আসতে হয়....তার ওপর  
তিনি কাজের মধ্যে করলেন কি? না, আমাদের রোজ কেটে নিলেন!

প্রৌঢ় লোকটা সায় দিয়ে ওঠে, তা যা বলেছ ভায়া....মুনিব সুবিধের  
নয়। আমার বাচ্চাগুলোর কারুর পায়ে জুতো বলতে কিছু নেই....  
সেদিন ছোট ছেলেটার পা কেটে গেল....ডাক্তারের কাছে নিয়ে গেলুম....  
বলে কি না কেটে ফেলতে হবে!

তার শোকাচ্ছলে বাধা দিয়ে যুবকটা ি ক'রে ওঠে। সাহেবদের ধারণা আমাদের কোনমতে এক মুঠো জুটলেই হয়ে গেল... আর শ্রী গ্যাট মিট গ্যাট মিট করতে করতে লেণ্ডীদের নিরে মোচ্ছব করবেন।

কিন্তু পরক্ষণেই গম্ভীর হয়ে জোর গলায় চীৎকার ক'রে বলে ওঠে, কিন্তু আমরা যুনিয়নের লোক... আমরা জানতে চাই, আমাদের জন্তে যুনিয়ন কি করেছে ?

দেখতে দেখতে তার প্রশ্ন এককণ্ঠ থেকে আ... এককণ্ঠে ঘুরতে থাকে।

—আমরা জানতে চাই... যুনিয়ন কি করেছে ? সমবেতকণ্ঠে যুনিয়নের একদল পুরাণো সভ্য চীৎকার ক'রে উঠলো।

হঠাৎ রতন একটা টেবিলের ওপর উঠে দাঁড়ায়, চুপ করো! ভাই সব চুপ করো! আমাদের প্রেসিডেন্ট ওংকারনাথ এইবার কথা বলছেন... তাঁরপর লালঝাণ্ডাদের সউদা সাহেব, মিষ্টা মুজ্জ'ফর আর জ্যাকসন সাহেব বলবেন... আসুন প্রেসিডেন্ট সাহেব... আসুন— নাটকীয় ভঙ্গীতে হাত বিস্তার ক'রে দীপ্ত মুখে সে ওংকারনাথকে আহ্বান করে।

মুহূ কাছেই দাঁড়িয়ে ছিল। উৎসাহে উদ্দীপ্ত হয়ে সে-ও বলে ওঠে, আসুন... প্রেসিডেন্ট সাহেব... আসুন...

জনতা একসঙ্গে চীৎকার ক'রে উঠলো, প্রেসিডেন্ট সাহেব, বলুন!

লালা ওংকারনাথ, ধীর মছর গতিতে বেদীর দিকে অগ্রসর হলেন। ষোপদৌস্ত চেহারা, আপাদমস্তক দেশী সিন্ধে সুসজ্জিত। বয়স চল্লিশের বেশী হবে না কিন্তু ইতিমধ্যেই কোণের ওপরে মাথার ছ'পাশে ছ'একটা ক'রে ষ্ঠ-পতাকা দেখা দিয়েছে। অধর-ওষ্ঠটী সর্বদাই কোণের

দিকে এক অপরূপ তাজিলোর ভঙ্গীতে বঁকে আছে...বেন সেই নীরব ইঙ্গিতে তিনি বুঝিয়ে দিতে চান, জগতে একমাত্র তিনি ছাড়া আর সবাই করুণার পাত্র। ফুর-চাঁচা পরিষ্কার মুখে বিলেত-বাওয়ার আভিজাত্যের ছাপ-এখনও স্পষ্ট দেখা যায়। বিলেত থেকে ফিরে এসে এই হতভাগ্য দেশের মাটিতে পা-দেওয়ার সঙ্গে সঙ্গে তিনি নিজেকে একজন ঘোরতর সোশ্যালিষ্ট বলে জাহির করেন...আশা ছিল, হয়ত গান্ধীজী তাঁকে হাত ক'রবেন বা গভর্নমেন্ট ভয় পেয়ে তাঁকে কিনে নেবার চেষ্টা করবেন। কিন্তু কিছুদিন পরেই মনে মনে বুঝলেন, তারটা ঠিক জায়গায় গিয়ে লাগে নি। তাই তিনি পরমারাধ্যা স্মৃতিপ্রাচীনা এই ভারতমাতার কোলেই ঝাঁপিয়ে পড়েছেন...উদ্দেশ্য, পশ্চিমের নব-লব্ধ শ্রমবাদের মত্রে পূর্বদেশের জনতার জড়দেহে প্রাণ-সঞ্চার করা।

—ভাতুরন্দ!

বিপুল গান্ধীর্যো লالا গুংকারনাথ জনতাকে আহ্বান করেন কিন্তু জনতার ভঙ্গী দেখে মনে হলো, তাঁর গান্ধীর্যো নিতান্তই মাঠে মারা গেল!

অধীর ভাবে রতন বলে উঠলো, ধর্মঘাটের কি হলো, তাই বলে প্রেসিডেন্ট সাহেব!

রতনের জামার খুট খুটেনে ধরে মুন্সু জিজ্ঞাসা করে, আরে ঐ লোকটাই না সেদিন তোমার সঙ্গে দেখা করতে চায় নি?

—হাঁ,—রতন সংক্ষেপে মুন্সুর উত্তর দেয়, তারপর বস্তার দিকে চেয়ে আবার বলে ওঠে, ধর্মঘাটের কি হলো, তাই বল লালাজী!

বেদীর ওপর থেকে মুজাফর উঠে দাঁড়িয়ে বলে, বসো, বসো রতন ভাই! সবাই চূপ ক'রে শোণ...প্রেসিডেন্ট কি বলেন। তাঁকে বলতে দাও!

—আচ্ছা...বলে রতন বসে পড়ে।

ওংকারনাথ নতুন করে শুরু করেন, ভাইসব, পঞ্চাশক যুগে ধন-উৎপাদনের জগৎ সর্বপ্রথম প্রয়োজন হচ্ছে, কারিগর... তৈরী পাকা কারিকর এবং আনাড়ী কারিকর... তারা স্বতন্ত্রভাবে কাজ করুক আর সঙ্ঘবদ্ধ ভাবেই কাজ করুক। প্রাচীন ভারতবর্ষে আমাদের জাতীয় অর্থ-নৈতিক জীবনে শ্রমিকদের একটা সুনির্দিষ্ট স্থান ছিল... এবং শ্রম-পরিচালক এবং শ্রমিকদের মধ্যে যে একটা দায়িত্বের সম্পর্ক ছিল, তাটা এক প্রাচীন উক্তি থেকে স্পষ্ট বোঝা যায়, শ্রমিকের পক্ষে উদার বিচক্ষণ প্রভু যেমন বিরল, তেমনি বুদ্ধিমান, অল্পগত এবং সত্যবাদী শ্রমিকও সকলের ভাগ্যে জোটে না! মিঃ রাধাকৃষ্ণ মুখোপাধ্যায়, তাঁর বিখ্যাত—

লালাজীর কাছ থেকে সেদিন রতন মুখ বুঁজে যে প্রত্যাখ্যানের অপমান নিয়ে চলে এসেছিল, সে-কথা সে ভোলে নি। ...টা তার আলায় সে স্থির হয়ে বসে থাকতে পারছিল না। বিরক্ত হয়ে আবার চোঁচিয়ে উঠলো, ও সব কথা শুনে কি হবে? আমাদের মাইনে কাটার সম্বন্ধে কি হ'লো তাই বল লালাজী!

সে-কথা যেন তাঁর কর্ণগোচর হয় নি, ওংকারনাথ পরম-উৎসাহে কেতাবী ভাষায় বক্তৃতা দিয়ে চলেন, একমাত্র অসাধু মনিবই তাঁর নিযুক্ত শ্রমিকদের অতিরিক্ত মাত্রায় পরিশ্রম করিয়ে নেয়, আশা দেয়, কিন্তু পরিপূরণ করে না, পরিশ্রমের বিনিময়ে উপযুক্ত পারিশ্রমিক দেয় না...অত্যাধিক, যে শ্রমিক কাজ করিতে করিতে পারিশ্রমিকের জগৎ উত্থাপ্ত করে, সে নিন্দনীয়। যে মনিব পরিশ্রম করা হয় লইয়া পারিশ্রমিক দেয় না, সে-ও ঠিক তদ্রূপ নিন্দনীয়।

রতন, বসে বসে গজরাতে থাকে, নিন্দনীয়।

হঠাৎ কে একজন বলে ওঠে, আমাদেরই যে রোজ বন্ধ করে দিয়েছে, যুনিয়ন তার কি করছে?



প্রেসিডেন্ট তাঁর বাঁকা ঠোঁট আর একটু বেঁকিয়ে উত্তর দিলেন, অন্ ইণ্ডিয়া ট্রেড যুনিয়ন ফেডারেশন সে সম্পর্কে যথাযোগ্য স্থানে কথা-বার্তা চালাবেন।

ভিডের ওপরে মাথা তুলে রতন বলে ওঠে, গত বছর জামশেদপুরে টাটার কারখানাতেও তুমি ঠিক এই কথা বলেছিলে……কিন্তু তাতে তো কিছুই হলো না !

বিরক্ত হয়ে তিনি আদেশ করেন, বসো ! বক্তৃতার সময় বাধা দিও না। বোধের মিলের মালিকরা অবুধ নন……তাড়াছড়ো ক'রে একটা গোলমাল বাড়িয়ে তো লাভ কিছু হবে না ! আমার কথা হলো, গণ্ডগোল হ'য়েছে, বেশ, কথাবার্তা বলে মিটমাট ক'রে ফেল। ইতিমধ্যেই বছর রাস্তায় হাজারে হাজারে বেকার লোক ঘুরে বেড়াচ্ছে, সে-কথা ভুলে গেলে চলবে না ! আর তা ছাড়া ইণ্ডিয়ান গ্রাশাশ্রাল কংগ্রেসের অহুমোদন ছাড়া আমি কোন ধর্ম্মখটকেই প্রশ্রয় দিতে পারি না !

অনেকগুলি কণ্ঠ একসঙ্গে বলে উঠলো, কংগ্রেসের দোহাই দিলে কি হবে ? আমরা কমতি-রোজে কিছুতেই কাজ করবো না।

প্রেসিডেন্ট গর্জন ক'রে উঠলেন, চুপ করো ! বিলেতে শ্রমিকরা কি করে, আমি তা ভাল ক'রে দেখে এসেছি। সেখানকার শ্রমিকরা যে এত বলশালী তার কারণ কি ? তার কারণ হলো, সজ্ববদ্ধতা। আমি যখন বিলেত থেকে এসে এই দেশের মাটিতে পা দিই, তখন আমাদের এখানে একটাও ট্রেড যুনিয়ন ছিল না—কেউ তার নাম পর্যন্ত এখানে শোনে নি। আমি এই ব্যাপার নিয়ে এতদিন ধ'বে পরিশ্রম ক'রে এসেছি……আমি চাই, তোমরা আমার কথা মত ঠিক পথে এগিয়ে চল। মিলের মালিকরা তোমাদের কাজ দেন, তাঁরা তোমাদের শত্রু নন। তাঁরা যদি বুঝে থাকেন যে এখন কমতি-রোজে মিল চালাতে হবে, সেক্ষেত্রে তোমাদের ভেবেচিন্তে মতলব ক'রে একটা সজ্ববদ্ধভাবে

চলতে হবে। তোমাদের ভালমন্দ দেখবার জেগেই যুনিয়নের আর একটা কর্তব্য আছে, মালিক আর শ্রমিক ছ'পক্ষেরই বাতে ক্ষতি না হয়, তা দেখা। মালিক আর শ্রমিকদের মধ্যে যুনিয়ন যেভাবে আপোব নিষ্পত্তি করে তাতে তোমাদের আস্থা থাকা চাই। যুনিয়নের কমিটি এবং প্রেসিডেন্টরূপে আমার ওপরও তোমরা সম্পূর্ণভাবে নির্ভর ক'রে থাকতে পারে।

ইঠাং ওংকারনাথকে একরকম হাত দিয়ে সরিয়ে িয় সউদা উঠে দাঁড়ায়, ভাই সব, ওংকারনাথজী যে কমিটির কথা বলেন, সে কমিটির সভারা এখানেই উপস্থিত আছেন। আমিও তাঁদের মধ্যে একজন। আমরা এখুনি এখানেই এর একটা ফরশালা ক'রে ফেলতে চাই! লালা ওংকারনাথের মিলের মালিকদের ওপর অগাধ বিশ্বাস। এইমাত্র তিনি তোমাদের বলেছেন, মালিকরা তোমাদের শত্রু নন। তবে একথা তোমরা প্রত্যেকেই ভালভাবে জানো যে, তাঁরা তোমাদের অন্তরঙ্গ বন্ধুও নন। তোমাদের আর মিলের মালিকদের মধ্যে আকাশ-জমিন ফরাক্...তোমরা হলে উৎপীড়িত, তাঁরা হলেন উৎপীড়নকারী...

• সমস্বরে জনতা বলে উঠলো, ঠিক বলেছ! ঠিক বলেছ ভাই!

উত্তেজিত হয়ে সউদা বলে চলে তাঁরা হলেন ডাকাত, লুঠেল, চোর, খুনে—হাঁ, খুনে হয়েও তারা মালাবীর হিলের ওপর সুরম্য প্রাসাদে থাকে...তোমরা পরিশ্রম ক'রে যে অর্থ উৎপাদন কর, তাই দিয়েই তারা সে প্রাসাদ গড়ে। দিনের মধ্যে পাঁচবার ক'রে তারা খানা খায়... মালাবার হিলে বাস ক'রেও, হাওয়া খেতে তারা রোলস্‌রইন্স নিয়ে বেরোয়। আর তোমরা, তোমাদের মাথার ওপর নেই ছাদ, পেটে নেই গ্যাস, পরনে নেই কাপড়...অথচ তোমরাই করছো তুলোর চাষ, তৈরী করছো সূতো...চলচে বড় বড় মিল। ওরা খেয়ে যে উচ্ছিন্ন ফেলে, তোমরা আছ তা পরিকার করবার জন্যে, মেথর মুদকরাস।

গুরা ভোগ করবে, আর তোমরা করবে কাজ—জগতের নামহীন পরিচয়হীন কুলির দল। হাঁ...তোমাদের ডাক নাম হলো কুলি... তোমাদের পরিচয়, ডাট্টি নিগার,..তোমরা অসভ্য বর্বর। ডাক্তার কুঁড়ে ঘরে মাটির মেঝেতে একঘরে বুনোজন্তুদের মত একসঙ্গে কুড়িজন তাল পাকিয়ে জড়পিণ্ডের মত তোমাদের বাস করতে হয়...ভূর্গন্ধ আবর্জনা তোমাদের শয্যা...আঁস্কার্কুঁড় তোমাদের উপাধান। তোমাদের দেহ আছে, কিন্তু দেহ-বোধ নেই...হাড় আছে, মাংস নেই...সেই হাড়কে টাকবার জন্তে আছে শুধু হেঁড়া ময়লা ঝাকড়া! অথচ আমার বন্ধু লালী ওংকারনাথ বলেন তোমাদের আর মালিকদের স্বার্থ নাকি একই!

রতন আনন্দে ফেটে পড়ে, সাবাস! সাবাস! সউদা সাহেব!

সউদার কথা শুনতে শুনতে, দেহের মধ্যে শিরায় উপশিরায় ঘে-রক্তচলাচল হচ্ছে তা যেন মনু স্পষ্ট উপলব্ধি করতে পারে।

সউদা ধামে না :

—লালী ওংকারনাথ ধনী ব্যক্তি, প্রভূত ধনী। জীবনে তিনি কোন দিন দেখেননি, দারিদ্র্য-রাঙ্কুলী কি ক'রে মানুষকে টেনে নিয়ে ফেলে বুক-সমান নরক-কুণ্ডের পাঁকে...সে-পাঁকে সাপের মত ফনা তুলে আছে ফ্রিডে...জোঁকের মত রক্ত চুষে খাচ্ছে অভাব...কুমীরের মত নখ হাঁ ক'রে অ্যান্ত মানুষকে গিলে খেয়ে নেবার জন্তে রয়েছে লোভ। আমার কথা সত্যি না মিথ্যে, তোমরা তোমাদের নিজের কথা ভাবলেই বুঝতে পারবে। তোমাদের মধ্যে এমনকে আছে, যে তোমাদের কারখানার ফোরম্যানের কুস্তীপাকে জড়িয়ে পড়নি? মালিকদের ভাড়াটে দালালের আক্রোশে জলে পুড়ে মরনি? সামনেই তোমাদের রয়েছে রতন ভাই...সে আর তার মতন অনেকেই বিনা কারণে আজ চাকরী থেকে বিতাড়িত হ'য়েছে। তাদের অপরাধ? তারা ফোরম্যানকে তাদের রক্তজল-করা মাইনে থেকে কমিশন দিতে চায় নি। ● মাইনের দিন

কারখানার দরজায়, দরজার বাইরে কাবুলী মহাজনেরা লাঠী হাতে দাঁড়িয়ে থাকে, তাদের সেই লাঠী পিঠে পড়েনি, এমন একটাও কেউ আছে তোমাদের মধ্যে ? তোমাদের কাছ থেকেই শুনেছি। সব কাবুলী মহাজনেরা আসল টাকা ফেরৎ নিতে কিছুতেই চায় না—তোমাদের অসীম দয়া, মাসের পর মাস তাদের সুদটা শুধু তোমরা দিয়ে যাও। এইভাবে সাধারণ লোকের বদলে তোমাদের উপার্জনের বধাসর্ব্বস্বই তারা গ্রাস ক'রে নেয়। তারপর একদিন আসে, যখন কারখানার মাইনে আর পাওয়া যায় না, সুতরাং সুদ বা আসল কিছুই শোধ দেওয়া যায় না……তখন গর্ভে ফিরে গিয়ে উপোস দিয়ে মরা ছাড়া আর কোন গত্যন্তর থাকে না। হায়, কবে তোমরা বুঝতে পারবে, তিল তিল ক'রে যুগ যুগ ধরে তোমাদের কি ভাবে দোহন ক'রে মেরে ফেলা হচ্ছে !

মুগ্ধ উৎকর্ণ হয়ে সউদার দিকে চেয়ে থাকে……একটা কথাও যেন শুনতে ভুল না হয়ে যায়।

সউদা বলে চলে, সারা জগতে মানুষের মধ্যে মাত্র দুটো জাত আছে, একটা জাত হলো, যারা গরীব, আর একটা জাত হলো, যারা বড়লোক। এই দু'জাতের মধ্যে কোন মিল, কোন আশ্চর্য্যতা নেই। যারা ধনী এবং সেই জন্তেই বলশালী, তারাই পৃথিবীর সব সুখ-সাধ-ঐশ্বর্য্য-ভোগের মালিক, যদিও তাদের সেই ঐশ্বর্য্য গড়ে উঠেছে ডাকাতি, চুরি এবং প্রকাশ্য যুদ্ধ-বিগ্রহের স্রবোণে। পৃথিবী তাদেরই শ্রদ্ধা করে, সম্মান দেখায়……তারাপ পরম্পর পরম্পরকে পিঠ চাপড়ে বাহাহুরী নেয় ! আর তোমরা, যারা দরিদ্র এবং দরিদ্র বলেই দুর্কল এবং অসহায় এবং শাস্ত…… পৃথিবীর অভিশপ্ত জীব, তোমাদের কোন দাবী নেই, কোন অধিকার নেই, দেহ ও মর্মে পশু, জগতের কেউ তোমাদের দিকে একটা আঙুল তুলেও সম্মান দেখায় না……তোমরা যে আছ, তা স্বীকার পর্য্যন্ত করে না।

হৃদয়ের মনে পড়ে, শ্রামনগরে থাকবার সময়, তারও মনে, খুশী ও দরিদ্র সম্বন্ধে ঠিক এই রকম সব ধারণা অস্পষ্ট ঘুরে বেড়াতো কিন্তু এমন ক'রে শুছিয়ে সাজিয়ে বলবার ক্রমতা তো তার নেই !

—তাই, ওরে হতভাগা, ওরে সর্বস্বহারা, একবার মাথা তুলে উঠে দাঁড়া...বল, আমার অধিকার আমি ছাড়বো না...আমি চাই বিচার ! উঠে দাঁড়া, ওরে ভীক, কাপুরুষ ! মেরুদণ্ড সোজা ক'রে, আকাশের দিকে মাথা তুলে বল, এই আমি, এমনি ক'রে মাথা তুলে দাঁড়াবার জন্তেই আমার বিধাতা আমাকে পাঠিয়েছেন...অমনি কেঁচোর মত বুকে হেঁটে হু'বেলা কারখানার দরজায় ঢোকবার আর বেরুবার জন্তে নয় !... জীবনের ষেটুকু এখনো বাকি আছে, তারি জ্বায়ে উঠে দাঁড়া...নইলে পায়ের তলায় নিঃশেষে ওরা তোদের টিপে মেরে ফেলবে ! উঠে দাঁড়া... এগিয়ে আয় আমার সঙ্গে ! কাল থেকে শুরু হোক ধর্মঘট...ভাই সব, সকলে মিলে এক সঙ্গে এসো, আমরা জগৎকে শুনিয়ে দিই আমাদের দাবীর কথা ।

কয়েক সেকেন্ডের জন্তে সউদা নীরব হয়ে স্থিরভাবে দাঁড়িয়ে থাকে । তার সামনে সেই বিরাট জনতা বিহ্বাৎ-আহতের মত নড়ে ওঠে... উত্তেজিত কিন্তু যেন আবিষ্ট । সউদা ধীর-গম্ভীর কণ্ঠে উচ্চারণ করে :

—আমরা মানুষ...নিষ্প্রাণ-যন্ত্র নই ।

সঙ্গে সঙ্গে সেই বিরাট জনতা মিলিত-কণ্ঠে বলে ওঠে, আমরা মানুষ...নিষ্প্রাণ-যন্ত্র নই !

সউদা বলে, আমরা চাই, ঘুষ না দিয়ে কাজ করবার সহজ অধিকার !

—বাস করবার মত ঘর !

—আমরা চাই, আমাদের চেলেমেয়েদের জন্তে স্কুল !

—শিক্ষণে...জ্ঞানতে...বুঝতে...

—আমরা চাই, মহাজনের গ্রাস থেকে বাঁচতে....

—উপযুক্ত পারিশ্রমিক...কম্বুজি-রোজের উপবাস নয়.

—আমরা চাই আশ্বাস.....যে কোন ফোরম্যান যখন কুলী পারকে না বরখাস্ত করতে আমাদের ।

—আমরা চাই আমাদের এই সঙ্ঘকে মেনে নেবে রাজা শাইন ।

উত্তেজিত জনতার সমবেত-কণ্ঠে সেই তুমুল-ধ্বনি প্রশমিত হওয়ার সঙ্গে সঙ্গে, হঠাৎ পিছন দিক থেকে কে যেন টেঁচিয়ে কেঁদে উঠলো । ভাঙ্গা-ভাঙ্গা অস্পষ্ট শোনা গেল,—ছেলে চুরি....ছেলে চুরি....

সকলের দৃষ্টি সেই দিকে আকৃষ্ট হওয়ার ফলে দেখা গেল, ভিড়ের পেছনে এক বৃদ্ধ কুলি আর্ন্তস্বরে কাঁদছে, ওগো আমি কি করবো ? আমার ছেলেকে না-কি চুরি ক'রে নিয়ে গিয়েছে ! এই লোকটা আমাকে খবর দিল এই মাত্র !

জনতার ভেতর থেকে চাপা স্রোতের মত চাপা আওয়াজ উঠলো, ছেলে চুরি ! সর্বনাশ ! নিশ্চয়ই পাঠানদের কাজ ! ব্যাটারদের পেশাই হয়েছে হিন্দুদের ছেলে-মেয়ে চুরি করা !

সউদু নেমে আসে জনতার মধ্যে,

—কি ব্যাপার ? কি হয়েছে ?

ভিড়ে স্পষ্ট কোন শব্দ কাণে আলবার উপায় নেই, শুধু তার মধ্যে থেকে একটা ভাঙ্গা চাপা গলায় কান্নার বিচিত্র আওয়াজ আসে, মধ্য-রাত্রিতে অপহৃত-শাবক হাঘনার আর্ন্তনাদের মত ।

সউদার প্রশ্নের উত্তরে একজন কুলি বলে ওঠে, ছেলে-চুরি গিয়েছে ! মুসলমানেরা একটা হিন্দু ছেলেকে চুরি ক'রে নিয়ে পালিয়েছে ।

জনতার ভেতর থেকে ভয় আর ঘৃণার একটা অস্পষ্ট ব্যঞ্জনা জেগে ওঠে ।

সউদা তীব্রকণ্ঠে ভৎসনা ক'রে ওঠে, বাড়ী যাও! বে-বার বাড়ী যাও! এ-সব হ'লো—আমাদের শত্রুদের কারসাজি, হীন গুহব! কাল আর কেউ কাজে বেরিয়ে না...আমাদের যুনিয়ন থেকে ধর্মঘটের সময় তোমাদের পেট-ভাতা দেওয়া হবে...আর হাঁ, কাল এইখানেই আবার সবাই জড় হবে...এখান থেকেই শোভাযাত্রা বেরবে!

সউদার কথা শেষ হ'তে না হ'তে ভিড়ের ভেতর থেকে আর একজন কে বলে উঠলো, সত্যি সাহেব, একটা হিন্দু-ছেলে চুরি গিয়েছে, হিন্দু-ছেলে!

সঙ্গে সঙ্গে আর একজন বলে উঠলো, একজন নয়, অনেকগুলো হিন্দু ছেলে চুরি গিয়েছে সাহেব!

ক্রমশঃ সংবাদটা পাকাপাকিভাবে জনতার মধ্যে ছড়িয়ে পড়ে। উত্তেজনায় তারা উপস্থিত সমস্তার কথা ভুলে যায়। চারদিক থেকে ক্রুদ্ধ আক্রোশের বাণী জেগে ওঠে।

—এর সমুচিত শিক্কা দিতে হবে! ব্যাটারা আন্দোলন মাথায় উঠেছে! হারামজাদা!

সউদা চীৎকার ক'রে ওঠে, বাড়ী যাও, বাড়ী যাও,—আমরা দেখছি কি হয়েছে, না হয়েছে!

কিন্তু তার কথায় ক্রক্ষেপ না ক'রে ক্ষিপ্ত জনতা প্রলাপ বকতে আরম্ভ করে।

—আমরা প্রতিশোধ নেবো! কিছুতেই ছাড়বো না! আমাদের টাকা-পয়সাও কেড়ে নেবে, ছেলেদেরও চুরি করবে! প্রতিশোধ! প্রতিশোধ চাই!

রতন টেবিলের ওপর লাফিয়ে উঠে দাঁড়ায়,—চূপ কর বোকার দল! কারুর যদি ছেলে চুরি যায়, আমি আছি...আমি লড়বো তাঁর হয়ে! কিন্তু আগে বাড়ী গিয়ে দেখ, সত্যি সত্যি চুরি গিয়েছে কি-না!

কিন্তু মাঠের এক কোণে দেখা গেল, ইতিমধ্যেই একদল হাতাহাতি স্ক্রক'ক'রে দিচ্ছে। কতকগুলি মুসলমান-কুলি গলা ছেড়ে চেঁচাচ্ছে, আবে রেখে দে শাক-চচ্চড়ী-খানেশালা! হিঁছ্যানী বাড়ী গিয়ে করিস্। আমাদের ধর্ম নিয়ে কিছু বলবি তো মাথা গুঁড়িয়ে দেবো!

মুন্নু ছুটে গিয়ে রতনের জামা টেনে ধরে। ভয়ে তার সর্কাজ কাঁপতে থাকে। পেছন ফিরে দেখে, উম্মাদ জনতা তরঙ্গের মত এগিয়ে আসছে, পিছু হটছে, পরস্পর পরস্পরের ঘাড়ে গিয়ে পড়ছে...চার দিকে শুধু জুঁক মুখ...অগ্নি-উল্কারী অলস্ত দৃষ্টি। প্রত্যেক লোকই ফিঙ্গ হ'য়ে চীৎকার করছে...সেই সমবেত চীৎকারের মধ্যে একটীও কথা শোনা যাচ্ছে না...। কয়েক মুহূর্ত আগে সউদার মুখে তাদের নব-অধিকারের মন্ত্রোচ্চারণ শুনে তার মনে যে প্রাণদায়ী মহা-উল্লাস জেগে উঠেছিল, এই কয়েক-মুহূর্তের মধ্যে তা কোথায় উবে গেল? তার জায়গায় একি অনিশ্চিত অনির্দিষ্ট মরণ-অঙ্ককার? চারদিকে রক্তচক্ষু, জুঁক-বিকৃত মুখ...উম্মাদ গালাগাল!

এমন সময় সে দেখে, জনতার সামনে, একটু দূরেই অতি পরিচিত নীলকোষ্ঠী-পরিহিত পুলিশের লোক, লাঠী ঘোরাতে ঘোরাতে জনতাক ছত্রভঙ্গ করতে স্ক্রক'ক'রে দিচ্ছে।

মুন্নুর হাতের মুঠো থেকে জোর ক'রে জামাটা ছাড়িয়ে নিধে রতন বলে, তুই বাড়ী ফিরে যা মুন্নু!

সঙ্গে সঙ্গে সে ভিড়ের মধ্যে ঝাঁপিয়ে গিয়ে পড়ে।

রতন! রতন!—মুন্নু আর্ন্তক্বে চীৎকার ক'রে ওঠে। কিন্তু উম্মাদ কলরবের মধ্যে তার ক্রীণ কর্তব্যর কোথায় ডুবে যায়!



টেবিলের ওপর উঠে দাঁড়িয়ে সে আর্জ-দৃষ্টিতে খোঁজে, হরি কোথায়!

এমন সময় পেছন থেকে লাক্ষী হাতে এক ভৌমকাহ পাঠান হেঁকে উঠলো, তুই হিন্দু না মুসলমান?

মুন্সু এক নিমেষের মধ্যে কাঠের পুতুলের মত স্থির আড়ষ্ট হয়ে যায়। তার মনে হয় যেন স্বয়ং যমরাজ তাকে নিয়ে যাবার জন্ত এসে দাঁড়িয়েছে। একবার মনে হলো চীৎকার ক'রে সে ডাকে... ডাকবার জন্তে হাঁ করলো বটে কিন্তু গলা থেকে কোন শব্দ বেরুলো না। আপনা থেকে চোখ বন্ধ হ'য়ে যায়, আবার আপনা থেকে খোলে। সেইটুকু সময়ের মধ্যে সে ঠিক ক'রে নেয়—টেবিলের ওপর থেকে ডান দিকে লাফিয়ে পড়ে... পাঠানটা তখন লাঠী তুলেছে। লাফিয়ে পড়েই মুন্সু শোনে, তার বরাদ্দ লাঠী টেবিলের ঘাড়েই পড়লো। দিকবিদিক জ্ঞানশূন্য হ'য়ে কোন রকমে ভিড় ফুঁড়ে সে বাইরে বেরিয়ে আসে... তখন দলে দলে প্রাণভয়ে যে-যার ঘরের দিকে ছুটেছে। মুন্সু তাদের দলে মিশে যায়।

ভিড়ের মধ্যে থেকে কে বলে উঠলো, মাসের পর মাস এই পাঠান-শুলো ছেলে চুরি ক'রে বেড়াচ্ছে...

কে যেন সে-কথা সমর্থন করলো, মিলের মালিকরা মনে করেছ জানে না? সব জানে তারা। তারাই তো ওদের আকারা দেয়... আর সরকার তলে তলে যোগ মাজসু করে...

—নিশ্চয়ই! পাঠানরা হামেসা চোখের সামনে মোটরে ছেলে তুলে নিয়ে যাচ্ছে আর সরকার তা বন্ধ করবার কোন কিকিরই করে না। ছেলে-পুলে ঘরে রেখে কাজ করতে আসা দায় হ'য়ে উঠেছে!

ট্রেড ইউনিয়নের একজন কর্মী বলে ওঠে, পাঠানরাই তো তোমাদের শত্রু। গত বছর ভেল-কলের ঋণঘট ভাঙ্গাবার জন্তে মিলের মালিকরা

দ্রুশো পাঠান আনিয়েছিল—তাদের উপযুক্ত শিক্ষা দেওয়া সরকার।

মুন্সু তাদের ঠেলে এগিয়ে চলে। তাদের গলির মুখে এসে দেখে, সেখানেও মারামারি সুরু হ'য়ে গিয়েছে।

নিরুপায় হ'য়ে সে ফিরে শহরের রাস্তা ধরে। এ-গলি সে-গলি দিয়ে ভেঙিবাজারে এসে দেখে, একটা ছোট্ট মাঠে বহু লোক জড় হয়েছে। মাঝখানে একটা কাঠের চৌকির ওপর একজন বেঁটে মোটা মতন লোক বক্তৃতা দিচ্ছে, হিন্দু ভাই সব। যদি নিজেদের মা-বোনের ওপর কোন দরদ থাকে আপনাদের, তাহলে আর ঘুমিয়ে থাকবেন না! উঠুন! জাগুন! আমাদের ঘর থেকে আমাদের বউ-ঝিদের ধরে নিয়ে গিয়ে খুন-জখম করছে অপমান করছে, অথচ আমাদের মহামহিম সরকার বাহাদুর যখন সে সব ব্যাপার গ্রাহ্যের মধ্যেই আনছেন না, তখন হাতে লাঠী নিয়ে ঘে-যার বেরিয়ে পড়ুন। উলটে তাঁরা হুকুম জারী করেছেন, পাঁচজন একজায়গায় হলেই গুলি চালাবেন। তাই আত্মরক্ষার জগ্গে আমাদের প্রস্তুত হতে হবে। আমাদের লাঠী-সোটা সরকার কেড়ে নেবেন, অথচ ওদের হাতে ছুরি-ছোরা তেমনই থাকবে। এসবের মানে কি? এর একমাত্র সহজত্তর হলো, আমাদের মারাঠা-তেজ ভাল ক'রে আজ ওদের দেখিয়ে দিতে হ'বে!

একটা বন্ধ দোকানের পাটাতনের ওপর উঠে দাঁড়িয়ে মুন্সু লোকটাকে ভাল ক'রে দেখবার চেষ্টা করে। দেখে, লোকটাব মাথার ওপর তখন একটা লাঠী পড়বার উপক্রম হয়েছে। সে আর চেয়ে থাকতে পারে না।

এমন সময় চীৎকার জেগে ওঠে, হেই...হেই...খুন করলো...খুন করলো!

সঙ্গে সঙ্গে প্রতিধ্বনির মত জেগে উঠলো, প্রতিশোধ! প্রতিশোধ! মাঝে! শাল্লদের খুন করো! লুট করো...পুড়িয়ে দাও!

চীৎকার করতে করতে জনতা রাস্তায় বেরিয়ে পড়ে।  
 এমন সময় খাঞ্চি-পোষাকৈ একজন ইংরেজ পুলিশ-অফিসার—  
 ওয়ালা বারোজন পাহারওয়ালা নিয়ে জনতার ওপর লাঠী চালাতে  
 শুরু করে। বেগতিক দেখে মুল্ল, উণ্টো রাস্তা ধরে। তার মাঁধার  
 ঝরেন হাজারটা ভোমরা ঢুকে ভেঁা ভেঁা করছে। স্পর্শ না  
 ।ও সে বৃষ্টিতে পারে তার কপালের ছ'ধারে ছুটো রগ দপ্ দপ্  
 ছে। এই চোখের সামনে যে লোকটা কথা বলছিল, চোখের পলক  
 ফেলতে আবার যখন সে চেয়ে দেখলো, তখন সে-লোকটাকে  
 সেখানে সে দেখতে পেলো নি। এই হঠাৎ অন্তর্ধানের মানে হলো,  
 ১। আততায়ীর আক্রমণে মৃত্যু। তার চারদিকে মনে হলো  
 । মৃত্যুর ছায়া অন্ধকারে ছম্ছম্ করছে। আপনার মনে প্রলাপের  
 বকতে বকতে সে এগিয়ে এলে...অর্ধ-অচেতন...অন্ধের মতন।  
 তে চলতে নিজেকেই সে প্রশ্ন করে, একি হলো? নিরস্তর প্রশ্ন  
 রবার তার কাছেই ফিরে ফিরে আসে। চারিদিকে তার একি মৃত্যু-  
 । নীরবতা? ভয়ে তার চৈতন্য লুপ্ত হয়ে আসে! সে তো এতো  
 তু নয়? তবে কোথা থেকে এলো এই ভয়? নিজেকে আশ্বাস  
 বার জ্ঞে সে নিজেকে জোরে জোরে বলে, গাঁয়ে সবাই জানে  
 আমার সাহসের কথা...কতবার নিশ্চিন্তি অন্ধকারে একা অশানের পাশ  
 হয়ে ষাওয়া-আসা করেছি...কই, তখন তো এমন ভয় করে নি?  
 এখনই বা এত ভয় করছে কেন?

হঠাৎ মনে পড়ে রতনের কথা।

—এখন সে কোথায়? সত্যি, কি করছে এখন সে? আর  
 ঠিকি? লক্ষ্মী হয়ত ছেলেমেয়েদের নিয়ে নিশ্চিন্ত হয়ে ঘরেতে ঘুমুচ্ছে।

হঠাৎ অন্ধকারে তার খুব কাছে কে যেন মর্মান্তিক চীৎকার করে  
 উঠলো...সেই সঙ্গে দূর থেকে হাওয়ার ভেসে এলো উদ্ভাদ চীৎকারখনি,

আল্লা হো আকবর! শুয়ে সে ছুটতে আরম্ভ ক'রে দিল। একটা ছোট্ট বাজারের কাছাকাছি এসে দেখে, কাঠের পা নিয়ে এক বৃদ্ধক্স ভিখারী আশ্রয়ণে ছুটছে...বগলে ছেঁড়া জ্বাকড়ার পুঁটলী...আর তাকে তাড়া ক'রে আসছে একজন মুলমান পাঠান। সমস্ত বৃত্তি সংহত ক'রে সে দাঁড়িয়ে পড়লো। সামনে দিবে আর দু'জন মুলমান লাঠী আফালন ক'রতে ক'রতে এগিয়ে আসছিল। বুড়ো ভিখারীটা পেছনের তাড়ায় সামনে ছুটতে গিয়ে সেই দু'জনের একেবারে সামনে গিয়ে পড়লো। লাঠী দিয়ে সামনের দু'জন বুড়োকে আটকাতেই পেছনের পাঠানটা এসে সজোরে তার পাঁজরায় ছোরা বসিয়ে দিল। হায় রাম! বলে বুড়ো সেইখানেই পড়ে গেল। পাঠানটা চীৎকার ক'রে উঠলো, কাকের! ইবলিসের বাচ্ছা! মরু শালা!

বৃদ্ধ একবার শেষ চীৎকার ক'রে নীরব হয়ে গেল।

আবার সেই নীরবতা....

মুন্নু পেছন ফিরে ছুটতে আরম্ভ করলো। সমুদ্রের দিক থেকে ঝড়ো হাওয়া তার পেছনে তাকে যেন তাড়া ক'রে আসে। আতঙ্কিত চিন্তে মুন্নু সেই ঝড়ের শব্দে মনে করে যেন উদ্ভাদ জনতা খোলা ছোরা হাতে তার পেছনে ছুটে আসছে।

ছুটতে ছুটতে হঠাৎ একজায়গায় এসে দেখলো, অন্ধকার লাল গুয়ে উঠছে। সামনে একটা দোকান-ঘর পুড়ছে। একজন কুণ্ডলাটা ভদ্রলোক তাঁর বাড়ীর দরজার সামনে দাঁড়িয়ে তাঁর একজন বন্ধুকে সেদিকে যাবার জন্ত হাতধরে নিষেধ করেছিলেন, দেখছে। না, মুলজী মাধারজীর শিষ্টির দোকান ওরা পুড়িয়ে দিয়েছে...দোহাই তোমার, যেয়ো না...এগুলোই ওরা মেয়ে ফেলবে!

কথাটা মুন্নু র কাণে বেতেই সে আবার ধমকে দাঁড়ায়। যদি কোন

কানের আশে-পাশে কিম্বা কান্নর বাড়ীর কোথাও লুকিয়ে থাকবার একটু জায়গা পাওয়া যায়।

এমন সময় সেই জলন্ত দোকানের দিক থেকে তুমুল শব্দে জেগে ওঠা, আল্লা হো আকবর! সঙ্গে সঙ্গে অসংখ্য লোকের পায়ের শব্দ শোনা গেল—সেই দিকেই তারা এগিয়ে আসছে।

তাড়াতাড়ি মনু একটা ছোট্ট গলির ভেতর ঢুকে পড়ে। কিন্তু শীঘ্র যেতে না যেতেই তার কাণে আসে এক মর্মস্থদ আর্ন্তক্ষনি। দেখে, সামনের এক বাড়ীর বারাণ্ডায় এক মহিলা ছুঁহাতে বুক পড়াচ্ছে—চুল ছিঁড়ছে আর কঁদে কঁদে উঠছে, ওরে আমার ছায়ে, কোথায় গেলিরে? আর কি ফিরে আসবি নায়ে?

মনুর মনে হলো, স্ত্রীলোকটির কাছে গিয়ে তাকে সাশুনা জানায়। কিন্তু পরক্ষণেই মনে হলো, তাকে দেখে স্ত্রীলোকটি হয়ত মনে করতে পারে যে তাকে খুন করবার জন্তেই সে আসছে। তাই সে ফিরে পাড়িয়ে দেখে, যে-পথ দিয়ে এসেছে, সেই পথে আবার ফিরে যাওয়া যায় কিনা। কিন্তু দেখলো, পাঠানদের ভিড়ে গলি ভরে এসেছে। তারা রাইফেলের বাঁট দিয়ে বন্ধ দোকানের দরজা ভেঙ্গে ফেলে জিনিসপত্র লুট করছে—কেউ কেউ হাতের ছোরা শূন্তে আক্ষালন করতে করতে এগিয়ে চলেছে। ভয়ে তার সর্ব-অঙ্গ হিম হয়ে আসে—ভুলক্রমে এ কোন্ গলিতে সে ঢুকে পড়েছে? এতো গলি নয়—এ যেন মৃত্যুর-গলি। এমন সময় দেখে একদল পুলিশ তাদের তাড়া করেছে। দেখতে দেখতে এক নিমেষের মধ্যে এত যে লোক কোথায় যেন অদৃশ্য হয়ে গেল। বারাণ্ডায় বসে যে মেয়েটা কাঁদছিল, সে-ও সরে গিয়েছে। এখন আর এক নতুন ভয় তাকে পেয়ে বসলো, পুলিশের লোকেরা তাকে যদি দেখে ফেলে! হয়ত সোজা পেটের ভেতর দিয়ে বেয়নেট চালিয়ে দেবে! দেয়াল ঘেঁসে এ-দিক ও-দিক চাইতে চাইতে সে অগ্রসর হয়।

গলির বাইরে নেমে দেখে, বড় রাস্তার ওপরে তখন তুমুল উৎসাহে লড়াই চলেছে। একটা ট্রাম অচল অবস্থায় দাঁড়িয়ে আছে। মুন ছুটে গিয়ে তার আড়ালে আশ্রয় নেয়। আড়াল থেকে উকি মেরে যেই দেখতে বাবে, অমনি মনে হলো, পেছন দিক থেকে একটা হাত সজোরে তার ঘাড় টিপে ধরলো...সঙ্গে সঙ্গে পিঠের দিক থেকে একটা হাত ওপর, কিসের বেন একটা নিদারুণ আঘাত এসে পড়লো...মাথা ঘুরে সে রাস্তায় পড়ে গেল।

শুয়ে পড়ে একবার শুধু সে চেয়ে দেখবার চেষ্টা করলো, স্পষ্ট দেখতে পেলো, তার সামনে দাঁড়িয়ে সমস্তের মত একজন মুসলমান। আর বাঁচবার কোন আশাই নেই। চোখ বুঁজে সে মড়ার মতন পড়ে রইলো। পাঠানটা সজোরে একটা লাথি মেরে দেখলো, বেঁচে আছে না মরে গিয়েছে। তারপর আবার 'আল্লা হো আকবর' বলে তার দলে গিয়ে ভিড়ে পড়লো।

কিছুক্ষণ পরে সোস্তাল সার্ভিস্ লীগের দু'জন স্বেচ্ছাসেবক তাকে স্ট্রেচারে ক'রে তুলে নিয়ে গেল।

রাত্রিতে মূমুর যখন জ্ঞান ফিরে এলো সে দেখে, একটা ঘরে সে শুয়ে আছে, তার চারদিকে দাঙ্গায় আহত সব লোক শুয়ে। খুব কাছেই কোথা থেকে একটা উৎকট দুর্গন্ধ আসছে। সেই বন্ধ ঘরে, ক্ষতবিক্ষত বিকৃত-দেহ সেই অসাধারণ মানুষদের মধ্যে তার দমনে আটকে আসতে লাগলো। বা হয় হবে, এখান থেকে বেরিয়ে গেলে আমি সমুদ্রের ধারে যাবো, সেখানেই রাত কাটাবো।

এই স্থির ক'রে মুন উঠে দাঁড়ালো। দেখলো, কেউ তাকে বাধা দিল না। সামনের দরজা খোলাই ছিল। নিঃশব্দে সে রাত্রির অন্ধকারের মধ্যে বেরিয়ে পড়লো।

সূর্যের আলোর আঘাতে তার ঘুম ভেঙে গেল। একে একে গতদিনের বিভীষিকার কথা তার মনে পড়তে লাগলো। আজ কি শহরে তেমনি মারধোর চলেছে? আন্তে আন্তে সে শহরের দিকে এগিয়ে চলে। দেখে, পথে-ঘাটে বেমন লোক-জন চলাচল ক'রে ঠিক তেমনিই সব চলছে। বেন কোথাও কিছু হয় নি।

তবে কি সে স্বপ্ন দেখছিল ?

এমন সময় দেখে এক পার্সী ভদ্রলোকের সঙ্গে এক পাহারাওয়ালার কথা হচ্ছে।

মুন্সু তাদের মধ্যে কি কথাবার্তা হচ্ছে শোনবার জন্তে একটু এগিয়ে গেল.....যেন সে অনাথ ভিখারী বালক.....গাছের তলা থেকে শুকনো পাতা কুড়ুচ্ছে।

পাহারাওয়ালারা বলে চলেছে, পুলিশের দিক থেকে ব্যাপারটা খোঁজ খবর নিয়ে দেখা গেল যে, ছেলে চুরি সঙ্কে যে গুজব রটে ছিল, সেটা সর্ব্বৈব মিথ্যে। পুলিশের তরফ থেকে সেই মর্মে বেতারে খবর ঘোষণা করা হলো কিন্তু তা সত্ত্বেও এখানে-ওখানে খুন-জখম চলতে লাগলো। সরকার থেকে সৈন্যদের কোন ব্যবস্থা করা হলো না। পুলিশের লোকেরাই সব ঘাঁটি আগলে হান্সমা ঠাণ্ডা ক'রে দিল। আজ সকালে শহরের অবস্থা ভালই। কুলিরা অনেকেই যে যার কাজে ফিরে গিয়েছে।

মুন্সু ভাবে, তাহ'লে তো কারখানা খুলে গিয়েছে, নিশ্চয়ই সেখানে কাজ চলছে। তবে সে যাবেনা কেন? কারখানার দিকে: সে এগিয়ে চলে।

কিছুদূর যেতে না যেতে দেখে দু'জন কংগ্রেস-স্বছাসেবক সাহেবী পোষাক-পর্য একজন ভদ্রলোকের সঙ্গে কি কথাবার্তা বলছে। তাদের মধ্যে একজন বলে যাচ্ছে, আর সাহেবী-পোষাক-পর্য ভদ্রলোকটা তাড়াতাড়ি তাই কাগজে লিখে নিচ্ছে।

মুন্সু বুঝলো স্বৈচ্ছাসেবক হ'জন খবরের কাগজের রিপোর্টারকে দাঁড়াই বিখরণ দিচ্ছে।

এমন সময় একটা বৃহৎ মোটর গাড়ী সেখান দিয়ে যেতে যেতে হঠাৎ থেমে গেল। স্বৈচ্ছাসেবক হ'জন ফিরে দেখে, মোটরের ভেতর নবাবী-পোষাকে সুসজ্জিত দীর্ঘকায় এক ব্যক্তি।

তাঁকে লক্ষ্য ক'রে তারা অভিবাদন জানায়, বন্দে মাতরম্ !

গাড়ীর ভিতর লোকটা কে তা মুন্সু জানে না, কিন্তু তার চেহারা দেখে সে স্পষ্ট বুঝতে পারলো, নিশ্চয়ই কোন গল্পমাণ্ড ব্যক্তি হবে।

গাড়ীর ভেতরকার নবাব বাহাজুর মুখ বার ক'রে বলে উঠলেন, বলি তোমাদের লীডাররা কি করছেন এখন? পুলিশ আর গভর্নমেন্টই বা কি করেছে? তোমার যুব সঙ্ঘ—তারাই বা কোথায়? সারা রাত ধরে হিন্দুরা সবাই মিলে নিরীহ পাঠানদের মেরে শেষ ক'রে ফেলো অথচ কংগ্রেস সে-সম্বন্ধে কোন কিছু করা প্রয়োজন বোধই করলো না? যদি মিস মেয়ো এসে লিখতো, এখানকার লোকে ছেলে চুরি ক'রে যজ্ঞে বলি দেয়, তা'হলে কি তোমরা মুখ বুঁজে সহ্য করতে?

স্বৈচ্ছাসেবক হ'জন চুপ করেই রইলো। কিন্তু রিপোর্টার ভদ্রলোক মোটরের কাছে এগিয়ে গিয়ে জিজ্ঞাসা ক'রে বললো, মওলনা হজরৎ আলী সাহেব. আপনি কি মনে করেন এই ব্যাপার নিয়ে সারা ভারতবর্ষে হিন্দু-মুসলমান সংঘর্ষ বেধে যাবে?

মওলনা সাহেব জবাব দেন, নিশ্চয়ই! তারপর উত্তেজিত কণ্ঠে বলে: আশ্চর্যকার ব্যবস্থা করবার জন্তে আমরা মুসলমানদের সজীবক করতে চলেছি।

এইবার একজন স্বৈচ্ছাসেবক বলে ওঠে, কিন্তু কংগ্রেস তো একটা শাস্তি কমিটী গড়ে তোলবার আয়োজন করছে!

১ মওলনা বলে উঠলেন, হাঁ, হাঁ, শাস্তি! মুখে তোমরা শাস্তি বলো



আর ভেতরে ভেতরে দুহের আয়োজন করো। বাও, কিং এড্‌সবার্গ  
হালশাতালে নিয়ে দেখে এসো, হিন্দু-আহতদের চেয়ে মুসলমান আহত-  
দের সংখ্যা টের বেশী!

খবরের কাগজের রিপোর্টার সেলাম জানিয়ে জাজাজাজি শিটটান  
দেয়।

মওলানা সাহেব লোকটাকে তুলিয়ে চেঁচিয়ে বলে ওঠেন, ওহে,  
তুনছো, আমি যা বললাম, তা খবরের কাগজে ছেপোনা কিছ!

লোকটা তখন বহু দূরে চলে গিয়াছে।

আর ভেতরে ভেতরে দুঃখের আয়োজন করো। বাণ, কিং এড্‌ওয়ার্ড  
হালশাতালে নিয়ে দেখে এসো, হিন্দু-আহতদের চেয়ে মুসলমান আহত-  
দের সংখ্যা টের বেশী!

খবরের কাগজের রিপোর্টার সেলাম জানিয়ে জাজাজাজি শিটটান  
দেয়।

মণ্ডলনা সাহেব লোকটাকে তুলিয়ে চেঁচিয়ে বলে ওঠেন, ওহে,  
তুনছো, আমি যা বললাম, তা খবরের কাগজে ছেপোনা কিছ!

লোকটা তখন বহু দূরে চলে গিয়াছে।

—ছোড়াটাকে তো এখন গাড়ীতে তুলে নিই। এই অবস্থায় কেউ যদি দেখতে পায়, তা' হলে আমাদের ঠিল ছুঁড়ে মেরে ফেলবে। এদের কাশাধ্য কিছুই নেই! শফার! ছোড়াটাকে গাড়ীতে তোলো! শিগুগির! আমাদের সঙ্গে ওকে সিমলাতেই নিয়ে যাব। আমার তো একজন চাকরও দরকার।

মেমসাহেবের শফারটা ছিল মুসলমান।

মুন্সুর কাছে গিয়ে সে বুঝলো ছেলেটা হিন্দু। স্তবরাং তাকে তুলে গাড়ীতে নিতে তার কোন ইচ্ছাই ছিল না কিন্তু মেমসাহেবের হুকুম... নিতেই হবে। তাই কাফেরের অচৈতন্য দেহটা কোন রকমে তুলে নিয়ে সে গাড়ীর ভেতর শুইয়ে দিল।

মিসেস মেনওয়ারিং গাড়ীতে উঠে হুকুম দিল, তাড়াতাড়ি তাজ থেকে আমাদের লাগেজটা তুলে নিয়ে, শহরের এক ধার দিয়ে বেরিয়ে পড়। জলদি!

মিসেস মেনওয়ারিংয়ের মোটর গাড়ী বন্ডের সীমান্ত ছাড়িয়ে যেতে না যেতে মুন্সু স্থানান্তর হয়ে উঠে বসলো।

সেখান থেকে সিমলা যেতে মোটরে ছ'দিন লেগে গেল। তার মধ্যে মুন্সু কতকটা চাপা হয়ে উঠলো।

কিন্তু ভেতর থেকে সে একেবারে ভেঙ্গে পড়েছিল। একে একে তার মনে পড়তে লাগলো, কি ভয়াবহ দুর্ঘোষণার মধ্যে দিনগুলো কেটেছে। সেই সন্দের তন, হরি, লক্ষ্মী সকলের মুখই একে একে তার স্মৃতিপটে জেগে ওঠে। দুশ্চিন্তা আর দুর্ভাবনায় সে একেবারে মুবড়ে পড়ে। হঠাৎ এই ক'দিনের অভিজ্ঞতায় যেন সে অধর্ষ বুড়ো হয়ে গিয়েছে।

সে নিজেকে অথর্ব ভাবেও তার উদ্ধার-কর্তা মিসেস্ মেনওয়ারিং  
কিন্তু তাকে সে-চোখে দেখে নি। তা যদি দেখতো, তা'হলে আর  
তাকে মোটর ক'রে এই দূর পথ টেনে নিয়ে আসতো না। তার  
ছিপছিপে সাবলীল দেহ, সহজ সরল মুখ-চোখ মেমসাহেবের অন্তর  
স্পর্শ ক'রেছিল। বিশেষ ক'রে তার চোখ দুটী, তরুণ কবির ভাবে-ভরা  
অর্থহারা নয়নের মত,—মিসেস্ মেনওয়ারিংয়ের বড় ভাল লেগেছিল।

মেমসাহেব তাকে জিজ্ঞাসা করে, বাচ্চা, তোর বয়স কত ?

—পনেরো, মুনু জবাব দেয়।

মুনুর কাজল-কালো চোখের দিকে চেয়ে, মেমসাহেব দুঃশুভ্র হাত  
খানি দিয়ে তার কালো কপালের ওপর আদর ক'রে মুছ করাঘাত ক'রে  
খিল্ খিল্ ক'রে হেসে ওঠে। আনন্দের হাসি। সে এই বয়সেরই  
একজন “বয়” খুঁজছিল!

মিসেস্ মেনওয়ারিং এক প্রাচীন এ্যাংলো-ইণ্ডিয়ান পরিবারের মেয়ে।  
তার পূর্ব-পুরুষেরা ইষ্ট ইণ্ডিয়া কোম্পানীর অধীনে যুদ্ধ ক'রেছিল। তার  
ঠাকুর-মা ছিলেন ভারতবর্ষেরই মেয়ে এবং সেই সূত্রে তার দেহে  
স্বাভাৱিক ভারতীয় রক্ত প্রবাহিত ছিল; কিন্তু ছেলেবেলায় কন্ভেন্টে  
অল্প সব যুরোপীয় শিশুর সঙ্গে পাল্লা দিতে গিয়ে, সেই ছেলেবেলা  
থেকেই নিজেকে পাকা বিলিন্ধী বলে জাহির করতে হয়। কিন্তু বয়স  
বাড়ার সঙ্গে সঙ্গে কন্ভেন্টের অল্প সব মেয়ের সঙ্গে এই নিয়ে তুমুল  
বাদানুবাদ তাকে করতে হয়েছে কিন্তু কেউই তার নির্জলা  
বিলিন্ধীত্বতে আশ্বাস স্থাপন করতে পারে নি! শেষকালে অবস্থা এ-  
রকম দাঁড়ায় যে সেই কন্ভেন্ট তাকে ছেড়ে দিতে হয় এবং প্রতিজ্ঞা  
করে “হোমে” গিয়ে তার এই কালা রক্তের অভিশাপ সে ধুয়ে মুছে  
আসবে। পাকা শাদা আদমী বলে পরিগণিত হবার তার এই দুর্বীর  
সাধনায় প্রতিবন্ধক হলো তার জন্মদাতা পিতা; কারণ কঁঠাকে বিলাতে

চেল্টেনহাম্ লেডিস্ কলেজে পড়াবার সজ্জিত তাঁর ছিল না। এই নিজে পিতা এবং পুত্রীর মধ্যে বীতিমত মনোমালিন্য ঘটতে থাকে। নিরুপায় হয়ে তখন সে তার বাসনা চরিতার্থ করবার পথ নিজেই খুঁজে বার করে। সেই সময় উল্মার বলে একজন জার্মান ফটোগ্রাফার রাজা রাজড়াদের মহলে বেশ নাম ক'রেছিল। মে, কুমারী অবস্থায় এই নামেই সে পরিচিত ছিল, উল্মারের স্বন্ধে আরোহণ করবার চেষ্টা সুরু ক'রে দিল এবং তাতে কৃতকার্য হলো। যথাকালে উল্মারের সঙ্গে তার বিয়ে হয়ে গেল।

কিন্তু বিয়ের ছ'বৎসর পরেই মহাবুদ্ধ সুরু হয়ে গেল। উল্মার কারারুদ্ধ হলো। তখন মে-র কোলে একটা মেয়ে, সাহিত্য ঘেঁটে তার নাম রেখেছিল পেনেলোপি, আর একটা সন্তান তখন গর্ভে! যুদ্ধ ঘোষণার সঙ্গে সঙ্গেই পুত্র-রূপে সেই গর্ভজাত সন্তান দেখাদিল।

স্বামীর অনির্দিষ্ট কারাবাসে সে ছঃখিত হলো। বটে কিন্তু কোনদিনই সে স্বামীকে ভালবেসে তার দেহ-মন সম্পূর্ণ ভাবে দান করে নি তাই এই আঘাতের তীব্রতা খুব বেশী হল না। কিছুদিন যেতে না যেতেই, জালিমপুর ষ্টেটের শিক্ষাসচিবের ওপর সে নজর দিল এবং সেখানকার একটা ছেলেদের স্কুলে একটা কাজ ষোঁড় ক'রে নিল। যেখানে নারীরা অধিকাংশ ক্ষেত্রেই পর্দার আড়ালে আবদ্ধ হয়ে থাকে, সেখানে তার মত সুন্দরী স্বাধীন নারী যে অনায়াসেই রাজ-ষ্টেটের উচ্চপদস্থ অফিসরদের দৃষ্টি আকর্ষণ করতে পারবে, তাতে আশ্চর্য্য হবার কিছুই ছিল না।

দেখতে দেখতে তার কালো কেশের ফাঁদে সেই ষ্টেটের সৈন্য বিভাগের একজন ক্যাপ্টেন, আগা রাজা আলী শাহ্ বন্দী হয়ে পড়লো। আলী শাহ্-এর চেষ্টায় উল্মারকে যথাবিধি ডাইভোর্স ক'রে, সে ক্যাপ্টেন-গৃহিনী হয়ে তার ঘরে ঢুকলো। আলী শাহ্

সত্যই তাকে ভালবাসতো এবং হয়ত তাকে সর্ব রকমেই সুখী করতে পারতো, কিন্তু কিছুদিন যেতে না যেতেই মের মনে সেই অশুভ ঘটনা জেগে উঠলো, তাকে পাকা শাদা-আদমী হতেই হবে...! খাঁচী ইংরেজ-রমণী হিসেবে আত্মপ্রতিষ্ঠা করতেই হবে। এই চিন্তার পুনরাবির্ভাবের সঙ্গে সঙ্গে তার নিদারুণ চিন্ত-বিক্ষোভ দেখা দিতে লাগলো। দেশী স্বামীর ধৈর্য্য পরীক্ষার জন্তে সে প্রথমে গোপনে, তারপর সদরেই-ইংরেজ সৈনিকদের ব্যারাকে যাতায়াত শুরু ক'রে দিল। একদিন আর সহ্য করতে না পেরে আলী শাহ্ প্রহার ক'রে তাকে বাড়ী থেকে দূর ক'রে দিল।

মাত্রাটা একটু বেশী হয়ে গেলেও, সে এই পরিণতিই চাইছিল! কারণ, রয়েল ফুসিলিয়ান্স রেজিমেন্টের একজন তরুণ অফিসরের সঙ্গে সে তখন বন্দোবস্ত ক'রে নিয়েছিল। এই অফিসরটার নাম গাই মেনওয়ারিং, তার চেয়ে বয়সে ঢের ছোট। সে জানতো একজন বৃড়া পাকা বুনোকে ব্লাক্‌মেল করার চেয়ে, অল্প বয়সের ছোকরাদের ব্লাক্‌মেল করা অপেক্ষাকৃত সহজ। আলী শাহ্-র গৃহ থেকে বিতাড়িত হয়ে সে গাই-কে একদিন কাণে কাণে জানিয়ে দিল, তার গর্ভে যে সন্তানটা এসেছে, নিঃসন্দেহ সে তারই বীর্ঘ্যসন্তু! গাই মেনওয়ারিংয়ের বিলিতা শিভালরী তাতে বিন্দু মাত্র দমে গেল না।

বিবাহের পর স্থির হলো, হোমে তারা 'হনিমুন' উদযাপন করবে। ছ'মাসের ছুটি নিয়ে স-বংসা নব-বধূকে সঙ্গে ক'রে গাই লণ্ডনে এলে সেখানে মিসেস্ মেনওয়ারিং নব-তম স্বামীকে একটা কস্তা-বস্ত্র উপহার দিল। কস্তাটির গায়ের রঙ গাই যতখানি শুভ্র হবে বলে আশা করেছিল কার্যত তা হলো না। এবং মেয়েটা একটু বড় হতেই গাই দেখলে মেয়ের মুখের গড়ন তার চোখে আলী শাহ্-এর মুখের সঙ্গেই বেশী মিলে এবং একদিন যখন স্বামী-স্ত্রীতে রীতিমত ঝগড়া হচ্ছিল, মিসেস্

মেনওয়ারিং রাগের মাধ্যমে-কথা নিজের মুখেই স্পষ্ট স্বীকার করলো... জানিয়ে দিল যে গাই-এর সন্দেহ অমূলক নয়। গাই-এর বাপ-মা ইংলণ্ডের উচ্চস্তরের মধ্যবিত্ত শ্রেণীর আসল-নীল-রক্ত-ওয়াল সস্ত্রাস্ত্র লোক ছিলেন। তাঁরা পুত্রের ভারতীয় ভ্রান্তির কথা জানতেন এবং সেইজন্তে পুত্রকে তাঁরা আর গ্রহণ করেন নি। গাই একেবারে নিঃসঙ্গ সমাজ-চ্যুত হয়ে পড়লো। অসহায় শিশু যেমন মার কোলে ঝাঁপিয়ে পড়ে, তেমনি ধারা সকলদিক থেকে বঞ্চিত হয়ে গাই স্ত্রীর আলিঙ্গনের মধ্যেই নিজেকে বিলুপ্ত ক'রে দেবার চেষ্টা করলো। তার তাজা বিলিভী-রক্তের সঙ্গে সঙ্গে সে তার জাতের যা প্রধান বিশেষত্ব তা পেয়েছিল, অস্ট্রিচ পাখীর মতন বালিতে মাথা গুঁজে বাস্তবতার হাত এড়ানো। নিজের কর্তব্য-কর্মের মধ্যে সে ভুলে গেল অতীতের ভ্রান্তির জালা।

ছুটির মেয়াদ শেষ হয়ে আসার সঙ্গে সঙ্গে গাই ঠিক করলো, সে পেশোয়ারে তার রেজিমেন্টে ফিরে যাবে। কিন্তু মিসেস্ মেনওয়ারিঙ এত কাণ্ড ক'রে যে স্বর্গ-লোকে এসে পৌঁছিয়েছে, সেখান থেকে মড়তে কিছুতেই চাইলো না। তাই সে ভারতবর্ষে ফিরে না যাবার একটা অছিলি বার করলো, পলিটেকনিক কলেজে সে যখন ভর্তি হয়েছে, তখন সেখানকার পড়া শেষ ক'রে, তাকে একটা ডিপ্লোমা নিতেই হবে।

গাই তাতে বিশ্বাস করলো। নিজের মাইনের অর্ধেক স্ত্রীর নামে বন্দোবস্ত ক'রে দিয়ে, সে ভারতবর্ষে ফিরে এসে উপজাতিদের সঙ্গে লড়াই-এ ব্যস্ত হয়ে পড়লো।

ওখানে মিসেস্ মেনওয়ারিঙ সেই-টাকায় সিনেমা, হোটেল, ককুটেল পার্টি এবং নৈশ-ক্লাব উপভোগ ক'রে বেড়াতে লাগলো! বেস্-ওয়াটারে যেখানে সে থাকতো, সেখানে ভারতবর্ষ থেকে বহু এ্যাংলো-ইণ্ডিয়ান রাজকার্য থেকে অবসর গ্রহণ ক'রে বসবাস স্থাপন করেছিল। ভারতবর্ষের সঙ্গে তাদের আর কোন যোগসূত্র ছিল না এবং স্বজাতির

সঙ্গেও তাদের আর কোন সম্পর্ক রাখা তারা প্রয়োজন বোধ করতো না। সেই এ্যাংলো-ইণ্ডিয়ান-সমাজ মহাসমাদারে মিসেস্ মেনওয়ারিঙকে গ্রহণ করলো। তাতেই মেমসাহেব ধরে নিল যে এতদিন পরে সে পাকা ইংরেজ রমণী হতে পেরেছে, এবং তাতে আর কোন সন্দেহ তার থাকে না। কিন্তু এই সব অন্তঃসারশূন্য লোকদের সমাজে প্রতিপত্তি জাহির ক'রে তার কোন সুখই হয় না। এই সব এ্যাংলো-ইণ্ডিয়ান, তাদের না আছে কোন বিশেষ কালচার, না আছে কোন বৈশিষ্ট্য...বা অর্জন করেছে, তা পেতে তাদের আত্মাকে পর্যাস্ত বিকিয়ে দিতে হয়েছে। তাই মিসেস্ মেনওয়ারিঙের ছবাকাত্মা জেগে উঠলো, সত্যিকারের সভ্যতার মধ্যে থেকে কিছু জীবনের রসদ সংগ্রহ করা। বোহিমিয়ার এক কবির সঙ্গে এক সভায় তার আলাপ হয়। আলাপের সূত্রপাত হয় অটোগ্রাফ খাতায় কবির নাম স্বাক্ষর নিয়ে এবং রক্ষিতা হিসাবে বোহিমিয়া যাবার নিমন্ত্রণে তার পরিসমাপ্তি ঘটে। যে-টুকু বিগা সে অর্জন করেছিল, তাতে প্রত্যেক মিল-দেওয়া ছড়াকে সে কবিতা মনে করতো এবং প্রত্যেক ফটোগ্রাফের ছবিকে মনে করতো আটের সৃষ্টি। যে কোন কবি বা চিত্রকর তাকে শয্যাসঙ্গিনীরূপে অনায়াসেই পেতো...শুধু তাকে একটু স্বীকার করার অপেক্ষা মাত্র। কিন্তু তারপর দু'দিনের আলাপেই তারা বিরক্ত হয়ে যেতো...শুধু হলিউডের ছবির কথা আর তার নায়ক-নায়িকাদের অসম্ভব অবাস্তব গল্প ছাড়া তার মানসিক উৎকর্ষের প্রমাণ দেবার মত তার আর কিছুই ছিল না। তখন তারা তাকে দেখলে পালিয়ে বেড়াতো।

গাই নিয়মিতভাবে, আদর্শ স্বামীর কর্তব্য-অমুযায়ী তাকে চিঠি লিখতো। তার কাছে ভারতবর্ষে চলে আসবার জন্তে আবেদন জানাতো। ছেলেমেয়েদের লেখাপড়া শেখানোর ওজুহাতে সে-আবেদন এড়িয়ে চলতো সে। অবশেষে একদিন তার কি স্মৃতি হলো, সে



স্বামীকে লিখে জানালে, বড় ছেলেটির বোর্ডিং-এ থাকার ব্যবস্থা ক'রে ছোট মেয়েটিকে সঙ্গে নিয়ে সে ভারতবর্ষে যাচ্ছে...কিন্তু মাত্র এক-বৎসরের জন্তে। তবে পেশোয়ারের গরমে সে থাকতে পারবেনা।

চিঠি পেয়েই গাই সিমলা পাহাড়ে আনানুডেল পাড়ায় একটা ছোট ক্ল্যাট ভাড়া ক'রে ফেলো। পেশোয়ারের উত্তম পথে-প্রান্তরে সে রেজিমেন্টের সঙ্গে ঘুরে বেড়াক...তার স্ত্রী যেন ভারতগভর্নমেন্টের শৈল-রাজধানীর শিখ শৈত্যের সব স্মৃষ্টি কু পায়! মাঝে মাঝে হ'এক সপ্তাহের ছুটি নিয়ে সেই সুখ-শৈলে গিয়ে উঠলেই হবে!

এই সিমলা-যাত্রার পথেই মিসেস্ মেনওয়ারিঙের সঙ্গে মুন্সুর দেখা!

মিসেস্ মেনওয়ারিঙকে মুন্সুর এক অভূতপূর্ব বিশ্বয়ে চেয়ে চেয়ে দেখে...কিসের এক অজ্ঞাত উত্তেজনায় তার হাড়ের ভেতর পর্যাস্ত যেন চঞ্চল হয়ে উঠে। মেমসাহেব তার শুভ্র কোমল হাত দিয়ে তার হাত ধরে, তার পিঠি চাপড়ায়, তার দিকে চেয়ে কি রকম ক'রে হাসে! কোন মেম-সাহেব, মেমসাহেব কেন, কোন স্ত্রীলোকই ওভাবে এত কাছে থেকে তার সঙ্গে এতখানি অন্তরঙ্গভাবে মেশেনি। মনে পড়ে শ্রামনগরে, যখন সে আরো ছোট ছিল, ছোট শীলাকে দেখে তার দেহের ভিতর যেন কি রকম অস্বাভাবিক হতো...মনে পড়ে প্রভুদয়ালের স্ত্রীর কোলের ওপরও সে অনেক দিন বসেছে...লক্ষ্মীকে ভালবেসেছে...কিন্তু আজ মেম-সাহেবকে দেখে এবং মেম-সাহেবের সংস্পর্শে তার মধ্যে অব্যক্ত যে চেতনা জেগে উঠছে, আর কোন দিন সে তা অনুভব করে নি।

তবে একথা ঠিক যে, তার ভীক দরিদ্র চিন্তে, সে কোন বৃহৎ সম্ভাবনার কথা ভাবতেই পারতো না। তাই অর্ধভীত, অর্ধ-আনন্দিত চিন্তে সে শুধু এইটুকু চিন্তা ক'রেই স্থবী ছিল যে, তার বরাতও এই

সান্নিধ্যের শৌভাগ্য জুটেছে। মেমসাহেবের এই যে অযাচিত মেহ, এ কি শুধু দয়া, না তা ছাড়া আর কিছু, সে ভাবতে পারতো না।

তাকে যে কি-কি কাজ করতে হবে, তা সে বুঝতে পারে না। তবে এইটুকু সে বুঝতে পারে যে, সদাসর্বদাই মেম-সাহেবের কাছাকাছি থাকতে হবে, বাতে ক'রে মেমসাহেব ডাকলেই সে হাজির হতে পারে এবং মেমসাহেব যা করতে আদেশ করবেন, তখনই তাই করতে হবে।

ভোর হতেই খানসামা আলা দাদ তাকে ডেকে তুলতো। তখন উল্লুন ধরাতে হতো। উল্লুন ধরলে তাতে মেমসাহেবের চায়ের জল চড়াতে হতো। আলা দাদ তখন মৌজ ক'রে শাদা দাড়িতে হাত বুলোতে বুলোতে প্রাতঃকৃত্য সমাপনের উত্তোগে তামাক টানতো।

তাড়াতাড়ি চা তৈরী ক'রে, ট্রেতে সব জিনিস-পত্র গুছিয়ে, মুরু একবার আলা দাদকে দেখিয়ে নেয়—সব জিনিস ঠিক মত নেওয়া হয়েছে কিনা! তারপর সে-গুলো নিয়ে মেম-সাহেবের শোবার ঘরে গিয়ে হাজির হতে হয়।

ততক্ষণ হয়ত সার্দি ঘুম থেকে উঠে খাবারের জন্তে বায়না ধরেছে।

রাত ছটো কি তিনটির আগে মেমসাহেব ঘুমুতে যেতে পারে না, তাই সকাল বেলা মেয়ের চেষ্টামিচিতে ঘুমের ব্যাঘাত হয়...তজ্রাজ্জিত চোখে মেয়েকে গালাগাল দিয়ে ওঠে। জোর ক'রে তাকে দাঁত মাজতে পাঠাতে হয়, নইলে ছোট হাজরী খেতে পাবে না, ভয় খেখাতে হয়। মেয়েও তেমনি ছরস্তু। মার কথা সাধ্যমত কাণেই তোলে না। যা বায়না ধরবে, তক্ষুনি তাই চাই। অনেকদিন রাগে গস্ গস্ করতে করতে বিছানা থেকে উঠেই মেমসাহেব বেশ ছ'ঘা মেয়ের পিঠে বসিয়ে দেয়—তারপর তাকে চাকরদের কাছে পাঠিয়ে দেয়। নিজে তাড়াতাড়ি একটা ময়লা সার্ট টেনে নিয়ে পা-জামার ওপরে কোন রকমে চাপিয়ে দেয়,

তারপর মাইকেল আর্লেনের 'গ্রীন হাট' খানা খুলে চায়ের কাপে চুমুক দেয়।

মুগ্ন তখন বলবারঘর, বারাণ্ডা বাঁট দিতে শুরু করে। সামনেই বর্ষায়-ভেজা আনানডেলের সবুজ বনানী...বাতাসে পাইনের প্রাণদায়ী সুগন্ধ...

মিসেস মেনওয়ারিঙ নীরবে চেয়ে দেখে, আপনার মনে ক'জ ক'রে চলেছে; মনে ভবেতে চেঁচা করে, ছেলেটা কি ভাবছে! ওরা কি সত্যিই কিছু ভাবে? ইচ্ছা যায়, ছেলেটাকে কাছে ডেকে জিজ্ঞাসা করে, তার সঙ্গে একটু গল্প করে। কিন্তু সে তো চাকর! চাকরের সম্পর্কে এ-সব চিন্তা তার মনে আসে কি করে? মেমসাহেব নিজেই বিস্মিত হ'য়ে ভাবে! সেই সঙ্গে মনে হয়, সে যেন নিজেই মাইকেল আর্লেনের নায়িকা আইরিশ ঈর্ম...জগতের সবাই তাকে ভুল বুঝছে!

নিজের মনেই সে নিজে বলে উঠে, জগৎ কেন বোঝে না, নারী কি ভাবে নিত্য নিজেকে বিলিয়ে দিচ্ছে, কখনো প্রেমে, কখনো ঘৃণায়, কখনো করুণায়, কখনো বা শুধু খেলাচ্ছলে, শতরূপে শতভাবে? কি অধিকার আছে জগতের তাকে বিচার করবার? আজ যদি আমি এই বালকুটার কাছেই নিজেকে সমর্পণ করি, ক্ষতি কি তাতে? কেনই বা আমি তা পারি না?

মুগ্নর তরুণ সজীব দেহ-রেখার দিকে চেয়ে থাকতে থাকতে, তার চপল দ্রুতগতি-ভঙ্গীর সহজ অভিব্যক্তি দেখতে দেখতে, মেমসাহেবর মনের গহন গভীরে কি যেন অব্যক্ত চাক্ষু্য জেগে ওঠে। কিন্তু আইরিশ ঈর্মের মতই তার দেহ ছিল এক রাজ্যে...মন কিন্তু বাঁধা আর এক রাজ্যে। তাই সিমলার আবহাওয়া, যে আবহাওয়াতে স্বভাবতই মানুষের মন আনন্দ-লোভী হয়ে ওঠে, তার ওপর সব দোষ-চাপিয়ে দিয়ে সে উঠে পড়ে, ঘরের মধ্যে পায়চারি করতে করতে দীর্ঘ কালো কেশ এলিয়ে দিয়ে:

দাঁড়াতে শুরু করে। দীর্ঘশ্বাস ফেলে আয়নায় লক্ষ্য করে, কালো চুলের  
দাঁকে ফাঁকে ছ'একটা ক'রে শাদা দেখা দিয়েছে।

মেমসাহেবের প্রসাধন সম্পর্কে মুন্নুর একটা বিরাট কৌতূহল  
ছিল। তাই সে-সময় সে কোন না কোন কাজের অছিলায় ঘরের মধ্যে  
ঘুরতো ফিরতো।

—বয়, গোলকামরা থেকে আমার কাঁচিটা নিয়ে আয়! মেমসাহেব  
আদেশ করে।

কাঁচি নিয়ে মুন্নু যখন দেবার জন্তে হাত বাড়ায়, ইচ্ছা ক'রেই  
মেমসাহেব তার হাত চেপে ধরে,

—ইস, কি নোংরা ছেলে! হাতে কি ময়লা লেগে দেখতো? হাতের  
নোকু গুলোও কাটতে পার না? দেখি, আমি কেটে দিচ্ছি!

মুন্নু আশ্বাসমর্পণ করে।

মেমসাহেব অতি সন্তর্পণে তার সুকোমল হাত দিয়ে মুন্নুর আঙ্গুল  
নাড়াচাড়া করে, মুখে অর্ধ-বিকশিত স্নিগ্ধ হাসি। অগৃহনস্বতার ছলে  
ডান পায়ের ওপর থেকে সুকৌশলে দেহাবরণ সরিয়ে নেয়। মাঝে  
মাঝে ইউ-ডি-কোলনসিক্ত রুমালটা তুলে নিয়ে মুখের সামনে ঘোঁরায়।

ক্ষৌরকার্য শেষ ক'রে মেমসাহেব মুন্নুর দিকে চেয়ে হেসে বলে ওঠে,

—সুন্দর ছেলে! দেখ দেখি, কেমন সুন্দর দেখাচ্ছে! এখন  
একটা বউ হলেই হয়!

মেমসাহেবের সুকোমল স্পর্শে তখন মুন্নুর শরীরের ভেতর তরঙ্গ জেগে  
উঠেছে....সেই উষ্ণ স্রবাসের মাদকতায় তার মস্তিষ্ক যেন আচ্ছন্ন হয়ে  
আসছে....সেই একান্ত মধুর অস্বোয়াস্তির লজ্জা থেকে আশ্রয়ক্ষার জন্তে  
সে মাথা হেঁট ক'রে থাকে....কিন্তু রক্তে তখন তার আশ্রণ লেগে  
গিয়েছে। সে আর নিজেকে ধরে রাখতে পারে না। হঠাৎ মেমসাহেবের

পায়ের তলার লুটিয়ে প'ড়ে সেই দুটা নরম রাঙা পা জড়িয়ে ধরে...মন  
চুষনে আর দুর্বীর অশ্রুতে ভিজে যায় রাঙা পা ।

মেমসাহেব চেয়ার ছেড়ে ছিটকে উঠে পড়ে, লাধি মেরে মুন্নুকে  
সরিয়ে দেয়, লরু গলায় চাঁৎকার ক'রে ওঠে, এত বড় আশ্পদা!  
বেয়াদপ! শিগ'রী উঠে কাজে যা...জলদি ব্রেক-ফাষ্ট লে আও!  
যাও!

মহা-অপরাধীর মত মুন্নু ছুটে ঘর থেকে বেরিয়ে চাকরদের ঘরে  
গিয়ে ওঠে, ভাবে, এ কি ক'রে ফেলো সে! কি ক'রে মেমসাহেবের  
'সামনে সে আবার মুখ তুলে দাঁড়াবে? যেতেই হবে...ব্রেকফাষ্ট  
তৈরী...মেমসাহেবের এখুনি চা দরকার!

ট্রে তুলে নিয়ে ঘরে ঢোকে ।

ছোট্ট সার্সি তার বিপদ বাড়িয়ে তুলে। খাবার দেবার জন্তে নীরবে  
সে টেবিল সাজাচ্ছিল...হঠাৎ শিশুশুলভ কৌতুহলে ছোট্ট সার্সি জিজ্ঞাসা  
ক'রে উঠলো,—কীদছো কেন মুন্নু? ম্যামি বকেছে বৃষ্টি?

মুন্নু কোন উত্তরই দেয় না ।

মিসেস্ মেনওয়ারিঙের ব্রেকফাষ্ট শেষ হতে লাগে প্রায় চার  
ঘণ্টা। ইংলণ্ডে থাকবার সময় তার ধারণা হয় যে, তার কোন কঠিন রোগ  
হয়েছে। নানা ওষুধ-পত্র খেয়ে, যখন কোন ফল হলো না, কারণ  
আসলে কোন বিশেষ রোগই তো হয় নি, তখন একজন নেচাৰ-কিওর  
বিশেষজ্ঞ উপদেশ দিলেন যে, ওসব ওষুধ-পত্র বাজে...রোজ ব্রেকফাষ্টের  
সময় যদি তিনি অল্প কোন খাণ্ড গ্রহণ না ক'রে, শুধু ফল খান, তাহলে  
তাঁর সব রোগ সেরে যাবে। সেই ব্যবস্থা মেমসাহেবের কাছে রীতিমত  
বিজ্ঞ এবং বৈজ্ঞানিক বলে মনে হলো, কারণ সারা সকালটা চেয়ারে  
বসে একটা একটা ক'রে ফল ছাড়িয়ে খেতে খেতে দুপুর এসে যেতে  
...আগেল, বেদানা, শ্বাসপাতি থেকে আরম্ভ ক'রে খোলা-ছাড়ানে

দুটিটা বাদাম পর্যন্ত, মেমসাহেবের ব্রেকফাস্ট-টেবিলে বাজারের সেরা সব ফলই সাজানো থাকতো। এই ওষুধের ব্যবস্থার ফলে মেমসাহেবের অসুখ ভাল হয়ে উঠছিল, তাই এ ওষুধ পরিবর্তন করা দে আর প্রয়োজন বোধ করে নি।

ব্রেকফাস্ট শেষ হতে না হতেই টিফিন এসে হাজির হতো।

সেদিন টিফিন সেরেই মেমসাহেব হুকুম করলো, আলাদাদ, রিক্সা গোলাও! তিন কুলি....চৌঠা কুলি মুনুকো জোড় দেও!

সিমলার উচু-নীচু পাহাড়ে-পথে চারজন কুলিতেই একটা রিক্সা টানে। এবং ভারতের এই শীত-রাজধানীর পথে রিক্সা গাড়ীই এক মাত্র যান-বাহন। শুধু সেই শৈলবাসী তিনজন ভাগ্যবান মোটর বা অথচালিত অথ যান ব্যবহার করতে পারেন। বড়লাট, কমান্ডার ইন্-চীফ এবং পঞ্জাবের গভর্নর। এই তিনজন ছাড়া, আর কোন ব্যক্তিই, তিনি মহারাজাই হোন আর পার্লামেন্টের সভ্যই হোন, সিমলার পথে রিক্সা ছাড়া অথ কোন যান ব্যবহার করতে পারেন না।

কিছুক্ষণ রিক্সা টানার পর, মুনু বুঝলো, ব্যাপারটা প্রথমে সে বা আন্দাজ করেছিল, মোটেই তা নয়। মোহন রিক্সাওয়ালার কাছে সে শুনেছিল, রিক্সাটানা রীতিমত একটা আর্ট। বহুদিনের কসুরতের পর এই আর্ট আয়ত্ত করা সম্ভব। বহু জিনিশ অভ্যাস করতে হয়, কি ক'রে দম ধরে থাকতে হয়, কি ক'রে পায়ের কায়দায় 'বালাল' ঠিক রাখতে হয়, খাড়া নীচে নামবার সময় মোটরের ব্রেকের মত কি ক'রে পা ছটীকে ব্যবহার করতে হয়....একটু অসাধনতা, একটু অপটুতার ফলে অনর্থ ঘটে যেতে পারে।

মুনু তখন এ-সব কথা হেসেই উড়িয়ে দিয়েছিল, এখন বুঝলো তা অক্ষরে অক্ষরে সত্য।

কিন্তু দমবার, পাত্র সে নয়। শরীরের সমস্ত শক্তি দিয়ে সে তার অপটুত্বকে মানিয়ে নিতে চেষ্টা করে। ফলে, তার শ্বাস-যন্ত্রের ওপর অত্যধিক চাপ পড়তে থাকে। হাঁপিয়ে ওঠে, যেন দম ফুরিয়ে যায়। কিন্তু তবুও সে দমে না। সহকর্মীরা তার ঐকান্তিকতা দেখে, সাবাস্ দেয়, সাবাস্ ভাই, সাবাস্!

ক্রমশ রিক্সা “ম্যালে” প্রবেশ করে। ছ’ধারে স্নসজ্জিত সব দোকান ...মুন্সু দেহের শাস্তির কথা ভুলে গিয়ে সেই দিকে চেয়ে চেয়ে অগ্রসর হয়। নানাভাবে সজ্জিত বৃহত্তর জীবনের সেই সব মহামূল্য উপকরণ তার চিত্তকে চুষকের মত আকর্ষণ করে। ‘হোয়াইটওয়্যে লেড্‌ল’, লরেন্স এণ্ড মেয়ো, সাহেব সিং এণ্ড কোং...একে একে সকলের পাশ দিয়ে সে এগিয়ে চলে। দর্শকদের দৃষ্টি-আকর্ষণ করবার জন্য প্রত্যেক দোকানে কাঁচের ভেতর-থরে থরে সাজানো সব বিচিত্র উপকরণ... প্রত্যেকটা জিনিস যেন মুন্সুকে নাম ধরে ডাকে...মুন্সু শুধু চেয়ে চেয়ে দেখে...একটা দোকান পেছনে পড়ে যায়...আর একটা আসে...

ড্যাভিকোর হোটেলের সামনে মেমসাহেবের রিক্সা এসে থামে, সেখানে মেমসাহেবের চায়ের নিমন্ত্রণ আছে।

মুন্সু গলা বাড়িয়ে, হোটেলের মুক্ত দরজা দিয়ে, ভেতরে কি হচ্ছে দেখতে চেষ্টা করে, ইংরেজরা নিজেদের মধ্যে কি ক’রে, কি ভাবে চলে ফেরে, তা দেখবার, জ্ঞানবার, কৌতুহলের তার অন্ত নেই।

রিক্সা-টানার টুকাজের প্রথম দিনের অভিজ্ঞতার ফলে স্নাত্তিতে মুন্সুর জোরে জর এলো।

ফেরবার সময়ই তার মনে হচ্ছিল, তার পায়ের হাড়গুলো সব যেন ভেঙ্গে গিয়েছে। ঘরে এসে সে আর দাঁড়িয়ে থাকতে পারলো না। সমস্ত দেহ ঝিম-ঝিম করতে লাগলো। সে শুয়ে পড়লো। কিন্তু তাতেও কোন শাস্তি দেখা দিল না। মনে হলো তার গলা যেন

শুকিয়ে কাঠ হয়ে গিয়েছে। উঠে, ঢক্ ঢক্ ক'রে এক কুঁজো জল খেয়ে ফেলো। কিন্তু পরক্ষণেই আবার ঘেন গলা শুকিয়ে এলো। হাত দুটো ঘেন আপনা থেকে ছমড়ে যাচ্ছে...দেহ থেকে পা দুটো ছিঁড়ে পড়ছে। শরীরের ভেতর রক্ত ঘেন টগবগ ক'রে ফুটছে।

আলাদাদ বাজারে গিয়েছিল। বাজার থেকে ফিরে ঘরে ঢুকতে, অন্ধকারে দেখতে না পেয়ে, মুল্লুর গায়ের ওপর সে ছমড়ি খেয়ে পড়লো, কে? কে এখানে?

মুল্লু কোন উত্তর দিতে পারলো না। শুধু অক্ষুট কাংরণীতে তার অস্তিত্ব জানিয়ে দিল। আলাদাদ গায়ে হাত দিয়ে বুঝলো, জ্বর হয়েছে। মেমসাহেবকে খবর দেবার জন্তে ছুটলো।

মেমসাহেব চিন্তিত হয়ে পড়লো। সে আর ষাই হোক, সে-ও মা। ছুটী অপগণ্ড শিশুর সে জননী। তার ছোট ছেলেটির জ্বর হ'লে, সে যে-রকম ভীত, বিব্রত হয়ে পড়ে, মুল্লুর জ্বরের কথা শুনে তেমনি বিব্রত হয়ে উঠলো। তাড়াহাড়াই মুল্লুকে তুলে নিয়ে, দোতলায়, যে-ঘরে তার ছেলে থাকে, সেইখানে তাকে গুইয়ে দিল। মুল্লু নিজে প্রতিবাদ ক'রে উঠলো...সে চাকর...দোতলার ঘরে কি ক'রে সে শোবে!

মিসেস্ মেনওয়ারিঙ সে-কথায় কর্ণপাত না ক'রে, ডাক্তার ডাকতে পাঠালেন। ষা তা ডাক্তার নয়, মেজর মার্চেন্ট, সিমলার হেলথ অফিসর, তাঁকেই নিয়ে আসা হলো।

মেজর মার্চেন্ট এসে যথারীতি রোগীকে দেখলেন, টেম্পারেচর নিলেন, ওষুধের ব্যবস্থা লিখে দিলেন। যথারীতি রোগীকে উৎসাহ দিয়ে বলে উঠলেন, ডরো মত, আভা আচ্ছা হো যায়ে গা!

কিন্তু চলে যেতে পারলেন না। মিসেস্ মেনওয়ারিঙ সম্পর্কে তাঁর ভীত কৌতুহল জেগে উঠলো। একজন খেতাব রমণী, তার কাল



-নেটিজ্ চাকরকে কিশোর জন্তে দোতলার ঘরে, তার নিজের ছেলের শস্যর পাশে, স্ততে দিতে পারে ?

মার্চেন্ট এক জন ভারতীয় ক্রিস্টান। ভারতবর্ষে সাধারণত বাবা খৃষ্ট-ধর্ম গ্রহণ করে, তাদের অনেকেই মত, তিনি ছিলেন একজন দেশী মুতীর ছেলে। একজন ইংরেজ মিশনারী দয়াপরবশ হয়ে শিশুকালে তাঁকে মিশনের আশ্রমে নিয়ে এসে লেখাপড়া শিখিয়েছিলেন। তারপর সেই পাদ্রীদের সাহচর্যে নানারকম উত্থান-পতনের মধ্যে দিয়ে তিনি ইংরেজদের সঙ্গে গায়ে গা-ঘেঁসে এগিয়ে চলতে থাকেন। পড়বার জন্তে ইংলণ্ডে বাস করবার সময় ইংরাজ-সমাজে মেলামেশার ফলে ক্রমশ নিজেকে একজন পাকা ইংরেজ রূপেই তিনি ভাবতে অভ্যস্ত হয়ে পড়েন। এই বিশ্বাসের মূলে তিনটি জিনিস বিশেষভাবে তাঁকে সাহায্য করে, প্রথম, ছেলেবেলা থেকে ইংরেজ মিশনারীদের সঙ্গে মেলামেশার ফলে তাঁর ইংরাজী উচ্চারণটা দোরস্ত হয়ে গিয়েছিল, দ্বিতীয়, ইংলণ্ডে কোন থিয়েটারের কোরাস-দলের একটা মেয়েকে বিবাহ করবার সৌভাগ্য তাঁর ঘটে, তৃতীয়, যুরোপীয় ভাব-হাব আশ্রয় করবার তাঁর একটা স্বাভাবিক প্রতিভা ছিল। তাই জীবনের আরম্ভ-মুখে বুদ্ধিমানের মত, নিজের মুতী নাম বদলে মার্চেন্ট ক'রে নিয়েছিলেন। তাই মিসেস্ ম্যানওয়ারিঙের গায়ের রঙের দিকে চেয়ে তাঁর বুঝতে দেবী হয় নি যে, তাঁদের ছ'জনেরই গায়ের রঙের ঈষৎ মলিনতা একই রক্ত-মূল থেকে এসেছে।

কগীর ঘর থেকে বেরিয়ে বাইরের ঘরে এসেই তিনি জিজ্ঞাসা করলেন, এ ছেলেটা কে, মিসেস্ ম্যানিঙ ?

—আমার চাকর...বসেতে পেয়েছিলাম...হাঁ...দেখুন...আমার নাম ম্যানিঙ্ নয়, ম্যানওয়ারিঙ, মিসেস্ ম্যানওয়ারিঙ !

মেজর ভাড়াভাড়ি নিজের ছুল শুধরে নেবার চেষ্টায় বলেন, মাপ করবেন! আপনার খানসামা গিয়ে বলো, ময়না, না, কি, ঠিক বুঝতে পারলাম না.....তাই ধরে নিয়েছিলাম বোধ হয় ময়না নয়, ম্যানিঙই হবে!

—ভুলটা শুধরে নিন্ এবার.....মেনওয়ারিঙ! ঠিকমত উচ্চারণ করা একটু শক্ত বোধ হয়!

মেজর সে-প্রচ্ছন্ন আঘাত বুঝতে পারেন। বুঝেই এবার আরো স্পষ্ট ক'রে তিনিও প্রতি-আঘাত করেন, যাক, আপনার নামটা উচ্চারণ করা কঠিন হলেও, আপনি কিন্তু খুব কঠিন লোক নন্! সিমলাতে অস্ত্র বে-সব এ্যাংলো-ইণ্ডিয়ান আছে, তারা একেবারে, যাকে বলে যাচ্ছেতাই! তাই না?

মিসেস্ মেনওয়ারিঙ জবাব দেন, হবে!

কথাটা একটু পালটে নেবার জ্ঞেই মেজর জিজ্ঞাসা করেন, আপনি কতদিন সিমলাতে আছেন?

—আমি মাত্র এই ক'দিন হলো হোন্ থেকে এসেছি!

—তাই নাকি?

হোমের নামে মেজরের চোখ আনন্দে যেন জ্বলে ওঠে। মিসেস্ মেনওয়ারিঙ সেইটুকুতেই খুণী হয়ে ওঠেন, একটা চেয়ার এগিয়ে দিবে বলেন, দাঁড়িয়ে থাকবেন কতক্ষণ? বসুন। একটা পেগ্ ইচ্ছা করেন যদি....

মাে ঊর্গট চেয়ার টেনে জমে বসেন।

—তাহলে বলুন, হোমের এখন খবর কি?

হোমের গল্প করতে করতে মিসেস্ মেনওয়ারিঙের নিমন্ত্রণ রক্ষা করতে যাবার সময় হয়ে এলো। নিচের তলায় ষ্টুয়ার্টদের গুথানে মেমসাহেবের ডিনারের নিমন্ত্রণ! হঠাৎ একটু কথা বলতে গিয়ে তারা দু'জনেই

দেখলো, এত কথা তাদের ছুঁজনের মধ্যে বলবার আছে যে, এক-আধ ঘণ্টার মধ্যে তা শেষ করা সম্ভব নয়। তাই মেমসাহেব আগামী কাল চায়ের নিমন্ত্রণ ক'রে বসলো। মেজর আনন্দে তা গ্রহণ ক'রে বিদায় নিলেন।

ততক্ষণ মুন্সু দোতালার ঘরে শুতে পাওয়ার অসম্ভব সৌভাগ্যে জ্বরের নিদারুণ স্বপ্ননা চুপটা ক'রে সহ ক'রে থাকবার চেষ্টা করছিল।

জ্বর থেকে সেবে উঠে মুন্সুকে সেই পুরানো চাকরীই করতে হয়... বাড়ীতে মেমসাহেবের খাস বেয়ারা—বাইরে, মেমসাহেবের চারজন রিকসা-কুলীর মধ্যে একজন।

মেমসাহেবকে রোজই বাইরে বেরতে হয়, চায়ের নিমন্ত্রণ, বাজার করা, কিছা বায়ু-সেবন...যে কোন একটা কারণেই হোক! সিমলার মধুময় অলস জীবন তাঁর বড় ভাল লেগে গিয়েছিল।

তিনি বুঝেছিলেন, খেতাজ রমণীর পক্ষে ভারতবর্ষ হলো স্বর্গ-ভূমি। এতদিন ইংলণ্ড থেকে এত সাধ্য-সাধনা ক'রে তিনি যে তাঁর গায়ের ঈষৎ মলিন রঙটুকু ধুয়ে মুছে পাকা শাদা ক'রে এনেছিলেন, এখন দেখলেন, তা প্রভূত কাজে লেগেছে।

অপচয় করবার মত এখানে অকুরন্ত সময়, সুযোগ ও সুবিধা। কারণ আজও পর্যন্ত জগতের মধ্যে ভারতবর্ষ একমাত্র জায়গা যেখানে চাকর সত্যিসত্যিই চাকর...তাদের ওপর নির্ভর ক'রে ভূমি অনায়াসে সকালে চেয়ারে হেলান দিয়ে আর সারা ছপুর, বিকেল পর্যন্ত, ঘুমিয়ে কাটাতে পার, তোমার মুখের সামনে রান্না তৈরী ক'রে তোমার বয় এবং খানসামা তুলে ধরবে। ভারতবর্ষ একমাত্র জায়গা, যেখানে বাইরে থেকে ভূমি ঘুরে এসে, বাড়ীতে ঢুকেই যেখানে সেখানে তোমার

পোষাক-পত্র ছিঁড়ে ফেলে দিতে পার, এই বিশ্বাসে যে, তোমার চাকর তাকে সাজিয়ে গুজিয়ে ভাঁজ করে, ধূলা খেড়ে যথাস্থানে আবার ঠিক ক'রে রেখে দেবে। যদি ছিঁড়ে যায় তারাই রাত জেগে নিখুঁত ভাবে সেলাই করে রেখে দেবে....

এখানে এখনও পর্যন্ত তুমি মাত্র এক শিলিঙ খরচ করে সারাদিন ঘুরে বেড়াবার জন্যে একটা “পনি” ঘোড়া ভাড়া পেতে পার।

ঘণ্টায় মাত্র চার পেন্স খরচ করে চারজন-মানুষে-টানা রিকসা পাবে।

এক ডজন ডিম পাবে ছ' পেন্সে।

কাপড় পিছু এক ফার্ডিঙ হিসেবে এখানে ধোপা সুন্দর ভাবে তোমার কাপড় কেচে দেবে।

এখানে বসে তুমি প্যারিসের “লেটেষ্ট” ফ্যাশন দেখতে পাবে।

অবসর-বিনোদনের জন্তু এখানে সুন্দর সুন্দর হোটেল, বড় বড় নাচ-ঘর, নাইট ক্লাব, সবই আছে।

এখানকার সিনেমায় দেখতে তুমি হোলিউডের তাজা “রিলিজ” পাবে।

ইচ্ছা করলে এখানে তুমি তিনটে কি চারটে ক্লাবের সভ্য একসঙ্গে হতে পার এবং পরের ঘাড়ে মত খুশী তত কক্টেল্ খেয়ে ষাও, ডজন ডজন সিগারেট পোড়াও, কারণ এখানে তামাকের ওপর ট্যাক্স নেই.... একটিন প্লেয়ারের দাম মাত্র এক টাকা।

এখানে পাশ্চাত্যজগতের সমস্ত বিলাসিতা, সমস্ত সুখভোগের উপকরণ পূর্বজগতের কড়ির দামে বিকিয়ে যায় ; তাই বিলেতের এঁদো গলির চুনো-পুটি এখানে মে-ফেয়ার আর পিকাডেলীর বড় সাহেব।

অবশ্য, মিসেস মেনওয়ারিঙ এই স্বর্গ-সুখ ষোলো আনাই ভোগ করতে পেতেন না। মাঝে মাঝে ক্রতভাবে তাঁকে নিজের দেহের আলো-জ্বাধারীর

দ্বন্দ্ব সচলেন হয়ে উঠতে হতো। খেতাবদেবর মুনিয়ন জ্যাক ক্লাবে ভক্তি হতে গিয়ে সেদিন তা মর্শ্ব মর্শ্ব বুঝতে পেরেছিলেন। সে-ক্লাবের সভ্য হবার অনুমতি তিনি পেলেন না। তিনি যতই চেষ্টা করে নিজের আসল-রঙকে লুকোবার চেষ্টা করুন না কেন, কানা-ঘুঘোর হাত এড়িয়ে যাওয়া বড়ই ভাগ্যের প্রয়োজন। তবুও, সব জড়িয়ে, তিনি আনন্দেই ছিলেন।

ইতিমধ্যে মুন্সুও সেই জীবনে অভ্যস্ত হয়ে উঠেছিল।

বাইরে বেড়াবার সময় রিকসাতে চড়ে, মিসেস্ মেনওয়ারিঙ তাঁর ছোট্ট মেয়েকে কাণে কাণে যখন বলতেন, ঐ দেখ, মেজর জেনারেল ক্লড্ হ্যারিঙ টন যাচ্ছেন!.....ঐ উনি হলেন, স্যার জীজীভাই ইসমাইল .....চম্বার অফ কমার্সের প্রেসিডেন্ট.....ঐ লেডী রফ ফী, স্মার এন্ রফ ফী, ভাই সর্য়ের কাউন্সিলের সদস্য, তাঁর স্ত্রী...ঐ পণ্ডিত দ্বারকা প্রসাদ, কংগ্রেস-নেতা ঐ লাম্‌ডীর মহারাণী...তখন ছোট্ট সার্সি কি বুঝতো তা সে-ই জানতো, কিন্তু মুন্সু কাণ খাড়া করে শুনতো.....একটা কথাও যেন হারিয়ে না যায়.....সেই এক নিমিষের দৃষ্টিতে প্রত্যেক মহাপুরুষের ছবিই তার মনে গাঁথা হয়ে যেতো।

কিন্তু ঘনায়মান সন্ধ্যার আনন্দ-উৎসবের অয়োজনের মধ্যে দিয়ে যখন বাড়ী ফিরে আসতো, তখন সে আবার বিষন্ন হয়ে পড়তো। মনে হ'তো, এই পৃথিবীতে সে একা...আপনার বলতে কেউ নেই তার। সারাদিনের পরিশ্রমে পিঠটা কন্ কন্ করে উঠতো—এক এক মিনি এমন ব্যথা ধরতো যে উঠতে বসতে পর্যন্ত কষ্ট হতো। একদিন খুঁড় ফেলতে গিয়ে দেখলো, খুঁড়টা লাল।

তা নিয়ে বিশেষ কিছু মাথা ঘামানোর যে প্রয়োজন আছে, তা তার মনেই হলো না। রান্নাঘরে গিয়ে যথাসাধ্য আলা দাদকে সাহায্য করে। কারণ আজকাল মেজর মার্কেট প্রায় প্রতিদিনই ডিনারে নিমন্ত্রিত হয়ে আসছেন।

মাঝখানেে মাত্র এক সপ্তাহের ছুটিতে মেনওয়ারিঙ বাড়ী এসেছিল। আসবার সময় সাহেব পেশোয়ার থেকে একটা মস্ত বড় খরমুজা নিয়ে এসেছিল। মুন্নুকে সাহেব নিজের তা থেকে খানিকটা খেতে দিয়েছিল। সাহেবদের সম্পর্কে মুন্নুর যে অভিজ্ঞতা গড়ে উঠেছিল, তাতে সে ধরে নিয়েছিল, সাহেবরা বোধহয় হাসে না। কিন্তু মেনওয়ারিঙ সাহেবকে দেখে তার সে-ভুল ভেঙ্গে গেল। সাহেব না হেসে তার সঙ্গে কথা বলতো না। মুন্নুর বড় ভাল লাগতো। শারা মন দিয়ে সাহেবের কাজ করে সে বোঝাতে চেষ্টা করতো সাহেবকে তার কতখানি ভাল লেগেছে। কিন্তু সাহেব কি তা বুঝতো? মুন্নু মনে মনে ভাবে, অন্তসব সাহেব গুলো মেনওয়ারিঙ সাহেবের মত নয় কেন? তবে এই সাতদিনের মধ্যে গোড়ার দিকে সাহেবকে যতখানি হাসিখুশী দেখেছিল শেষ তিন দিন কিন্তু সাহেবকে আর সে-রকম দেখা গেল না। কেমন যেন ভার-ভার, বিমর্ষ। মুন্নু তার কারণ বুঝবার আগেই সাহেব আবার চলে গেল।

মার্কেট সাহেবকে সে ছুচোখে দেখতে পারতো না। মার্কেটও তাকে দেখলে যেন খিঁচিয়ে উঠতো। এসে যদি দেখতো, মুন্নু মেমসাহেবের মেয়ের সঙ্গে একসঙ্গে খেলা করছে, অমনি রেগে ভেড়ে উঠতো। সে এলে মুন্নুর আর গোলঘরে ঢোকবার হুকুম ছিল না। তা'ছাড়া, বেড়াবার সময়, সাহেবটা অকারণে রিকসাওয়ালাদের, বিশেষ করে তাকে খাটিয়ে মারতো। সাহেব বোড়ায় চড়ে আগে আগে যেতো। ঘোড়ার সঙ্গে পাল্লা দিয়ে তাদের রিকসা টানতে হতো। মুন্নুর বুকে চাড়া লাগতো। দম একেবারে ফুরিয়ে যেতো। সমস্ত শরীরটা কাঁপতে থাকতো।

একদিন মেমসাহেবকে নামিয়ে তারা রিকসার আড়ায় বিক্রয় করছে।

মুন্নুকে দেখেই আড্ডার একজন কুলী ঠাট্টা করে বলে উঠলো, এই যে মেমসাহেবের কুলী এসেছেন !

মুন্নু তাদের সঙ্গে বচসা করতে গিয়ে থেমে যায় ।

অল্প আঁর একজন উপদেশ দেয়, ও-মেম-সাহেবের কাজ ছেড়ে দে । বাড়ীতে চাকরের কাজ করিয়ে নেবে—আবার রাস্তার কিসা ঠেলাবে ! এক পরসায় ডবল মজা !

মোহন তার কথায় সায় দেয়, সেই জন্তেই তো ক্ষয়কাশে মরতে বসেছে...দেখছিন্ না, এই বয়সেই ওর চোখ কি রকম গর্ভে ঢুকে গিয়েছে...ফ্যাকাসে মুখ....

—দেখি, তোর নাড়ী আছে, না নেই, একজন হেসে বলে ওঠে ।

—রেখে দে তোদের ঠাট্টা, ভাল লাগে না...দেখি একটা সিগারেট ! মুন্নু হাত বাড়ায় ।

সেদিন রাত্রি-ভোর তাঁর কাসির শব্দে আলাদাদ ঘুমুতে পারলো না ।

মুন্নু স্বাফ চেয়ে বলে, সন্ধ্যাবেলায় আড্ডায় একটা সিগারেট খেয়েছিলাম...সেইজন্তেই....

পরের দিন দাঁত মাজবার সময়, সে দেখলো কাসতে গিয়ে খানিকটা রক্ত পড়লো । আলাদাদ এবং হয়ত তার নিজের কাছ থেকেও লুকোবার জন্তে, সে তাড়াতাড়ি এক মুঠো ছাই নিয়ে এলে তার ওপর চাপা দেয় । সারাদিন কাজের মধ্যে বতই সে, ভুলতে চেষ্টা করে, ততই সেই একটুখানি রক্ত তাকে উদ্মনা করে তোলে । কল্পনার নানারকম

বিভীষিকা দেখে আতঙ্কিত হয়ে ওঠে। তবে মোহন যা বলেছিল তা সত্যি? সত্যিই কি আমি মরতে বশেছি? ক্ষয়কাশ কাকে বলে তা সে জানে না...মনে মনে ঠিক করে নেয়, এই যে বুকে ব্যথা, আর এই রক্ত...হয়ত এই হলো ক্ষয়কাশ।

একবার তার মন বলে ওঠে, হ্যাঁ, এই ক্ষয়কাশ...

আবার সেই সঙ্গে মন প্রতিবাদ করে ওঠে, না, তা নয়...বিড়ি আর সিগারেট খেয়ে গলায় ঘা হয়েছে...এই রক্ত সেই গলার ঘা থেকে এসেছে।

গত তিন বছরের মধ্যে এমন অনেক সময় হয়েছে, যখন সে ভেবেছে, মরলেই ভালো...কিন্তু আজ যখন সর্বশেষের সুনিশ্চিত বাণী নিয়ে মৃত্যুর মহা-জিজ্ঞাসা বড় বড় আখরে তার সামনে ফুটে উঠলো তখন অন্তরের অন্তরতম স্থল থেকে সে বলে উঠলো, না, না, আমি মরতে চাইনা! মরতে চাইনা!

সত্যমিথ্যা কাকে জিজ্ঞাসা করবে? অনেক ভেবেচিন্তে তার হঠাৎ মনে পড়লো রতনের কথা...তাকে সব কথা সে নিজে জানাবে...তার উপদেশ চেয়ে পাঠাবে। সেই অসহায় নিঃসঙ্গ অবস্থায় ক্রমশ সে বেপরোয়া হয়ে উঠছিল, একটা যা হোক কিছু করতে হবে! যে রতনের কথা, সে একেবারে ভুলেই গিয়েছিল, তাকেই চিঠি লিখবে সে...সে তার পুরোনো বন্ধু! আর রতন যদি মরে গিয়ে থাকে, তবে তারই বা মরতে আপত্তি কি থাকতে পারে? আর পালায়ান যদি বেঁচেই থাকে, চিঠি পেলে নিশ্চয়ই তাকে সাহায্য করতে সে আসবে।

সেদিন সকাল থেকে মেমসাহেবকে বড়ই উতলা দেখাচ্ছিল। লাটসাহেবের বলু-নাচে মেম-সাহেব বাবে, তারই আয়োজন চলছিল। নূরুকে তাড়াতাড়ি পাঠালো দরজীর বাড়ী, চীনা-মুচী হোণ্ডায়ের কাছে এবং সেই সঙ্গে মার্চেন্ট সাহেবের কাছে! ফেরবার



পথে পোষ্টঅফিসের সামনে দাঁড়িয়ে সে রতনকে সব কথা জানিয়ে চিঠি লিখলো। চিঠির শেষে জানালো, বধে ফিরে আসার জন্যে সে সত্যিই ব্যাকুল।

মার্চেন্ট সাহেব আবার মুন্সুকে পাঠালো পলিটিক্যাল ডিপার্টমেন্টের মিঃ দাসের কাছে একটা জরুরী চিঠি দিয়ে। যেমন করে হোক, বড়-লাটের নাচে প্রবেশাধিকারের জন্তে তাঁকে একটা টিকিট জোগাড় করে দিতেই হবে।

মুন্সু যখন কাজ সেরে ফিরছিল তখন সিমলার পাহাড়ের মাথায় মাথায় বর্ষার কালো মেঘ ধরে ধরে জমে উঠছিল। বাংলা আর প্রায় একশো গজ দূরে, এমন সময় মাথার ওপর ঘন কালো মেঘে বজ্র ডেকে উঠলো। বারাণ্ডায় পা দেওয়ার সঙ্গে সঙ্গে তাঁরের মত বর্ষার ধারা নেমে এলো।

ঘণ্টার পর ঘণ্টা সমানে চলো বর্ষণ...মুহুমুহু বজ্রের বিধোষে পর্বত-ভূমি অম্লরসিত হয়ে ওঠে...বিদ্যৎ ঝিলিকে সিমলার শ্যাম অরণ্যানী সেই বর্ষাঘন-অন্ধকারে বড় অপকূপ লাগে মুন্সুর চোখে।

তারপর ধীরে ধীরে উত্তর দিক থেকে বাতাস এসে মেঘ গুলোকে প্রাস্তরের দিকে টেনে নিয়ে যায়, যেখানে বজ্রাঘাতিত শতদ্রু পড়ে আছে ঘন গলিত রৌপ্যের সমুদ্র।

দু'তিন ঘণ্টা বিরামের পর আবার সেই বৃষ্টি আর বিদ্যৎ আর বজ্র... এমনি চলে তিন দিন ধরে। বন্ধ ঘরে অসুস্থ দেহে ভারাক্রান্ত হয়ে ওঠে মন।

আকাশ একটু পরিষ্কার হলে, মুন্সু রিকসার আড্ডায় বেরিয়ে পড়লো, মোহনের সঙ্গে গল্প করবার জন্তে। একটু সহায়ত্বভূতি, একটু স্নেহের স্পর্শের সংগোপন লোভ!

মোহন তখন তার কুঁড়ে ঘরের দাওয়ায় বসে গল্প-শুভব করছিল। আরো দশ বারো জন কুলি সেখানে জমায়েত হয়েছে, কেউ কেউ বেঁচে বসেছে, কেউ বা শুয়ে পড়েছে।

মুন্নুকে দেখে দুজন বলে উঠলো, আয়ে এসো, এসো!

মোহন একটা চট পেতে দিল। মুন্নুর মনে হলো, বুড়ো কুলিরা যেন তাকে আপাদমস্তক নিরীক্ষণ করছে।

চারদিকে খাওয়া-দাওয়ার ব্যাপার লক্ষ্য করে মোহনকে সে জিজ্ঞাসা করে, কি ব্যাপার মোহন ভাই? এত পিঠের ছড়াছড়ি যে?

মোহনের জবাব দেবার আগেই একজন কুলী বলে উঠলো, আয়ে, মেমসাহেবের চাকর হয়েছি বলে কি, দেশের পালা-পার্কণ ভুলে গেলি? আজ যে ঝলন!

মোহন মুন্নুকে সান্ত্বনা দেবার জন্যে বলে ওঠে, ওদের কথায় কিছু মনে করিস না! ওরা সব খুইয়ে মুখসর্কষ হয়েছে!

সে প্রসঙ্গ চাপা দিয়ে আর একজন কুলী বলে ওঠে, সে বাই হোক ভাই! আমার কথাটা ভুলো না কিন্তু! আমার বিয়ের দরুন চৌধুরীর কাছ থেকে কিছু টাকা ধার করে দিতেই হবে!

মোহন বলে, মিছামিছি আর টাকা ধার করো না! শেষকালে তো পেট মোটা মহাজনের গোলাম হয়ে থাকতে হবে! আর তোর বিয়ে করবারই দরকার কি? বিয়ে করেই তো বউকে ফেলে এখানে ছুটে আসবি রিকসা টানবার জন্যে? শরীর যা হয়েছে, তাতে যে কোনদিন স্রেফ পড়ে মরে যাবি।

মোহনের কথার প্রতিধ্বনি করে আর একজন কুলী বলে ওঠে, বা বলেছিলাম। বলি, তোর শরীরে আছে কি, যে বিয়ে করবি?

সকলে হেসে ওঠে।

যাকে নিয়ে হাসি সে মুখভার করে জিজ্ঞাসা করে, তাহলে  
করবো কি ?

মোহন বলে, বাড়ী ফিরে যা ! আমার কথা শোন, বাড়ী গিয়ে  
জমিতে চাষ করগে যা !

—জমি নেই...জমি তো আগেই বাধা পড়ে গিয়েছে !

—তা'হলে চল, সবাই মিলে গিয়ে জমিদারকে সরিয়ে জমিটা আগে  
দখল করি ! আমি তোদের বোঝাতে চাই, মাথার ঘাম পায়ে ফেলে  
যে জিনিস তোরা তৈরী করবি, সে-জিনিসে তোদের অংশ আছে, সে  
অংশ তোদের দাবী করে আদায় করতে হবে !

মোহনের উচ্চসে বাধা দিয়ে অগ্র আর একজন কুলী বলে ওঠে, ও-  
সব ধার-করা বড় বড় কথা রেখে দে তোরা ! আমরা এইখানেই  
আসবো, কাজ করবো, হুকো টানবো, তাস খেলবো আর ভাড়া পেলো,  
মরতে মরতেও রিক্সা নিয়ে ছুটবো !

মোহন চীৎকার করে ওঠে, তোরা তাহলে চাস্ যে ওরা ওদের মেরেই  
ফেলুক ! কে তোদের বাঁচাতে পারে বল ! তোদের মাথাতে পেরেক  
দিয়ে ঢুকিয়ে দিলেও তোরা বুঝবি না !

গায়ের ছেঁড়া কাঁধটা ভাল করে মাথা থেকে পা পর্য্যন্ত টেনে নিয়ে  
ধুমুবার জন্তে পাশ ফিরে একজন কুলী ঠাট্টা করে বলে ওঠে, তা'হলে  
বাবা, আজ নয়, কাল সকাল থেকে তোর কাছ থেকে পড়া নেবো !

ঠাট্টা মুন্নকে ডেকে মোহন বলে, তুই একটু বোস্, আমি আনাছ  
একুনি !

বলেই মোহন উঠে পড়ে। সেখানকার আবহাওয়া মুন্নর ভাল  
লাগে না।

যে কুলীটা কাঁধা মুড়ি দিয়ে শুয়ে পড়েছিল, সে পাশ ফিরে আবার  
বলে ওঠে, অঁচ্ছা, মোহন ওস্তাদ, তুই বল তো...

মুখ খুলে বখন দেখে মোহন সেখানে নেই, সে আর কথা শেষ করে না।

—চলে গেছে তো! আচ্ছাই পাগলা! কি যে করে, কিছু বুঝে উঠতে পারি না! বলে বিলেত গিয়েছিল...বিদ্বান...তবে আমাদের সঙ্গে মিশে রিকসা টানে কেন?

সে-কথার উত্তর একজন বুড়ো কুলী দেয়, মস্ত বড় ঘরের ছেলে... পয়লা জীবনে খুব উড়িয়েছে...তাই এখন তার প্রায়শ্চিন্তি করছে, বুঝি? ও আমায় একদিন বলেছিল, মানুষের সঙ্গে মিশতে ও-র আর ভাল লাগে না। তাই মানুষ থেকে তফাৎ থাকে! মানুষের মধ্যে কি করে সাজা মানুষ হওয়া যায়, ও তার ফিকিরে আছে!

মুন্সু অবাক হয়ে শোনে!

অজ্ঞাতে তার মুখ থেকে বেরিয়ে পড়ে, কি আশ্চর্য!

কাঁথা-মুড়ি-দেওয়া কুলীটা কাঁথাটা টেনে নিয়ে বলে, অদ্ভুত!

—অদ্ভুত বলেই আমাদের সঙ্গে আছে...নইলে এতক্ষণ তো থাকতো সরকারের জেলে। ও যে-সব কাজ করে, সেই সব কাজের কাজীদের ধরবার জন্তেই সরকারের গোয়েন্দারা চারদিকে ঘুরে বেড়ায়। এসব কথা ও তাদের বলেনি কোনদিন?

ভয়ে ও বিশ্বয়ে অফুট কণ্ঠস্বরে তারা জানায়, না!

—তাহলে নিশ্চয়ই বলবে একদিন—

এমন সময় একটা প্যাকেট হাতে করে মোহন ফিরে আসে।

প্যাকেটটা মুন্সুর হাতে দিয়ে বলে, এই ফল গুলো খাবি। এখানে তোকে খেতে দেবার মত কিছু নেই। বাজারেও যে আছে তা নয়। আমাদের জন্তে বাজারে যে-সব খাবার বিক্রী হয়, সেগুলো খাবার নয়, বিব। রোজ কিছু কিছু ফল খাবি...আর অন্তত আধ সের দুধ।

ভীষণ রোগা হয়ে গিয়েছিল...এখন ওঠ...বৃষ্টি থেমেছে...এই বাবু বাড়ী  
পালা...সকাল সকাল গুয়ে পড়বি...

মুন্সু প্রতিবাদ করতে পারে না। ফলের প্যাকেটটা নিয়ে 'জন্ম দেব'  
বলে উঠে পড়ে। পথ চলতে চলতে তার মনে ঘুরতে থাকে, এইমাত্র  
মোহন সঙ্কে যে-সব কথা সে শুনে এসেছে। তার মনে চলে যায়,  
বসেতে, সেই কারখানার ধর্মঘটের দিন, মাঠে সেই তিন জন সাহেব  
যেদিন বক্তৃতা দিয়েছিল। মোহনও কি সেই সাহেবদের দলে?  
মোহনের কথা ভাবতে ভাবতে এক অপূর্ণ স্নিগ্ধ উত্তাপ, শীতের দিনে  
উষ্ণ আবরণের মত, তাকে আবৃত করে ফেলে।

এদিকে মেমসাহেবের বড়লাটের নাচে বাবার সময় হয়ে এলো।  
সেদিন সকাল থেকে মেমসাহেবের উৎসাহের উত্তেজনা মুন্সুকেও  
চঞ্চল করে তুলে।

সাজসজ্জা সেরে মেমসাহেব উত্তেজনার বশে মুন্সুর সামনে বাড়িয়ে  
এক পাল হেসে জিজ্ঞাসা করে, কেমন দেখাচ্ছে বলতো?

মুন্সু নিজেকে মহা-সৌভাগ্যবান মনে করে।

উৎসাহিত হয়ে বলে ওঠে, চমৎকার, মেমসাহেব। অপূর্ণ!

আজ পূর্ণ-উত্তমে সে রিক্সা টানে। মেমসাহেবকে নামিয়ে দিয়ে  
ঠাণ্ডে গিয়ে দেখে, ঘামে গায়ের জামা ভিজ গিয়েছে।

যেখানে তারা বিশ্রামের জন্তে অপেক্ষা করছিল, সেখান থেকে  
উৎসব-মঞ্জিলের দরজা দেখা যায়। মুন্সু বিস্ময়ে দেখে, বিচিত্র বেশে  
একে একে অভ্যাগতরা আসছে। কারুর কারুর সঙ্গে সুন্দর লাল  
ভেলভেটের পোষাকে ছোট ছোট ছেলে। মুন্সু দীর্ঘশ্বাস ফেলে।

দূর থেকে ভেসে আসে, বাণেশ্বর বাজনা, গড্-সেভ্-দি কিঙ্ক!

একজন কুলী সগর্বে বলে ওঠে, আমার সাহেব যে পোষাক পরে এসেছে, তার দাম জানিস্ কত ? হু হাজার টাকা !

মুনুরও গর্বে করবার আছে। সে বলে, আমার মেমসাহেব কে ক্রকটা পরে এসেছে, তারি দাম তিনশো টাকা !

মোহন চুপটা করে এতক্ষণ বসেছিল। এবার সে বলে উঠলো, তার ওপর একটা টিকিট জোগাড় করতে....

মোহনকে শেব করতে না দিয়ে প্রথম কুলিটা বলে ওঠে, তোর এসব ভাল লাগে না, না ?

মোহন বলে, ওদের দেখে-শুনে ভাল লাগবার কিছুই পাই না। আদি ভেবেই পাই না, যারা পরস্পর পরস্পরের মুখ দেখতে চায় না, তারাই আবার শুধু একদিন একবেলা শুধু একটুখানি মুখোমুখি হবার জন্তে কি করে এত টাকা খরচ করে ! আমাদের চেয়েও ওদের মধ্যে জাতিভেদের বেড়া টের কড়া করে বাঁধা। যে মেম-সাহেবের স্বামী মাসে বারো শো টাকা মাইনে পায়, সে কখনো নিজে যাবে না পাঁচশো টাকা-মাইনের স্বামী-ওয়ালা মেমসাহেবের দরজায় ! আবার যার স্বামীর মাইনে পাঁচশো টাকা, সে ঘেন্নায় কথা বলতে চাইবে না অল্প স্ত্রীলোকের সঙ্গে যার স্বামীর মাইনে হয়তো ছশো টাকা। বড়লোকদের সমাজে ভালবাসা, বা প্রীতির কোন জায়গা নেই ! তারা সত্যি সত্যি কারুর সঙ্গে প্রাণ খুলে মিশতে চায় না। এই যে দেখছো বছরে বছরে নাচের উৎসব বড়লাটকে করতে হয়, এ শুধু আংরেজ সরকারের ঐর্ষ্য আর প্রতিপত্তি দেখাণার জন্তে। স্বামীদের প্রাণপণ পরিশ্রম খরচ করিয়ে মেয়েরা যে-সব পোষাক দেহের সঙ্গে এঁটে পরে আসে, তার জ্বালায় তারা ঘেমে নেয়ে ওঠে। আঁট ট্রাউসারে আড়ষ্ট হয়ে পুরুষরাও পর-স্ত্রীর সঙ্গে যখন রম্যলাপ করে বেড়ায় তখন পোষাকের পেছনেই সারাটা মন পড়ে থাকে। তারপর ঘণ্টা খানেকের উৎসব শেষ হয় গেলে ডেভিকোর হোটলে চায়ের

টেবিলে গর্ভভরে তারা গল্প করে, ওঃ, কি অপূর্ব সাজ-সজ্জা...তখন তুমি, আমি রাম শ্রাম যত্ন পেটে কিল মেয়ে মাটি আঁকড়ে পড়ে থাকি...

প্রথম কুলিটা প্রতিবাদ করে ওঠে, এ সব কথা বললেই হলো? সাহেবদের জীবনের কথা তুমি জানবি কি করে রে?

—জানবো কি করে? শোন...একটা ব্যাপার বলি। আমার সঙ্গে এক মেমসাহেবের বেয়ারার আলাপ ছিল। মেমসাহেবের স্বামী সরকারের ফৌজে মস্ত বড় কর্ণেল ছিল...থাকতো জাহ্নু হিলে। মেমসাহেবটা দেখতে ছিল খুব সুন্দর, বয়স পঁচিশের কাছাকাছি... কর্ণেলের বয়স তখন পন্চান্নো—দেখতে যেমন কদাকার, তেমনি বিশাল...হাঁড়ির মতন একটা মুখ, দেখলেই ভয় করে। শুধু সমাজে মান-সন্ত্রম পাষে বলে মেমটা কর্ণেলকে বিয়ে করেছিল। বহুবাব গোলাম, যে-বেয়ারাটার কথা বলছি, সে দেখেছে, কর্ণেল সাহেব যখন তার বিরাট বপু নিয়ে মেমসাহেবকে আদর করতে গিয়েছে, মেমসাহেব তখন মুখ ব্যাজার করে মুখ ঘুরিয়ে নিয়ে কাঠ হয়ে দাঁড়িয়ে আছে।

....সকাল বেলা কর্ণেল অফিসে বেরিয়ে গেলেই মেমসাহেব মদ খেতে শুরু করতো। তারপর মাতাল অবস্থায়, গোলাম যেখানে দাঁড়িয়ে কাজ করতো, সেখানে এসে একদৃষ্টিতে তাকে দেখতো...গোলামের রীতিমত অসোয়াস্তি হতো, কারণ মেমসাহেবের গায়ে একটা আলগা পাতলা ড্রেসিং গ্লাউন ছাড়া আর কিছুই থাকতো না। কোন কোন দিন গোলামকে বিপজ্জনক সব প্রশ্ন করতো, বিয়ে হয়েছে কি না... মেমসাহেবদের তার কি রকম লাগে...এই সব...

....তার উত্তরে একদিন সে বলেছিল, তাদের গায়ে একটা মেয়েকে সে ভালবাসে কিন্তু তার মা-বাপ সেই মেয়েটির সঙ্গে তার বিয়ে দিতে চায় না। তবে একদিন সে নিজে যখন নিজের পায়ে দাঁড়াতে পারবে, গায়ে ফিরে গিয়ে সেই মেয়েটাকেই সে বিয়ে করবে।

...একদিন গোল-কামরার ভেতরে গোলাম কাজ করছে...এমন সময় মাতাল অবস্থায় মেমসাহেব সেখানে ঢুকে পড়েই গোলামকে প্রায় জড়িয়ে ধরে। বলে, তুই যে মেয়েটাকে ভালবাসিস, তার চেয়ে আমি হাজার গুণ ভাল! চেয়ে দেখ, আমার গায়ের রঙ...আমার স্বামী একজন কর্ণেল...যৌবনে আমিও একজন কবিকে ভালবাসতাম... তবে তার সঙ্গে বিয়ে হলো না...সে গরীব...কিন্তু তোকে আমি চাই।

...গোলাম জোর করে মেমসাহেবের হাত থেকে নিজেকে মুক্ত করে বলে ওঠে, হজুর, আমি জানতে চাই না, আপনি কর্ণেলের বউ কি, কার বউ...কবিকে ভালবাসতেন কি অন্য কাউকে ভালবাসতেন!...তবে আমি আপনাকে ভালবাসি না!

গোলাম বুঝেছিল, মেমসাহেবের কাছে ধরা না দিলে, মেমসাহেব নিশ্চয়ই একটা মিথ্যে বদনাম দিয়ে তাকে পুলিশে ধরিয়ে দেবে। তাই গোলাম তক্ষুনি সেখান থেকে পালিয়ে আসে। মেমসাহেব তার পেছনে ছুটে ছুটে বলে, হামকো ছোড়্‌কর মত্‌ যাও...মত্‌ বাও গোলাম...

...সেইদিন থেকে গোলাম বুঝেছিল, ওদের বাইরের চটকের আড়ালে ভেতরে-ভেতরে ওরা কত অসুখী। আমিও সারা য়ুরোপ ঘুরে বেড়িয়েছি—সেখানে দেখেছি, বড় লোকের জীবনে কিছু নেই...তারা শুধু চায় একটার পর একটা উত্তেজনা...উত্তেজনার ফেনায় ভেসে ভেসে তারা বেঁচে থাকে।

মোহনের কথা শুনে প্রথম কুলিটা এতক্ষণে যেন বুঝতে পারে। বলে, সত্যি, ওদের এই নাচের মানেও বুঝতে পারি না! আরে, খালি একটা আউরাংকে ঠেলে ঠেলে এখানে ওখানে নিয়ে ঘুরে বেড়াও... আরে বাবা, একি নাচ?

মোহন বলে, এই নাচ, এ হলো ওদের ভালবাসা-বাসি খেলা...তবে এখন আর ভালবাসা নেই...দাঁছে শুধু খেলা। ভালবাসার মধ্যে আছে



শুধু পরস্পরের গা ঘসাঘসি করে শরীরকে একটু গরম করে নেওয়া...  
 বায় ফলে বিছানায় গিয়েই ঝাঁপিয়ে পড়তে পারে ! আমরা হলাম নোংরা  
 ময়লা লোক...আমাদের বিছানায় স্ত্রীর সঙ্গে শুতে গেলে, একঘণ্টা ধরে  
 পরের বউ এর সঙ্গে গা গরম করে নিতে হয় না। এই সব কর্ণেল,  
 জেনারেল, বাজা-মহাবাজাদের চেয়ে আমরা ঢের ভাল, ঢের বড় !  
 তবুও আমরাই ওদের রিকসা টেনে বেড়াই !

অল্প আর একজন কুলী বলে ওঠে, কিন্তু তুইও তো ওদের রিকসা  
 টানিস্ ?

—হ্যা, ইচ্ছে করেই টানি ! নইলে তোদের সঙ্গে মেশবার সুযোগ  
 পেতাম কি করে ?

হঠাৎ বাগানের ভিতর সকলের দৃষ্টি আকর্ষণ কারয়ে মুন্ন বলে  
 ওঠে, দেখ, দেখ, কেমন জোড়ায় জোড়ায় ঘুরে বাড়াচ্ছে !

মোহন বলে ওঠে, বেশী দেখো না...বা দেখতে চাও না, এমন  
 অনেককিছু দেখতে পাবে হয়ত তাহলে !

মুন্ন উদাসভাবে বলে ওঠে, তাতে আর আমার কি ! আমি তো  
 চাকর ! মেমসাহেব বা খুসী তাই করুক না কেন ?

ক্লাস্তিতে মুন্ন হাই তোলে ।

মোহন তার নিজের গা থেকে ছাদরটা খুলে মুন্নর গায়ে জড়িয়ে  
 দেয়—তোমার অবস্থা ভাল বোধ হচ্ছে না...তোমার এখন শুয়ে থাকি উচিত !

—না, না, আমি ঠিক আছি ! বলে মুন্ন নিজেকে ঠিক করে  
 নেয় কিন্তু হঠাৎ গলাটা খুস খুস করে ওঠায় কাসতে শুরু করে। কাসতে  
 কাসতে হঠাৎ এক মুখ শোঁনা রক্ত খুঁহুর সঙ্গে বেরিয়ে আসে ।

মোহন চীৎকার করে উঠলো, আমি কতদিন থেকে বলছি...  
 শাবধান করছি...ছি...ছি...এই কি প্রথম, উঠলো ?

মুন্ন শুধু ঘাড় নেড়ে জানায়, নাগি

—কেন মেমসাহেবকে বলিস্নি যে তুই আর রিকসা টানতে পারবি না, তোর মুখ দিয়ে রক্ত উঠছে ?

মুন্ন চুপ করে থাকে। দেখতে দেখতে কুলীদের মধ্যে লশঙ্ক উৎকর্ষা জেগে ওঠে।

বড়লাটের প্রাণীদের দরজার লশঙ্ক গার্ড সেই গোলমাল শুনে লজাগ হয়ে ওঠে! হাঁকে, হ গোন্স্ দেয়ার ? একজন কুলী জবাব দেয়, হঠাৎ একটা ছেলের অসুখ হয়েছে সরকার।

গার্ড হুকুম দেয়, আইডিকং আসবার আগে, এখান থেকে তাকে সরিয়ে ফেল।

মোহন মুন্নকে নিজের কাঁধে তুলে নেয়।

....আমরা হুজনে চলে গেলাম....এখন নীচে নামতে হবে, আমাদের আর তেমন দরকার নেই। তোরাই পারবি!

মিগেস্ মেনওয়ারিং উৎসব-শেষে রিকসাতে এসে মুন্নর খবর শুনে বিশেষ হুঃখিত হলেন। বল নাচে তিনি যা আশা করে এসেছিলেন, তা হয় নি। লোকের গা ঘেঁসে উঁচুতে ওঠার ব্যাপারে মহাবিশ্ব ঘটায় ভারতীয় দল....তারা তাকে একরকম কোণ ঠাসা করে রাখে। মাত্র একজন ইংরেজ অখারোহী অফিসার তার সঙ্গে নেচেছিল। ভেবেছিলেন ফেরবার মুখে মেজরকে সঙ্গে ক'রে নিয়ে আসবেন। ত্রাণ্ডির বোতলে ডুব উৎসবের ব্যর্থতার শোক ভুগবেন। কিন্তু মুন্নর খবর শুনে তাঁর আর কিছুই ভাল লাগলো না।

মেজর এসে মুন্নকে পরীক্ষা ক'রে যখন জানিয়ে গেলেন যে অবস্থা শোচনীয়, মিগেস্ মেনওয়ারিং কেঁদে ফেলেন।

হেলথ অফিসারের আদেশ ক্রমে মুন্নকে ছোট সিমলার হাসপাতালে আলাদা ক'রে রাখা হলো। পাশাপাশি তিনটে ছোট কঁড়ে ঘরে, তখন আর হুঁজন কুলিও ঘোঁষানে চিকিৎসার জন্তে মজুত ছিল।

মোহন এসে তাকে দেখে শুনে যেতো।

সেখানে এসে আর একবার তার রক্ত উঠেছিল। কিন্তু তা ছাড়া আর কোন কষ্ট তার ছিল না। তবে এত দুর্বল বোধ হতো যে উঠতে হাঁটতে পারতো না। সারাদিন বারাণসী একটা কাঁথা মুড়ি দিয়ে চুপটা করে শুয়ে থাকতো।

প্রথম প্রথম মিসেস মেনওয়ারিঙ ফল ও ফুল নিয়ে তার সঙ্গে দেখা করতে আসতেন। তার পাশে বসে, তার গায়ে মাথায় হাত বুলিয়ে দিতেন। নানা রকম স্তোকবাক্যে তাকে উৎসাহিত করে তোলবার চেষ্টা করতেন, শিগ্গার ভাল হচ্ছে উঠবে... অস্থখ এমন কিছু নয়... শরীরটা শুধু একটু দুর্বল হয়ে পড়েছে... ইত্যাদি

কিন্তু মনে মনে তিনি অনুভব করতেন, হয়ত, তাঁরই অমনোযোগিতার ফলে বেচারা অস্থখ হয়ে পড়েছে... তাই যতদূর সম্ভব সদয় ব্যবহারে! তিনি তাঁর ক্রেটা শোধবার চেষ্টা করতেন। কিন্তু সদয় হওয়ার পথেও প্রতিবন্ধক ঘটলো!

মেজর সাহেব স্পষ্ট বারণ করে দিলেন যে, এ-ভাবে রোগীর কাছে যাওয়া-আসা করা চলবে না... যদি তা সত্ত্বেও তিনি যান তা হলে বাধ্য হয়ে তাঁকেও আলাদা বাস করতে হবে... ছোঁয়াছে রোগ সশব্দে আইন মানতে সবাই বাধ্য!

মিসেস মেনওয়ারিঙ চেষ্টা করে মূর্খ কথার মন থেকে মুছে ফেলেন... তাঁর মনের বেদনা নীরবে মনেই থেকে যায়।

মূর্খ ইদানীং মেজর সাহেবের সঙ্গে মিসেস মেনওয়ারিঙ-এর ঘনিষ্ঠতায় মনে মনে ক্ষুব্ধ হতো। যখন তার মুখ দিয়ে রক্ত পড়তে লাগলো, বুঝলো মৃত্যু তাকে ডাক দিয়েছে, তার সব আক্রোশ গিয়ে পড়লো মিসেস মেনওয়ারিঙের ওপর। মনে মনে তাঁকে ঘৃণাও করতে লাগলো। কিন্তু এখন রোগশয্যার সত্বলের থেকে বিচ্ছিন্ন হয়ে, জীবন ও মৃত্যুর সংশয়ের

দোলায়, তার মনে হঠাৎ কি যেন ঘটে গেলো। সে যে একদিন মিসেস মেনওয়ারিঙকে ফুগা করেছে, সে ধারণা টুকু তাকে পীড়া দিতে লাগলো। আজ সে চায় সকলকে ভালবাসতে, সকলকে ভাল দেখতে, সকলের কাছে ভাল হতে। একদিন যখন দেহ সুস্থ, সবল ও সক্ষম ছিল, তখন তার তেজে থাকে সে ছোট দেখেছে, আঘাত করতে চেয়েছে বা করেছে, আজ স্তিমিত-তেজ দেহের ম্লান শক্তিতে তাদের সকলের কাছে আপনা থেকে তার মাথা নত হয়ে পড়লো...সকলকেই সে আজ সমান ভাবে স্বীকার করে নিতে চায়।

এক অপূর্ব সিন্ধু কোমলতায় তার মন আজ আচ্ছন্ন হয়ে গিয়েছে। বাইরে থেকে মুখ শুকিয়ে আসছে, চোখ যেন ক্রমশ কোটরের ভেতর ঢুকে যাচ্ছে...দৃষ্টি ক্রমশই ক্ষীণ হয়ে আসছে। সেই ক্ষীণ দৃষ্টি দিয়ে দূরের পাহাড়ের দিকে শুধু চেয়ে থাকে...নিঃশব্দে অনুভব করে একটু একটু করে যেন বাত্মিতে তেল কমে আসছে...শিখার আলো তাই ক্রমশ ম্লানত্তর হয়ে যাচ্ছে।

আর একবার খুব বেশী রক্তপাত হলো। সে ভীত হয়ে উঠলো কিন্তু ভোর বেলা সূর্য্য ওঠার সঙ্গে সঙ্গে সে দেখলো, নিখাস নিতে আর স্তমেন কষ্ট হচ্ছে না।

সে নিশ্চয়ই ভাল হয়ে উঠবে। ক্রমশ তার নিখাস আরো সরল ভাবে পড়তে লাগলো। তার বন্ধমূল ধারণা হলো সে সেরে উঠছে।

মনে মনে সে ভবিষ্যৎ জীবনের নানা চিত্র আঁকতে থাকে। বধে থেকে রতন তার চিঠির উত্তর দিয়েছে। সেখানকার ট্রেড যুনিয়ানের জন্তে তার একটা চাকরী হতে পারে। চাকরী করার সঙ্গে সঙ্গে সে সেই সব নিষ্কর মহাজন আর নিষ্কর পাণ্ডার বিক্রমে লড়বে। ক্রমশ শীত কেটে

বাওয়ার সঙ্গে সঙ্গে মশা আর মাছির উৎপাতও কমে এলো...তার শরীরও যেন একটু একটু করে দৃবল হয়ে উঠছে। হয়ত শিগ্গীর সে উঠে দাঁড়াতে পারবে...বসে বাবার'জঙ্গে তৈরী হতে হবে!

হঠাৎ এই সময় আর একদিন আবার হলো রক্তপাত, সে ভেঙ্গে পড়লো...বুঝি আর সে সেরে উঠবে না। একটু কাসি হলেই সে ভীত হয়ে পড়ে, প্রাণপণ চেষ্টা করে যাতে কাসি না আসে।

মোহন তেমনি আশা-বাওয়া করে। তার শয্যার পাশে বসে, তার স্পায় হাত বুলিয়ে দেয়। সেইটুকু সময় আবার যেন আশা জেগে ওঠে।

মাঝখানে কয়েকদিন এলো বর্ষা। চারদিক ভিজ্জে, অন্ধকার। সে ভিজ্জে অন্ধকারে মন শুধু চলে যায় নিজের ভেতরে। টুকরো স্মৃতির ছবি...এলোমেলো।

যেমন হঠাৎ এসেছিল, তেমনি হঠাৎ আবার বর্ষা চলে গেল সূর্যালোকে হেসে উঠলো পাহাড়।

মুন্নর শরীরও যেন সে-ক'দিনে অনেকখানি সেরে উঠলো। আশ্বস্ত হয়ে সে ভাবে, তাহলে, সত্যি সত্যি মরছি না...ভাল হয়ে উঠবো তাহলে!

এমন সময় আবার এলো বর্ষা! সঙ্গে সঙ্গে নিয়ে এলো ভিজ্জে বাতাসে মৃত্যুর আশঙ্কা।

মান অবসন্ন দেহে, নিশ্চিন্ত উদাস দৃষ্টিতে মোহনের মুখের দিকে চেয়ে থাকে...অসহায় ভাবে তার কোল ঘেঁসে গিয়ে শোয়...যেন গুর স্পর্শে আছে মৃতসঞ্জিবনী ঔষধ।

মোহন আশ্বাস দেয়, ভয় কি ভাই মুন্নর...তুই তো জীক নোস! আমরা সবাই লড়নেওয়ারা।

মুন্নর জোর ক'রে মোহনের হাত জঁচড়ে ধরে...যেন তার দেহ ভেদ ক'রে তার শিরায় প্রবহমান উষ্ণ রক্তের ধারার স্পর্শ সে পেতে চায়

...দূর সমুদ্রে অশ্রুস্রবান তরঙ্গ-ধারার দিকে ব্যাকুল আগ্রহে সে হাত  
বাঁচায়...

তারপর একদিন, খেতাবগুণ্ডাণ আবৃত এক মায়ারাজির শেবে,  
প্রবাসের প্রথম আলোকে সে হুক করলো তার শেষ-বাক্য।...

জীবনের ক্লাস্ত তরঙ্গ কণকালের জন্তে তটভূমিতে আহুড়ে পড়ে,  
ফলে গেল আবার মহাসমুদ্রের অতল নীলে।

ব্রজেন্দ্র কোষার, ডব্লু. সি.

সেপ্টেম্বর-১৯০৫

বিশ্ব সাহিত্যের আর একটি  
শ্রেষ্ঠ উপন্যাস

বাংলা ভাষায় প্রকাশিত হয়েছে

## গুড্‌ আর্থ

রচনা : পল বাক

অনুবাদ : পুষ্পময়ী বসু

এই উপন্যাস লিখে পল বাক  
নোবেল প্রাইজ, হাওয়ার্ডস্  
মেডেল, পুলিটজার প্রাইজ প্রভৃতি  
পান। এই উপন্যাস সবাক  
চিত্রে রূপান্তরিত হয়েছে এবং  
পৃথিবীর সব শ্রেষ্ঠ ভাষায়  
প্রকাশিত হয়েছে।

দাম পাঁচ টাকা

ব্যা ডি ক্যা ল বুক স্টোর  
কলিকাতা

